






श्रीमद्भागवते भाषासरसकाव्यनिधौ

तृतीय खण्ड

जिसमें

मृदुभाव सहित

सप्तम, अष्टम, नवम स्कंध

की कथा वर्णित है

रचयिता

श्री पं० माधवराम "व्यास"

प्रकाशक

आयुर्वेदाचार्य पं० रामचन्द्र अवस्थी वैद्यशास्त्री

धर्म शा० आ०

श्रीरामकृष्ण औषधालय, तथा विद्यालय

इटावाबाजार, कानपुर ।

प्रथमावृत्ति
१००० प्रति

सं० १९८४ वि०

मूल्य
प्रति पु० २)

विश्वम्भरनाथ टन्डन के प्रबन्ध से ईस्टर्न प्रेस कानपुर में मुद्रित



[Faint, mostly illegible handwritten text in Devanagari script, likely bleed-through from the reverse side of the page.]

ॐ श्रीगणेशायनमः ॥



अथ सप्तम स्कंध सूचीपत्र

अध्याय	विषय	प्रष्ठाङ्क
१	भक्तचरित	१
२	हिरण्य कश्यप का माता का समझाना	४
३	हिरण्य कश्यप का तप ब्रह्मा का वरदान	८
४	वरदान पाय लोकपति जीतना	११
५	गुरु शिक्षा त्याग दी हरि स्तुती ग्रहण की	१५
६	प्रह्लाद का बालकों को शिक्षा देना	१६
७	गर्भ में नारद मुनि से शिक्षा पाई	२२
८	नरसिंह जी के हाथ से हिरण्य कश्यप बंध	२६
९	प्रह्लाद की विनय से नृसिंह जी का कोप शांति	३१
१०	प्रह्लाद पर नृसिंह जी दया कर गद्दी देना	३७
११	कर्म पंचाध्यायी प्रारंभ वर्णधर्म कहे	४३
१२	ब्रह्मचर्य आदि चारो आश्रम के धर्म वर्णन	४५
१३	यती धर्म सिद्धावस्था प्रह्लाद अजगर मुनि संवाद	४८
१४	परम धर्म तथा गृहस्थ में मुक्ति प्राप्त उपाय	५१
१५	वर्णाश्रम धर्म का सारांश मुक्ति साधन	५४

अथ अष्टम स्कंध का सूचीपत्र

१	चार मनुत्रों की संक्षेप से।कथा	६१
२	गजराज की जल क्रीड़ा ग्राह प्रसन	६३

(२)

अध्याय	विषय	प्रपाङ्क
३	गजस्तुति मुनि गोविन्द गजरक्षा वर्णन	६६
४	ग्राह इन्द्र गंधर्व गज हरिपार्षद भया	६६
५	रैवत चाक्षुष मनु की कथा	७१
६	अमृत मथन हेतु सुरस्तुति हरि दर्शन	७६
७	रुद्र विषपान	७६
८	लक्ष्मी स्वयंवर मोहनी जी का प्रगट होना	८३
९	देवतों को अमृतपान मोहिनी अन्तर ध्यान	८६
१०	देवासुर संग्राम सुर हारे देखि भगवान प्रगटे	८६
११	नारदजी के समभाये युद्ध बंद व शुकजी का वायलदैत्य जिताना	८२
१२	शिवमोह मोहनी दर्शन से मुनियों का उपदेश	८६
१३	होनेवाले सात मनु की कथा वर्णन	१००
१४	मनु इन्द्र सप्तऋषियों का पृथक् २ कर्म कथन	१०३
१५	बलि यज्ञ करि स्वर्ग विजय किया	१०४
१६	अदिती जी को कश्यप जी का पयोव्रत वर्णन	१०७
१७	अदिती जी का पयोव्रत करना हरि वरदान	१११
१८	बामन अवतार लै हरि बलिनृप को यज्ञ में गये	११४
१९	तीन पग मांगना बलि जी का देना गुरुजी का रोकना	११६
२०	भूँड से डरकर विष्णु जानिकै मही दी	१२०
२१	पहू पूर्ति नभई बलि कोबांधा प्रश्नोत्तर	१२३
२२	भगवान प्रसन्न हो बलि के द्वारपालक भये	१२६
२३	प्रह्लाद सहित सुतल भेज सुखी किया	१३०
२४	मत्स्यावतार कथा	१३३

अथ नवम स्कंध सूचीपत्र।

१	सूर्यवंश से चंद्र वंश तथा इलासुधुम्न नृप भये	१३८
२	आददेवमनु के दश पुत्र दो विरागी पांच का वंश वर्णन	१४१
३	शर्याति सुकन्या ज्यवन संवाद	१४४

(३)

अध्याय	विषय	प्रष्ठाङ्क
४	नभग के पुत्र अंबरीषदुर्वासा की कथा	१४७
५	नृपकी चक्रस्तुति दुर्वासा रक्षा	१५४
६	शशादि मांधाता वंश वर्णन सौमरि कथा	१५६
७	हरिश्चंद्र कथा	१६०
८	रोहित सगर नृप के साठहजार पुत्र मरण	१६४
९	मगीरथ गंगा लाये	१६७
१०	श्री रामचरित्र रावणवधादि	१७२
११	श्री राम राजगद्दी प्रजा पालनधर्म	१७७
१२	श्रीरामजी के पुत्र कुश तिनके अतिथि आदि	१८०
१३	निमि वंशमें जनक उत्पत्ति तथा वंश कथन	१८३
१४	चंद्र से बुध तिन से पुरुरवादि चंद्रवंशीराजा	१८५
१५	चंद्र वंश में गाधि के विश्वामित्र वंश कथा	१८६
१६	सहस्रार्जुन का परशुरामजी से बंध	१८३
१७	पुरुरवा के जेष्ठ पुत्र आयू आदि का वर्णन	१८६
१८	आयु के नहुष तिनके ययाति की कथा	१८८
१९	ययाति देवयानो उपदेश मुक्ति उपाय	२०३
२०	पुरुवंश दुष्यंत भरत की कथा	२०५
२१	रंतिदेव अजमीढ़ कथा	०६२
२२	दिवोदास वंश तथा ऋत्नादि वंश कथन	२१३
२३	अनुद्रुह्यतुर्वंस यदुवंश वर्णन	२१७
२४	यदुवंश में वसुदेवजी से श्री राम कृष्णवतारकथा	२२१

इति सूचीपत्र समाप्त

श्रीरामाय



नमः



फतेहपुर निवासी श्रीमान् लाला वेणीरामजी के पौत्र श्रीमान् लाला
मुखरामजी के पुत्र श्रीमान् लाला मंगराजजी की धर्मपत्नी
श्री भिहानी नगर निवासी अग्रवाल वंशोत्पन्न
श्रीमान् लाला वेगराजजी के पुत्र श्रीमान् लाला हरद्वारीमलजीकी कन्या
श्रीमान् लाला वद्रीदासजी की वहन

श्रीमती पन्नीबाई

ने

श्रीरामचन्द्रजी के पदकमल में पूर्ण प्रीति हेतु

सप्तम स्कन्ध तथा उपाङ्ग बांटने में धन से सहायता दी
श्रीमतीजी के भाई लाला वद्रीदासजी संत-द्विज-सेवी तथा उदार प्रकृति हैं।

श्रीआनन्देश्वरजी के मन्दिर में संगमरमर का फर्श, धर्मशाला,
विचित्र घाट आप के यश को बढ़ा रहे हैं।

घाट पर भजन करनेवालों की आप के द्वारा अन्नसेवा होती है।

आपही की उत्तेजना से श्रीमतीजी ने सहायता प्रदान की है।

* श्रीगणेशायनमः *



श्रीमद्भागवते भाषां सरस काव्य निधौ ।

सप्तम् स्कन्धे प्रथमोऽध्यायः ॥

श्लो०—तत्रतु प्रथमेऽध्याये हिरण्यकशिपोः सुते ।

विष्णु भक्ते विरोधस्तु विप्रशापज्ञ ईर्यते ॥१॥

दो०—भक्त पक्ष कर असुर हनि, नृसिंह पद शिरनाय ।

पहिले में वर्णन करें, भक्त चरित हरषाय ॥

रा०उ०—जीवों के सम प्रिय सुहृद् हरी, किमिन्द्र हेत दैत्यन मारै ॥१॥

नहिं हरि की प्रीति देवतों से, दैत्यों से नाहिं बैर धारै ॥२॥

कल्याण रूप निर्गुण हरि हैं, गुण धारे केवल माया से ।

संदेह असुर क्यों हरि मारै, सब दूर करो मुनि दाया से ॥३॥

श्रीगु०उ०—अच्छा पूंछा हरि चरितभूष, हरि महात्म मुनि भक्ती आवै ४

मुनि नारदादि हरिगुण गावैं, कहते हम हरि पद शिरनावैं ॥५॥

निर्गुण अज मायापर तिनमें, माया से यह सब देखिपरै ॥६॥

माया के गुण सतरज तम हैं, नहिं हरि में घटबढ़ कबहुं धरै ॥७॥

दो०—सतगुण बड़े देवमुनि, रजसे असुर प्रधान ।

यक्षराक्षस तमहि से, होत सदा बलवान ॥८॥

छं०—वह आदि ज्योति सबथल प्रकाश, तनमें हैं लख आवत नाहीं ।

आत्मा को आत्म में मथन किये, ज्ञानी जन ही पावत नाहीं ॥९॥

[२] * श्रीमद्भागवते भाषासरसकाव्यनिधौ *

हरि सृष्टि रचै की इच्छा धरि, अपने में रजो गुण धारत हैं ।
पालन हित सत्वगुनहु धारै, अपने तन धरि औतारत हैं ॥१०॥
गति कालसे विधि है सृष्टि करै, ह हरि मालिक बनि प्रति पालै ।
सुर प्रिय असुरहु जैतमोयुक्त, धरिरूप अनेकन प्रभु घालै ॥११॥
पूँछा नृप धर्म युधिष्ठिर जब, नारद ने उन्हें सुनाया है ।
शिशुपाल की ज्योती हरितनमिल, लखकेनृप विस्मय पाया है ॥१२॥

दो०—राजसूय शुभ यज्ञमें, प्रश्न युधिष्ठिर कीन ॥ १३ ॥
सुनहिं सकल मुनि वृन्द तहं नारद उत्तर दीन ॥१४॥

छं०यु०—उ०नहिं भक्तलहैं यह अचरजहै, शिशुपाल कृष्णसे गतिपाई ॥१५॥
सब को जानैकी इच्छा है, करि निंदा बेन नरक जाई ॥ १६ ॥
शिशुपालने हरिको गालीदीं, दुर्बुद्ध दंत बक्रहु तैसे । १७ ।
नहिं जीभ गिरी नहिं नर्कगये, हरि ब्रह्म मिलगये यह कैने ॥१८॥
दुष्प्राप विष्णु तनमें प्रविशे, सबके देखत अचरज भारी । १९ ।
ज्यों दीर्घायु से हो चंचल, मनभ्रमैं देहु संशय ठारी ॥ २० ॥

शु०उ०—नारद सुनि बैन युधिष्ठिरके, ह प्रसन्न कहते कथा सुनो ।
कहने का मतलब ठीक ठीक, अपने हिय में बहुबार गुनो ॥ २१ ॥

ना०उ० दो०—निंदा स्तुति लखैको, हरि माया तन कीन ।
हे राजन अज्ञान से, दुख सुख मानुष लीन ॥२२॥

छं०—हिंसा कटु बचन कटै मुखसे, मैं मेरा धारि जीव मारै । २३ ।
इसमें वंधि मूढ जीव मारहिं, इंद्रीजित ज्ञानी समधारै ॥ २४ ॥
तिससे भय बैर काम प्रीती, जिस तिस विधि पद मन हरिमें लगै । २५ ।
नहिं भक्तिसे तैसी मति थिरहो, जस बैरसे भगवत माहिंपगै ॥ २६ ॥

डरिकै भृङ्गी होजाय कीट, त्यों क्रोध से विष्णु रूप पावै । २७।
 इस भाँति कृष्ण से बैर किये, शिशुपाल भाय दोउ तरिजावै ॥ २८ ॥
 भय काम बैर सनेह करिके, हरिमें मन धरि बहु जीव तरे । २९।
 शिशुपालादिक करि बैर, गोपिका काम कंस भयसे उबरे ॥ ३० ॥

दो०—ध्यान हीन नृप बेनथा, याते नरक सिधाव ।

चहिये कौनहु भाँति से, मन हरि पदहि लगाव ॥ ३१ ॥

छं०—मौसी के बेटा दंत वक्र शिशुपाल, युधिष्ठिर हैं तेरे ।
 हरि पार्षद आयै जन्म लिया, बैकुंठ से बिप्र शाप प्रेरे ॥ ३२ ॥

यु० उ०—किस भाँति जन्म हरि भक्तोंका, दिलमें श्रद्धानहिं आवै है । ३३
 तन हीन विष्णु पार्षद तनलैं, तुम विन मुनिको समझावै है ॥ ३४ ॥

ना० उ०—सनकादिक बिधिके पुत्र गये, बैकुंठ सदा सब थल बिचरै ३५
 हैं वृद्ध उमर पाँचही वर्ष, नंगे लखि पार्षद रोक करें ॥ ३६ ॥
 मुनि दिया शाप ह्यां से निकलो, रजतमो गुणी हरिपद न लहै ।
 आसुरी योनि राक्षस होवौ, हरि भक्त बने दिल क्रोध दहै ॥ ३७ ॥
 सुनि शाप दया हरि नै कीनी, लड़ि तीन जन्म लौं हरि पावै ॥ ३८ ॥
 हिरनाकश्यप औ हिरायाज्ञ, दिति दैत्य पुत्र दो उपजावै ॥ ३९ ॥

दो०—नृसिंह जी हिरनाकशिपु, मारा अद्भुत रूप ।

हिरायाज्ञ महि लावते, धरि बाराह सरूप ॥ ४० ॥

छं०—प्रह्लाद पुत्र के मारन हित, नाना प्रकार से दंड दिये । ४१।
 समदर्शी शांत विष्णु रक्षहिं, नहिं मारि सके खुद मृत्यु लिये ॥ ४२ ॥
 रावण औ कुंभकर्ण दोऊ, केशनीमातु से दुखदाई । ४३ ।

[४] * श्रीमद्भागवते भाषासरसकाव्यनिधौ *

मुनि मारकंड कहैं रामायण, तिनके गति दाता रघुराई ॥ ४४ ॥

सोई मौसीके पुत्र शापसे छुटि, हरि चक्रसे गति पाई । ४५ ।

करि बैर विष्णुमय मन करिके, पार्षद बनिगे हरि पुरजाई ॥ ४६ ॥

दो० यु० उ०—हरि जन सुत में वैर पितु, कीन कहैं समुझाय ।

प्रभुमय जसप्रह्लादभे, मुनिसब कहिये गाय । ४७ ।

भजन—हरी इक मनकी लगन निहार ।

वैर प्रीति कारण नहिं देखत, मनरुख लखैं बिचार ॥

करै दिखाव भक्ति बहुतेरी, समझत ताहिं बिगार ।

वैरहु करै रात दिन सुमरै, हिय में मारन धार ॥

लै अवतार तासु हित भगवत, मारि करैं उद्धार ।

माधवराम दयाल दया धरि, करैं निकामहि पार ॥

इति श्रीमद्भागवते भाषासरसकाव्यनिधौ सप्तमस्कंधे प्रथमोऽध्याय

॥ श्रीगणेशायनमः ॥

श्रीमद्भागवते भाषा सरस काव्यनिधौ सप्तम

स्कंधे द्वितीयोऽध्यायः ॥

श्लोक—द्वितीये विष्णुरोषेण लोकं विप्लाव्य दानवैः ।

तद्धतभातृपुत्रादीनितिहासै रसांतवयत् ॥१॥

दो०—विष्णु रोष करि असुर हनि, दानव दिये भगाय ।

समझावै सुत मातु वह, दूसर यह अर्थाय ॥

छं० ना० उ०—बाराहनेहिरण्याक्षमारा, तबहिरण्यकशिपुनेदुःखलिया ॥१॥

करिकोप होठ को चाभि, भयो दृगलाल गगन जो भस्म किया ॥२॥

भौ हैं टेढ़ी लखि जाय न मुख, लै त्रिशूल सबसे बचन कहै ॥३॥
 शतबाहु नमुचि हय ग्रीव पाक, सुनिलो तुमसे हम कहा चहै ॥४॥
 शकुनादिक बिप्राचित्तिसबहीं, सुनि बचन हिये धरि यत्नकरो ॥५॥
 भाई मरवाया देवों ने, हरि सम बशि करिकै विषम भरो ॥६॥
 माया बनचरहै स्वभाव तजि, भजतेको भजै थिरमति नाहीं ॥७॥
 हनि शूल मारि हरि रक्तहि से, करौं भाय तृप्त मैं रण माहीं ॥८॥

दो०—कपटी हरि मरि जाय जो, सब सुर होवैं नाश ।

मूल कटे तरु नाश हो, यह दृढ़ राखौ आश ॥६॥

छं०—विप्रन के तपबल दानयज्ञ, जल्दी जाकर सब नाशकरो ॥१०॥
 विष्णु की जड़ द्विज यज्ञ धर्म, सुर पितृ श्राद्ध मख भाग हरौ ॥११॥
 हो जहां विप्र गौ वेद क्रिया, वर्णाश्रम धर्म देश जारौ ॥१२॥
 स्वामीकी आज्ञा शीशधारि, करि लिया प्रजा बध निरि धारौ ॥१३॥
 पुर ग्राम खेर खर्वट गिरि बन, उप बन घर खेत जलाते हैं ॥१४॥
 गोपुर पुल खोदि जीविका हरि, कोई पादप कट वाते हैं ॥१५॥
 यों किया उपद्रव दैत्य वृंद, सुर भगे छिपे पृथ्वी तलमें ॥१६॥
 भाईकी क्रियाकरि हिरणाकशिपु, घरमें समभावै हलचलमें ॥१७॥

दो०—शकुनी शम्बर घृष्ट वृक, काल नाभ संताप ।

महा नाभ उत्कच सबहिं, धीरज देव आप ॥१८॥

छं०—है रुषा भानु तिनि की माता, निजमा दिति समीप बैठारे ।
 समयानुसार समभावै हित, वानी धीरज धरि उच्चारै ॥१९॥
 हिर०—उ०—हे भाईकी बहू पुत्र, मत धीर भाइ का सोचकरो ।
 रण सन्मुख वीरों का मरना, यश दायक है संतोष धरो ॥२०॥

[६] * श्रीमद्भागवते भाषासरसकाव्यनिधौ *

निज कर्म भागसे जीवभिलै, फिर अलग होय जिमि राहगीर ॥२१॥
 आत्मा है शुद्ध सर्व व्यापी, निज रूप धरै गुणसे भव पीर ॥२२॥
 जिमि नाव चलै तरु चल दीखै, बालक भूमि घर घूमै कहते ॥२३॥
 यों गुणसे मन सुख दुख तैसे, है जीव शुद्ध तहुं दुख लहते ॥२४॥
 नहिं कुछ तहं सब कुछ करै भाव, भागहि से योग वियोग लहै ॥२५॥
 उत्पत्ति नाश शोकहु चिंता, अज्ञान ज्ञान कर्महि से कहै ॥२६॥

दो०—मृतक बंधु गण यमहु को, यामें शुभ संवाद ।

कहत एक इतिहास हम, सुनतै मिटै विषाद ॥२७॥

छं० नृप सुयज्ञ राणमें रिपुसे मरे, घर वाले दुखित तिन्है घेरे ॥२८॥
 फट गया कवच खुल गये बाल, शर विधे अंग हिय तेहि केरे ॥२९॥
 पकड़े हैं क्रोध से होठ परे, ज्यों मलिन कमल मुख भुजा कटे ॥३०॥
 रानी नृपकी गति देखि दुखी, रोवै हिय पीटे प्रजहु डटे ॥३१॥
 पति चरण गहे रोवै रानी कज्जल मिल आंसू धार बहै ॥
 नहिं देह ख्याल खुल बाल बिकल वहदशा दुःखकी कौन कहै ॥३२॥
 निर्दय ब्रह्माने करि वियोग, नृप देश पाल हरि दुःख दिया ॥३३॥
 तुमबिन हमकैसे जियै नारि, संग चलै जहां पति गमन किया ॥३४॥

दो०—मृत पति गहि रोवै त्रिया, नहिं समझै मै सांझ ॥३५॥

बालक बनि यम रुदन सुनि, रोवहिं तिनके मांझ ॥३६॥

छं० य० उ० पूछेसे कहै यहरंजहमें, तुम बड़ी मोह फसियों रोवो ॥
 जहं से आया तहं गया जीव, निज कर्म साथ मनसे टोवो ॥३७॥
 पितु मातु छुटै, हैं हमें धन्य, हे अबला हम नहिं सोच करै ॥
 नहिं जीव सिंह कोइ स्थाय हमें, हरि गर्भमें रक्षत धीर धरै ॥३८॥

मग गिरी वस्तु मिल भाग से फिर, घर धरी भाग बिन नहिं पावै ॥
 बनमें अनाथ को रक्षहिं हरि, नहिं रक्षित हरि घर मर जावै ॥३६॥
 सब जीव कर्म करते जैसे, वह समय पाय तस फल देवे ॥
 माया में स्थित आत्मा यह, नहिं वधै कहीं यह गुनि लेवे ॥३७॥

दो०—यह नर तन है मोह से, ज्यों गृह सबको होय ॥३८॥
 बुद्धि घट भूषण सदृश, नाशै पल में सोय ॥३९॥

छं०—ज्यों अग्नि काठ से अलग देह, में बायु पृथक् सो देखि परै ॥
 सम अकाश सबमें एकहि सा, त्यों परमात्मा हिय माहिं धरै ॥४०॥
 जेहि रोवो तन सौवै सुयज्ञ, आत्मा साक्षी नहिं दिख लावै ॥४१॥
 उसही के तेज से सुनै चलै, तनसे न्यारा श्रुति मुनि गावै ॥४२॥
 निज तेज से इन्दी तन चेतन, अभिमान से तन मय हो जावै ॥४३॥
 जब तक तनमय तबहीं लौ कर्म, तिनसे दुखमाया फंसि पावै ॥४४॥
 झूठा अभिमान से अर्थ लखै, सोवत में झूठे स्वप्न तकै ॥४५॥
 नहिं नित्य अनित्य विचार करै, निज स्वभाव उलटा करि न सकै ॥४६॥

दो०—रह्यो बहेलिया बनहिं में, बन पक्षिन को काल ।

लालच में फंसि जाय खग, बड़ा बिछाया जाल ॥४७॥

छं०—जोड़ा कुलिंग पक्षी कालखि, लालच दें मादी आय फंसी ॥४८॥
 यह दशा देखि नर रुदन करै, करि मोह दुखी मति मोह गंसी ॥४९॥
 है निर्दय दैव वियोग किया, मैदीन नारि बिन क्या जीना ॥५०॥
 हे देव मुझे भी ले जावो, क्या उमर से है अब तिय हीना ॥५१॥
 बिन पंख के बालक कैसे जियै, माता को परखे हत भागी ॥५२॥

[८] * श्रीमद्भागवते भाषासरसकाव्यनिधौ *

यह देखि वहलिया वार मार, वह मरा गिरा महि शर लागी ॥५६॥
नहिं आत्म गती सब लखैं आप, रोवो सौ वर्ष न पति आवै ॥५७॥

हि-रु-सुनिबालबचनसबबिरिमतभे, लखि आत्मागतिधीरजलावै ॥५८॥

यह कहि यम अंतर ध्यान भये, घरवालों ने नृप क्रिया करी ॥५९॥

इससे मत सोचो आत्मा यह, आपन बिरान नहिं ज्ञान धरी ॥६०॥

ना०उ०-दो०-माता सुतकी बात सुनि, बहू पुत्र भे धीर ।

तत्व समुक्ति मन थिर भयो, गई मोह की पीर ॥६१॥

भजन-मोह महिमा अति ही बलवान ।

कवि पंडित सुर मुनि ज्ञानी जन, हस्त सबै को ज्ञान ॥

आत्मा अलग देह से नित है, फंसो लह्यो बंधान ।

कीन मोह बनमें इक पत्नी, मरो खायकै बान ॥

माधो राम श्याम भजलो नित, मोह हरै भगवान ।

॥ इति श्री० भा० भा० सप्तम स्कंधे द्वितीयोऽध्यायः ॥

* श्रीगणेशायनमः *

श्रीमद्भागवते भाषा सरस काव्य निधौ ।

सप्तम स्कंधे तृतीयोऽध्यायः ॥

॥ श्लो०-तृतीये तस्य तपसा तप्तं बीज्य जगद्विधिः ।

आगत्य विस्मितस्तेन संस्तुतश्च बरानदात् ॥१॥

दो०-तपसे तीनहु लोक तपि, लखि विधि कीन बिचार ।

तिसरे में वर दान दै, गये लोक कस्तार ॥

छं, नाउ-करि हिरणकशिपु अपनेको अजर, औअमर जगतमें राजचहै
 गिरि मंदरमें तप ठान दिया, नभदृष्टि अँगूठा महिमें रहै ॥२॥
 ज्यों प्रलय सूर्य की किरन जटा, तब सुर अपना थल पावै हैं ॥३॥
 कुछ ही दिनमें शिरसे अग्नी, निकली तय लोक तपावै हैं ॥४॥
 नदिसिंधुक्षोभसबमहीहिलै, दशदिशिमें ग्रहसब ज्वलितभये ॥५॥
 तपि उठे देव विधि लोक गये, विनवौं दुख अपने नये नये ॥६॥
 दैत्येन्द्र के तपसे रहि न सकैं, हौलोक नाश प्रभु शांत करौ ॥७॥
 तप करने में संकल्प कीन, नहिं सुने आप क्या चितमें धरौ ॥८॥

दो०-तप बल योग समाधि कर, ब्रह्मा जग रचि दीन ।

सबसे ऊपर जाय कै, आपहि आसन लीन ॥६॥

छं०-हैं नित्यकाल आत्मातपिकै, आत्मामें तेज बढ़ावैंगे ॥१०॥
 विधि की रचना सब उलटी करि, क्या इन सबसे दिखलावैंगे ॥११॥
 यह हठ करि उसने तप ठाना, जो उचित गुनौ सो आप करौ ॥१२॥
 जग क्षेम हेत द्विज गो रक्षा, सुरविजय हेत हिय आप धरौ ॥१३॥
 मुनि देवों से मुनि संग लिये, जहं दैत्य तपै तहं विधि आयै ॥१४॥
 तन खाय गई चीटी माटा, जमि घास फूस नहिं लखि पाये ॥१५॥
 तपसे सब लोक तपावै वह, बादल में छिपे रवि सबै दहे ।
 हंसिहंसचढ़े विधि विरमयलहि, लसिकैतिहसे अस बचनकहे ॥१६॥

ब्र० उ०-दो०-उठो दैत्य पति सिद्धि तप, बरलो हम बरदीन ॥ १७॥

प्राण अरिथ महं तन खायो, तब धीरज लखिलीन ॥१८॥

छं०-नहिं किया करै तप अस्कोई, सुरकेशत वर्षरहै विनजल ॥१९॥
 बश किया हमें तुमने तपसे, मुनि दुर्लभ तप ठाना निश्चल ॥२०॥

[१०] * श्रीमद्भागवते भाषासरसकाव्यनिधौ *

सब बर पूरण कर देहुं तुम्हें, जो जो मन में होवैं तेरे ।
हम देवों का दर्शनन विफल, लहैं सुभाग से दर्शन मेरे ॥२१॥

ना-उ०-यह कहिकर विधिने जल लेकर, जो दिव्य प्रबल छिड़का उस पर २२
तुर्तहिं तन सवल स्वर्ण द्युतसा, ज्यों अग्नि बांस से कटा असुर ॥२३॥
देखा ब्रह्मा को हंस चढ़े, मन हर्ष भूमि पर नमन किया ॥२४॥
गद् २ सुहर्ष से हांथ जोड़ि, दर्शन करि विनय प्रवाह लिया ॥२५॥

हि०-क०-उ०-दो०-अंधकार कल्पांत में, करि निज तेज प्रकाश ।
जग कर्ता प्रभु कौन सो, पूरण कीजै आश ॥२६॥

छं०-धरि तीन रूप उत्पत्ति पालन, जग नाश करौ सतरज तम से ॥२७॥
विज्ञान ज्ञान मूरति है नमो, मन प्राण लिये तन उत्तम से ॥२८॥
चर अचर जीव के मालिक हो, हो प्राण मुख्य अरु प्रजापती ।
चित के चित इन्द्रिन में मन हो, पति पंच तत्व हरते विपती ॥२९॥
सब यज्ञ तुम्हीं हय मेधादिक, तन बेद त्रयी धरि आते हैं ।
सब आत्माओं के अंतर हू, बाहर रहि तिन्है जिवाते हैं ॥३०॥
तुम काल रूप छन वर्ष मास, सबही की आयू हरते हो ।
कूटस्थ आत्मा परमेश्वर, सब जीव में आत्मा धरते हो ॥३१॥

दो०-जीव चराचर जगत सब, तुमसे बाहर नाहिं ।
त्रिगुण रूप ब्रह्मांड जग, बिया सब हिय माहिं ॥३२॥

छं०-स्थूल रूप यह आप का है, मन इन्द्री प्राण भोग करते ।
पर पुरुष पुराण आत्मा हो, परमेष्ठी पद धिरै धरते ॥३३॥
हे अनंत जग में रहो व्याप्त, है नमो सुचेतन शक्ति धरे ॥३४॥
ब्रह्मान देत जो आप मुझे, तब सृष्टि रची से हम न मरे ॥३५॥

बाहर भीतर जिंदा मुर्दा, नर पशु महि अकाश में न मरौं ॥३६॥
सुर असुर चराचर जीव, सबै, नहिं मारै स्वामी पनहु धरौं ॥३७॥

दो०—लोक पाल की रिद्धि सब, मिलै होय नहिं छीन ।
नहिं प्रताप कबहुं घटै, होउंन पर आधीन ॥

भजन-कठिन तप हिरनाकश्यप कीन ।

देवन के सौ वर्ष तप्यो वह, निर्जल व्रत सो लीन ॥

निकर तेज देवता विकल भे, मनसों बहुत मलीन ।

ब्रह्मा सुनि बाहन चढ़ि आये, मन इच्छित बरदीन ॥

माधवराम देखलो प्यारे सब कर तब आधीन ।

इति श्रीमद्भागवते भाषा सरसकाव्यनिधौ सप्तमस्कंधे तृतीयोऽध्यायः

॥ श्रीगणेशायनमः ॥

श्रीमद्भागवते भाषा सरस काव्यनिधौ सप्तम
स्कंधे चतुर्थोऽध्यायः ॥

श्लोक—चतुर्थे तु वरांश्च ध्वा विजित्याखिल लोकपान् ।

विष्णुर्ब्रह्मेण तान्सर्वान् दैत्येन्द्रः समपीडयत् ॥१॥

दो०—चौथे में बर पायकै, लिये लोक पति जीति ।

विष्णु बैर से सुरन की, कीनी बड़ी फजीति ॥

छं-ना-उ०—इस भांति हिरणकश्यप वरकी, ब्रह्मा जीसे याचना करी ।

तपसे प्रसन्न दुर्लभ सबहैं, बर देने हित निजि बुद्धि धरी ॥१॥

ब्रह्मो०—हे तात यदपि यह दुर्लभ बर, तौभा सब हों कह देते हैं ॥२॥

सुनकर उसने बहु अरतुतिकी, विधि घरकी सता लेते हैं ॥३॥

[१२] * श्रीमद्भागवते भाषासरसकाव्यनिधौ *

बरपाय स्वर्ण तन चला असुर, हरि बैर किया भाई को सुमिरि ॥४॥
 सब दिशा लोक लोक्य जीते, नर गरुडसुरासुर पति किन्नर ॥५॥
 मनुपितर सिद्ध चारण पिशाच, यक्षहु राक्षस सब भूत पती ॥६॥
 सब विश्वजीत औ लोकपाल, स्थान छीन दीनी बिपती ॥७॥

दो०—देव बगीचा इन्द्रपुर, इन्द्र भवन करि बास ।

त्रिलोक लक्ष्मी बश किये, दैत्यन देत सुपास ॥८॥

छं०—मरकत महि मूंगा की सीढ़ी, खंभावै डूर्य फटिक रचना ॥९॥
 मणि मय वितान हैं सुखद सेज, नहिं होय वस्तु बांकी कुछना ॥१०॥
 अप्सरा नृत्य करती जहं पर थल रतन जड़ित में मुंह निरखै ॥११॥
 बसि इन्द्रभवन जगजयी असुर, शासन कर सुरपद नमित लखै ॥१२॥
 मदमत्त लाल दृग आसन थिर, सब लोक पती आशिर नावैं ।
 लापते बिष्णु हर इला वृत्ति, ब्रह्मा गुरु तीनहिं बचि जावैं ॥१३॥
 स्थान छीन लिये देवों के, गंधर्व नारदादिक गावैं ।
 मुनि स्तुति विद्या धरहु करै, अप्सरा सिद्ध सेवा लावैं ॥१४॥

दो०—वर्णाश्रम कृत यज्ञ बहु, लेत सबहिं को भाग ॥१५॥

बिन बोये महि अन्न दे, गगन बिचित्र विभाग ॥१६॥

छं०—गिरिखान रतनकी आप देत, दधि दूध दही घृत मधु मृदु जल ॥१७॥
 सब थल में सब विधिके पादप, हर समय देहिं नित मीठे फल ॥१८॥
 इस भांति जीति जग सुख भोगै, अजितेन्द्री नहिं संतोष धरै ॥१९॥
 मद मत्त शास्त्र बिधि त्याग दई, द्विज शाप यही विधि पूर करै ॥२०॥
 उससे घबड़ाकर देव मुनी, नहिं और देखि हरि शरण मये ॥२१॥
 प्रत्यक्ष न लखिसो दिशा नमहिं, जहं हरि भक्तहु बसत भये ॥२२॥

जित आत्मा थिस्मति नींद तजे, बायूखायेसुर विनय करै ॥२३॥
भै गगन गिरा विनती सुनिकै, भय हरन शब्द सब ठौर भरै ॥२४॥

दो०—देव भय तजौ होय शुभ, मम दर्शन हित कारि ॥२५॥
असुर दुरात्मापन लख्यो, करिहौं शांति विचारि ॥२६॥

छं०—जब देव वेद गौ विप्र साधु, हरि धर्म बैर करि मरै जचै ॥२७॥
निज शांत पुत्र प्रह्लाद दंड, देवै तब मारौं नाहिं बचै ॥२८॥

ना०—उ०—यह सुनिसुर सबै प्रणाम करै, घबराहट गैखल मरोगुनै ॥२९॥
सुत चारि तासु प्रह्लाद छोट गुण में महान गुनि संत भनै ॥३०॥
ब्रह्मराय शील धर सत प्रतिज्ञ, इन्द्रीजित ज्ञानी प्रिय कारी ॥३१॥
नित नवहिं दास सम दीन वछल, सम बयस में भाई पन धारी ।
निज बड़े को ईश्वर सम मानै, नहिं मान रूप विद्यादि धरै ॥३२॥
चित सावधान नहिं शौखचाह, इन्द्रीजित शांत काम बिचरै ॥३३॥

दो०—सब गुण उत्तम आ बसे, प्रह्लादहिं के माहिं ।

जस हरि में तस भक्त में, कबि नहिं वर्णि सकाहिं ॥३४॥

छं०—जिसकी गाथा ते बहु गावैं, हैं शत्रु कहूं क्या औरन की ॥३५॥
सबगुण निवास हरि जन ऐसे, जिसकी गिनती शिर मौरन की ॥३६॥
हरि पूजहिं के नित खेल करै, जग लखै न जड़ सम प्रभु में मन ॥३७॥
खाते पीते चलते फिरते, नहिं होश जिसे कर हरि सुमिरन ॥३८॥
प्रभु चिंता में कहिं रुदन करै, कहूं हंसै खुशी है यश गावै ॥३९॥
हरि भाव युक्त तन्मय है कर, तजि लाज नाचि कहूं चिल्लावै ॥४०॥
तजि विषय मगन मन चुप बैठे, नहिं सांस लेहिं दोउ बंद नैन ॥४१॥
सत संग किये हरि भक्ति पाय, तजि कुसंग समतालही चैन ॥४२॥

[१४] * श्रीमद्भागवते भाषासरसकाव्यनिधौ *

दो०—परम भागवत भाग धर, पुत्र जासु प्रह्लाद ।

हिरण्यकश्यप दंड दै, कीन्हों महा विषाद ॥४३॥

छं०-यु०-उ०-हे देव ऋषी नारद तुमसे, यह चरित सुनै की इच्छा है ।

जो पिता पुत्रसों पाप कियो, क्यों नहिं दीनी शुभ शिक्षा है ॥४४॥

पितु होय पुत्र वत्सल सब के, जो सुत कुछ उलटा कर्म करें ।

शिक्षा के हेत धमकाते हैं, नहिं मारन के हित क्रोध धरें ॥४५॥

पितृ गुरु मानै जे देव तुल्य, बस हीं में रहैं आज्ञा कारी ।

यह संशय मेरे चितमें है, मुनि दूर करो हम बलि हारी ॥

दो०—पिता पुत्र का बैर अस, जामें पितु मर जाय ।

मुनि वर जानौ सब चरित, हमें कहौ समझाय ॥४६॥

भजन-भक्त की महिमा सब गुन खानि ।

शांतदांत इन्द्रीजित सीधे, नहिं राखै मनमान ॥

तस प्रह्लाद भक्त सुत नृपके, हृदय भक्ति युत ज्ञान ।

नाचै गावैं बढै प्रेम हिय, तृण सम लखै जहान ॥

कबहुं भाव भरि उलटी बातें, कहिलें मौन विधान ।

सबको लखै भाइ सम अपना, हियमें नहिं गुमान ॥

माधवराम भक्त अस हरिके, सदा करें गुन गान ॥

॥ इति श्री० भा० भा० सप्तम स्कंधे चतुर्थोऽध्यायः ॥



* सप्तमस्कंधे पंचमोऽध्याय *

[१५]

* श्रीगणेशायनमः *

श्रीमद्भागवते भाषासरस काव्य निधौ ।
सप्तम् स्कंधे पंचमोऽध्यायः ॥

श्लो०—पंचमे गुरुतोऽधीतं त्यक्त्वा विष्णुस्तुतौ रतम् ।
घातयन् द्विपसर्पाद्यैः सुतं दैत्यो नचाशकत् ॥१॥

दो०—गुरु पद्मयो त्याग करि, हरि स्तुति मन लीन ।
पंचये में बहु दंड तेहि, हिरण्यकश्यप दीन ॥

छं०—ना०—उ०—हैं दैत्य पुरोहित शुक्राचार्य, हैं शंडामर्क पुत्रतिनके ।१।
प्रह्लाद और हूँ दैत्य पुत्र, पढ़ बिद्या पास जाय जिनके ॥२॥
जो गुरु पढ़ावैं सुनै पढ़ैं, मनसे सब झूठी मानै हैं ॥३॥
इकबार दैत्य पति गोदी लै, प्रह्लाद से पढ़ना जानै हैं ॥४॥

प्र०—उ०—जै सदा बिकल मति तनु धारी, पितु अंधकूप गृहगिर बतजै ।
हमरे मत से बन जाय शीघ्र, हरि हिय धरि हरिको नित्य भजै ॥५॥

ना०—उ०—सुनि शत्रु पक्षके पुत्र बचन, देखो रिपु बालक मति फोरें ।६।
गुरु सावधान हूँ शिक्षा दो, छिपि हरि पक्षी न पुत्र तोरें ॥७॥

दो०—लै आये प्रह्लाद को, गुरु निज शाला माहिं ।

साम दाम बहु युक्ति से, पूंजत हैं तिन पाहिं ॥८॥

छं०—प्रह्लाद सत्य कहो झूठ नहीं, तुम बालक किसने मति फेरी ।६।
दूसरेने की या आपहि से, हम सुनै कहो न कसै देरी ॥१०॥

प्र०—उ०—जिसकी माया से निज पर भ्रम, मोहित बुद्धी वाले मानै ।

[१६] * श्रीमद्भागवते भाषासरसकाव्यनिधौ *

है नमस्कार परमेश्वर को, गुरु और कछू हम नहिं जानै ॥११॥

मैं और मोरही यह नर है, पशु बुद्धि न की मति भेद करै ।

जब होय दया नारायण की, तबहीं अज्ञान हिये से टरै ॥१२॥

आत्मा में निज पर मंद बुद्धि, वाले ही निरूपण करते हैं ।

ब्रह्मादिक माया में मोहे, मति भेद सोइ प्रभु धरते हैं ॥१३॥

दो०—चुंबक संग लोहा भ्रमै, गुरु जी लेहु बिचार ।

हरि इच्छा से बुद्धि में, करै भ्रमित करतार ॥१४॥

छं-ना-उ०—यह कहि प्रह्लाद मौन धारी, गुनिकै गुरु ने बड़ को पकिया १५

लावो तो बेंत में करौं ठीक, चंदन बन कांटा जन्म लिया ॥१६॥

हरि नारै असुर मूल नितहीं, तिनहूँ की मूल यह पुत्र भया ॥१७॥

डर वावै बहुत उपाय कीन, प्रह्लाद पढ़ावै पाठ नया ॥१८॥

गुरु समझे अब कुछ ठीक भया, माता से पुत्र को सजवाया ।

सतकार हो मेरा यह गुनिकै, भट लाय पिता को दिख लाया ॥१९॥

दो०—सुत प्रणाम कीनो पितहिं, गोदी लीन उठाय ।

मस्तक संधा प्यार करि, मनमें अति सुख पाय ॥२०॥

छं-हि० रु०—हे भूप युधिष्ठिर वह पूंछै, क्या पढ़ा पुत्र दो हमें सुनाय २१

हो चिरंजीव धीरज से पढ़ो, सुनिकै हमार मन अति हरषाय ॥२२॥

प्र०-उ०—सुनना कहना सुमिरन सेवा, अर्चन बंदन हरिकी नितहीं ।

लै दास सखा को भाव हिये, करि आत्म समर्पण ताहि सही ॥२३॥

यह नवधा भक्ती हरिकी है, हम यही पढ़ा चाहिये करना ॥२४॥

सुनि पुत्र वचन पितु क्रोध किया, गुरु सुत से कहै यह क्या पढ़ना ॥२५॥

बया इसे पढ़ाया शत्रु पक्ष, जो असार मुझे निरादर कर ॥२६॥

कपटी असाधु तुमसे हैं बहुत, पापी के रोग ज्यों हो तन पर ॥२७॥

गु०-पु०-उ०-दो०-सुतहि पढ़ाया हम नहीं, औरहु सीखन दीन ।

मति यहकी स्वाभावकी, हमपर क्रोध न कीन ॥२८॥

छं०-ना०-उ०-गुरु पुत्र कहैं डरकर ऐसे, सुनि डांठि पुत्रसे पिता कहैं ।

गुरुसे नहि पाई यह विद्या, किसने मति फेरी सुना चहैं ॥२९॥

प्र०-उ०-आपहिसे औरहुके सिखये, जोबुद्धि कृष्णपद नहिं लाये ।

नहिं इन्द्री जित वे नर्क जाहिं, चर्वित चर्व न मरि मरि जाये ॥३०॥

सच्चा हितकारी हरि न गुनै, हैं दुष्ट चित्त तन अभिमानी ।

माया की डोर में बधैं मूढ़, चल अंधहि अंध गहे पानी ॥३१॥

तबलों मति हरि पद नाहिं लगै, जबलों अनर्थ में अर्थ गुनै ।

संतों की पद रज नहिं सेई, तब लागि विषयों हित शीश धुनै ॥३२॥

दो०-पितहिं कह्यो प्रह्लाद अस, सुनतै गुरसा लाय ।

क्रोध अंध फेका सुतहिं, परचो मही पर जाय ॥३३॥

छं०-करिलाल नैन भरि क्रोध कहैं, मारो इसको मत देर करो ॥३४॥

है रिपु मेरा सुत है जन्मा, यह हरि से वै है शत्रु खरो ॥३५॥

हरिही का भला इससे होगा, यह बच्चा प्रेम न पितु लेवे ॥३६॥

पर पुत्र करै हित ज्यों औषध, निज पुत्र रोग सम दुख देवे ।

काटै सो अंग जहं रोग होय, बांकी सुखसे जीवन पावै ॥३७॥

सब उपाय करि मारो इसको, सुत बना शत्रु नहिं बचि जावै ॥३८॥

लै त्रिशूल आज्ञा पाय असुर, बड़ दंत बाल तन कारे हैं ॥३९॥

गर्जहिं मारौ काटौ कहिकै, बैठे प्रह्लादहिं मारे हैं ॥४०॥

[१८] * श्रीमद्भागवते भाषासरसकाव्यनिधौ *

दो०—परब्रह्म भगवान में, लीन चित्त प्रह्लाद ।

मार पीट कीन्हीं बहुत, लह्यो न तनक विषाद ॥४१॥

छं०—लखि बिफल यत्न शंका कीनी, मारन के हित बहु यत्न करै ४२
कुच लावै दिग्गजसे न मरै फिर, पुरश्चरण की बिधिहु धरै ॥
माया बंधन विषदे लंघन, जल वायु वर्ष से दुख दीने ॥४३॥
पर्वत से गिरायो नहीं मरा, तब तो मनमें संशय लीने ॥४४॥
कटु कहा बहुत मारा इसको, निज तेज से वचिकै हरिहिं भजै ॥४५॥
ज्यों श्वान पुच्छ नहिं हो सीधी, तैसे यह हरि को नाहिं तजै ॥४६॥
यह कोई देवता है निर्भय, क्या अमर इसी से मौत मिलै ॥४७॥
चिंतामें बिकल लखि शंका मर्क समझाते जिसमें नहिं दहलै ॥४८॥

दो०—लिये जीति सब लोक पति, रहैं सदा आधीन ।

बालक के गुण दोष पै, कस अस चिंता कोन ॥४९॥

छं०—इसे बांध के राखौ फासों से, डरके कहिं भाग नहीं जावै ।
आयू सतसंग से बुद्धि बढ़ै, गुरु शुक्राचार्य तबलों आवै ॥५०॥
अच्छा गुरु पुत्रों से कहता, राजों के धर्म उपदेश करो ॥५१॥
वह धर्म अर्थ उपदेश करै, प्रह्लाद से कहते चित में धरो ॥५२॥
संसारी शिखा गुरु से पाय, नहिं तिल भर चितमें लाते हैं ॥५३॥
यजमान कार्य में गुरु जावै, तब बालक सबी बुलाते हैं ॥५४॥
प्रह्लाद बुलाय कहैं हंसिकै, मृदु बानी से समझाते हैं ॥५५॥
निर्मल बुद्धी सब बाल वृन्द, खेलब तजि चित्त लगाते हैं ॥५६॥

दो०—बालक बैठे धाय के, प्रह्लादहिं दिग आय ।

समझावहिं दाया धर, सुनै सबै चित लाय ॥५७॥

भजन-सत्य का तेज है भारी, आत्म बल को बढ़ावै हैं ।
 जबरदस्ती करै कोई, कभी नहिं पार पावै है ॥५८॥
 समझ लीजै सचाई से, बढ़ै नित आत्मा का बल ।
 ये छल बल दल की तरकीबें, धुआंसी उड़ती जावै हैं ॥१॥
 गद्दी प्रह्लाद सचाई, सहारा एक ईश्वर का ।
 असुर दल मार के हारे, न तिल भर चोट आवै हैं । २।
 निबल कम उम्र लघु बालक, बुद्धि में है बड़ा सबसे ।
 सहारा राम का लेकर, विजय डंका बजावै है ॥
 युधिष्ठिर हर तरह कमजोर, कमलापति गहे कर हैं ।
 बीरबर मार सब रनमें, राज गद्दी दिलावै हैं ।
 भजन में ये असुर प्यारे, आजमालो जरा करके ॥
 इसी से नित्य माधवराम, हरिगुण गान गावै है ।

इति श्रीमद्भागवते भाषा सरसकाव्यनिधौ सप्तमस्कंधे पंचमोऽध्यायः

॥ श्रीगणेशायनमः ॥

श्रीमद्भागवते भाषा सरस काव्यनिधौ सप्तम
 स्कंधे षष्ठोऽध्यायः ॥

श्लोक-षष्ठे गुरौ गृहव्यग्रे प्रह्लादो दैत्य बालकात् ।
 अनुकंप्य परं तत्त्वं नारदोक्तमुपादिशत् ॥१॥

दो०-गुरु लागे गृह काज में, सिखवैं सुत प्रह्लाद ।
 छठयें में वर्णन करैं, नृप नारद संवाद ॥

प्र०-उ०-लड़िकाई से करै विष्णु धर्म, सो बुद्धिमान फल नाहि चहैं
 यह दुर्लभ देह मनुज पाई, क्षण भंग तहूं गति देति अहैं ॥१॥

[२०] * श्रीमद्भागवते भाषासरसकाव्यनिधौ *

हरि पद सेवा सबसे उत्तम, हरिही आत्मा के प्रियकारी ॥२॥
 सबको सुख मिलता बिन चाहे, ज्यों दुःख पावते बड़ भारी ॥३॥
 तिसमें नहिं मिहनत करै कभी, जिसमें सब उमर बृथा जावै ।
 सबसे बढ़िके यह बहु हानी, गोविंद चरण भी नहिं पावै ॥४॥
 जगमें पड़ि सुख जिससे होवै, तनु छुटै न जबलों यतन करै ।
 सौ वर्ष आयु मानुष की है, आधी निद्रा में पूर परै ॥५॥

दो०—मूठ बालपन में गई, वर्ष वीष लो मान ॥६॥

बीस बुढ़ापा में गुजर, शिथिल भई सब शान ॥७॥

छं०—जहं बीस जवानी काम मोह, घर में फंसि ममता में जोरै । न
 अजितेंद्री घर में फंसो जीव, नहिं बल जो अपने को छोरे ॥८॥
 धन तृष्णा प्राण दै मोल लेत, भय बड़े तहूं नहिं त्यागै हैं ।
 राजा औ चोर घरके गाहक, धन छीने को नित लागै हैं ॥९॥
 कैसे प्रिय नारी छूटि सकै, हंसि बोलति देखनि मनहारी ।
 लघु बालक कलबल बचन कहैं, मानै मनमें अति सुखकारी ॥१०॥
 सुत कन्या मातु पिता भाई, गृहसेवक पशु धन आदि लहै ॥११॥
 नहिं तृप्त चाह बड़ि मिलै विषय, बहुगुनै न हिये विराग गहै ॥१२॥

दो०—कुटुम्ब पोषत वयसगै, कियो नहित मतवार ।

तापित तीनहु तापसे, आत्मा लहै न सार ॥१३॥

छं० पर धनहारी के दोष कहैं, पर धन आपहु नित हरते हैं ।
 अजितेन्द्री नहिं कामना शांति, मरि नर्क मिलै नहिं डरते हैं ॥१४॥
 नर पालि कुटुम्ब न गति पावै, निज पर से भिन्न मति तममें पड़े ॥१५॥
 यह जीव न आत्मा छोरि सकै, नारी के बंदर मद जकड़े ॥१६॥

हे बालक दैत्यहु संग तजो, लो मुक्ति हरीपद कंज गहो । १८।
 प्रभु प्रसन्न हों नहिं मिहनत है, अपने समान सबही को चहो । १९।
 गुणकी समता चितमें लाये, आत्मा परमात्मा हो जावै ॥२०॥
 व्यापक बिकल्पना रहित अलख, धरि रूप देखने में आवै ॥२१॥

दो०—केवल अनुभव रूप हरि, निज ऐश्वर्य छिपाय ।
 सृष्टी माहिं सरूप धरि, माया मयी दिखाय ॥२२॥

छं०—तजि असुर भाव दाया धारो, हरि प्रसन्न हों मित्रता लहे । २३।
 प्रभु प्रसन्न तो कुछ दुर्लभ नहिं, धर्मार्थ काम गति जन न चहे । २४।
 धर्मार्थ काम आत्महु विद्या, कर्महु कांड दम नीति सकल ।
 हरि भजै जीव तबहीं सच है, विन प्रभु के होगा महा बिकल । २५।
 नारायण नारद को दीन्हा, यह दुर्लभ ज्ञान सुनो प्यारे ।
 एकांतिक पद रज जै सेवैं, ते भक्त यही दिलमें धारे ॥२६॥
 विज्ञान सहित यह ज्ञान भक्ति, नारद से हमने पाया है ।
 यह सुनके दैत्य पुत्र सबने अपने, चित संशय लाया है ॥२७॥

दो०—यह गुरु तजि नहिं और गुरु, हम तुम पाये कोय । २८।
 संत संग कैसे मिला, कहिये धीरज होय ॥२९॥

भजन-करैं प्रह्लाद सुतन उपदेश ।

भजौ राम अबहीं से प्यारे, सुन हमार संदेश ॥
 बालक खेलि युवा युवती में, फिर बूढ़े हों केश ।
 माया जाल फांस में फंसिकै, पावत दुःख हमेश ॥
 काम क्रोध मद मोह लोभ रिपु, मिलै न इनसे पेश ।
 सुख भोगैं तबहुं नित दुखिया, सत सुख हिये नलेश ॥

[२२] * श्रीमद्भागवते भाषासरसकाव्यनिधौ *

माधवराम मत्यसुख गतिलो, हिये धरो अवधेश ।

इति श्री० भा० भा० सप्तमस्कंधे सरसकाव्यनिधौ षष्ठोऽध्यायः ॥

* श्रीगणेशायनमः *

श्रीमद्भागवते भाषासरस काव्य निधौ ।

सप्तम स्कंधे सप्तमोऽध्यायः ॥

श्लो०-सप्तमे मातृ गर्भस्थे स्वस्मिन्नारदभाषितम् ।

प्रह्लादो वर्णयामास शिष्यप्रत्ययसिद्धये ॥१॥

दो०-सतयें में प्रह्लाद सब, गर्भ कथा उपदेश ।

सबहिं बालगन से कह्यो, भक्ती लई रमेश ॥

छं० नारद उ०-इसभांति दैत्यकेलइकोंने, प्रह्लादसेप्रश्नकियाजबहीं
हंस रहे तिन्हैं प्रह्लाद कहैं, मुनि कथन सुमिरि दिलमें तबहीं ।१।

प्रह्लाद उ०-तप करैं पिता मंदर गिरिपै, देवता लड़ै को आये हैं ।२।

लघु चींटी मिलि खाजांय सांप, पापी को पाप त्यों गाये हैं ।३।

सुर प्रवल युद्ध करि दैत्यों से, रण से सब असुर भगाये हैं ।४।

धन पुत्र नारि घरबार त्यागि, भागे निज प्राण बचाये हैं ।५।

सुर जीति दैत्य गृह लूटि रहे, सुर पति ने हमारी मा पकड़ी ।६।

रोवै कां पै भय खाय डरै, नारद मार्ग में लखी खड़ी ।७।

दो०-सुर पतिसे कहने लगे, छोड़ि देहु परनारि ।

मत ले जावो याहि तुम, लेवो हिये बिचारि ॥८॥

छं० इन्द्र उ०-हे मुनिजी इसके गर्भ अहै, जब इसके पुत्र जन्म हो वै ।

सुतमार के इसको छोड़ेंगे, पैदा होने के दिन जोवै । ६।
 नारद उ०-निर्दोष महाहरिभक्तपुत्र, इसकेहो मुनिवर कहतभये । १०।
 सुनिमानिबचन परदक्षिणकर, सुरपति दललै निज भवनगये । ११।
 रक्षा कीनी तबलौं नारद, मम पिता न जबलौं घर आये । १२।
 धीरज दै निर्भय करि राखा, उपदेश विविधि विधि समभाये । १३।
 धनि सती धर्म करि मुनि सेवा, सुखसे सुत पैदा हो जिसमें । १४।
 मुनि धर्म तत्व उपदेश किया, सिख जाय पुत्र जो है इसमें । १५।

दो०-समय बीतगो मातु तिय, स्वभाव से गै भूल ।

मम हिय में सब याद रह, मुनि हम पर अनुकूल । १६।

छं०-जो मानो हमसे तुम होगे, श्रद्धा से मति निर्मल आवै ।
 स्त्री बालक सुनि संत वचन, हियमें हरि की भक्ती पावै । १७।
 ले जन्म मरण तक षट भावहु, तनके हैं आत्मा के नाहीं ।
 ज्यों तरु जामैं बढि फूलि करै, त्यों काल गती है सब पाहीं । १८।
 है नित्य आत्मा शुद्ध एक, क्षेत्रज्ञ नाश बिन क्रिया रहित ।
 निज दृष्टा व्यापक संग हीन, नहिं छिपा किसीसे रूप सहित । १९।
 यह बारह लक्षण आत्मा के, गुनि में मम तनसे मोह तजै । २०।
 ज्यों सोन शुद्ध हो ताये से, मिल योग से ईश्वर हियसे भजै ।

दो०-सबहिं क्षेत्र तनमें सदा, एकहि ब्रह्म निवास ।

स्वर्ण खानि में स्वर्ण ज्यों, मिलै युक्ति से पास । २१।

छं०-हैं आठ प्रकृतिगुण तीनविकारहु, सोलहमें रह पुरुषमिला । २२।
 चलअचल देहदो प्रकारकी, नहिं यहनहिं यहकरि निश्चयला । २३।

[२४] * श्रीमद्भागवते भाषासरसकाव्यनिधौ *

अन्वय व्यतिरेक मिलाहै अलग, निर्मलमनसे करलेहु बिचार । २४।
 बुद्धिवृत्तिस्वप्नजागृत सुषुप्ति, साक्षी आत्मा लखहो भवपार । २५।
 त्रिगुणात्म बुद्धि से आत्म लखो, ज्यों बायु गंधसे मिली रहै । २६।
 गुण कर्म बंधसे जगत मिलै, ज्ञान से स्वप्न समान अहै । २७।
 यह हजार यत्नों में सुयत्न, भगवत पदमें दृढ़ प्रीति करै । २८।
 त्रिगुणात्म कर्म का बीज हरण, उपराम जगत बुधि माहिं धरै । २९।

दो०—गुरु सेवा हरि अर्पि सब, साधु भक्त कर संग ।

हिय से प्रभु आराधिकै, चढ़ाय ले सच रंग । ३०।

छं०—हरिकथामें श्रद्धा गुणगानहु, हरिपदहु ध्यान हरिदर्शकरै । ३१।
 प्रभु सबमें है कर नित विचार, बनि परै तौन सतकारधरै । ३२।
 हरि भक्तिसे ६ शत्रु जीतै, तब बासु देवमें प्रीति लहै । ३३।
 प्रभु गुण सुनि लीला निरखि, प्रेमसे गदगद है दृग आंसु बहै । ३४।
 कबहुं रोवै नाचै ज्यों मत्त, हंसि चिल्लावै नमि प्रभु ध्यावै ।

हरि नारायण कहि स्वांसलेय, तजिलाज मगनहै गुण गावै । ३५।
 तब छूटि जाय सब बंधन से, हरि भाव से सबै भाव दूटै ।

ज्यों भुना बीज फिर नाहिं जमै, करि भक्तिपाय हरिभव छूटै । ३६।

दा०—खल आत्मा शोधकअहै, ईश्वर में सत भाव ।

मिलै ब्रह्म सुख बुध कहैं, सब हिय हरिहि मनाव । ३७।

छं०—क्या मिहनत है हरि भजने में, आकाश तुल्य व्यापक सबमें ।
 निज आत्मा सचा मित्र वही, कुछ सार नहीं जग करतब में । ३८।
 धन गृहपशु तियसुत महीआदि, छनभंग देह को क्या सुखदे । ३९।
 यह भांति स्वर्ग सबलोक नाश, हैं चाहिये हरिकी भक्ती लें । ४०।

जिस लिये मनुज ह्यां कर्म करें, फल उसका उलटा पाता है ।४१।
 सुख मिलै दुःख छूटै चहते, तहं बारबार दुख आता है ।४२।
 जिस हेतु कामना चाहै, पुरुष, छनमें शरीर छुट जाता है ।४३।
 सुत नारि खजाना महल आदि, में नाहक मोह बढ़ाता है ।४४।
 हैं तुच्छ देह के संग नाशैं, है अनर्थ अर्थ सम देखि परै ।४५।
 हे बालकगन क्या देह धरे, बंधन के हेतु कुकर्म करै ।४६।

दो०—करै देह से कर्म नर, आत्मा के संग देह ।

कर्महि से तन फिर मिलै, अज्ञानी कर नेह ॥४७॥

छं०—धर्मार्थ कामसिधहों जिससे, उसपरमेश्वर का भजन करो ।४८।
 सबकी आत्मा हरि ईश्वर है, सो जीव कर्म से दिलमें धरो ।४९।
 सुर असुर मनुज गंधर्व यक्ष, भजि मुकंद पद सुख पाते हैं ।५०।
 सुरपन द्विजपन मुनि पनसे, सुनो नहिं प्रभु प्रसन्न हो जाते हैं ।५१।
 तप दान यज्ञ व्रत से नहिं खुश, भक्ती से खुश सब उगहाई ।५२।
 ईश्वर में भक्ती करौ शुद्ध, निज सम जग देखो मनलाई ।५३।
 दैत्यहु राक्षस अरु दैत्य शूद्र, स्त्री बनबासी खग मृग बहु ।
 हरि भजिकै हरि पाये भटसे, उपदेश बालगन हियमें गहु ।५४।

दो०—परम लाभ यह जगत में, तन धरि लेहु बिचार ।

अचल भक्ति गोविंद में, हरि मय जगत निहार ।५५।

भजन-भक्ति हरिकी यह तनमें सार ।

धन कुटुम्ब पशु महल अटारी, बाढ़िगयो परिवार ॥

बंधन रूप जीवके जानौ, अधिक दुःख दातार ।

बालक पनसे हरि भजनों सत, उचित हिये लेधार ॥

[२६] * श्रीमद्भागवते भाषासरसकाव्यनिधौ *

फिर पीछे नहीं चित्त लगतहै, गृह बंधन को द्वार ।
कुल धन गुनसे हरि प्रसन्न नहीं, बालक लेहु विचार ॥
माधवराम अबहिं से चेतहु, हियधर नंद कुमार ।

इति श्रीमद्भागवते भाषासरसकाव्यनिधौ सप्तमस्कंधे सप्तमोऽध्यायः

॥ श्रीगणेशायनमः ॥

श्रीमद्भागवते भाषा सरस काव्यनिधौ सप्तम
स्कंधे अष्टमोऽध्यायः ॥

श्लो०—अष्टमेऽतिरुषासूनुं निघ्नन्दैत्यो हतः स्वयम् ।

आविर्भूय नृसिंहेन सच ब्रह्मादिभिःस्तुतः ॥१॥

दो०—सुत मारत आपहि मरयो, नृसिंह जीके हाथ ।

अठ्यै में वर्णन करें, विनती बिधि सुर साथ ॥

छं० ना० उ०—प्रह्लादसीखसुनिदैत्यबाल, गुरुशिखातजिहरिभक्तिगहो१

आये गुरु लखि प्रह्लाद सबहिं, डरि भागे नृपसों दशा कही । २।
सुनि सुत अन्याय कोप करिकै, कंपि गये गात सुत बध चाहा । ३।
प्रह्लादैं गहि कटु बचन कहे, तिरछे चितवै हत उत्साहा । ४।
लखि प्रणाम करते कर जोरे, ज्यों सांप बमक कर बचन कहै । ५।
दुर्नीति मंद कुल भेद कारि, मानै न बचन अव मरन चहै । ६।
क्रोधी मुझसे त्रय लोक कंषै, तू जरा नहीं भय मानै है ।
आज्ञा मेरी सब शीश धरै, तू उलटी करनी ठानै है । ७।

प्रह्लाद उ० दो०—हम तुम सारे जगतके, हरि हैं बल दातार ।

जीव चराचर विधि सहित, बश कीने करतार । ८।

छं०—वह ईश्वर काल प्रबल, सबसे, सबही को बल देने वाला ।

जग रचि नाशौ निज शक्ती से, विधि रुद्र विष्णु है प्रति पाला । ९।

पितु असुर भाव तजि देहु आप, सब मित्र अहैं कोइ शत्रु नहीं ।

इक शत्रु आपका आपहि है, हरि पूजन है मन शुद्ध सही । १०।

षट् शत्रु न जीते दिशि जयकी, नाहक गुमान मनमें धारे ।

सम चित्तसाधु के शत्रु नहीं, निज मोह शत्रु क्यों नहिं मारे । ११।

हि० क० रु० प्रत्यक्ष मृत्यु बश्यों बकता, मरने वालों के यही वचना । १२।

मुझसे मालिक कोइ और अहैं, दिखलाव उसे करुणीय यतन । १३।

दो०—बकत मूढ़ तव शीश में, काटों लगौ न बार ।

आय बचावै तोहिं हरि, जो तेरो रखवार । १४।

छं०—इस भांति सुतहिं बहु कटुक हिकै, लैखझ उछलि खंभहि मारा । १५।

भाशब्द घोर विस्मित सुर विधि, ब्रह्मांड फटि गयो जनु सारा । १६।

सुत बधकारी सुनि बिकट शब्द, नहिं कुछ देखा सब असुर डरे । १७।

निज भक्त वचन सत करने को, जग व्याप्त नृसिंह रूप निकरे । १८।

स्तंभसे निकसे नर न सिंह, अद्भुत नरसिंह रूप धारे । १९।

भय दायक रूप लाल लोचन, जमुहात सदा निज फट्कारे । २०।

दाढ़ै कराल लप लप हो जीभ, भौ हैं भयदायक कान खड़े ।

गिरि कंदर सम मुख नासा है, इक एक अंग विकराल बड़े । २१।

दो०—छुवै देह आकाश जनु, हृदय दीर्घ विकरार ।

शत भुज नख आयुध धरे, मनहु खड्ग की धार । २२।

[२८] * श्रीमद्भागवते भाषासरसकाव्यनिधौ *

छं०-लखतै सब दानव दैत्य भगे, सोचै वह क्या यह मारैगा । २३।
 भटगदा हाथ लै जाय भिड़ा, ज्यों गज केहरिलल कारैगा । २४।
 नहिं अचरज जिसने तमकोहरा, भटगदा नृसिंह देह मारी । २५।
 ज्यों गरुड़ सर्पको त्यों पकड़ा, चट फाड़के निकला बलकारी । २६।
 घबराये सुर जो छिपे लखै, क्या मरै न इनसे शंक करी ।
 उसने तरवार ढाल करसे, कर क्रोध संभल कर भट पकरी । २७।
 पैतरे बदलते उसे देख, करि अट्टहास नरसिंह खड़े ।
 मद अंध फिरै वह तर ऊपर, ज्यों सर्प मूस को हरि पकड़े । २८।
 दो०-निकरन की युक्ती करै, बैठे हरि गहि द्वार ।

गरुड़ सर्प ज्यों खेलमें, डारयो उदर बिदार । २९।

छं०-मुख कराल लोचन नृसिंह के, गल फड़ चाटै तन भयदाई ।
 नख रुधिर भरे गले आंत भाल, गजमारि सिंह शोभा पाई । ३०।
 भट मृतक त्यागि नरसिंह देव, लै शास्त्र असुर जै लड़ा चहै ।
 नख शस्त्रहि से मारने लगे, गिरि भगे न संमुख कोई रहै । ३१।
 बालों से बादल भुंड भगै, दृग ज्योति से ग्रहके तेज नशे ।
 हैं क्षुभित सिंधु सुनि गर्जन को, दिग्गज चिल्लाये थलसे खसे । ३२।
 गल सटासे गगन बिमान भगै, पग पड़तै महि हिल सुर मोहैं ।
 हिलते है बेगसे गिरि भारी, तन तेजसे दश दिशि नहिं सोहैं । ३३।

दो०-नृप गद्दी पर राजहीं, नृसिंह रूप कराल ।

निकट न कोऊ जा सकै, सेवा हित ततकाल । ३४।

छं०-सुनि हिरण्य कश्यप बध हरिसे, सुरनारि हिये हर्षित भारी ।
 राणमे खलको चट मरण देखि, हरिपै पुष्पन वर्षा कारी । ३५।

आये अकाश पर विमान बहु, गंधर्व दंडुभी धुनि लाये ।
 करती हैं अप्सरा नृत्य विविधि, हर्षित यश विमल गान गाये । ३६।
 शिव ब्रह्मादिक सुरसिद्ध मुनी, विद्याधर नागादिक आये । ३७।
 मनु प्रजापती चारुणहु यक्ष, बेताल किं पुरुष सब धाये । ३८।
 हरि पार्षद कुमुदादिक हरिकी, कर जोरे दूसे बिनय करें ।
 सिंहासन पर नरसिंह देव बैठे हैं, अद्भुत तेज धरें ॥३९॥

ब्रह्मो, वाच०-दो०-नमो अनंत-विचित्र बल, जगरचि पालन हार ।
 पवित्र कृत लीला करै, संहारहु करतार ॥४०॥

छं०-रुद्र उ०-युगअंतकोपकासमयअहै, लघुअसुरकोपकरिकेमारा ।
 हे भक्त वधल सुतरक्ष तासु, है शरण कीजिये निस्तारा । ४१।

इन्द्र उ०-हैंआपकेभाग दिलाय दिया, आपहि तोहमारे हृदय बसे ।
 पदसे इन मुक्ति आपसे लें, जग सुखमें मोहित काल ग्रसे । ४२।

ऋषय ऊ०-आपही हमारे तपहो तेज, जिससे यह जग रच देते हो ।
 हे शरण पाल रक्षा तनलै, जनकी रक्षा कर लेते हो । ४३।

पितर ऊ०-पुत्रों सेदीर्घई श्राद्धमाहिं, तिलजलपिंडादिकसबसमान ।
 प्रभु पेट फाड़कर निकाल कर, दे दिया हमें भट रक्षा ठान । ४४।

सिद्धा ऊ०-दो०-योग सिद्धि गति सबै हरि मूढ़ कीन अभिमान ।
 रणमें मारि अभय दिया, नमो तुम्है भगवान ॥४५॥

छं०-विद्याधराऊचु-बलसेअभिमानिमहासूढ़, हमरीविद्यासबझीनलई ।
 पशु तुल्य नाश करि रणमें ताहि, माया नृसिंह गति ताहि दर्ई । ४६।

[३०] * श्रीमद्भागवते भाषासरसकाव्यनिधौ *

नागा ऊचु०-जिस पापीने शिर रत्नहरे, नारी रत्नहु सब हरण किये ।
है नमो! फारि छाती तिहकी, नरसिंह हमें आनंद दिये । ४७।

मनव ऊचु०-हम मनु है तव आज्ञा करी, इस दुष्टने धर्म पंथ तोड़े ।
खल मारि धर्मकी रक्षा की, हो आज्ञा धारै कर जोड़े । ४८।

प्रजापतय ऊचु०-तुम्हरे जाये हम प्रजापती, सब प्रजा की रचना करते हैं
बाधक का फारि उदर आप, मंगल करी तन धरते हैं । ४९।

गंधर्वा ऊचु०-दो०-गायक नर्तक आपके, हमें शक्ति दातार ।
पहंचि गयो इस दशा महं, कुपथ गहे दुख भार । ५०।

छं०-चारणा ऊचु०-गतिदायक चरण शरण हरिके, सोई हिय में हम धारे हैं
जगमें भयदायक मूढ़ असुर, को मारि हमें उद्धार है । ५१।

यक्षा ऊचु०-हम अनुचर प्रभुके इस खलने, हमसे पालकी दुवाई है ।
परिताप देखि अपने जनका, चट मारि कै करी सफाई है । ५२।

किंपुरुषा ऊचु०-हो महापुरुष किंपुरुष है हम, बीचहि कुपुरुष यह आय गया
धिकार साधु जन जाहि देहि, मारा प्रभुने यह भला भया । ५३।

वैतालिका ऊचु०-गुणगाय सभामें प्रभु तुम्हार, सबसे इनाम हम लेते हैं
बाधक खल भया भले मारा, हम प्रभुहि बधाई देते हैं । ५४।

किन्नरा ऊचु०-हम किन्नर आपके सेवक हैं, हमसे विगार यह नित लेवे ।
आपहीने यह दुख दूर किया, हरिके बिन अभय कौन देवे । ५५।

विष्णुपार्षदा ऊचु०-दो०-जगसुखदायक शरण प्रद, अद्भुत लखोसरूप ।
विप्र शाप उद्धार हित, मारि कियो अनु रूप । ५६।

भजन—सदा जनके रक्षक भगवान् ।

हठकै पुत्र नाम हरि लीनो, ठाने मृत्यु विधान ॥

एक चली नहीं हारि मानिकै, हिये माहिं अकुलान् ।

गुरु शिक्षा तजि बलकगनको, सिखयो भक्ति विधान ॥

सुनितरवार लई मारन को, नृसिंह जी प्रगटान् ।

मारि ताहि सिंहासन राजें, विधि सुर विनती ठान ॥

माधवराम प्रसन्न होय हरि, करें बिमल यश गान् ।

इति श्री० भा० भा० सरसकाव्यनिधौ सप्तमस्कंधे अष्टोऽध्यायः ॥

—* श्रीगणेशायनमः *

श्रीमद्भागवते भाषा सरस काव्य निधौ ।

सप्तम् स्कंधे नवमोऽध्यायः ॥

श्लो०—नवयै ब्रह्मणा भीत्या चोदितोऽसुर बालकः ।

कोपं प्रशयन्नस्तौन्नृसिंह मतिभीषणम् ॥१॥

दो०—विधि प्रेरित प्रह्लाद जी, नृसिंह विनती ठान ।

नवयें में वर्णन करें, कोप शांति हिय आन ॥

चंनारदज०—यह विधि सुर सबही करी विनय नर सिंह को पक मकरि न सकैं । १

देवों ने लक्ष्मी को भेजा, नहीं पास गई दूरहि से तकैं । २

विधिने प्रह्लादहि को भेजा, पितु पर कोपित करौ कोप शमन । ३

हां करि प्रह्लाद निकट जाकर, कर जोरि चरणमें कियो नमन । ४

निज चरणों में प्रणाम करते, लखि दया हृदय में भरि आई ।

भट उठाय शिर पर हाथ धरा, भय भीतों को जो सुखदायी । ५

[३२] * श्रीमद्भागवते भाषासरसकाव्यनिधौ *

कर परसत ही हुआ हृदय विमल, गतपाय आत्म दर्शन पाये ।
धरि हिये चरण रोमांच खड़े, नेत्रों में आंसू बह आये । ६।

दो०—सावधान मन थिर किया, गद् गद् बैन उचारि ।

हृदय नैन हरिमें दिये, बिनवै बिनती धारि ॥७॥

छं० विधिसुरमुनिगणकरि एकबुद्धि, जिन प्रभु की बिनती सकै न करि ।
मैं दैत्य जाति बालक लघुमति, क्या कहूं सामने मनचित धरि । ८।
धन जन तप रूप प्रभाव बुद्धि, बल तेज श्रुती आदिक जितने ।
भक्ती से गज पर प्रसन्न हरि, नहिं हर्ष हेत साधन तितने । ९।
द्विज बारा लक्षण से प्रयुक्त, हरि बिमुख से भक्त श्वपच अच्छा ।
मनबाणी अर्पित प्रभु प्रसन्न, तारै कुल हिय न मान इच्छा । १०।
निज लाभ पूर्ण नहिं मान चहौ, हो दयालु हिय दायार धारे ।
जो जो जन हरिमें मान धरै, प्रतिबिंब तुल्य निज अनुसारै । ११।

दो०—तजि शंका जस बुद्धि मम, प्रभु की बिनती ठान ।

नीच जाति माया फंसो, हों पवित्र जिय जान । १२।

छं०—आज्ञा कारी विधि आदि डरै, ये भक्त अहैं हम नाहिं हरे ।
जग सुखके हेत लीला करिके, अवतार अनेकन आप धरे । १३।
मरि गया दैत्य करो कोप शांति, मरे वीछी सांप जन खुश चाहिये ।
पावै निवृत्ति इस रूपसे जग, निर्भय हित हिय सुमिरन रहिये । १४।
तब मुख जिह्वा दृगदादों से, आतों की माल लखि कान बाल ।
दिग्गज विदीर्णकारी नखसे, नहिं तिल भर डरलागै यहि काल । १५।
संसार चक्र से हम डरते, जन वत्सल कर्म वश जहां पड़े ।
हैं चरण शरण कब प्रसन्न हवै, अपनाय लेहु जन दीन खड़े । १६।

दो०—प्रिय अप्रिय जन्महु मरण, सबयोनिहु में वास ।

दुख औषध तहुं दुख सहै, दीजै भक्ति सुपास ॥१७॥

छं०—प्रिय सुहृद देवता हरि गाथा, विधि गावैं सोई गाय तरैं ।

संसार जाल से छूटि जाय, जन परम हंस को संग करैं ॥१८॥

पितु मातु न रक्षक बालक के, रोगी की न औषध मृत्यु हरै ।

नहिं डूबत को रखि सकै नाव, पद शरण गहे से पूर परै ॥१९॥

जिसमें जिहते जिससे जिहको, विधि पितर आदि करि करवाते ।

सब भाव आप से पृथक नहीं, आपहिं के रूप से सब आते ॥२०॥

तब कालसे प्रेरित माया रचि, जग कर्म मयी हैं वेद रचै ।

सोलह विकार युत मन भोगै, हरि बिन न तरै नर वृथा पचै ॥२१॥

दो०—निज आत्मा गुण जीतिकै, रचि पालन नहिं मान ।

ऊष दंड सम पिसि रह्यो, लेहु शरण भगवान ॥२२॥

छं०—बय विभव लखीं हम सबकी श्री, जिस हेत जीव पच मरते हैं ।

इक पलमें मम पितु को मारा, जिससे सब कंपते डरते हैं ॥२३॥

विधिहू की उमर सुख नाहिं चहौं, तनुधारी सुख की कौन कहै ।

तब कालरूप से नाशमान, दीजै इक हरि जन संग चहै ॥२४॥

बरदान श्रवण सुख तृष्णा रूप, यह तुच्छ देह रोगों का घर ।

विषयों से काम अग्नि सीचै, नहिं विराग लें पंडित हर बर ॥२५॥

कहं दैत्य वंश में जन्म पाय, हे प्रभू कहां यह तब दाया ।

विधि रुद्र रमादिक नहिं पायै, जस मम शिर कीनी कर छाया ॥२६॥

दो०—जग सम मति नहिं आपकी, जगदात्मा प्रिय मीत ।

कल्पवृक्ष सम फल न दै, हितकर परम पुनीत ॥२७॥

[३४] * श्रीमद्भागवते भाषासरसकाव्यनिधौ *

छं०-करि चाह चाह पै भवमें पड़े, करि देहु दया अब तुम्हें भजौ ।
अपनाय कै नारद सीख दई, किमि हरिजन सेवा नाथ तजौ । ३८।
मम, रक्षा पितु बध दोउ कर्म, मुनि वाक्य सत्य प्रभुने कीनी ।
जिस समय खड्ग लै शिर काटौ, ऐसी कटु बोनी कहि दीनी । ३९।
जग आदि अंत मध्यहु में बसो, हैं आप एक नहि और कोय ।
माया से जग रचि विविधि भांति, तिसके भीतर तब बास होय । ४०।
तुमसे है पृथक् सत असत जगत, येही सब झूठी माया है ।
जग जन्म मरण रक्षा तीनों, ह्यां वृक्ष बीज सम गाया है । ४१।

दो०-सब जग लय करि आपमें, सोवत अनुभव माहिं ।
योग नीद तुरिया गती, लही न गुण तुम पाहिं । ४२।

छं०-निज काल शक्ति से प्रकृति रूप, धरि अनंत शय्या पर सोये ।
तजि समाधि नाभिकमल निकस्यो, ब्रह्मांड सबै कबिजन जोये । ४३।
तिसमें ब्रह्मा जी प्रगट भये, चहुं फेर लखें कुछ नहिं देखा ।
जलमें प्रवेश करि डूढ़ थके, निज उत्पति कां न लह्यो लेखा । ४४।
थिर कमल पै तप तप वचन सुना, आत्मा शोधा तप घोर किया ।
निज नाथ आप भट प्रगट भये, ह्वै प्रसन्न ब्रह्मा दर्श लिया । ४५।
मुख सहस्र चरण शिर नयन कान, तनमें सुन्दर आभूषण हैं ।
लखिकै ब्रह्मा अति हर्ष लह्यो, मायामय तन नहिं दूषण हैं । ४६।

दो०-हयग्रीव तन धारि हरि, मधुकैटभ बलवान ।
मारि बेद लावत भये, प्रियतनु धरि भगवान ॥ ४७॥

छं०-ऐसे नर मत्स्यदेव तनु धरि, जग रचि पालौ दुष्टहु मारौ ।
युग युग में धर्म की रक्षा करि, सत रूप अनेकन तुम धारौ । ४८।

मन दुष्ट चपल नहिं सुनै कथा, करि भजन हर्ष छन नहिं लावै ।
 भय शोक काम से बिकल रहै, किमि भजौ तुम्हैं इत उत धावै । ३६ ।
 इक तरफ जीभ खींचै स्वामी, कहुं कान भोग इन्दी न सुखी ।
 नाकहू दृष्टि इक एक तरफ, जिमि बहु तिय वाला प्रति है दुखी । ३७ ।
 निज कर्म से भवमें पड़ा जीव, बहु जन्म मरण भय आदि लहै ।
 आपस में वैर कर महा दुखी, है मूढ़ पालियै शरण गहै । ३८ ।

दो०—जगत गुरु मिहनत नहीं, तारन में निज भक्त ।

आर्तबंधु दाया करो, हरि हरि जन पद रक्त ॥ ३९ ॥

छं०—वैतरनी दुख से डरें न हम, गुण अमृत सिंधुमें मगन रहैं ।
 जे बिमुख लगै इन्दी सुखमें, उन मूढ़ जनों पर शोक गहै । ४० ।
 सुर मुनि तजि काम मौन बिचरें, बनमें पर स्वारथ मन धारे ।
 इनको तजि भवसे तरन एक, तजि शरण भूमें जगमें सार । ४१ ।
 है गृहस्थ सुख दद्रू समान, खुजलाये सुख पुनि दुख होवै ।
 जे मूढ़ भोगि नहिं तृप्ति लहैं, है धीर तृप्त सत सुख जोव । ४२ ।
 व्रत मौन धर्म तप जप समाधि, मुक्ती उपाय निश्चय सब हैं ।
 अजितेन्दी बेंचि बिषय लेवैं, दंभी की निष्फल करतब हैं ॥ ४३ ॥

दो०—मत अरु असत रूप दोउ, अंकुर बीज समान ।

काष्ठ में व्यापक अग्नि ज्यों, निरखहिं तुम्हैं सुजान । ४४ ।

छं०—जल मही अग्नि आकाश वायु, हिय इन्दी प्राण रूप व्यापक ।
 हौ निगुण सगुण सरूप दोउ, रचिकै संसारी संस्थापक । ४५ ।
 गुण गुणी पंच तत्वहु इन्दी, मन देवहु तुम्हैं न जानि सक ।
 यह नाशमान हैं धीर पुरुष, इक बिचार से सुख पाय तकै ॥ ४६ ॥

[३६] * श्रीमद्भागवते भाषासरसकाव्यनिधौ *

है नमो बचन स्तुति में लगौ, मन चरण कथा में कान लगौ ।
बिन आपकी सेवा किये प्रभू, किम भांति से हियमें प्रेम जगौ ॥५०॥

दो०-नारदउवाच-स्तुति कीनी भक्ति से, विष्णु भक्त प्रह्लाद ।
हर्षित भये नृसिंह हरि, बोले हिय अह्लाद ॥५१॥


श्रीभगवानुवा०-प्रह्लादप्रसन्नहैं हम तुमपर, मनइच्छितबरहमसेलेवो ॥५२॥
दर्शन ही मेरा दुर्लभ है, लहि दर्श फेरि नहिं भव सेवो ॥५३॥
जो धीर साधु इस जगमें हैं, सब भांतिसे हमें प्रसन्न करें ।
हैं महा भाग कल्याण चहैं, लहि मुझे सबै आनंद भरें ॥५४॥

दो०-प्रह्लादहिं लालच दियो, मांगि लेहु बरदान ।
अचल भक्त भगवान से, बरनहिं चहै सुजान ॥५५॥

भजन-सत्य हरि भक्त न लें बरदान ॥

की बिनती प्रह्लाद विष्णु की, प्रसन्न हैं भगवान ।
बर लेवो मुखसे हंसि बोलैं, मनमें करि अनुमान ॥
करिकै भजन जौन बर मांगै, सो रुजगारी जान ।
मिहनत करी मंजूरी लीनी, नहिं सत भक्त सुजान ॥
सांचा सोइ बचन मन तनसे, स्वामी सेवा ठान ।
माधवराम न तिलभर इच्छा, हरिके हाथ विकान ॥

इति श्रीमद्भागवते भाषासरसकाव्यनिधौ सप्तमस्कंधेनवमोऽध्यायः



॥ श्रीगणेशायनमः ॥

श्रीमद्भागवते भाषा सरस काव्यनिधौ सप्तम
स्कंधे दशमोऽध्यायः ॥

श्लो०—दशमेत्वनुग्रह्यामुं भक्तमंतर्हितेहरौ ।

प्रसंगाद्धिणा रुद्रे कृतोऽनुग्रह ईर्यते ॥१॥

दो०—दाया करि प्रह्लाद पै, हरिभे अंतर ध्यान ।

दशयें में बर्णन करें, चरित रुद्र भगवान ॥

छं०—नारदउ०—बरदानभक्ति केबाधकहैं, प्रह्लादहृदयअनुमानकिया
हंसिकैहरिसे.यों बचन कहै, दृढ़ भक्ति प्रेम मन ठान लिया ।१।

प्रह्लादउ०—विषयों में फंसे मुझको प्रभुजी, बरदानकालोभनहींदीजै
जग संग से डरि आया हूं शरण, गति भक्ति चहों अपना कीजै ।२।
करते हो भक्त परीक्षा प्रभु, जग बीज भोग प्रेरणा करी ।३।
जग गुरु दायामय कस कहते, जन चहै न बर करै वैश्य हरी ।४।
स्वामी को सेइ बरदान चहै, वह नहिं सेवक मजदूर अहै ।
सेवक का न सच्चा वह स्वामी, सेवकाई में बरदेन चहै ।५।

दो०—हम अकाम तव भक्त प्रभु, स्वामी आप अचाह ।

नृप नौकर सम काज नहिं, चुकती हो तन खाह ।६।

छं०—बरदान देय की इच्छा हो, हिय चाह नहो दीजै बरदान ।७।
मनप्राण धर्म धृति मति हीश्री, सब काम भये से नाशमान ।८।
जिस समै काम नानर त्यागै, उस समय नरायण हो जावै ।९।

[३८] * श्रीमद्भागवते भाषासरसकान्यनिधौ *

भगवान नृसिंह नमो प्रभुको, परमात्म ब्रह्म हम गुण गावें । १०।

नृसिंह उ० तव तुल्य अनन्य भक्त जे हैं, ह्यां ह्यां की चाह हिय नहिं राखें ११

तौ भी मन्वंतर राज करौ, है दैत्य पती हम अस भाखें ।

है एक चित्त मम कथा सुनौ, मैं सबमें बसों पूजि नित ही । १२।

तजि कर्म भोग से पुण्य भजन से, पाप काल से देह सही ।

दो०—कीर्ति रहै त्रैलोक्य महं, मुक्त मिलौ हम काहिं ॥ १३॥

हमें तुम्हें यश गाय नर, बंधन से छुट जाहिं ॥ १४॥

छं० प्र० उ०—बरदानी आपसे बर मांगौ, निंदा पितु कीनी बिन जाने । १५।

जग गुरु समझ कर भाई रिपु, तुव जन गुनि मम मारन ठाने । १६।

जन वत्सल अंग संग तब लहिं, पितु पवित्र हों नहिं नर्क परें ।

अपराध आप संग दुरस्तर करि, नहिं किसी पुण्य से पाप हरें । १७।

श्रीभ०—इक ईस पितृ लै पिता तरे, जहं तुमसे जन्में कुल पावन । १८।

मम भक्त शांत समदर्शी जहं, पापिहु जन हरि के मन भावन । १९।

सर्वात्मा लखि नहिं जीव बधैं, सबमें हरि देखैं चाह तजे । २०।

तब संग रहैं ते भक्त होय, तुम श्रेष्ठ सबों में मोहिं भजे । २१।

दो०—पिता प्रेत कारज करो, तै छुयों मम अंग ॥ २२॥

पितु गद्दी स्वीकार करि, पालि भजौ करि संग ॥ २३॥

छं० ना० ऊ०—प्रह्लाद पिता की क्रिया करी, फिर बिग्रों ने नृपति लक किया । २४।

लखि प्रसन्न ब्रह्मा नृसिंह कहं, बिनती कर कोमल बचन लिया । २५।

ब्रह्मोवाच—हे देव २ जग नायक हरि, भल कीन असुर पापी मारा । २६।

मम सृष्टि से मरि न सकैं बरलैं, अति बली धर्म सब संहारा । २७।

भलकीन भक्त सुत यह इसका, मरने से प्रभु कीनी रक्षा । २८ ।
 इहरूप ध्यान से मृत्यू भय, छूटै सबको है शुभ जिज्ञा । २९ ।
 नृसिंह उ-जैस्वभावसे अतिदुष्ट असुर, तिनको अमबरविधिनहिं दीजै ।
 हैं प्रथम जहर से भरे सर्प, तिन्हें प्याय दूध क्या फल लीजै । ३० ।

नारद उ०-दो०-कहि विधिमे नरसिंह हरि, भटभे अंतर ध्यान ।

पूजा कीनी प्रथम ही, जन रक्षक भगवान् ॥ ३१ ॥

छं०-विधि रुद्रसबै भगवतकी कला, प्रह्लाद पूजिनमि विनयकरी ।
 गुरु शुक्राचार्य द्विजवृन्द सहित, दैतिलक असुर पति मौरधरी । ३३ ।
 सुर करें प्रशंसा अशीश दै, विधि सहित आपने लोक गये ।
 छूटा संकट सुरमुनि सबका, घर घर में मंगल चार भये । ३५ ।
 हरि पार्षद दिति सुत हूँ के मरे, उद्धार शाप सों पाये हैं । ३५ ।
 पुनि रावण कुंभकर्ण जन्मे, तहं रामहिं तिन्है नशाये हैं । ३६ ।
 लगि रामबाण रणमें तन तजि, हरिही में मन करि जन्म धरे । ३७ ।
 शिशुपाल दंत वक्रहु अबहूँ, तुम्हरे देखत भव सिंधु तरे । ३८ ।
 दो०-पाप पूर्व कृत वैर करि, हरिसों छूटे आप ।

कीट भृंग सम लाय चित, छटे सकल संताप ॥ ३९ ॥

छं०-तजि भेदभावकरि दृढ़भक्ती, शिशुपालादिक हरिरूपलि ।
 हरि की समता शिशुपाललही, नृप वर्णन सारा चरित किया । ४१ ।
 ब्रह्मण्य देव श्री कृष्ण चरित, बध आदि दैत्य दानव नायक । ४२ ।
 प्रह्लाद भक्त को शुभ चरित्र, भक्ती विराग ज्ञानहु दायक । ४३ ।
 जग पालक का गुणकर्म गान, सुखदायक सबहिं कालनाश । ४४ ।

[४०] * श्रीमद्भागवते भाषासरसकाव्यनिघौ *

भक्तों का धमकहि हरिमिलते, अध्यात्म ज्ञान हर भवफासैं । ४५।
हरि चरित जौन जन कहै सन, कर्मों के बंध से छुट जावैं । ४६।
बध दैत्य नृसिंह चरित जनका, सुनिकहि निर्भय पदवी पावैं । ४७।

दो०—भाग्यमान तुम धर्म नृप, मिलैं सबै मुनि आय ।

बसैं कृष्ण परमात्मा, जहं नर रूप बनाय ॥४८॥

छं०जो ब्रह्म महात्मा जन दूढ़ें, मुक्ती दायक अनुभव सुखसम ।

मामा का पुत्र प्रिय मुहदसोइ, गुरु आत्मा पूजनीय हर दम । ४९।

शिव ब्रह्मादिक नहि मनसे लखैं, गहि मौन यतन बहु धारे हैं ।

भक्तों का मालिक प्रसन्न हो, हम उसके सदा सहारे हैं । ५०।

सोई हरि रुद्र सहाय करी, मय दानव त्रिपुर बनाया है ।

युक्ती से विधि बधरा हरिगौ, बनिकै सब नाश कराया है । ५१।

राजोवाच-दो०-त्रिपुर नाश किमि भयो मुनि, चरितकहौ समभाय

जगदीश्वर श्रीकृष्ण को, दीजै सुयश सुनाय ॥५२॥

छं०नारदउ०-जबअसुरसुरोंसेहारगये, मायाबीमयकीशरणगये । ५३।

रच त्रिपुर स्वर्ण चांदीलोहा, मय समान युत तिन्है देत भये । ५४।

उसमें चढ़ि लोक लोक पालहु, लखि पूर्व बैर सब जीत लिये । ५५।

सब लोक पाल शिव शरण गये, प्रभु त्राहि २ बहु विनय किये । ५६।

मत डरो अभयदै शिवजी तिन्हैं, शर धनु चढ़ाय छोड़न लागे । ५७।

रवि किरन यथाचले अग्नि वान, नहिं आवैं त्रिपुर दृष्टि आगे । ५८।

जै मरैं असुर मय तिन्है लेय, भट अमृतकूप छोड़ै ज्यावै । ५९।

रस पीवत ही बलवान होय, बल तेज अग्नि तनमें आवै । ६०।

* सप्तमस्कंध दशमोऽध्यायः *

[४१]

दो०—शिव संकल्प न पूर हो, विष्णू रच्यो उपाय ॥६१॥

बछरा विधि हरि भौ बने, पियो अमृत तहं जाय ॥६२॥

छं०—नहिं रोकैं असुर भयै मोहित, लखि पीछे मम यह कहते हैं ॥६३॥
 लखि शोक युक्त गति दैव कही, सुर असुर न मेढा चहते हैं ॥६४॥
 निज पर प्रारब्ध न पलटि सकैं, हरि ने शिव को बलवान किया ॥६५॥
 तप धर्म मयी रथ वेद अश्व, ध्वज सूत ज्ञान वैराग लिया ॥६६॥
 रथ चढ़ि शिव छोड़ै तीव्र बान, अभिजित मुहूत जब आय गया ॥६७॥
 शंकर जी त्रिपुर भरम कीना, दुदुंभी शब्द आकाश भया ॥६८॥
 सुर सिद्ध पितर जय जय कहते, अप्सरा पुष्प वर्षे नाचैं ॥६९॥
 ब्रह्मादिक रतुति करैं शंभु, भट त्रिपुर जारि निज पुराचैं ॥७०॥

दो०—हरि माया पतिके चरित, गाये बहुत अपार ।

कहैं काह नृप कहिं सुनै, होहिं अधम भव पार ॥७१॥

भजन-हरी की महिमा अपरंपार ॥

मारि दैत्य जन अपन बचायो, बने बिकट रखवार ।

दैं बरदान सुखी करि दीनो, दीन पिता अधिकार ॥

त्रिपुरासुर अति प्रबल रह्यो, सब गये देवता हार ।

हरि सहाय से एक पलक में, शंकर कीनो छार ॥

सब विचार हिय निर्णय करि कै, कीन यहै निरधार ।

माधवराम श्याम गुण गाये, है भव से उद्धार ॥

इति श्री० भा० भा० सरसकाव्यनिधौ सप्तमस्कंधे दशमोऽध्यायः

[४२] * श्रीमद्भागवते भाषासरसकाव्यनिधौ *

* श्रीगणेशायनमः *

श्रीमद्भागवते भाषा सरस काव्य निधौ ।

सप्तम् स्कंधे एका दशोऽध्यायः ॥

श्लो०—एकादशे नृणां धर्माः साधारण्येन वर्णिताः ।

विशेषेण चवर्णानां मुख्यामुख्याश्चयोषिताम् ॥१॥

दो०—दश तक ज्ञान भक्ति कहि, कर्मयोग अब पांच ।

ग्यारह में सब धर्म शुभ, वर्णन करते सांच ॥

ब्र०-श्रीशु-उ०-हरिचरितसाधुसंमतमुनिकै, करिहर्षयुधिष्ठिरप्रश्नकरै ।
विधि सुत नारद प्रसन्न हियहूँ, हरि चरित कथन मन माहिं धरै ॥१॥

यु०-उ० मुनिधर्मसनातन सुनाचहैं, वर्णाश्रम जिससेहरिमिलते ।२
विधि पुत्रों में तुम ब्रह्मचर्य व्रतधारी, तपसे नहिं हिलते ।३
हरितत्पर द्विज लखै गुप्तधर्म, जै साधु शांत तुम सम औरहु ।
हैं दयावान हिय अति कोमल, हरिको निरखै हैं सब ठौरहु ।४

नारद उ०-नारायण पद करि नमस्कार, हम गुप्त सनातन धर्म कहैं ।
जो नारायण के मुखसे सुने, करि कर्म धर्म जग सुखी चहैं ।५
हरि दत्तसुता में जन्म लिया, जग हित बदरीबन तप ठानै ।६
धर्म ही मूल सुर मय हरि हैं, तरि आत्मा जो धर्महि जानै ।७
सत दया शौच तप तितेजा, शम दम ब्रह्मचर्य त्याग स्वाध्याय ।८
संतोष अहिंसा सरल भाव, समदृक सेवा उपरति लाय ।
जग सुखसे उलटी इच्छा रख, गहि मौन आत्म निर्णय करना ।९
जीवों के अन्नादिक विभाग, तहं देव आत्म बुद्धी धरना ।१०

* सप्तमस्कंधे एका दशोऽध्याय *

[४३]

हरि कथा श्रवण सुभिरन कीर्तन, जन सेवा पूजा नमस्कार । ११।

आत्मा अर्पण सखा दास भाव, नर धर्म सधारण तीस प्रकार । १२।

दा०—हरि प्रसन्न द्विज धर्म यह, यज्ञ पठन अरु दान ।

अविच्छिन्न संस्कार सब, आश्रम वर्ण प्रधान ॥ १३॥

छं०—द्विज कर्म यजन अध्यनय आदि, षट्कर्म प्रतिग्रह नहीं लेना ।

क्षत्री कर लेवै बिप्र छोड़ि, चाहिये द्विज रक्षा कर देना । १४।

कृषि आदि वैश्य की वृत्ति कही, द्विज मान शूद्र सेवा करते । १५।

जीविका बिप्र की कृषि निकृष्ट, बिन मांगे मिलै गुजर धरले ।

नित मांगि अन्न खावै न धरै, शिल उंछौ खेत वजार अन्न ॥

ब्राह्मण की जीविका चारि अहैं, आखिरी श्रेष्ठ द्विज करै धन्य । १६।

नहिं नीच ऊंचि जीवका करै, आपति में नृप करै दान न ले । १७।

ऋत अमृत प्रमृत मृत सत्यानृत, करिकै द्विजनृप स्ववृत्तितजदे । १८।

दा०—शील उंछ ऋत वृत्ति है, अमृत मांग बिन पाव ।

नित्य याचना वृत्ति मृत, खेती प्रमृत कहाव ॥ १९॥

छं०—सत्यानृत वृत्ति वणिज जानौ, श्वावृत्ति नीच सेवा कहिये ।

द्विज क्षत्री याहि अवशि त्यागै, द्विज वेदमयी नृप सुर रहिये । २०।

शम दम तप शौच चांति सरलौ, संतोष ज्ञान सत दया भाव ।

आत्मा अर्पण हरिमें नितही, यह ब्राह्मण लक्षण वेद गाव । २१।

शूरा वीरता तेज त्याग, धृति क्षमा आत्म जय चित आनै ।

ब्रह्मण्य प्रजा रक्षा प्रसन्न, क्षत्री के लक्षण पहिचानै । २२।

[४४] * श्रीमद्भागवते भाषासरसकाव्यनिधौ *

गुरु देव हरी में द्विज भक्ती, द्विज क्षत्रि शूद्र पाषण करना ।
आस्तिकउद्यमअतिनिपुणहोय, यहवैश्यकेलक्षणचितधरना । २३

दो०—नमन साफ सेवा करै, माया कपट न लाव ।

हवन मंत्र बिन शूद्र को, गो द्विज रक्षा गाव ॥२४॥

छं०—तिय सेवा करि पति व्रत धारै, पति कुटुम्ब के अनुकूल रहै । २५

गृह साफ लीपना आदि करै, शृंगार युक्त तन शुद्ध लहै । २६

है नमू जीति इन्द्री सेवै पति, सत्य बचन कहि समय से मिल । २७

संतोष धर्म प्रिय सत्य वाहै, तजि लालच सावधान निश्चल । २८

जो विष्णु तुल्य पति को सेवै, हरि लक्ष्मी है हरि लोक रहै । २९

संकर जाती अंत्यज है सात, चोरी औ पाप तजि वृत्तिकहै ।

घोबी चमार नट औ बेड़िया, मल्लाह मेद भिक्षुहु ये सात ।

पुल्कस चंडाल मतंग आदि, अंते वसायि कहलावै जात । ३०

दो०—युग युग धर्म स्वभाव युत, हित कर ह्यां ह्यां गाव ।

श्रेष्ठ चहै पर धर्म तजि, नीच स्वधर्म मनाव ॥३१॥

छं०—निज स्वभाव की जीदिका करै, जाती के कर्म करि सुख पावै

तजि कर्म जीविका स्वभाव के, है विगुण जीवको दुख छावै । ३२

निज कर्म किये निगुण होवै, हो बीज बिफल बहु बार बये ।

नहिं जन्म होय जगमें नरका, बये बीज न दें अंकुरहु नयै । ३३

इस भांति काम में पंसो चित्त, बहु काम भोगि विराग लेवै ।

बहु घृत डारे हो अग्नि शांति, जग सुरूमें निज मन नहि देवै । ३४

* सप्तमस्कंधे द्वादशोऽध्यायः *

[४५]

दो०—लक्षण और वर्ण के, और और दिखाहिं ।

समता तुल्यपना कहै, प्रतक्ष में सोनाहिं ॥३५॥

भजन-सनातन धर्म की महिमा, शास्त्र वेदों में गाई है ॥

गहै जो धर्म यह सच्चा, मुक्ति अपनी बनाई है ।

चार वर्णों के चौवारे, विप्र क्षत्री वैश्य शूद्र हु ॥

कर्म अपने करै सबही, दिलसे मिलित सवाई है ॥१॥

यज्ञ करना वेद पढ़ना, पढ़ाना दान ले देना ।

विप्र संतोष तप धारै, तभी द्विज की भलाई है ॥२॥

करै रक्षा सदा क्षत्री, प्रजा से भूमि कर लेवे ।

विप्र मानै शूरा धर, करै रणमें लड़ाई है ॥३॥

वश्य रुजगार गो पालै, करै पोषण वर्ण तीनों ।

दास वनिशूद्र सेवा करि, सुगति माधव से पाई है ॥४॥

इति श्रीमद्भागवते भाषासरसकाव्यनिधौ सप्तमस्कंधे एकादशोऽध्यायः

॥ श्रीगणेशायनमः ॥

श्रीमद्भागवते भाषा सरस काव्यनिधौ सप्तम

स्कंधे द्वादशोऽध्यायः ॥

श्लो०—द्वादशे वर्ण्यते धर्मो ब्रह्मचारि वनस्थयोः ।

चतुर्णामाश्रमणां च साधारण्येन कश्चन ॥१॥

दो०—वनस्थ ब्रह्मोचर्य को, धर्म बारहें माहिं ।

चारों आश्रम धर्म हूं थोरे महं कहि जाहिं ॥

[४६] * श्रीमद्भागवते भाषासरसकाव्यनिघौ *

छं-ना०उ०-लैब्रह्मचर्य गुरुपास बसै, बनिदास सुहृद गुरुहितधारी । १
गुरुअग्नि सूर्य दोउ काल सेइ, गायत्री जप संध्या कारी । २
गुरु आज्ञा शिर धरि बेद पढ़ै, पहले पीछे दंडौत करै । ३
मेखला चर्म मृग दंड आदि, यज्ञोपवीत कुश आदि धरै । ४
प्रात हू सांभ भिक्षा लावै, गुरु कहै खाय नहिं व्रत धारै ।
लघु भोजन शील जितेन्द्री रह, नारी से न लावै व्यवहारै । ६
नारी की कथा बतकही तजै, इन्द्री हैं प्रवल मन हरि लेवै । ७
अंजन मंजन केशहु सुधार, तियसे नहिं आपहु तन सेवै । ८

दो०-नारी अग्नि समान है, घृत घट नरको जान ।

कन्या से नहिं अलग मिलु, युक्ति यहै हिय आन । ६।

छं०-जब तक आभास जगतजचकर, आत्मास्वतंत्र नहिं होईश्वर ।
तबतक स्त्री से बचा रहै, हो भोग बुद्धि रह द्वैत से डर । १०।
ऋतु गामी गृहस्थ निज तियमें, यति को संयम करना चाहिये । ११।
अंजन मंजन मधु तेल माल, भूषण तन नहिं धरना चाहिये । १२।
गुरुपास बास करि पढ़ि विद्या, भर पूर जहां तक बनि आवै । १३।
गुरुदक्षिणा देहोवै गृहस्थ, या नैष्ठिक व्रत धर वन जावै । १४।
अग्निहु गुरु आत्मा सब जगमें, ईश्वर प्रवेश औ अलग लखै । १५।
ब्रह्मचारी वानप्रस्थ यती, लहि ज्ञान ब्रह्ममें मिलि न भखै । १६।

दो०-वानप्रस्थ नियम सुनो, करि जावै ऋषि लोक ॥ १७॥

जोता कच्चा फल न ले, पक्का ले तजि शोक ॥ १८॥

छं०-वनही की वस्तु से हवन करै, लहि नया अन्नतजिदे पुरान । १९।
झांपड़ी कंदरा माहिं बस, सहि शीत घाम वर्षा सुख मान । २०।

नखरोम केश शिरजटा धरै, मृग चर्म दंड आदिक सामान । २१।
 बारह आठौ दो चार एक, वर्षहिं व्रत ले नहिं हो हैरान । २२।
 नहिं होंय क्रिया तनरोग वृद्ध, अनशन व्रत धरि ब्रह्महि ध्यावै । २३।
 तजि संग अग्नि हियमें धरिकै, ममतातजि ब्रह्महि मिलि जावै । २४।
 तन छिद्र अकाश में बायु स्वांस, जलमे रुधिरादिक सबमें सब । २५।
 बानी अग्नी में इन्द्र मे कर, विधि में इन्दी हरिमें करतब । २६।

दो०—गुद इन्दी धरि मृत्यु में, दिशि में कानहु धार ।

स्पर्श वायु में धारकै, योगी हो भवपार ॥ २७॥

छं०—रबिमें धरि नेत्र बरुण जिह्वा, पृथ्वी में घ्रान इन्दी धरिकै २८।
 मन चंद्र में विधिमें बुद्धि धरै, हंकार रुद्र अर्पण करिकै ।
 चित निर्विकार ब्रह्महि में धरै, क्रमसे सब तत्वहु लय लीजै । २९।
 महि जलमें अग्नि में जल अग्नी, बायू आकाश लीन कीजै ।
 आकाश अहं में महत में वह, फिर महतत्व प्रकृती में धर ॥
 प्रकृतीहु ब्रह्म में लय करके, हो योगी ब्रह्मरूप हर बर । ३०।

दो०—अक्षर आत्मा चित लखै, ब्रह्म अंत में शेष ।

काष्ठ जरे पर अग्नि ज्यों, धारै रूप विशेष ॥ ३१॥

भजन-नियम सब आश्रम करत बखान ॥

ब्रह्मचारी गुरु अग्नी सेवै, भिक्षा व्रत ले ठान ।

गुरु दक्षिणा दै गृहस्थ होवै, ऋतु गामी न गुमान ॥

वानप्रस्थ शक्ति भर, रहिकै, ले संन्यास विधान ।

पंचतत्व लय करि क्रम २ से, पद लेवे निर्वाण ॥

[४८] * श्रीमद्भागवते भाषासरसकाव्यनिधौ *

माधवराम भक्त नित चाहैं, भक्ति करें गुनगान ।
इति श्रीमद्भागवते भाषासरसकाव्यनिधौ सप्तमस्कंधे द्वादशोऽध्यायः ।

श्रीमद्भागवते भाषासरस काव्य निधौ ।
सप्तम् स्कंधे त्रयोदशोऽध्यायः ॥

श्लो०—त्रयोदशे यतेर्धर्मः साधकस्योच्यते महान् ।
अवधूनेति हासेन सिद्धावस्था च वर्ण्यते ॥१॥

दो०—तेरह में यति धर्म कहि, साधक हेतु सुपास ।
सिद्धावस्था कहत हैं, अवधूतहु इतिहास ॥

छं-ना-उ०—संन्यासधारितनमात्रसंग, बसि ग्राम एक निशिमहि बिचरै ।
कौपीन दंड संन्यास चिन्ह, बिन बिपत्ति न कुछ तन माहि धरै ।
इकला बिचरै नहि संग कोय, जग मीत शांत नारायण पर ।
आत्मा में जग हरि में आत्मा, सत परब्रह्म आत्मा में धर ।
लखि आत्मतुरीय माहि थिर हो, माया मय बंध मोक्ष जानै ।
नहि चहै मृत्यु नहि बहु जीवन, दोनों में काल हेतु मानै ।
जीविका न कर पढ़ असल शास्त्र, नहि बिवाद कर कोइ पक्षलेय ।
बहु ग्रन्थ पढ़ै नहि शिष्य करै, नहि व्याख्यान में चित्त देय ।

दो०—आश्रम है यति के नहीं, जब चित शांती आव ।
धारै चिन्ह चहै तजै, परमहंस गति पाव ॥६॥

छं०—नहि प्रगट चिन्ह बालक सम रह, पंडित गुं गासम आत्मलखै ।
प्रह्लाद भक्त मुनि अजगर को, धारि हिय फिर न भूखै ।

कावेरी तट गिरि पर पौढ़े हैं, तेज छिपा धूरी से तन ।१२।
 महि फिरें तत्व जानिवे हेत, संग मंत्री लै प्रह्लाद सुजन ।१३।
 वर्णाश्रम चिन्ह न करत बसे, हैं संत न कोइ पहिंचान सकै ।१४।
 करि पूजन नमस्कार शिरसों, पूछते विचित्र स्वरूप तकै ।१५।
 तन धरे थूल ज्यों भोगी का, हों भोग धनीके बनिजसधन ।
 तन भोगी का मोटा होवै, किमि थूल होय तपसी निरधन ।१६।

दो०—उद्यम तजि महि सोवते, पास नहीं धन भोग ।

भोग रहित किमि थूल तन, कहो बिप्र सब योग ।१७।

छं०—कवि दक्ष चतुरस्र सुधरकथा, लखिलोककर्म कुछ नहिं कहते
 देखते समझते मौन गहे, मुनि शिखा हम सुनना चाहते ।१८।

ना०—उ०—प्रह्लाद दैत्य पति जब ऐसे, प्रियसत्यवचन अजगर सेकहे
 ह्वै प्रसन्न हंसिकै बोलि चले, यद्यपि पहले मुनि मौन रहे ।१९।

ब्राह्मण उ०—हो भक्त श्रेष्ठ प्रह्लाद सुनौ, सुप्रवृत्ति नृवृत्ति सुनाते हैं ।

देचाह प्रवृत्ति जन्म जगमें, उपराम से निरवृत्ति पाते हैं ।२०।

जिसके हियमें भगवान बसैं, भक्ती से नाश करें अज्ञान ।

हो हृदय माहिं हरि छवि प्रकाश, ज्यों तम नाशें सूरज भगवान ।२१।

दो०—कहत प्रश्न तव बुद्धि भरि, तुम भक्तन शरताज ।२२।

तृष्णा से जग जन्म लै, कीन्हे बहु विधि काज ।२३।

छं०—भूमि हरि इच्छासे नरतन मिल, है स्वर्गनर्क मुक्तिहुका द्वार २४।

लखि कर्म गृहस्थी सुख न लहै, दुख देखि निवृत्ती लीनी धार ।२५।

सब इच्छा तजि लखि आत्म सुखी, मन कल्पित भोग देखि सोवै २६।

[५०] * श्रीमद्भागवते भाषासरसकाव्यनिघौ *

आत्मा का इसी में स्वारथतजि, नरघोर जगत दुख लहि रोवै । २७।
 काई में छिपा जलतनमें आत्म, मृग मूढ मनुज मृग जलधारवै । २८।
 प्रारब्ध के बश तन भोग अहैं, सबवृथा क्रिया सुखहित लावै । २९।
 अध्यात्म ज्ञान से दुख छूटै, क्या अर्थ काम इस बिनकरि हैं । ३०।
 हैं धनी दुखी लालच के बश, तजि नींद भूख दुख में परि हैं । ३१।

दो०—चोर नृपति रिपु स्वजन से, याचक से भय दून ॥

निज पर से दिनराति भय, धन नितसोखत खून ॥३२॥

छं०—भय शोक मोह क्रोधादिक हैं, पुनि मृत्यु मनुजधनचाहतजै ॥

संतोष विराग हेतु दो गुरु, मधु मक्खी सर्प से सीख सजै ॥ ३३ ॥

सबसे विराग मधु मक्खी दे, मधु धन जोरै औरहि हरले ॥३५॥

बिनचहे भागसे भोजनमिल, सिख अजगर से नहिं ब्रतकरले । ३६

कहं बहुत थोर कहुं स्वादु रुख, रसवाला कहीं निरस भोजन । ३७।

बिने मान कभी श्रद्धासे मिलै, मिलता है रातमें कबहुं दिन । ३८।

कहुं बस रेशमी चीर बकल, प्रारब्ध पै हमने सब छोड़ा ॥ ३९॥

कहुं पलंग कहुं मही पै पड़े, इस भगड़े से मनको मोड़ा ॥४०॥

दो०—न्हाय कभी चंदन लगौं, माला बसन शृंगार ।

हाथी हय स्थ पै चढ़े, पैदर कहूं उधार ॥४१॥

छं०—नहिं किसीकी निंदा स्तुतिकर, भलचहैं आत्माहरिमेंलिये । ४२।

कल्पना हवन की मनमें सब, मनचित मेंचित आत्मा दिये । ४३।

वेचाह आत्म थिर लै विराग, सुखमय आत्मा से रहते हैं ॥४४॥

मम चरित लोकशास्त्रहुसेअलग, तुमभक्त समझ हम कहते हैं ४५।

* सप्तमस्कंधे चतुर्दशोऽध्यायः * [५१]

दो० नारद उ०-परमहंस शुभ धर्म सुनि, मगन हृदय प्रह्लाद ॥
पूजि बिदा हौ गृह गये, छोड़े सकल विषाद ॥४६॥

॥ भजन ॥

सन्यास धर्म जिन लियो धार। तिनके चाहिये निर्मल विचार ॥
तजि तर्कवाद चेला मूंडव। एकांत बास रह निर्विकार ॥
नहिं लेश दिखाव शरीर मांहि। प्रारब्ध भोग पर है आधार ॥
इच्छा त्यागे संतोष धरे। राखहिं नस्तिलौभर अहंकार ॥
चितशांत दृष्टि समता आई। सब द्वैत वृत्ति करि दीनछार ॥
आधवशम होत हैं परमहंस। भूम जाल पलक में भयेपार ॥
इति श्री० भा० भा० सरसकाव्यनिधौ सप्तमस्कंधे त्रयोदशोऽध्यायः



श्रीमद्भागवते भाषा सरस काव्यनिधौ सप्तम
स्कंधे चतुर्दशोऽध्यायः ॥

श्लो०-चतुर्दशे गृहस्थस्य परमोधर्म ईर्यते ।

देशकालादिभेदेन पुनःश्रेयो विशेषकृत् ॥

दो०-परम धर्म वर्णन करै, जासों हो कल्यान ।

गृहस्थ आश्रम के रहैं, चौदह माहिं बखान ॥

[५२] * श्रीमद्भागवते भाषासरसकाव्यनिघौ *

छं० युधि० उ० किस भांति गृहस्थ यहै पदवी, मुनिवर पावै बतला दीजै ।
गृह मां हिं फस्यो ममतुल्य मूढ, उद्धार हेत युक्ती कीजै ॥१॥

नारद उ० गृहमें रहि कर्म गृहस्थ करै, करि हरि अर्पण मुनिजन सेवै ।
हरि कथा सुनै श्रद्धा से नित, संग शांत भक्त हरिजन लेवै ॥२॥

सत संग से सुत तिय संग तजै, सब स्वप्न तुल्य छुटि हैं छोड़ै ॥३॥

मतलब भर गृह तन से है काज, ऊपर रहि हिय से मन मोड़ै ॥४॥

पितु मातु जाति सुत भाय मित्र, जो कहैं करै ममता त्यागे ॥५॥

महि स्वर्ग सकल सुख हरिनेरचे, प्रारब्ध भोग आवैं आगे ॥६॥

दो०—भरै पेट सो अपन धन, अधिक गुनै सो चोर ।

दंड पाइ है नर्क दुख, लेहि औरही छोर ॥ ८ ॥

छं० मृग कपि खर माखी सर्प कीट, सुतसम जानै नहिं भेद धरै ॥६॥

गृह सुख नहिं चित देकै भोगै, लहि देशकाल निर्वाह करै ॥१०॥

चंडाल श्वान को देय भाग, तिय करै कर्म करि सकै न आप ॥११॥

तजि प्राण पिता गुरु को मारै, अजितेन्द्री तिय जित करता पाप ॥१२॥

कृमि बिष्टा भस्म देह संज्ञा, क्या प्रीति नारि की गगन मढ़ै ॥१३॥

मखशेष से अपना जीवन कर, तजि सबसे स्वत्व मुनि गती बढै ॥१४॥

ऋषि देव पितृ अरु अतिथि पूजि, निज वृत्ति से धन ला हरि पूजै ॥१५॥

सब यज्ञ की संपत्ति विधि से मख, करि अगिष्टोम हजूर हूजै ॥१६॥

दो०—तस हरि खांयन अग्नि मुख, जस द्विज मुख से खांय ।

करै तृप्त द्विजको सदा, पूर काम है जाय ॥१८॥

* सप्तमस्कंधे चतुर्दशोऽध्यायः * [५३]

छं०-पितृ श्राद्ध भाद्र महिनामें करै, सब कुटुंब की धन खर्च करै ॥१६॥
उत्रायन व्यती पात मावस, शशि सूर्य ग्रहण द्वादशी धरै ॥२०॥
अख तीज शुक्ल नौमी कातिक, अष्टिका चार श्रवणौ पाये ॥२१॥
पुनि शुक्ल सप्तमी माघ मास, शशि पूर्ण मासराका गाये ।
शशि न्यून अनुमती पूर्णमासि, युत मास नखत में पिंडदान ॥२२॥
अनुराधा श्रवण तीन उत्रा, एकादशि जन्म नक्षत्र वखान ॥२३॥
यह काल पवित्र श्रेय करहैं, ह्यासु कर्म करि नहिं नाशैफल ।
स्नान होम जप व्रत पूजन, सुर मुनि सुदान अति होय सुफल ॥२५॥

दो०-तिय सुत संस्कार लखि, जन्म मृतक सब कर्म ।

यथा शक्ति धन खर्च करि, साधै सब यहधर्म ॥२६॥

छं-अब हितकारी सबदेश सुनौ, वहपवित्र थलजहंसु पात्र मिल ॥२७॥
हरि रूप सुपात्र विप्र कहिये, फिर अधिक और तप विद्यादिल ॥२८॥
हरिके सरूप जहांपधरे हों, गंगादिक पुण्य नदी आई ॥२९॥
पुष्कर कुरुक्षेत्र गया प्रयोग, पुलहाश्रम तीर्थ भूमि गई ॥३०॥
नैमिष प्रभास सेतहूंबंध, काशी मथुरा अरु मातृ गया ॥३१॥
नारायण सरनंदा सीता, गिरि मलय महेंद्र पवित्र भया ॥३२॥
यह पवित्र हरि के रूप यहां, फल सहस गुना शुभ कर्म किये ॥३३॥
हरि मय हिय जिह को सो सुपात्र, जगमें हरि देखै चित्तदिये ॥३४॥

दो०-देव ऋषी मुनि ब्रह्मसुत, आदिक जौन प्रधान ।

पात्र सबहिं मे एक हरि, पूजन हित हिय मान ॥३५॥

छं०-ब्रह्मांड जीवसे परि पूरण, हरि मयसों सब शास्त्र कहैं ।
हरि के पूजे सब जगत तृप्त, जड़ सींचे तरु सब हरे रहैं ॥३६॥

[३४] * श्रीमद्भागवते भाषासरसकाव्यनिधौ *

सुर नर पशु कीट रचो जग सब, सबही में आप बिराजि रहे ॥३७॥
 है सुपात्र ज्ञानी हरि आत्मा, जगमें हरि निरखै ज्ञान लहै ॥३८॥
 विस्मृती देखि त्रेतादिक में, कबि हरि मूरति थापन करी ॥३९॥
 फल लहै मूर्ति पूजन करके, जन द्रोही पूजि न फल धारी ॥४०॥
 दो०—सब में बिप्र सुपात्र है, धरि तप तुष्टी बेद ॥४१॥

हिय धरि कृष्ण चरण रज, हरै जगत के खेद ॥४२॥

भजन—गृही सब आश्रम मांहि प्रधान ॥

करै कर्म निज वर्णाश्रम के, कर अर्पण भगवान ।
 श्राद्धादिक तीर्थाटन जावै, देहि विविधि विधि दान ॥
 दान पात्रमें सबसे बढ़िकै, संतोषी द्विज जान ।
 भजै कृष्ण हरि मय जग देखै, तुल्य मान अपमान ॥
 माधवराम स्वप्न सम जग लखि, करै नित्य गुन गान ॥

॥ श्रीमद् भागवते भाषासरसकाव्यनिधौ सप्तमस्कंधे चतुर्दशोऽध्यायः ॥

॥ श्रीमद्भागवते भाषा सरस काव्यनिधौ सप्तम
 स्कंधे पंचदशोऽध्यायः ॥

श्लो०—ततः पंचदशे सर्ववर्णाश्रमनिबन्धनम् ।

सारतः संग्रहेणाथ वर्ण्यते मोक्ष लक्षणम् ॥

दो०—वर्णाश्रम का सार सब, लक्षण मोक्ष वखान ।

पंद्रह में वर्णन करे, थोरहि में सब ज्ञान ॥

ना-उ-द्विजकर्मनिष्ठकोउतपोनिष्ठ, कोउज्ञानयोगनिष्ठहुस्वाध्यायः
 ज्ञानही निष्ठ को देय देव, सुरभाग औरहू को मन लाय । २।
 विश्वे देवों के दो ब्राह्मण पितृ हेत, निमंत्रित बिप्र तीन ।
 एकही एक दो तरफा हों, विस्तार श्राद्ध में नाहि लीन ॥३॥
 श्रद्धा वस्तु शुभ देशकाल, विस्तारमें पात्र उचित न मिलें ॥४॥
 हरि अर्पित देश काल श्रद्धा, दे सुपात्रमें फल अर्द्धत फलें ॥५॥
 सुर पितृ भूत आत्माहु स्वजन, सब हरि मय लखि भोजनशुभदे ६।
 नहिं मांस श्राद्धमें कलियुग में, हिंसा तजि खीर पिंड हितले ॥७॥

दो०—परम धर्म जे चहत नर, यह सम धर्म न आन ।

मन बानी तन दंडदै, संयम विधिसे ठान ॥८॥

छं०-ज्ञानी तजि कर्ममयी मखको, आत्मज्ञानाग्नि मन हवन करै । ६
 डरते हैं द्रव्यमय यज्ञों से, निर्दयी जीव हनि धर्म धरै ॥१०॥
 मुनि अन्नहि से संतोषी है, नित अतिसुर पितृ धर्म साधै । ११।
 पर धर्म विधर्म आभास धर्म, उपमा छल धर्म न आराधै ।
 यह अधर्म शाखा धर्म तुल्य, गुनि अधर्म धर्मात्माहुतजै ॥१२॥
 बाधक स्वधर्म से विधर्म है, पर धर्म और धर्महि न भजै ।
 उपमान धर्म पाखंड गुनौ, छल धर्म शब्दका अर्थ पलट । १३।
 इच्छा से करै आभास धर्म, करो निज २ वर्ण धर्म भट पट । १४

दो०—धर्म तीर्थ हित चहै नहिं, नर निर्धन धन आप ।

अजगर सम संतोष धरि, चाह तजै छुट ताप ॥१५॥

छं०-संतुष्ट चाह बिन आत्म राम सुखपावै, कामी लोभी नहिं । १६
 संतोषी को सुख दशौ दिशा, कांटे न लगै पद जूता गहि । १७।

[५६] * श्रीमद्भागवते भाषासरसकाव्यनिधौ *

जस तस जलसे संतोष धरै, चहि विषय श्वान सम हो जावै । १८
घट फूटे जल बहता जैसे, नहिं ज्ञान कभी थिरता पावै ।
तप विद्या तेज यश ब्राह्मण का, संतोष बिना हो जायं छीन । १९
हो भूख प्यास से, काम नाश हो क्रोध नाश जब हिंसा कीन ।
नहिं लोभ का अंत कभी पावै, चहै दशौ दिशा सुख भोग करै । २०
पंडित बहुज संशय छेदक, पति सभा तोष बिन नरक परै । २१
संकल्प त्यागि कामहु जीतै, तजि काम क्रोध से जय जोड़ै ।
तजि चाह लोभ से जय पावै, तत्वहु बिचारमे भय छोड़ै । २२
दो०—शोक मोह जय ज्ञानसे, दंभहि जय सत सेय ।

तनसुख तजि हिंसा जितै, मौन विघ्न जय देय ॥ २३ ॥

छं० मन वश करि प्रारब्धहि जीतै, करि दया जीव के दुख भागै ।
आत्मा विकार करि योग तजै, सत भोजन से निद्रा त्यागै । २४
सत गुण से जीतै रजतम गुण, शांती से सत गुरु भक्ति से सब । २५
सत ज्ञान दायि गुरुको नर गुनि, गज ह्वान तुल्य हो सब करतब । २६
प्रत्यक्ष हरी गुरु साक्षात, अज्ञानी तिन्है मनुज मानै ॥ २७ ॥
छशत्रु अंत तक नियम यमहु, नहिं जीते वृथा योग ठानै ॥ २८ ॥
रुजगार न योग सत्य साधै, त्यों यज्ञ कूप आदिकहै वृथा ॥ २९ ॥
तजि संग त्याग लै चित जीतै, एकांत भीख भोजन ले वृथा ॥ ३० ॥

दो० थल पवित्र सम आसन, थिर ह्वै दृढ़ता धार ।

सरल अंग ॐ कार जप, करै योग निरधार ॥ ३१ ॥

छं० पूरक कुंभक रेचक धरिकै, नामात्र लखै करि प्राणायाम ॥ ३२ ॥

* सप्तमस्कंधे पंचदशोऽध्यायः * [५७]

मन रोकै जीतै फिरै न दे, धीरे से जब लौं तजै न काम ॥३३॥
 करित न जीति चित कुछ दिन में, विन काष्ठ अग्निसम शांत होय ३४
 चित शांत कामना रहित, ब्रह्म सुख पावै थिर हूँ लेय टोय ॥३५॥
 गृह त्यागि साधु हूँ नारि तजी, तिय भोगी श्वान छर्दि खावै ॥३६॥
 तन नाशमान आत्मा न लखै, लहिं बोध मूढ़ गृह फसि जावै ॥३७॥
 जो क्रिया त्याग दे गृहस्थ हूँ, ब्रह्म चारी ब्रह्म चर्य त्यागै ।
 हूँ बाण प्रस्थ ग्रामहि सेव, संन्यासी इन्द्री सुख मांगै ॥३८॥

दो०—आश्रम निंद कहैं मही, धरे बिडबन रूप ।

माया मोहित तिन्है लखि, त्यागै नर्क निरूप ॥

छं०—जब चित शुध हूँ आत्मा देखा, किस हेतु मूढ़ तन पालन कर ॥४०॥
 रथ शरीर इन्द्री घोड़े हैं, मन वागडोर हिय भीतर धर ।
 है विषय यात्रा मार्ग खोट, सारथी बुद्धि है बंधन चित ॥४१॥
 दश प्राण आंक धर्महु अधर्म, है पहिये जीवस्थी लख हित ।
 धनु अकार शर शुद्धि जीव, परमात्मा लक्ष्य सदा निरखै ॥
 जग जाल छोड़ मिल जाय ब्रह्म, दुख सिंधु जगत पड़ि फिरन भस्मै ॥४२॥
 भय मदहु लोभ प्रीति बैरहु, शोक हू मोह अपमान मान ॥४३॥
 माया हिंसा मत्सर ईर्ष्या, रज प्रमाद भूखप्यास रज जान ॥४४॥

दो०—जब लौं देह स्ववश अहै, हरि गुरु पद नित सेय ।

ज्ञान खड्ग लै जीति जग, स्वराज लै तजि देय ॥४५॥

छं०—इन्द्री घोड़े मतवारे हैं, कहिं विषय कुपथ नहिं लै जावैं ।
 कामादि शत्रु धन धर्म लूटि, भव सिंधु नर्क दुख में नावैं ॥४६॥

[५८] * श्रीमद्भागवते भाषासरसकाव्यनिधौ *

निवृत्तिप्रवृत्ति कर्म दोहैं, बंधन प्रवृत्ति दे निवृत्ति मुक्ति ॥४७॥
 यज्ञादि कामना सहित सबै, पशुहिंसा युत सब हैं प्रवृत्ति ॥४८॥
 सुरमन्दिर मखरूपा दिरचन, अग्नी होत्रादिक प्रवृत्तिकह ॥४९॥
 धूमांत क्रिया दक्षिणहु अयन, शशिमावसबंधन मागरह ॥५०॥
 बनिअग्नि बीर्य पितृयान जन्म, लैलै पुनि मरते जाते हैं ॥५१॥
 लै गर्भसे मशान तक कस्तब, ज्ञानाग्नि हवन बुधलाते हैं ॥५२॥

दो०—इन्द्री मन में हवन करि, मन विकार बुधि माहिं ।

बुधिआत्मा में लीन करि, सो ॐकार समाहि ॥५३॥

छं०—ॐकार बिंदु में नाद में बिंद, दिन सूर्य शुक्ल पखगति दाई ।
 लय विश्व तैजसौ प्राज्ञ तीन, आतम तुरीयलखि सुखपाई ॥५४॥
 यहदेवयानतनतजि न जन्म, थिरचितआत्मा लहिं भवन परै ॥५५॥
 यह पितृयान अरु देवयान, गुनिशात्र दृष्टि नहिं मोह धरै ॥५६॥
 बाहर भीतर आदिहु अन्त, ज्ञानहु ज्ञेय है स्वयं प्रकाश ॥५७॥
 वस्तु से बाधित अभास है, इन्द्री वश है सतज्ञान नाश ॥५८॥
 नहिं पंचतत्त्व छायातहं पर, सब विकार भूठे निश्चय नित ॥५९॥
 धातूमात्रादिक भूठे सब, अंगी सत है नहिं कुछ संयुत ॥६०॥

दो०—भूम तब लौ है असत महं, समता सत में आव ।
 जागत सोवत स्वप्न भूम, रूप लखे मिटि जाव ॥६१॥

छं०—क्रियाद्वैतभावहुद्वैत द्रव्य, द्वैतहु तीनहु अनुभवसे नाश ॥६२॥
 कारज कारण पटतंतु तुल्य, नहिं विकल्पभावा द्वैत प्रकाश ॥६३॥
 जन मनवच क्रिया ब्रह्म अर्पण, सबकर्म क्रिया अद्वैत कहैं ॥६४॥

* सप्तमस्कंध पंचदशोऽध्यायः *

[५६]

तनतियापुत्र सबतन धारी, लख ब्रह्मसो द्रव्याद्धैत अहैं ॥६५॥
 जिसको जो कर्मनिषेध कहा, तजिबिपति स्वप्नमें नाहिं करै ॥६६॥
 वेदोक्त कर्मकरि गृहस्थसत, नृप घरही में निज मुक्ति धरै ॥६७॥
 ज्यों आप युधिष्ठिर हरिपद गहि, दुस्तर विपत्ति चट पार गरये ।
 सब जीति यज्ञ कीनी तुमने, श्रीकृष्ण सहायक नित्य भये ॥६८॥

दो०—उपवर्हन गंधर्व हम, प्रथम काल के माहिं ।

रूपमधुर मोहैं तिया, लंपट पन अधिकाहिं ॥

छं०—गंधर्वअप्सराबृन्दसंग, विधिसभामाहिं मिलिगानलिया ॥७१॥
 नारी में मोहित हम गावैं, अपराध देखि विधिशाप दिया ॥७२॥
 हो शूद्र भयेदासी सुत हम, सतसंत सेय विधि पुत्र भये ॥७३॥
 कहा गृही धर्म पापहु मोचन, करि यती तुल्य गति पाय गये ॥७४॥
 तुम धन्य गृहस्थ युधिष्ठिर नृप, जिनके घर ब्रह्मकृष्ण रहते ॥७५॥
 गतिप्रद हरिब्रह्म संत दूढै, प्रिय सुहृद गुरु भाई कहते ॥७६॥
 ब्रह्मादिक रूप न वर्णि सकै, भक्ती से खुश हरिहो हमपर ॥७७॥
 श्री०शु०उ० नारदसेसुनिनृपहर्षितहैं, पूजतेप्रेमअतिहीहियघर ७८

दो०—हरि अर्जुन से पूंछि मुनि, गे पूजित हरषाय ॥७६॥

नृप विस्मित हरि ब्रह्मलखि, कही सृष्टि हम गाय ॥८०॥

भजन—गृही आश्रम सबका आधार ।

ब्रह्मचारी सन्यासी सबही, पावत तहां आधार ।

प्रेत पितर मुनि देव विश्वशिव, सबको पूजन हार ॥

जीव जन्तु पलि सकैं यहीं से, सबै धर्म निस्तार ।

[६०] * श्रीमद्भागवते भाषासरसकाव्यनिधौ *

छोड़ि भूँठ हिंसा निंदा पर, बुरे कर्म व्यभिचार ॥
नरनारी निज कर्म धर्म करि, लेवै जन्म सुधार ।
माधवराम गायगुन छलतजि, भवसे ह्वै जा पार ॥

इति श्री० भा० भा० सप्तमस्कंधे पंचदशोऽध्यायः समाप्तः ।




॥ इति सप्तम स्कंधः समाप्तः ॥

श्रीमान् लाला भवानीप्रसादजी के पौत्र श्रीमान् लाला शिवनारायणजी के पुत्र

श्रीमान् लाला रामगोपालजी खत्री (सेठ)

रईस, कानपुर ।



आप सच्चरित्र, एकपत्नीव्रत, उदार तथा भगवत्प्रेमी हैं। आपकी धर्मपत्नी पतिव्रता, सती तथा आपका पूर्ण अनुकरण करनेवाली हैं। इसी कारण ग्रन्थकर्ता ने संसारी पुरुषों की उपमा के लिये अनुरोध करके इस प्रकार का सपत्नीक चित्र दिया। आप के शिवसेवक तथा शिवशरन नामक दो चिरंजीव हैं।

आप तन मन धन से सहायक हैं।





॥ अष्टमस्कंधः प्रारम्भः ॥

श्रीमद्भागवते भाषा सरस काव्यनिधौ अष्टम स्कंधे प्रथमोऽध्यायः ॥

श्लो०—तत्र तु प्रथमे स्वायंभुवः स्वरोचिषस्तथा ।

उत्तमस्तामश्वेति चतुर्मनुनिरूपणम् ॥१॥

दो०—चौबिंश शुभ अध्याय में, आठौं स्कंध बखान ।

तहां प्रथम अध्याय महँ, चारमनू सुबिधान ॥

छं० रा० उ०—स्वायंभूमनुकावंशसुना, अब और मनु चरित्र कहिये । १॥

जहँ जहँ प्रगटे हरि किये कर्म, कवि कहैं सुनै को चित चहिये ॥ २॥

जिस मन्वन्तर में जौन चरित्र, हरि किया करेंगे अब करते ।

जग भावन चरित्र सुनै के हित, मुनिबर, हियमें श्रद्धा धरते ॥ ३॥

ऋषिरुवाच—इस कल्प में षट्मनु बीति गये, स्वायंभू प्रथम मनु गाये । ४॥

आकूती देव हुती बेटी, उपदेश धर्म हित हरि जाये ॥ ५॥

सब कपिल चरित्र कहा हमने, भगवान यज्ञ का चरित कहैं ॥ ६॥

स्वायंभूमनु रानी के सहित, बनजाय तपस्या करत अहैं ॥ ७॥

दो०—एक पैर से वर्ष शत, पुरी सुनंदा माहिं ।

खड़े घोर तप करि रहे, ऐसे बचन कहाहिं ॥ ८॥

मनुरु उ०—जो सकल विश्व चेतनकारी, जिसको नहिं विश्व प्रकाश करै
जग नहिं जानै वह जग जानै, जग सोवै वह जागना धरै ॥ ९॥

[६२] * श्रीमद्भागवते भाषासरसकाव्यनिधौ *

ईश्वर से सब जग चेतन है, जितनी जग वस्तु प्रभू की गुनौ ।
जो ईश्वर दे सो करौ भोग, मत लेहु किसी की वचन सुनौ ॥१०॥
वह देखै जिसको लख न आँख, जगबास शुभांग भजौताही ॥११॥
नहिंआदि मध्य अंतहुजिसका, निज पर बाहर न मध्य जाही ॥१२॥
जिससे हैं जग के आदि अंत, जिससे जग सत्य दिखावै है ।
जग देह जासु अज स्वयं ज्योति, माया से जग उपजावै है ॥१३॥
दो०—आगे मुनि कर्महि करै, मुक्ति प्राप्ति कै हेत ।

परमेश्वरहु कर्म करि, अकर्मपन गहि लेत ॥१४॥

छं०—करि क्रिया नहीं ईश्वर फँसता, परिपूर्णकाम भजिभक्त तरौ ॥१५॥
हंकार हीन वेचाह पूर्ण, मार्ग शिक्षक की शरण परै ॥१६॥
श्री० उ०—चितसावधानहै मंत्रजपै, लखिभक्षणहितधायै हैं असुर १७
भगवान यज्ञ लखि देव संग, लै मारि तिन्हें पाल्यो सुरपुर ॥१८॥
स्वारोचिष मनु दूसरे अहैं, सुत सुमत सुषेण हैं रोचिषमान ॥१९॥
तुषितादिक सुरोचन हैं इन्द्र, मुनि ऊर्जस्तंभादिक पहिचान ॥२०॥
ऋषिबेद शिरातुषिता पत्नी, विभ नारायण अवतार लिया ॥२१॥
अष्टाशी सहस मुनि ब्रह्मचर्य, व्रत धारणको उपदेश किया ॥२२॥
प्रियव्रत सुतउत्तम तीसर मनु—सृजय पवनादिक जिनके सुत ॥२३॥
सुतवशिष्ठके प्रमदादिक मुनि, भद्रादिकसुर सुस्पतिमतजित ॥२४॥
दो०—धर्म की नारी सूनृता, सत्यसेन भगवान ॥२५॥

प्रगटियक्षराक्षसकुजन, हनिकोनों कल्याण ॥२६॥

छं०—उत्तमके भाईमनु चौथे, तामस जिनके सुत ख्याती नर ॥२७॥
सत्यकहरि वीरादिक सुरहैं, मुनिधामादिक त्रिशिषहु ईश्वर ॥२८॥

सुरविधृति पुत्र वैधृत आदिक, जिन नष्ट बेद धारण कीने ॥२६॥
 हरिमेधामुनि हरिणी नारी, प्रगटे हरिज मुक्तिहु लीने ॥२७॥
 राजोवाच—मुनिवर सुननेकी इच्छाहै, कैसे गजराज छुड़ायाहै ॥२८॥
 ग्रह कथा पुण्य मंगलकारी, भगवतयश जिसमें गाया है ॥२९॥
 सूत उ० दो०—नृपति परीक्षित शुकसुनहि, कथा प्रश्न जब कीन ।
 सब मुनि श्रोता जहां हैं, कथन प्रेम से लीन ॥३०॥

भजन-विविधि मनुमुनि, सुरहरि अवतार ।

विधिके दिनमें चौदह मनुहों, तिनके सुत द्वादश ॥

इन्द्रा मुनीश्वर न्यारे न्यारे, विविधि रूप हरिधार ।

स्वायंभू मनु प्रथम दूसरे, स्वरोचिष निरधार ॥

तीसर उत्तम चौथे तामस, लीला बहुत प्रकार ।

माधवराम गजेंद्र छुड़ायो, ग्रह हनिभक्त उबार ॥

इति श्रीमद् भागवते भाषासरसकाव्यनिधौ अष्टम स्कंधे प्रथमोऽध्यायः



श्रीमद्भागवते भाषा सरस काव्यनिधौ अष्टम
 स्कंधे द्वितीयोऽध्यायः ॥

श्लोक—द्वितीये तु गजैन्द्रस्य गजीभिः क्रीडतो जले ।

दैवाद्ग्राह गृहीतस्य हरिस्मृतिरुदीर्यते ॥

दो०—हथिनी संगालै सिंधु में, कर क्रीडा गजराज ।

द्वितीय में ग्रह ग्रस्यो जब, सुमिरे हरिशरंताज ॥

[६४] * श्रीमद्भागवते भाषासरसकाव्यनिधौ *

छं-शु-उ० दससहस्रं चगिरि त्रिकूटहै, तहं चीरसिंधुहै चहुं फेरे । १॥
लोहा चांदी सोने के शिखर, है तीन उच्च नेरे नेरे ॥२॥
सब धातु रत्न द्रु तलता गुम्ल, भरना के शब्द बहु सुन पड़ते ॥३॥
लहरों से सिंचत चहुं फेर, थल हरी मणीमय छवि धरते ॥४॥
सिंधु चारण विद्याधर आदिक, अप्सरा संग लै क्रीडा कर ॥५॥
सिंहहु गर्जहिं इक ओर जोर, इक ओर गानहो मधुर स्वर ॥६॥
वनपशु विचरै बहु भांति जहां, पक्षी तरुवर विचित्र बोलैं ॥७॥
लहरों में बालू अधिक विमल, विहरै सुरनारि पवन डोलैं ॥८॥

दो०—वरुण देव का तहां है, वाग नाम ऋतुमान ।

विविधि कंदरा जहँ सुभग, क्रीडा के स्थान ॥९॥

छं०—फलपुष्प दिव्य जहां सो हिरहे, मंदार पारिजातहु अशोक । १०॥
तरु आम सुपारी त्रिया लहैं, नारियल हरैं शोभा सुरलोक ॥११॥
जहां ताल तमाल टेसू चंदन, अर्जुन मधूकवट हैं पाकर ॥१२॥
अमला बहेड़ रंभा जामुन, अमली मन हरती लहरा कर ॥१३॥
नींबू कैथो तरु बेल आदि, जल माहि कमल बहु फूलि रहे ॥१४॥
कल्हार कुमुद शतपत्र विविध, गुं जरहि भौरगन भूलि रहे ॥१५॥
सारस बक हंस चक्र वाकहु, जल कुकुट मधुर स्वरहु बोलैं ॥१६॥
मछरी बहु कच्छय जल के जीव, आनंद सहित जल में डोलैं ॥१७॥

दो०—कुंद कोरैया पुष्प बहु, खिले नाग पुन्नाग ।

जाही जुही सुरंग जहं, फूलें पुष्प विभोग ॥१८॥

छं०—मल्लिका माधवीकी आली, सो हैं बहु भांति तहां तरुवर ।
मुनिमनमो हैं वनशोभालखि, तजि ध्यानमगन मन निहारकार । १९॥

इकबार उसी बनका बामी, गजराज संग हथिनी लैके ।
तरुलता बांस तोड़त मोरत, चल भयान्हान हित मन देकै ॥२०॥
जिसके मदकी सुगंध पाकर, गज व्याघ्रसिंह भग जाते हैं ।
मृग गैड़ा आदि जीव सबही, भागते पास नहिं आते हैं ॥२१॥
वृकबराह बानर छोट जीव, निर्भय हूँ उससे चरते हैं ॥२२॥
वह तपित घामसे मदबहता, कंपती महिभूमर बिचरते हैं ॥२३॥

दो०—कमल सुगंधित बायु वह, सूंघत भागो जाय ।

यूथ संग प्यासा अधिक, जल तट पहुँचा आय ॥२४॥

छं०—जलकमल सुगंधित न्हा पीकर, भर स्रुडमें जलस्नान करै ॥२५॥
हथिनी बच्चों संग खेल करै, जलमें माया बस सुखधरै ॥२६॥
भटग्राह आय तेहिभाग बिबर, पगपकरि लैंचता बलभारी ॥२७॥
हथिनी चिह्नावैं देखि बिकल, गज छुड़ा सकै नहिं सब हारी ॥२८॥
गजग्राहको लड़ते सहस वर्ष, बीते सुर विस्मय मानै हैं ॥२९॥
बलहीन हुआ गज बहुत लड़ा, बसग्राह आपने जानै है ॥३०॥
बेबश गज संकटमें पड़के, निजमोक्ष नलखि यह सुरति लहै ॥३१॥
नहिं हथिनी कुटुम छुड़ा सकते, हरिपरमपरायण शरण गहै ॥३२॥

दो०—काल चण्ड से ईश जो, शरणागतहिं उबार ।

तिह प्रभु की मैं शरण लूँ, मृत्यु जात जहं हार ॥३३॥

भजन—जगत यह दुखही को भंडार ।

तिय धन सुतसे पलक चैन नहिं, दुख दायक परवार ॥

सुखहित कोटि उपाय करै नित, दुखलहि बारंबार ॥

[६६] * श्रीमद्भागवते भाषासरसकाव्यनिधौ *

ज्यों गजमत्त घाम में तपिकै, जलमें करत बिहार ॥
 आयअचानक ग्राहग्रस्यो पग, लड़तलड़त गयो हार ।
 हारे हथिनी पुत्र खैंचि कै, तब गज करै विचार ॥
 माधवराम चरण अब गहिहौं, होय मोर रखवार ।

इति श्री० भा० भा० सरसकाव्यनिधौ अष्टमस्कंधे द्वितीयोऽध्यायः



श्रीमद्भागवते भाषा सरस काव्यनिधौ अष्टम
 स्कंधे तृतीयोऽध्यायः ॥

श्लो०—तृतीये तु गजैन्द्रेण स्तुतो हरिरुपेत्यतम् ।
 समुद्धारं तं ग्राहाद्ग्राहं देवतशापतः ॥१॥

दो०—गज अस्तुति सुनि आय हरि, गजको लीन उबारि ।
 तृतीय में निज चक्र से, नक्र वक्र दियो फारि ॥

छंशु-उ०-निश्चयमतिसेमनधिर करि गज, हरिपरम जापप्रारंभ किया ।
 उस जन्ममें जोहिय भजन किया, करियाद वही अभ्यास लिया ।१॥
 गजेंद्र उ०-उस भगवतको है नमस्कार, जिससे यह जग चैतन्य अहै ।
 पर आदि बीज जो ईश पुरुष, ध्यावैं तिसको हिय ध्यान लहै ॥२॥
 जिसमें जिससे जो जिस करके, पर स्वयंभु की हम शरण गहे ॥३॥
 निज माया से जग प्रगटि कहीं, छिपता है कहीं पर प्रगट रहे ।
 जहँ बुद्धि लोप है आत्म मूल्य, वह साची हमरी रक्षा कर ॥४॥
 सब लोककाल से नाश होय, तम गहन पार निज प्रकाशधर ॥५॥

दो०—जासु पार सुर नहिं लहैं, और को पावै पार ।

नट करतब लख आव नहिं, सो हरि हो रखवार ॥६॥

छं०—पद मंगल देखन को जिसके, मुनि साधु जगततजिवनजावैं ।
जग मित्र बने करें ब्रह्मचर्य, हों गति हमार जेहिं नित ध्यावैं ॥७॥
जिसका नहिं जन्म कर्म औगुन, गुन नाम रूप कबहूँ न धरै ।
तन माया से धरि रचिपाले, कालानुसार संहार करै ॥८॥
बहुरूप अरूप अनंत शक्ति, पर पुरुषको सदा प्रणाम अहै ॥९॥
आत्मा प्रकाश साक्षी मनबच, से परे बिचित्र सरूप लहै ॥१०॥
निष्कर्म सतो गुनसे मिलते, नमोमुक्तिनाथ सुखमुक्ति धरे ॥११॥
गुणधारी मूढ सुशांत मूढ, नमोनिर्विशेष सम ज्ञान हरे ॥१२॥

दो०—साक्षी मूल प्रकृति पुरुष, आत्म मूल जग भूप ।

नमो क्षेत्रपति आपको, हरौ दुःख तम कूप ॥१३॥

छं०—सब इन्द्री द्रष्टासत अभ्यास, दै असत करो सतपद प्रणाम ॥१४॥
निष्कारण सब कारण अद्भुत, सब बेदसिंधु मुक्तिहू धाम ॥१५॥
गुण काष्ठ माहिं हरि छिपे अग्नि, गुण न्नाभ प्रगट सरूप धारे ।
निष्कर्म हैं स्वयं प्रकाश हरी, नहिं लखै बेद सब विधिहारे ॥१६॥
मुक्त से पशु बंधन छोरन में, छूटे पै दया करतार नमो ।
निज अंश से सबही रूप धरे, भगवान चरण बलहार नमो ॥१७॥
तनतिय सुत गृह परिवार फँसे, नरतुम्हें नाहिं लखपाते हैं ।
गुण संग मुक्त जन्मके हियमें, वसते हो नमों गुन गाते हैं ॥१८॥
धर्मार्थ काम मुक्ती चहिकै, भजि तुम्हें शीघ्र सिद्धी पावैं ।
आशिष दै तनहु अचलकारी, सो ग्राह बंधछोख लावैं ॥१९॥

[६८] * श्रीमद्भागवते भाषासरसकाव्यनिघौ *

दो०—जे हरि शरण अनन्य जन, कुञ्जहू चाहत नाहिं ।

अद्भुत मंगल चरित गुन, गाय मगन हूँ जाहिं ॥२०॥

छं०—परमात्मा अक्षर परब्रह्म, अध्यात्म योग से लख आवैं ।

परिपूर्ण अनंत आदि जगके, इन्द्री न लहैं हम गुन गावैं ॥२१॥

ब्रह्मा सुरवेद चराचर जग, हरि कला से नाम रूप जाये ॥२२॥

रविकिरन आगि चिनगारीज्यों, तनमन इन्द्रीगुण प्रगटायै ॥२३॥

सुर असुर मनुज नारी न कोट, पशु आदि रूप वह कोई नहीं ।

गुण कर्मकाल से बाहर है, सत असत रहित सब रूप सही ॥२४॥

जीने की इच्छा नहीं नाथ, बाहिर भीतर तन मुक्ति चहौं ।

जो मुक्ति काल से नहिं नाशै, आवरण छुटै जहं दुःख सहौं ॥२५॥

दो०—विश्वरूप हरि जग रहित, सकल विश्व करतार ।

परमब्रह्म विनवौं नमों, विश्वात्मा धातार ॥२६॥

छं०—सब कर्मयोग से भस्म किये, हिययोग भावना धारी है ।

योगेश नमो है चरण कमल, योगी जन रूप निहारी है ॥२७॥

गहि तीन शक्ति हरि असहबेग, सबमति गुण धारी नमोनमः ।

जनपाल अनंत शक्ति प्रभुकी, छवि पै बलिहारी नमोनमः ॥२८॥

नहिं आत्म लखौं हंकार युक्त, जिस प्रभुकी शक्तिसे अभिमानी ।

हूं शरण अनंत महात्महरी, भगवान आप हैं गुणखानी ॥२९॥

शुक०उ०—ऐसे गजराज विनय ठानी, ब्रह्मादिक रूप गुमानी हैं ।

नहिं आयै सुरजग व्यापकहरि, प्रगटे जन रत्ना ठानी है ॥३०॥

लखिगजदुखिया सुर विनयकरै, चढिगरुड चक्रलै हरिआये ॥३१॥

हगिरुड चढे लखि कमल देय, कहिनमो नारायण सुखछाये ॥३२॥

दो०—कूदि गरुड सों कमल लै, जलमें पैठि निकारि ।
ग्राह असित गज छोरिहरि, नक्र चक्रसे मारि ॥३३॥

भजन—सदाहरि भक्तन राखन हार ।

जब जब दीन पुकारत आरत, पड़ै शीश दुख भार ॥
तब तब भक्तदुःख हरि टारत, धरिकै रूप अपार ।
ग्रहके फंद फंस्यो जलमें गज, लड़िकै पाई हार ॥
हथिनी कुटुम्ब सहाय करीबहु, तहूं न पायो न पार ।
कोइ न सहायकसत्य देखि निज, प्रभुसों करी पुंकार ॥
गरुड चढे रत्ना हित आये, धार्यो हरी अवतार ।
नर तन धारि सार यह जगमें, लेहु कृष्ण आधार ॥
माधवराम गाय गुनहरि भजु, छूटे जगत बिगार ।

इति श्री० भा० भा० अष्टमस्कंधे तृतीयोऽध्यायः समाप्तः ।

श्रीमद्भागवते भाषा सरस काव्यनिधौ अष्टम
स्कंधे चतुर्थोऽध्यायः ॥

श्लो०—चतुर्थे तु तयोर्ग्राहः प्राप गंधर्वतां पुनः ।
गजं स्वपार्षदं कृत्वा हरिर्निन्ये निजं पदम् ॥१॥

दो०—ग्राह भयो गंधर्व पुनि, हरि पार्षद गजराज ।
चौथे में हरि साथ लै, निजपुर माहि विराज ॥

छं० शुक-उ०—विधिसुरमुनिपुष्प वृष्टि बरसै, गजमोक्षदेखि अतिहर्षहिने
गंधर्व गायनाचहि चारण, करि बिनती निरखै चित्तदिये ॥२॥
देवल मुनि शाप से छूटि ग्राह, सुन्दर गंधर्व सरूप लिया ।

[७०] * श्रीमद्भागवते भाषासरसकाव्यनिधौ *

बनि मंगर मुनी का पग पकरा, मुनिशापदेय उद्धार किया ॥३॥
हरिको प्रणाम करि सुयश गाय, गंधर्व आपने धाम गया ॥४॥
परिकर्मा प्रणाम करि प्रभुको, निज किये पापसे मुक्ति भया ॥५॥
अज्ञान बंध से गज छूटा, हरि पर्शि चतुर्भुज रूपगहा ॥६॥
था इन्द्रद्युम्न दक्षिण भूपति, भगवत व्रत धारण कीन महा ॥७॥
दो०—मौन व्रत हरि भजै नृप, जटा शीश तप धार ।

पैठि कुलाचल आश्रम, मगन न देह सम्हार ॥८॥

छं०—लै शिष्यअगस्त्य मुनीआये, नृपचुप बैठे लखिकोपकिया । ६॥
द्विज अपमानीज्यों गज बैठा, लहुअंत योनियह शापदिया ॥१०॥
शुक उ०—दैशापअगस्त्यमुनीस्वर्गे, नृपजाना भागभोगमाना । ११॥
सब ज्ञान हरण गज योनिलही, हरिभजन किये से गुणगाना । १२॥
गजको छुड़ाय पार्षद बनाय, सब गुण गावैं हरिपुर लाये ॥१३॥
हरिप्रभाव गजकी मुक्ति कही, सुनि पाप नशैंयश सुखछाये ॥१४॥
उठि प्रात पढ़ै, द्विज पवित्र हूँ, दुःस्वप्न नाश हूँ सुख पावै ॥१५॥
सबको सुनाय हरिगजसे कह्यो, हे भूपति तुमसे बतलावै ॥१६॥

श्री भ० उ० दो०—हमैतुम्हें यह सिंधुगिरि, तरुवर तालत माल । १७॥

शिखर ब्रह्मशिव धामशुभ, श्वेतद्वीप विशाल १८॥

छं०—कौस्तुभमणि श्रीचनमाल गदा, शंखहूचक्रगरुडौसुमिरैं । १९॥
विधि नारद शेषकला लक्ष्मी, प्रह्लादहि शिवतें भव न परैं ॥२०॥
अवतार कच्छ मच्छहु कराह, शुभकर्म सूर्यशशि अग्नि गुनै । २१॥
अंकार सत्यद्विज धर्मगऊ, शशि कश्यप फनो चरित सुनै ॥२२॥

* अष्टमस्कंधे पंचमोऽध्यायः * [७१]

गंगायमुना सरसुती आदि, ध्रुव सप्तऋषीशुभमनुज लोक ॥२३॥
 मम रूप सबै यह प्राप्त सुमिरि, तजि पायलहै सुखहै विशोक ॥२४॥
 उठि प्रातकाल गज स्तुति से, जो प्रेम सहित स्तुती करै ।
 दुख दूर होय सुख यश पावै, प्राणांत समय मति विमल धरै ॥२५॥

श्री शुक-उ० दो०-यह कहि शंख बजाय हरि, गरुड़ चढे भगवान ।
 गये आपने धाम हरि, सुरमुनि लखि हरषान ॥२६॥

भजन-हरिजन हरि सुमिरन सुखदाई ।
 मन भटकै दिन राति विषय में, पल भर कबहुं न कलपाई ॥
 सुख मिलिबै की युक्ति कही हरि, सुमिरौं हरि हरिजन भाई ।
 गज छूट्यो बंधन सों हरि भज, सुख न लहौं प्रभु बिसराई ॥
 तियसुत गृह कुटुंब में फँसिकै, सबरी वयस बृथा जाई ।
 माधवराम चेत कर अब से, बनि जै है हरि गुनगाई ॥

इति श्री० भा० भा० सरसकाव्यनिधौ अष्टम स्कंधे चतुर्थोऽध्यायः



श्रीमद्भागवते भाषा सरस काव्यनिधौ अष्टम
 स्कंधे पंचमोऽध्यायः ॥

श्लो०-पंचमे पंचमं चाथ षष्ठं चाकथयन्मनुम् ।

विप्रशापाञ्च निः श्रीकैः कृतां देवैर्हरेः स्तुतिम् ॥

दो०-अमृत कथा पुनि आठ से, कहत नृपहिं मुनि गाय ।

पंचयें मेखत मनु, आचुष चरित सुहाय ॥

छं०शुक-उ०-हरिकथापापनाशनि बरनी, गजमोक्षहिरैवतमनूसुनौ
 तामसके भाई रैवतमनु, अर्जुन विंध्यादिक पुत्र गुनौ ॥२॥
 विभुइंद्र भूतस्य आदिक सुर, मुनि ऊर्ध्वबाहु आदिकहु कहे ॥३॥
 तिय अहै विकुंठा शुभूहु की, वैकुंठनाथ अवतार लहे ॥४॥
 लक्ष्मी के हित बैकुंठ रचा, महिरजकन गनिहरि गुन अद्भुत ॥५॥
 चक्षुषके सुत चाक्षुक छठये, सुद्युम्न पूरु आदिक हैं सुत ॥७॥
 सुर आप्यादिक सुरपति हैं मंत्र, द्रम बीरकादि मुनिवर गाये ।
 वैराज से संभूती में अजित, भगवान प्रगटि रक्षा लाये ॥६॥

दो०-मथि समुद्र लीनो अमृत लाये अद्भुत रूप ॥

कमठ रूप मंदर धरयो, कीने चरित अनूप ॥१०॥

छं०-राजो उ०-मुनिवरजिस भांतिसमुद्रमथा, बनिकमठरूपमंदरधारा
 जिस भांति देवता अमृत लहे, हरि चरित्र कहो अद्भुत प्यारा ॥१२॥
 हरिचरित आप वर्णन करते, भक्तों के स्वामी रूप धरें ।
 बहु तपित चित्त नहिं तृप्ति होय, मुनि चरित नहीं भवकूपपरें ॥१३॥
 सूत-उ०-इस भांति परीक्षित प्रश्न किया, हे शौनक मुनि शुकदेव कहैं ।
 राजा की प्रशंसा करि हरि के, गुन गावैं हिय आनंद लहैं ॥१४॥
 शुक-उ०-रण में देवों ने असुर हने, मरि गिरे बहुत नहिं उठ पाये ।
 मुनि दुर्वासा ने शाप दिया, सुर सुरपति क्षीण तेज आये ॥१५॥

दो०-मुनि इन्द्र हिमालादि ई, लै गज पर धरि लीन ।

मर्दन कीनी खैंचि गज, शाप मुनीश्वर दीन ॥१६॥

छं०-जावै लक्ष्मी मुनि शापसवै, सुरसलाह करि निश्चय न लीया १७

* अष्टमस्कंधे पंचमोऽध्यायः * [७३]

ब्रह्माकी सभा में सुर पहुंचे, जा अपना हाल बयान किया ॥१८॥
 निस्तेज देवतों को देखा, जिस भांति असुर सुखहीन रहें ॥१९॥
 मनथिर कर भगवत सुमिरनकर, हो प्रसन्न उनसे बात कहें ॥२०॥
 हम तुम शिव औ नर कीट पशु, उससे पैदा पद शरण गहैं ।
 है अंश कला अंशाशु से, तजिहरि को सुखकिस भांतिलहैं ॥२१॥
 नहिं बध्य है रक्षायोग जिसे, नहिं आदर लायक त्याग योग ।
 तिस पर वह जग रचना पालन, संहार हेत लेतन संयोग ॥२२॥
 जग स्थिति पालन का है समय, सब जीवों के हितकारी हैं ।
 हैं शरण आपकी जगत गुरु, कल्याण करौ बलिहारी हैं ॥२३॥

शुक-उ०-दो०-ब्रह्माजी कहि सुरनसों-तिन्हें संग लै आप ।
 अजित हरी के शरण गे, जहँ छूटै संताप ॥२४॥

छं०-लखमें न रूप आवै जिनका, वेदों से महिमा सुनी गई ।
 है सावधान सुरबाणी से, ब्रह्मा जी बिनती ठान लई ॥२५॥
 ब०उ०-सतआदि अनंत विकारहीन, निष्कल हियबासीतर्करहित
 मनबाणी कहि न विचार सकैं, है नमो देवबर सबजग हित ॥२६॥
 मन प्राणी बुद्धिज्ञाता आत्मा, इन्दी अरु विषय प्रकाश करै ।
 विद्या औ अविद्या जहां नहीं, उस अक्षर ब्रह्मकी शरण परै ॥२७॥
 हरिचक्र मनोमय इन्दी प्राण, पन्द्रह आग माया से फिरै ।
 है त्रिगुण नाभि प्रकृती पुष्टी, आठहु अजआंककी शरण धरै ॥२८॥

दो०-एक वर्ण तमसे परे, प्रगट अनन्त अपार ।
 रूप प्रकाशक आत्मजित, धीरभजै लें पार ॥२९॥

छं०-नहिंजिसकी माया कोई तरै, जन मोहितहैं मतलबनलखै ।

[७४] * श्रीमद्भागवते भाषांसरसकाव्यनिधौ *

जित आत्मा जन परमात्मा को, सबजीवों में समझै निरखै ॥३०॥
जिसके प्रिय सततनु से सुरसब, बन गये सब जगह हाज़िर है।
मुनिजनहू हरिकी गतिन लखै, किमि असुरसो सबका नाज़िर है ॥३१॥
पृथ्वी है पांच परमेश्वर के, जहाँ चार प्रकारकी सृष्टि भई।
हरि स्वतन्त्र हम पर प्रसन्न हो, प्रभु ब्रह्म महान बिभूति मई ॥३२॥
जल ही है वीर्य नारायण का, जिससे सब बढ़ते जीते हैं।
हों प्रसन्न हरिसब बिभूति मय, जिसके बिन जगत फ़जीते हैं ॥३३॥
दो०—स्वांस वायु है चंद्रमन, देवों का आधार।

महा बिभूति प्रसन्न हरि, जिससे जग निस्तार ॥३४॥

छं०—मुखअग्नि हवनहों कियाकाण्ड, सबहीकोतृप्तिदैं पाचनकर।
सबसिंधुमध्य थिर भस्म करै, हो प्रसन्न ईशर बिभूति धर ॥३५॥
हैं सूर्य नेत्र सुरलोक मार्ग ब्रह्मस्थिति, त्रिबेद मय कहिये।
मुक्ती का द्वार सब बिभूति मय, हरि प्रसन्न सो हम पर रहिये ॥३६॥
हरि प्राणसे सबके प्राण अहैं, जिनसे बल ओज आदि उपजै।
समाट रूप वह सब अनुचर, हों प्रसन्न जन पर भक्त भजै ॥३७॥
जिस हरिके कान से सबै दिशा, हिय से इन्द्री पैदा होवै।
आकाश नाभि से जगतन से, करि दया बिभूति हरी जोवै ॥३८॥

दो०—बल से सुरपति सहित सुर, विधि उपस्थ हर क्रोध।

बिभूति मय हरि प्रसन्न हों, वेद अंग जहं बोध ॥३९॥

छं०—श्री हिय से पितृ छाया से हैं, स्तन से धर्म अधर्म पीठि।
द्यौः शिर से हरि बिभूति मय सो, होकर प्रसन्न करै दया दीठि ॥४०॥
मुखसे हैं वेद द्विज भुजसे क्षत्रि, बजरण प्रधान जे गाये हैं।

कटिसे हैं बैश्य शूद्रहु पद से, सेवा करि हरिमन भाये हैं ॥४१॥
 है अधर से लोभहु उपर होठ, से प्रीति सपर्श काम जावै ।
 यम भौंह से काल कटाक्ष से है, हरि विभूति मय दाया लावै ॥४२॥
 सब पंच भूत कालहु कर्म, जिनकी माया रचि देती है ।
 प्रभु विभूतिमय होवै प्रसन्न, भक्ती अपना कर लेती है ॥४३॥
 स्वाराज लाभ उपशांत रूप, हरिपूर्ण आत्मा नमो नमः ।
 ज्ञानिहुनहिं जिसको समुक्ति सकै, प्रभुहै परमात्मा नमोनमः ॥४४॥

दो०—दर्शदेहु दर्शकहिं प्रभु, हितकर मृदु मुशकान ॥४५॥

हमसों दुष्कर कर्म जो, पूर करत भगवान ॥४६॥

छं० लघुसुखदुख बहुतकर्मकरि कै, नहिंहरि अर्पणकरिदुख पावै ४७
 हरिअर्पित लघु कर्महु न बिफल, अर्पणसे हरि प्रिय हो जावै ॥४८॥
 जिमि वृक्षमूल जल से सींचो, सब डाल पात सिंच जाते हैं ।
 हरि आराधन से निज आत्मा, सारा जग तृप्ती पाते हैं ॥४९॥

दो०—तर्क रहित अंतहु बिना, हरिपद नित्य प्रणाम ।

निर्गुण गुणधर सत्वतन, सकल लोक विश्राम ॥५०॥

भजन—सकल दुख हारक, ईश प्रणाम ।

सकल कर्मतप योग समाधी, साधो आठौ याम ॥

जापयज्ञ व्रत तीर्थ अनेकन, और सबै इतमाम ।

प्रेम सहित जग जाल छोड़िकै, श्रद्धा से रट नाम ॥

माधवराम पार हों भवसे, पूरण है सब काम ।

इति श्री० भा० भा० सरसकाव्यनिबौ अष्टम स्कंधे पंचमोऽध्यायः

[७६] * श्रीमद्भागवते भाषासरसकाव्यनिधौ *

श्रीमद्भागवते भाषा सरस काव्यनिधौ अष्टम
स्कंधे षष्ठोऽध्यायः ॥

श्लो०—षष्ठे पुनः स्तुतिर्विष्णावाविभूते सुरैः कृता ।
तन्मंत्राच्चासुरैः साकममृतार्थे महोद्यमः ॥१॥

दो०—प्रगटे हरि संस्तुति करी, षट में दीन सुभाय ।
असुर संग करि मित्रता, लेवो काज वनाय ॥

छं०—शुक-उ०—इस भांति सुरों की संस्तुति सुनि, रबिसहस्र तेज हरि प्रगट भये
देवों के नैनचक चौधिबंद, नहिमहि अकाश दिशिलखे गये ॥२॥
शिवब्रह्मा श्याम छबी निरखें, दृग कमल ललाई युत सोहैं ॥३॥
तनस्वर्ण द्युती पीतांबर धर, मुखभोंह सुघर जन मन मोहैं ॥४॥
कुण्डल किरीट करमें अंगद, भाई पड़ रही कपोलों पर ॥५॥
कटि कांची उरमें हार लसैं, बनमाला कौरतुभ लक्ष्मीधर ॥६॥
पार्षद सब मूर्तिमान संगमें, लल्लिशिव ब्रह्मा स्तुति ठानी ॥७॥
सब देव संग प्रणाम करके, हिय निरखि प्रेम मूरति आनी ॥८॥

दो०—ब्रह्मोवाच—हरि का जन्मनाशथिति, नहिं गुणसे गतिपूर ।
लघु से लघु बड़ बड़े से, नमोपूर्ण दुख दूर ॥

छं०—सुखचाही जनों से पूज्यरूप, तंत्रहूबेद बिधिबहु करिके ।
यह विश्वमूर्ति हम लखैं प्रभू, सोहैं त्रिलोक तनमें धरिके ॥९॥
तुम आदि अन्त मध्यहु में हौ, रहते स्वतंत्र सबमाहिं सने ।
जगके हैं आदि अंत मध्यहु, तुममें ज्यों मृतिका पात्र बने ॥१०॥
निज माया से जग रचि पैठे, बुधमान अगुण तुमको निरखैं ॥११॥

ज्यों गौ में घृत पृथ्वी में अन्न है, अग्नि काठमें चतुर लखें ॥१२॥
 हे कमलनाभ तुम्हें लखि प्रतक्ष, जिमि गजजललहि शांति पाई ॥१३॥
 पूरण करिये मनोर्थ सबका, साक्षी जिनके प्रभु बरदाई ॥१४॥

दो०—हम शिव सबसुर प्रजापति, लखें न तुम्हरो भेद ।

आप विधाता सबहि के, हरिये हमरो खेद ॥१५॥

छं०—शुक उ०—बिनती सुनि सुरकरजोरे लखि, गंभीर गिरासे बोले हरि ।
 एकहि ईश्वर करि सकै काम, हिय सिंधु मंथन को निश्चय करि ॥१७॥
 भगवानु०—हेशिव ब्रह्मा सब देव सुनो, सुनि सुख पावोगे यत्नधरो ॥१८॥
 जब तक न उदय हो तुम सबका, दानव दैत्यों से मेल करो ॥१९॥
 निज स्वार्थ में अरिको मित्र करै, ज्यों बंद सर्प मूसा से कहै ।
 यह काटि पिटारी माल खाव, काटे पै उसी को खाय गहै ॥२०॥
 अमृत मिलने का यत्न करो, जिसे पिये अमर हो जावोगे ॥२१॥
 औषधी छोड़ मंदर मथनी, कदनी बासुकि करि पावोगे ॥२२॥

दो०—हम सहाय देहैं मथो, सबसुर मिलिके साथ ।

असुर दुःख भागी बनै, फल सब तुम्हरे हाथ ॥२३॥

छं०—दैत्यों की हांमें हां करना, शांती से काज सिध रिससे नहीं ॥२४॥
 नहिं डरना विषसे लोभ क्रोध, नहिं करो वस्तु में चाह सही ॥२५॥
 शुक उ०—पुरुषोत्तम ऐसी शिक्षा दै, सुर देखें अंतर ध्यान भये ॥२६॥
 सुरविधि प्रणाम करि घाम यहुं चि, पीछे सुर असुर समीप गये ॥२७॥
 बिन अस्र देवता निरखि दैत्य, क्रोधित लखि बलि नेरो कदिया ॥२८॥
 असुरों से रक्षित बलि बैठे, जय लक्ष्मी जितका निकट लिया ॥२९॥

[७८] * श्रीमद्भागवते भाषासरसकाव्यनिधी *

बुधिमान इन्द्र मृदु बैन कहैं, जिसविधि हरि युक्ती सिखलाई । ३०।

हम दोनों भाई नहक लड़ें, सुनि बलि शंकरके मन भाई ॥ ३१ ॥

दो०—सुर औ असुर मेल करि, अमृत मथन सलाह ।

परम यतन करने लगे, करिकै सबी राह ॥

छं०—दोऊ मिलि मंदर गिरि उखारि, गर्जते सिंधुतटलेके चले । ३३।

थकि गये देव तजि अलग भये, बेवश हैं हम सब कहैं भले ॥ ३४ ॥

गिरि गिरिके असुरों को कुचला, रहे दैत्य बीचमें कठिनसके । ३५।

पद हाथ टूट थे मधि में दैत्य, हरि प्रगटे जब सब दुखित तके । ३६।

गिरसे कुचले सुर असुर हरी की, अमृत दृष्टि सब पुष्ट किये । ३७।

एकहि कर से गिरि गरुड़ पैधरि, देवता दैत्य हरि संग लिये । ३८।

दो०—समुद्र तट गिरिधरि दियो, गरुड़सहित भगवान ।

बिदा किये आदर सहित, विष्णु गरुड़ निजयान । ३९ ॥

भजन—मेल से पर्वत लेत उखारि ।

कठिन से कठिन काज जगमाहीं, मिद्ध होय मिलिचारि ॥

अलग अहं करि जीव बनै बंधि, मिलिहो ब्रह्मविचार ।

जबलग मेल न घर में होवै, दुख दरिद्र भय कारि ॥

माधवराम मेलकरि जगसे, आत्मा लीजै तारि ।

इति श्रीमद्भागवते भाषासरसकाव्यनिधी अष्टम स्कंधे षष्ठोऽध्यायः



श्रीमद्भागवते भाषा सरस काव्यनिधौ अष्टम स्कंधे सप्तमोऽध्यायः ॥

श्लो०—सप्तमे मथितोद्भूत विषभीत्याखिलैर्जनैः ।

स्तुतः सन्कृपयारुद्रः पपौ विषमितीर्यते ॥१॥

दो०—विष भय से व्याकुल सकल, शिवकी विनती कीन ।

सतर्वें में दुख देखिकै, रुद्र जहर पी लीन ॥१॥

छं०शुक-उ०—वासुकहि अमृतका लालचदै, लायें गिरिमें बंधनबांधा ।

मथनेको श्रीपति अहिमुखगहि, भट्टसिंधु मथनलै सुरसाधा ॥२॥

यह महापुरुष करतब लखिकै, कहं असुर अमंगलपूंछि न लें ॥३॥

हम जन्म कर्मसे प्रसिद्ध हैं, गहिमुख अहि पूंछ देवतहि दे ॥४॥

कश्यप सुतदेव असुर गहिकै, अमृतहित सिंधु मथनलागे ॥५॥

बिन आधार पर्वत जलमें डूब, नहिं सधागहा बहुसुर आगे ॥६॥

मन मलीन सबके तेज हीन, पुरुषार्थ भागसे हरा दिया ॥७॥

गणपति पूजाहरि कहिकराय, कच्छपतनुधर गिरिउठालिया ॥८॥

दो०—उठा निरखि गिरि सुरासुर, मथें खुशी हियमाहिं ।

दीप तुल्य हरि पीठ पै, मंदर गिरी लखाहिं ॥९॥

छं०—सुरअसुरभुजों से कंपितगिरि, कच्छपकी पीठि परभूमण करै ।

है अथाह बल कच्छप हरि के, मृदु खजुलाहट सीमन में धरें ॥१०॥

असुरों में असुर रूप बल दै, उनका बलवीर्य बढ़ाते हैं ।

देवतों में दैवी बल बढ़ाय, विष्णु सहाय पहुँचाते हैं ॥११॥

गिरि ऊपर विष्णु बिराजमान, गिरि हाथ से हरी दबाये हैं ।

[८० । * श्रीमद्भागवते भाषासरसकाव्यनिधी *

आकाश मे विधि शिवसुरपतिसुर, विष्णू पै पुष्प बरसाये हैं ॥१२॥
ऊपर नीचे गिरि में सुरमें असुरों में वासुकि में हरि हैं।
पर्वत घूमै समुद्र मधि में, लोभित जलजीवहु भीतर हैं ॥१३॥

दो०—वासुकि मुखसों बिष कढ़ै, असुरमलिन लागि भार ।

बल इल्वल पौलोम सब, गे हैं हिम्मतहार ॥१४॥

छं०—देवता परिश्रम से व्याकुल, हरिप्रेरित घन वर्षे तिन पर ।
शीतल बयार वह देवन पर, ह्वै प्रसन्न मथते हैं चित धर ॥१५॥
सुरअसुरमथै नहिंकुछनिकला, हरिअजितआपही मथनलगे ॥१६॥
तन श्याम पीतपट क्रीट मुकुट, घुंघुरारी अलकें प्रेम पगे ॥
श्रुति कुंडल लाल नैन करमें, अहिरस्सी पकरे मथन करें ।
जनु द्वितीय गिरिसमसोहि रहे, सुरअसुर मध्य शुभशोभधरें ॥१७॥
मथतेजब हरिविषहालाहल, निकलाजलजीवमहाव्याकुल ॥१८॥
सब विकल भारसे बिषकीभगे, लीशरणजाय जहँशंभुविमल ॥१९॥
शिव उमासहित लखि सरमुनि सब, दंडवत करें स्तुति ठानी ।
तप रूप मुक्ति दायक जनके, फलदेत भक्तको बरदानी ॥२०॥

प्रजापतयऊचुः दो०—महादेव भूतात्मशिव, जगभावन भगवान ।

विषभयसे रक्षाकरहु, देहु अभय बरदान ॥२१॥

छं०—सबजगके बंधमुक्तीदायक, जनकुशलअर्तिहरपूजहिंदर ॥२२॥
गुण मयीशक्तिसे विधिविष्णू, जगरचि पालत संहारहु कर ॥२३॥
प्रभु प्रसन्नबहु शक्तीधर, जगदीश्वर आत्मा पहिचानें ॥२४॥
तुम देव देव जगमय स्वभाव, ऋतसत्यकाल अक्षर मानें ॥२५॥

* अष्टमस्कंधे सप्तमोऽध्याय *

[८१]

मुख अग्नि आत्मा सब सुरहैं, महिचरण कान दिशि बतलाये ।

जल जिह्वा-गतिहै कालचंद, चरअचर जासुबश में आये ॥२६॥

नभ नाभी बायु स्वांस रबिटग, जलवीर्य चंद्रमनशिवके अहैं ।

कुक्षी समुद्र हड्डी पहाड़, औषधीरोम हियधर्म कहैं ॥२८॥

दो०—पंच उपनिषद शिव अहैं, अड़तिशकला प्रधान ।

परमार्थ को तत्वहर, स्वयं ज्योति भगवान ॥२९॥

ब्र०—द्यायासे अधर्मसूत्र-रजतम, हैं नेत्रतीन कहैं शास्त्र कथन ।

सुरमुनिपुराण श्रुति उच्चा तब, रचतेहो शास्त्रहर-त्रिपुरमथन ॥३०॥

विधिहरि सुरपति सब लोकपाल, सुर आपकी महिमानहिं जानैं ।

सत रजतम जहां नहीं पहुँचै, हर परब्रह्म ज्योती मानैं ॥३१॥

मख काम त्रिपुर कालहु नाशक, स्तुति प्रणाम पूरहि आशैं ।

जब प्रलयकालहो भालनेत्र, करिभरम जगत पलमें नाशैं ॥३२॥

शिव उमासहित जे हिय ध्यावैं, मुनि आत्मा गुरु हियमें मानी ।

कह उग्र पुरुष मशानबासी, निर्लज्ज मूढनर अभिमानी ॥३३॥

दो०—पर से पर सत असतमय, लखैं न रूप तुम्हार ।

ब्रह्मादिक कहि मौनलें, हमकिमि पावहिं पार ॥३४॥

ब्र०—इस रूप से परहम लखिन सकैं, नहिं प्रगट-रूप महंरूप धरे ।

जग पूजनीय महेश पर मूढ, प्रभुसे भयदायक काल डरे ॥३५॥

शुक-उ०—विषको दुखलखि शिवदयाधारि, सबजीवनके हितकारी हैं ।

कह पार्वती से बचन शम्भु, हरदयाल रक्षाधारी हैं ॥३६॥

[८२] * श्रीमद्भागवते भाषासरसकाव्यनिधौ *

शिव उ०—हे प्रिये प्रजाका दुःखलखौ, बिषनिकला क्षीरसिंधुसे अब ३७
रक्षाहित सबके अभय करों, पालन है दीनका मम करतब ॥३८॥
क्षण भंगु देह निज प्राणों से, औरों की साधु रक्षा करते ।
माया से मोहित वद्ध बैर, जनमूढ द्वेष दिलमें धरते ॥३९॥

दो०—दयावान नर से हरी, प्रसन्न हो भगवान ।

हरि से हम हमसे जगत, बिष खैहौ हितमान ॥४०॥

छं०-शुक-उ०—करिसलाहजगभावन शंकर, बिष खानेको अनुमान किया
जानै प्रभाव जगदंबउमा, उपकारनिरखि हिय हर्ष लिया ॥४१॥
बिष हालाहल हाथों में लै, शिवदायाधर भट पान किया ॥४२॥
भे नीलकंठ बिष प्रभाव से, जल आभूषण शिव बना लिया ॥४३॥
साधूजन रह पर दुखसे दुखी, यह अखिलात्मा का आराधन ॥४४॥
विधिहरिसवशिवहिप्रशंसिरहे, बिषपानकर्मलखिशुभसाधन ॥४५॥

दो०—बिष पीवत में महि गिरा, ताको कहैं प्रवीन ।

बीछी सर्प बिषौषधी, मशा डांस गहिलीन ॥४६॥

भजन—सार है जगमें पर उपकार ।

धन सुत राजपाद बहुतों के, होय विवधि व्यापार ॥
जो लवलीन रातदिन इनमें जाते बाजी हार ।
पर उपकार हेत शिव बिषको, लीन कंठमें धार ॥
यासों यथाशक्ति तन धनसे, परहित करौ विचार ।
समरथ है परहित नहीं कोना, दैतशास्त्र धिकार ॥
माधोराम जगत भल चाहै, होय जीव भवपार ॥

इति श्री० भा० भा० सरसकाव्यनिधौ अष्टमस्कंधे सप्तमोऽध्यायः

श्रीमद्भागवते भाषा सरस काव्यनिधौ अष्टम स्कंधे अष्टमोऽध्यायः ॥

श्लो०—अष्टमे मथ्यमानेऽधौ लक्ष्म्याविष्णौवृतेऽसुरैः ॥

धन्वन्तरेर्हते सोमे मोहन्युद्भवैर्यते ॥१॥

दो०—मथत सिंधु निकसी रमा; हरिसंग भयो विवाह ।

अठ्यें अमृत दैत्य गहि, प्रभु मोहनी निवाह ॥

छं०-शुक-३०—सुरअसुरमगन विषपियाशंभु, फिरमथैकामधेनू निकली
मुनिहवनके घृत हितलेत भये, सुरभी से सधैं सब क्रिया भली । २।
फिर उच्चश्रवा अश्व निकला, सुरपति ने नहीं बलि ने लीना ॥३॥
ऐरावत हाथी चारदंत, कैलास शिखर समता कीना ॥४॥
कौस्तुभमणि निकली विष्णु लई, हियका आभूषण ताहिक्रिया ५।
फिर कल्पवृक्ष सुरपुर में रहा, मन इच्छा फल शीघ्रही दिया ॥६॥
निकली अप्सरा स्वर्गभूषण, मृदुगति बानी हेरन जिनकी । ७।
फिर लक्ष्मी निकली हरि में पर, दशदिशाचमक विजलीइनकी । ८।

दो०—चाहैं सुर नर असुर सब, रूप गुणों की खानि ।

सबही के मन हर गये, हमै मिलैं यह आनि ॥६॥

छं०-सुरपतिने आसनबिमलदिया, धरिरूपनदीलिये स्वर्णकलश १०
भूमी सब औषधि ला दीनी, मधु माधव ऋतु पंचामृत रस । ११।
ऋषि मंत्र पढ़ैं अभिषेक होय, गंधर्व गावनारी नाचहिं ॥१२॥
बाजहिं मृदंग वीणा अनेक, शंखहू वेणु धुनिमृदु बाजहिं ॥१३॥
दिग्गज लैं कलश छोड़ते जल, मुनिमंत्र पढ़ैं लक्ष्मी नहाय । १४।

[८४] * श्रीमद्भागवते भाषासरसकान्यनिधौ *

लाये समुद्र शुभपीत बसन, वैजंतिमाल वरुणहु पिन्हाय ॥१५॥
आभूषण विशकर्मा सुमाल, सरस्वतीकमलविधि कुंडलनाग ॥१६॥
स्वस्त्यनभयो लैकमलमाल, मुखकमलहसनिमृदुशुभसौभाग ॥१७॥

दो०—कठी सूक्ष्म शुभ अंग सब, चंदन कुंकुमभाल ।

नूपुर धुनिजनु कनकतिय, लखतै असुर बिहाल ॥१८॥

छं०—औगुणविहीन, निज योगहिअर, देखनको लक्ष्मीआई हैं ।
गंधर्व यक्ष सुर असुरमुनी, सब बैठे पांति लगाई हैं ॥१९॥
तप जहाँ तहां नहिं क्रोध^१ बिजय, जहं ज्ञान^२ तहां नहिं संगत्याग ।
कोउबड़ेतहां नहिं^३ कामजीत, किसगिनतमें हैं इन्द्रादिविभाग ॥२०॥
कहु^४ धर्म^५ तहां नहिं जीव सुहृद, कहु^६ त्याग^७ तहां मुक्ती है नहीं ।
बल^८ कहुं काल से नाशमान, तजि विष्णु और को द्योय सही ॥२१॥
कोइ चिरंजीव^९ मंगल तन नहिं, कोइ मंगल^{१०} हैं नहिं चिरंजीव ।
जहां दोनों वासअमंगल^{११} भल, मंगलमयत्यागी पुरुषअतीव ॥२२॥

दो०—दोष रहित बरनहिं लख्यो, गुन बिन सबकी चाह ।

सर्वे गुण रहित गुण सहित, लिखो मुकुंदहि व्याह ॥२३॥

छं०—शुभकमलमाल हरिलेडाल, मृदुहास निकटहीखड़ीरमा २४
जगजनक हरीदियो हियेवास, निजजन पालन करती हैं क्षमा २५
बाजहिं बाजे शंखहु मृदंग, सुरतियनाचहिं शुभगान करें ॥२६॥

१ दुर्वासादि २ गुरु शुक्रादि ३ ब्रह्मावंधादि ४ परशुरामादि ५ शिवद्वारादि
६ सहस्राक्षुमादि

७ मार्कण्डेय—८ हिरण्यकश्यपादि ९ शिवादि

शिवविधि सुरमुनि सबस्तुति करि, बहु वर्ष सुमन हियहर्ष धरै ॥२७॥
 लक्ष्मीजी लखे सुर प्रजापती, गुणवान भये निवृत्ति पाई ॥२८॥
 भे असुर लालची तेजहीन, उद्योग लाजविन दुख छाई ॥२९॥
 कन्या सरूप मदिरा निकली, हरि संपति से सब असुर गहैं ॥३०॥
 फिर अद्भुत पुरुष एक निकला, धन्वंतरि जिनकानाम कहैं ॥३१॥

दो०—दीर्घ भुजा शुभ कंठ दृग, श्यामल तनु बनमाल ।

पीत बसन भूषण लसै, शोभा अधिक विशाल ॥३२॥

छं०—श्रुति कुंडलक्रीट अलकसो हैं, हरिपुरुषसिंह अवतारहरी ॥३३॥
 अमृत से पूरण कलश लिये, अंशाशबिष्णु की कलाधरी ॥३४॥
 पदे आयुर्वेद यज्ञ भोगी, लखि असुर छीनकै ले भागे ॥३५॥
 लै गये असुर सुर उदास सब, लै शरण खड़े भे हरि आगे ॥३६॥
 देवतों की दीन दशा लखकै, साधेंगे काम मत दुःख करो ॥३७॥
 सब लड़ैं असुर हम हम पहिले, नहिं तुमइककहते धीरधरो ॥३८॥
 देवों को भाग उचित चाहिये, मिहनतकी धर्म सनातन यह ॥३९॥
 इक इक रोकहिं मत्सर करिकै, बलवान निबल से लेना चह ॥४०॥

दो०—सब उपाय जानत हरी, ताही छन प्रगटान ।

अद्भुत मोहनि रूप धर, जगकर्ता भगवान ॥४१॥

छं०—शुभ श्याम कमलतन अंग सुघर, कानों में कुंडल भूमिरहे ।
 नकवेसर गोल कपोल अमल, भाई परती जनु चूमिरहे ॥४२॥
 है युवा वयस शोभा सुंदर, स्तन के भार से झुकत चलैं ।
 मुख में सुगन्ध युत पान लसै, चंचल दृग चारों तरफ हिलैं ॥४३॥
 केशों की शोभा कौन कहैं, फूलों से गुन्धी बेनी लटकैं ।

[८६] * श्रीमद्भागवते भाषासरसकाव्यनिधौ *

गलहार वज्रुल्ला बाजू में, मुनियों को मन लखते अटकै ॥४४॥
कटिमें अतिसुधर वसन सो हैं, द्वीपहु नितंब शोभा भारी
लसछुद्र घंटिका कटिमें शुभ, नूपुर धुनिमृदु मुनि मनहारी ॥४५॥

दो०—कुछ लज्जित सी लखत हैं, चितवन नैन विशाल।
दैत्य दानवों के हिये, जागो काम कराल ॥४६॥

भजन—मोहनी मूरति नारि सरूप ।

अंग अंग में विष व्यापित जहूँ, लागत अमृत रूप ॥
कामी मूढ न अंत निहारिहि, सुरमुनि शाहौ भूप ।
क्षण सुख हेत मूत्रमल चाटत, परै अंत तम कूप ॥
दौड़त जीव नारि के पीछे, समझै छांह न धूप ।
विषय भोग करि तृप्ति न पावै, मानै अमृत पूष ॥
माधवराम श्यामसुर हितको मोहनि भये अनूप ।

इति श्री भा० भा० सरसकाव्यनिधौ अष्टम स्कंधे अष्टमोऽध्यायः

श्रीमद्भागवते भाषा सरस काव्यनिधौ अष्टम
स्कंधे नवमोऽध्यायः ॥

श्लो०—नवमे मोहितैर्दैत्यैरपितेऽमृतभाजने ।

तद्वचनेन देवेभ्योऽमृतं दत्तं तयेर्यते ॥१॥

दो०—मोहित दैत्य कलश अमृत, दियो मोहिनी हाथ ।

असुरहिं छलि प्यायो सुरहिं, नवयें गावहिं गाथ ॥१॥

[११६] * श्रीमद्भागवते भाषासरसकान्यनिधौ *

दो०—द्विज यजमान अग्नि मुनि, खड़े भये इक साथ ।

आवत अग्नी सनक रवि, मानि नवायो माथ ॥२२॥

छं०—ऐसे गुरु शिष्य वितर्क करें, आये बामन बटु रूप किये ।

शिर छत्र कमंडल दंड हाथ, जनु ब्रह्मचर्य ही रूप लिये ॥२३॥

यज्ञोपवीत मेखला मूंज, मृग चर्महु बगल दबाये हैं ।

शिर जटा सोहते भगवत के, अति अद्भुत शोभा पाये हैं ॥२४॥

आये लखि अग्नीउठे लपट, भृगुशिष्य सहित आदर कीना ॥२५॥

यजमान प्रसन्न देखि छबिको, सन्मान किया आसन दीना ॥२६॥

स्वागत करि पद परखा बलिने, करि प्रणाम पूजन विविधि किया ।

चरणामृत पाप हारि पीकर शिव धरेशीश शिरधार लिया ॥२७॥

दो० बलिरुवाच—स्वागत है ब्रह्मन तुम्हें, पद में करौ प्रणाम ।

तपाह ब्रह्म ऋषि रूपधरि, देत हमें विश्राम ॥२८॥

छं०—भेतृप्त पितरकुलभी पवित्र, तुम आये पूर्णयज्ञ नहिं कम ॥२९॥

अग्निहू तृप्त हो गये खूब, महि पग पर से जलसे शुचि हम ॥३०॥

बटु मांगो जो जो इच्छा हो, गौ स्वर्णधाम भोजन कन्या ।

गजबाजि ग्राम स्थ औरहु कुछ, हम दें भाग मानै धन्या ॥३१॥

दो०—व्याहैं द्विज कन्या तुम्हें, जो हमसे कहि देव ।

देने की श्रद्धा बढी, कुछ तो द्विजवर लेव ॥

भजन—विप्र को मानै सब संमार,

सुर अरु असुर यक्षकिन्नर नर, विविध देह सब धार ।

शिव विधि विष्णु विप्रको मानै, आपन इष्ट पुकार ॥

सोई विप्र विप्रपन छोड़ै, सब प्रकार यह हार ।

* अष्टमस्कंधे नवमोऽध्यायः *

[८७]

छं०-शुक-उ०-छीनै आपसमें असुर कलश, धमकावैं त्यों देखी नारी । १
 क्या रूप अहो क्या नई उमर, पूंछते काम वस है भारी ॥ २॥
 हे कमल नैनिको हौ किसकी, मनमथती कहां से आई हो ॥ ३॥
 सुर असुर किसी ने नहीं छुई, जानैं हमरे मन भाई हो ॥ ४॥
 क्या दयालु विधिने भेजा तुम्हें, इन्द्री मनके सुख भरने को ॥ ५॥
 अमृत के हित हम सब लड़ते, आई भगड़ा तैं करने को ॥ ६॥
 कश्यप मुनिके हम सब हैं पुत्र, दो बांट अमृत नहिं भेद धरो । ७
 सुनि माया मोहनि विष्णु कहैं, चलो हटो न हमसे बात करो । ८
 भगवान उ०-दो०-कैसे कश्यप पुत्र हो, चाहो पर की नारि ।

नारी में विश्वास नहिं, पंडित करें बिचारि ॥ ९॥

छं०-भेड़िया वेश्या नारि तुल्य, थिर प्रीति न करि नर नये चहैं ।
 विश्वास किये धोखा खावैं, मुनि संतसीख ये सत्य कहैं ॥ १०॥
 शुक०-उ-पिघलेहैं असुर मृदु बचन सुनत, हंसके भट अमृत कलश दिया
 ले कलश कहैं हम बाटेंगी, नहिं रोकौ जो हम चहैं किया । ११
 सुनि असुर बचन हां हां कीना, नहिं थाह रूपकी पाई है ॥ १२॥
 नहवाय हवन करि बैठाया, स्वस्त्यन, धुनी तहं छाई है ॥ १३॥
 कोरे सुवस्त्र पहिरे हैं असुर, जनु कोरे रह बैठे आसन ॥ १४॥
 सुरपांति अलगकी पी न जांय, हो धूपधूम हरिकर शासन ॥ १५॥

दो०-सुघर रूप मद भरे दग, मृदु नृपुर् भनकार ।

उर करमें कलशहु धरे, हलकत हियमें हार ॥ १७॥

छं०-नासा बुलाक कुंडल हलकनि, श्रीसखीज्यों बस्त्रसम्हारै हैं ।
 अंचल उधारि इत नैन मारि, देवों के काज संवारै हैं ॥ १८॥

[८८] * श्रीमद्भागवते भाषासरसकाव्यानिधौ *

पय सर्पको असुरहिं अमृतहुतस, निर्दईजानि नहिंदिया अमृत । १६।
करिअलग पांतिवैठारि सुरन्ह, निजशरण देखिकरते हरिहित । २०।
लैअमृतकलश दैत्यों को छलि, देवों को अमृत हरिप्यावै ॥ २१॥
परखे हैं असुर अब हम पै हैं, भट लौटिके बातें समझावै ॥ २२॥

दो०—सुनि २ कोमल बचन मृदु, विवश असुर हरषाहिं ।

उलटी भी सूधी गुनै, मोहित कुछ न कहाहिं ॥ २३॥

छं०—धरिदेव रूप राहूने पिया, घुसिकै रविशशिने बतलाया ॥ २४॥
हरिचक्रसे शिरभट काटि लिया, शिर अमरभया ग्रहमें आया । २५।
जब पर्व में रविशशि ग्रहण परै, बदला लेने को धावै हैं ॥ २६॥
हरि रक्षा करते अमृत प्याय, भट अंतर हित ह्वै जावै हैं ॥ २७॥
इस भांति सुर असुर मिहनत की, हरि आश्रय से फल सुर पावै ।
हरि विमुख असुर कोरे रहिगे, यह शिक्षा सबको समझावै ॥ २८॥

दो०—मन वांनी से अलग हरि, धरत अनेक न रूप ।

हरि पूजै सब तृप्त जग, शिक्षा परम अनूप ॥

भजन—आसरा हरिका सबसे नीक ।

निबल देवता अमृत प्यावै, प्रबल असुर भे फीक ॥

हम अस करें करें पुरुषारथ, पीटें कोरी लीक ।

पूर परै नहिं सपने उनकी, मन मारै रहै भीक ॥

माधवराम श्यामके आश्रय, विगड़ी होवै ठीक ।

इति श्री० भा० भा० अष्टमस्कंधे नवमोऽध्यायः समाप्तः ।

श्रीमद्भागवते भाषा सरस काव्यनिधौ अष्टम स्कंधे दशमोऽध्यायः ॥

श्लो०—दशमेमत्सरादृत्यैरारधेतुं मृधेसुरैः ।

दैत्यमायाविषण्णेषु देवेष्वारविर्बभौ हरिः ॥१॥

दो०—मत्सर करि सब दैत्य मिलि, लड़ै देवतों संग ।

हारे सुर लखि प्रगट हरि, दशमे वरणत दंग ॥

छं०—शुक उ-नहिंदानवअसुर अमृतपाये, हरिविमुखपरिश्रमयदपिकिया
निकराय अमृतपुनि प्यायसुरहिं, विष्णु प्रभु अंतर ध्यानलिया । २।
सौतेलों की उन्नती देखि, नहिं सहै दैत्य लड़ने को चले ॥३॥
देवता बली अमृत पीकर, हरि आश्रयले भिड़ गये भले ॥४॥
देवासुर दारुण रण है नाम, भासमुद्र तट हो रोम खड़े ॥५॥
तरवार बाण बहु अस्त्र चलै, मिलि असुर देवता जोर भिड़े ॥६॥
भेरी मृदंग डमरू बाजै, हाथी हय वीर धोर गाजै ॥७॥
रथियों से रथी पैदल पैदल, असवार सवार भिड़ै राजै ॥८॥

दो०—असुर ऊंट हस्ती चढ़े, कोऊ खर असवार ।

बानर ऋक्ष सिंहमृग, बाहन विविधि प्रकार ॥९॥

छं०—बकगृद्धकंक पत्नी बहुविधि, वृषगवय महिषबाहनधारे । १०।
खरगोस शृगाल अनेक जीव, बकरा सूकरचटि ललकारे ॥११॥
जल थल जीवों पर सवार सब, दोनों सेना बढ़ती आगे ॥१२॥
पट चित्रविचित्र छत्र छाये, मणियुत दोउ चमर दुरन लागे ॥१३॥
वायू से डुपट्टा पहरावै, रवि किरनसे मुकुटमणी चमकै ॥१४॥
सागर समान सेना उमड़ी, जलजीव तुल्य वीरहु दमकै ॥१५॥

[६०] * श्रीमद्भागवते भाषासरसकान्यनिधौ *

दो०—पुत्र विरोचन बलि बली, बैठे उड़न विमान ॥१६॥

अस्त्रशस्त्र से पूर है, प्रगटहिं अंतर ध्यान ॥१७॥

छं०—बैठे विमान शिर सोह छत्र, बहुवीर संग शशिसमसो हैं ॥१८॥

सेनापति, नमुचि बाण शंवर, नहिं गिनै वीर हम समको हैं ॥१९॥

हेती प्रहेति इल्वल आदिक, जहं वज्रदंत शकुनी राजें ॥२०॥

हयग्रीव शंकु शिरधन दुंदुभि, तारक निशुंभशुंभहु भूजें ॥२१॥

मय त्रिपुराधिय अरिष्ट औरौ, कालेय पुलोम वीर सबहीं ॥२२॥

दुख पाया अमृत न लहालेश, लखिसुर शत्रु रणमें जबहीं ॥२३॥

गर्जनकरि शंखबजाय दिये, रिपुकी उन्नति अससहि न सकैं ॥२४॥

ऐरावत पर सुरपति सवार, रवि उदया चल परशत्रु तकैं ॥२५॥

दो०—सुरपति के चहुंफेर सुर, विविधि बाह असवार ।

वरुण अग्नि सब लोक गति, अस्त्र गहे तैयार ॥२६॥

छं०—भिड़गयेपरस्पर कटुबच रहि, लज्जकारलगे जोड़ीसेभिड़न २७

बलिइन्द्र स्वामि कार्तिक तारक, मित्रहुप्रहेति हेती औ अरुन ॥२८॥

यम कालनाभ विशकर्माय, शंवर त्वष्टा सविता रोचन ॥२९॥

अपराजितनमुचि वृषपर्व अश्वि, बलिसौ सुतसेरवि तमभोचन ॥३०॥

राहू से चंद्रवायू पुलोम लड़ें, शुम्भनिशुम्भ महा काली ॥३१॥

अग्नी औमहिष वृषकपीजंभ, विधिसुत इल्वलवातापि बली ॥३२॥

दुर्मर्ष काम उत्कल मात्री, गुरुशुक शनीचर नरक लड़े ॥३३॥

वायू निवात कवचहुं वसुसब, कालेय असुरदलजाय भिड़े ॥३४॥

दो०—विश्वेदेव पुलोम सुत, रुद्र क्रोधवश वृन्द ॥३५॥

दन्द युद्ध रण में करें, प्रहार करि स्वच्छन्द ॥३६॥

छं०—गजघोड़े रथपैदर सवार, भुजशिरकटि कवच लगे गिरने । ३७
 रथ चक्र पदों से धूरि उड़ी, रवि छिपे रुधिर कुण्डहु भरने ॥ ३८ ॥
 शिर कटे गिरे कंडल किरीट, दवेदंत होठ दृग क्रोध भरे ॥ ३९ ॥
 आयुध आभूषण युत भुज हैं, कटि बीर अंग पृथ्वी में परे ॥ ४० ॥
 सुरपति के गज को तीन बाण, हनि फिरै कबंध मुंडनिरखै ॥ ४१ ॥
 गजपद रक्षक चारिहु के चार, हनि एक मातलिहि बली लखै ॥ ४२ ॥
 बिनपहुं चे इन्द्रने सबकाटे, वलि थहलखि शक्ति विचित्र गही ॥ ४३ ॥
 वह भी काटी शूलहु तोमर, लिये जौन २ सब काटे सही ॥ ४४ ॥

दो०—अन्तर है माया प्रगटि, वर्षहिं लगे पहाड़ ॥ ४५ ॥

जरे वृक्ष गिर सुरों पर, शिला चूर्ण कर हाड़ ॥ ४६ ॥

छं०—फिरै नग्न राक्षसी राक्षसबहु, अहि बीछी सिंहसरूप धरै ॥ ४७ ॥
 काढो मारो करि घोर नाद, गजहय मर्दहि नहिं देर करै ॥ ४८ ॥
 बादल गजै अग्नी वर्षै, वायू प्रेरित बिजली चमकै ॥ ४९ ॥
 सांवर्तक अग्नि प्रगट सुरगण, सुरसेन जलाय जोर चमकै ॥ ५० ॥
 उमड़ा समुद्र बहवायु चण्ड, उठ लहर भयंकर दुखदाई ॥ ५१ ॥
 इस भांति अनेकन माया करि, सुरसेन विकलगै थिरताई ॥ ५२ ॥
 प्रतिविधि न बने सुहरिसुभिरै, जग भावन प्रभु प्रगटे तैहि छन ॥ ५३ ॥
 चटिगरुड अष्ट भुज अस्त्रगहे, दृग कमलकीट शिरपीत वसन ॥ ५४ ॥
 हरिप्रगटे लोप असुरि माया, ज्यों स्वप्नहरि स्मृति बिपतिहरै ॥ ५५ ॥
 हनि शूल कालनेमी हरिको, गहिप्रभु मारयो सहवाह^१ मरै ॥ ५६ ॥

दो०—माली और सुमाली, माल्यवान तिहुं भाय ।

काटे शिर हरिचक्र से, रहा सुरेश बहु आय ॥ ५७ ॥

[६२] * श्रीमद्भागवते भाषासरसकाव्यनिधौ *

भजन-जगत में हरि हैं सांच सहाई,
 बिद्यालय जप युक्ति अनेकन, रहो समाधि लगाई ।
 हरि सुमिरन सेवा बिन कीने, जिमि जलकी चिकनाई ॥
 तनधन पुत्र मित्र परिवारहु, माता पिता लोगाई ।
 हरि बिन कोऊ काम न आवैं, लेहु हिये अजमाई ॥
 रहि प्रारब्ध भोग पर घ्यारे, धीरज हिय में लाई ।
 माधवराम सुमिर मनसे हरि, दोऊ लोक बन जाई ॥

इति श्री० भा० भा० सरसकाव्यनिधौ अष्टमस्कंधे दशमोऽध्यायः



श्रीमद्भागवते भाषा सरस काव्यनिधौ अष्टम
 स्कंधे एकादशोऽध्यायः ॥

श्लो०—एकादशे तु दैवेषु दैत्यघातिषु नारदः ।

देवात् वारयच्छुक्रो, मृतान्दैत्यानजीवयत् ॥१॥

दो०—मारहिं असुरन देवता, नारद रोकें जाय ।

रमारह में घायल असुर, शुक्रहु दीन जिवाय ॥

छं०-शुक्र-उ०-हरिकृपासे सुरपति सुरहर्षे, जहंतहं दैत्यों को कुचलचले ।
 बलि हेत उठाया इन्द्र बज्र, सब प्रजा हायहा करे मले ॥२॥
 रणमें बलि वीर से कहैं इन्द्र, गहि बज्र निरादर भारी करि ॥३॥
 माया करि जीतै माया पति, दृगबाल मूढ़ि नट धनलेहरि ॥४॥

* अष्टमस्कंधे एकादशोऽध्यायः *

[६३]

माया से स्वर्ग औ मोक्ष चाहैं, तिन मूढ़ों को कुचलों धरि पद ॥५॥
 मायावी तस हरो शीश, लै असुर यतन करलै बेहद ॥६॥
 बलिरु वाच-कालहू कर्म से प्रेरित जन, संग्राम में आकर लड़ते हैं ।
 जय अजय कीर्ति मृत्यू आदिक, क्रम क्रमसे सबही धरते हैं ॥७॥

दो०—काल फाँस से सब बँधे, निरखैं सार सुजान ।

हर्ष शोक लावै नहीं, सुरपति अहो अजान ॥८॥

छं०—अपने को सिद्ध मानैं वाले, मर्महु छेदक बातें जो कहौ ।
 सज्जनों में शोचनीय तुम्हरी, दिलमें नहिं एकहु बात गहौ ॥९॥
 शुक उ०—इसभांति इन्द्रको कहैं बली, धनुचढ़ाय बाणों से मारा ॥१०॥
 शत्रु से निरादर पाय इन्द्र, सहि सकै नहीं असधिकारा ॥११॥
 बलिको मारा बज्रहु अमोघ, लगते गिरमम बलि भूमिगिरे ॥१२॥
 लखि गिरा मित्र दौड़ा है, जंभ, बदला लू नहिं मन नेक डरे ॥१३॥
 वह सिंहवाह लै गदा दौड़ि, सुरपति ऐरावत दोउ हनै ॥१४॥
 लगते ही गदागज विह्वल अति, घुटने टेकै नहिं सधत बनै ॥१५॥

दो०—लाया स्थ तब मातलिहू, गजतजि तहं असवार ॥१६॥

जंभ प्रशंसहि सारथी, हंसि करि शूल प्रहार ॥१७॥

छं०—लगीशूलव्यथा मातलीसही, सुरपतिने वज्रसे शिर काटा ॥१८॥
 सुनि जंभनाश नाखद मुनिसे, बल पाक नमुचि सरपति डांटा ॥१९॥
 मर्महु, वेधक कटु बचन कहैं, बाणों की वर्षधार वर्षे ॥२०॥
 सुरपति कै सहस बाण काटे, बहुसुगहिं बेधि हियमें हर्षे ॥२१॥
 हनि पन्द्रह बाण नमुचि गजै, ज्यों बादल गर्जिवायु प्रै ॥२२॥
 शरवृन्द से इन्द्रहिं मातलि हनि, रवि ज्यों घनअसुर सबै घेरे ॥२३॥

[६४] * श्रीमद्भागवते भाषासरसकाव्यनिधौ *

सौ शरमातलिके हनै पाक, अंगअंगमें अद्भुत कर्म किया ॥२२॥

सुरपति छिपगे सुर हाहाकर, पतिबिन सब धीरज त्यागि दिया ॥२५॥

दो०—शर पिंजर से सुरपती, निकरे हैं तत्काल ।

दिशा प्रकाशहिं सूर्यज्यों, प्रातहिं शोभ विशाल ॥२६॥

छं०—सुरसेन शत्रु से पीड़ित लखि, सुरपतिने वज्र उठाया है ॥२७॥

जाती वालों को भय देकर, वलपाकका शीश गिराया है ॥२८॥

बध लखिनमुची रिसशोक भरा, सुरपतिमारनको युक्तिधरै ॥२९॥

रिससे कहि मरि है छोड़ि शूल, सुरपति पै घोर प्रहार करै ॥३०॥

करि सहस खंड त्रिशूल सुरपति, शिर काटै खैचि वज्र मारै ॥३१॥

नहिं त्वचा कटी यह अचरज भा, वृत्रासुर मारा हिय हारै ॥३२॥

मनमें सुरपति डर गये बहुत, जगमोहनि दैव गती कैसी ॥३३॥

गिर पंख काटि डारे जिसने, महि दबते लखितेहि गति ऐसी ॥३४॥

दो०—त्वष्ट्रा का तपसार सुत, वृत्रासुर बधकीन ।

औरहु शत्रु अनेक हनि, रण जैहि कीरति लीन ॥३५॥

छं०—लघु असुरमें निष्फल सोई भया, इससे न हाथमें वज्रधरौ ॥३६॥

भै गगनगिरा सुरपति दुखलखि, मरि है इससे यह युक्ति करौ ॥३७॥

सूखे से मरै नहिं गीले से, बर दिया इसे युक्ती सोचो ॥३८॥

मुनि सोचि सिंधु फेनहिं मारौ, यह उपाय करिकै दुखमोचो ॥३९॥

मारा लगते ही कटा शीश, मुनि पुष्पवर्षि बिनतीहु करै ॥४०॥

गंधर्व गान दुंदुभी वज्रै, अप्सरा नाचि हिय हर्ष धरै ॥४१॥

दो०—औरहु प्रति योधा हने, अग्नि वरुण सुरबृन्द ।

सिंह यथा मृगगण हनै, हरि आश्रय स्वच्छन्द ॥४२॥

छं०—विधि ने नारद को भेजि कहा, देवतों को जाय मना कर दो ।
मिहनत करवाय अमृत पाया, मत मारो मेरी आज्ञा लो ॥४३॥

नारद उ०—हरिभुजबलसे अमृतपाया, बन गया काम बस मौन गहो ।

श्रीयुक्त देवता वृन्द भये, तज देव लड़ाई कुछ न कहो ॥४४॥

शुक उ०—मुनिबचन मानि भट, रोकि क्रोध गंधर्व गावयश देव चले ।

मरने से बचे जो असुर वलिहि, लै अस्ताचल को गये भले ॥४५॥

है शिर जिनके अंगमें तिनको, भटशुक्राचार्य जिवाय दिया ॥४७॥

बलिके शरीर पर हाथ फेरि, दै ज्ञान पुष्टतन बली किया ॥

दो०—बलिहारे रण में सही, धरे हिये संतोष ।

समय उदय की लखै निज, करें न मनमें रोष ॥

भजन—हारि औ जीति समय आधीन,

समय अधीन कर्म फल होवै, भला बुरा जो कीन ।

नीक कर्म से बिजय सदा रह, अजय कुकर्महु दीन ॥

करत कुकर्म असुर देवों संग, सुरपुर चहं ले छीन ।

याही से करि युक्ति अनेकन, हरि रक्षा में लीन ॥

देखत माहिं धर्मही दीखत, अन्तर सब विधि हीन ।

समुझि सोचि सब भांति कर्म करि, शिक्षा करें प्रवीन ॥

सब प्रकार जग कठिन व्यवस्था, संमत यह प्राचीन ।

माधोराम सुमिरि गुनगावो, समझो भूम गुणतीन ॥

इति श्री० भा० भा० अष्टमस्कंधे एकादशोऽध्यायः समाप्तः ।



[६६ । * श्रीमद्भागवते भाषासरसकाव्यनिधौ *

श्रीमद्भागवते भाषा सरस काव्यानिधौ अष्टमः
स्कंध द्वादशोऽध्यायः ॥

श्लो०—द्वादशे मोहिनीरूपविभूमालोकनोत्सुकम् ।

भव संमोहयामास हरिः पुनरसांत्वयत् ॥

दो०—रूप मोहिनी निरखि शिव, मोहे भूलो ज्ञान ।

बारह में वर्णत हरहि, समझायो भगवान् ॥

श्रीबादराय, रुधस्नारिरूपहरिअसुरमोहि, सुरगनकोअस्मृतपिलादिया

चढि बैल भूतगण उमासंग, हरि दर्शन हेत पयान किया ॥२॥

भगवान मिले आदर कीना, शिव पार्वती को आसन दे ।

बैठे आसन पर प्रसन्न चित, कहते हैं हर कुछ हांसी ले ॥३॥

महा० उ०—जगदीश जगत भयदेवदेव, सबकी आत्मा परमेश्वर हैं ॥४॥

जगके हैं आदि अन्त मध्यहु, चित सत्य ब्रह्म सबसे पर हैं ॥५॥

बिन चाह संत तब चरण भजें, लोकहु पर लोक आश त्यागे ॥६॥

तुम निर्गुण ब्रह्म पूर्ण सुखमय, जग रचि पालत नाशत आगे ॥

दो०—सब विकार से रहित प्रभु, दूसर नाहिं अनन्य ।

सबसे अन पेचा किये, भजहिं तुम्हें ते धन्य ॥७॥

छं०—सत असतरूप अद्वैत एक, जिमि भूषणमें नहिं स्वर्ण भेद ।

अज्ञानी रचैं विकल्प बहुत, हौ बिन उपाधि सपने न खेद ॥८॥

कोउ ब्रह्म धर्म कोइ माया पर, परमेश्वर पुरुष कोइ मानै ।

नवशक्ति सहित प्रभु महापुरुष, स्वच्छंद सदा अव्यय जानै ॥९॥

हम ब्रह्मामुनि मरीचि आदिक, सात्विकहु करतब लखि न सकै ।

माया मोहितनर असुर कहाँ, रजतममें रत किसभांति तकै ॥१०॥

हरि व्यापक तुम सब जानत हौ, जगजन्म नाश मोक्षहु बंधन ।
जिमि बायू व्याप्त चराचरमें, फँसते न कभी हो भवफंदन ॥११॥

दो०—सब अवतार लखे प्रभू, गुणगहि लीला कीन ।

देखा चहैं सरूप हम, नारि मोहनी लीन ॥१२॥

छं०—असुरों को मोह लिया जिससे, देवों को अमृत प्याया है ।
दर्शन करने को आये हम, अति विस्मय हियमें छाया है ॥१३॥

शुक उ०—यों कहाविष्णुसे जबशिवने, गंभीर भावगुनिउतरदिया ॥१४॥

भगवान०—असुरों के हितधरिनारिरूप, तहंकलशगयाल्लखिकाजकिया
सुर श्रेष्ठ तुम्हें दिखलावेंगे, कामियों को प्रियपड़ि जहां भखैं ॥१५॥

शुक उ०—कहि अन्तर्धान भयेहरिभट्ट, शिवपार्वती चहुं फेर लखैं ॥१७॥

चलि दीख बाग में सुघर नारि, नव बेलि वृक्ष पल्लवहु सुमन ।
खेलती गेंद किंकिणी वसन, कटि में सोहैं हरती मुनि मन ॥१८॥

ग्रीवा स्तन पर हिलै हार, पद पदमें कमर बल खाती हैं ।
पद कमल भूमि परसत जिसके, पिघलै कोमलहो जाती हैं ॥१९॥

दो०—गेंद जहां को जात हैं, चपला चमकै नैन ।

कुंडल हलकि कपोल लगि, मुख छवि शोभा ऐन ॥२०॥

छं०—अलकै बिथुरी खुलिगै कवरी, छुटतैं हैं बसन करसे साधे ।
दहने से गेंद उछाल रही, मोहनी मचहु मुनि मन बांधे ॥२१॥

फेकते गेंद शिवको देखा, मुशकाय नैन तिखे मारे ।
भे विकल कामके वशमें हर, नहि लखैं उमा शिवगण सारे ॥२२॥

फेंका फिर गेंद उधारि हाथ, लेने को मोहनी धाई है ।
बायू ने उड़ाया बरत्र तभी, अंग ललितशिव बुधि बौगई है ॥२३॥

[६८] * श्रीमद्भागवते भाषासरसकाव्यनिधौ *

है रूप मनोहर नैन सुघर, लखि लेने को शिव मन चाहै ॥२४॥
विज्ञान गया भे काम विवश, तजि लाज धरै को उत्साहै ॥२५॥

दो०—शिव आते लखि मोहनी, लज्जित अंग उधार ।

वृत्तों में छिपती फिरै, हँसि हँसि मारहिं मार ॥२६॥

छं०—इन्द्रियों के वशहरपीछे भजि, गज हथिनीकेबश काम किया ।

नहिं चाहै भागि शिव लगि पीछे, चोटीगहिअंग लगायलिया ॥२७॥

हाथी हथिनी त्यों मोहनिशिव, खुले बाल इतैउत छटक रही ॥२८॥

हरि माया मोहनि रूप बनी, भागीहैं अद्भुत कर्म सही ॥२९॥

प्रभुअद्भुत गतिशिव लखि न सके, निजशत्रु कामके वशमें भये ॥३०॥

दौड़ते अमोघवीर्य बह चल, गौ पीछे बृषभ की दशा लये ॥३१॥

शिववीर्य भूमि पर गिरा जहां, सोने चांदी की खान भई ॥३२॥

गिरिबन उपवन नदि तड़ागमें मुनिवृन्दहि, सिलई सीखनई ॥३३॥

दो०—धोखे मत रहियो कोई, करियो मत अभिमान ।

भये कामवश कामजित, देखो शिव भगवान ॥३४॥

छं०—बहगयावीर्य शिवलौट पड़े, जड़सम हरिमाया बशकीना ॥३५॥

परमात्मा की गति आत्मा से, नहिं लखे पराक्रम सब छीना ॥३६॥

धरिरूप बिष्णुनिज शिवहिं मिले, लखिसावधानयों बचनकहे ॥३७॥

भग० उ०—बड़भागआप निष्ठामें हैं, माया मेरी से बचके रहे ॥३८॥

तुम्हें छोड़ितरै माया को और, कामियों को अतिही दुस्तर है ॥३९॥

नहिं अब मोहैगी मम माया, बच जाय भक्त जो मुक्त पर है ॥४०॥

शुक उ०—इसभांति आज्ञालै हरिकी, गणपार्वती संगधाम गये ॥४१॥

माया प्रभाव सुनि संमुखमें, शिव पार्वती से कहत भये ॥४२॥

दो०—पर प्रभु की माया लखी, कस दुस्तर बलवान ।

श्रेष्ठ कला हम मोहबस, और बचै को आन ॥४३॥

छं०—करिवर्षसहसउठि योगसे हम, तुम पूंछा किसका ध्यानकिया ।

जहँ काल न जाय न गति जानै, परपुरुषअखंड प्रमाणलिया ॥४४॥

शुक उ०—हे राजनशांग धनुषहरिका, इसभांति पराक्रम सुनादिया ।

जिमि पर्वत धारा मथा सिंधु, सुरअमृत प्याय करहर्षहिया ॥४५॥

यह चरित पढ़ै अरु सुनै सदा, उनका उद्यम न बिफल जावै ।

संसार परिश्रम दूर होय, हरिगुन गाये शांती आवै ॥४६॥

दो०—असत न पावहिं जासुपद, भक्त भाव से पाव ।

नमो मोहनी रूप हरि, देवहिं अमृत पियाव ॥४७॥

धुन, राम कहने का मजा जिसकी जबां पर आ गया ।

भजन—मोहनी सारा जगत माया जबर करतार की ।

तारना आत्मा चहै तो छोड़ राह कुतार की ॥४८॥

कार में व्याकुल फिरै, किस भांति पैदा धन करूं ।

छल रही माया उमर, नहिं याद उस दरबारकी ॥४९॥

दुनियवी शौरें करै, शौकें सूझती नित नई ।

पार हो ईश्वर मिलै, नहिं सूझ उस आसार की ॥५०॥

पीठ तांबे से मढ़ी, रावन औ बाणासुर बने ।

पानी का है बुल बुला, यह जिन्दगी दिनचारकी ॥५१॥

जगंतकी यारी करी, प्यारी लगी नारी सदा ।

सुरत माधवराम, अब करले संवलिया यार की ॥५२॥

इति श्री० भा० भा० सरसकाव्यनिधौ अष्टमस्कंधे द्वादशोऽध्यायः

[१००] * श्रीमद्भागवते भाषासरसकाव्यनिधौ *

श्रीमद्भागवते भाषा सरस काव्यनिधौ अष्टम स्कन्धे त्रयोदशोऽध्यायः ॥

श्लो०—त्रयोदशे तुव रयन्ते सप्तमादीन्यनुक्रमात् ।

मन्वन्तराणि सर्वाणि षड्विधानिपृथक् पृथक् ॥१॥

दो०—तेरह में सातो मनू, पिछलेहू कहि दीन ।

मन्वन्तर की कथा सब, क्रमसे वर्णनकीन ॥

छं० शुक उ०—मनु श्राद्धदेवरबिसुत सतये, इनकेसुपुत्र सबभूपसुनो ।

इत्वाकु नभग शर्वाति धृष्ट, नाभागनरिष्यंतहू गुनो ॥२॥

बसुमान करुष पृषध् दशहू, रबिवसु रुद्रौ विश्वे देवा ॥३॥

अश्वनिकुमार ऋभु वायूदेव, है इन्द्र पुरंदर गुनिलेवा ॥४॥

कश्यप बशिष्ठ अत्री गौतम, जमदग्नि भरद्वाजहू कौशिक ।

मुनिसातअदिति कश्यपसेभये, वामनप्रभु चरितकिये लौकिक ॥५॥

कहि दिये सातमनु थारे में, होंवै आगे सातौं सुनिये ।

संज्ञा छाया रबिकी नारी, विशकर्मा की कन्या गुनिये ॥६॥

दो०—तीसरि बड़वा तीन सुत, संज्ञा पैदा कीन ।

यम यमुना श्राद्धहू मनु, छायाहू में तीन ॥६॥

छं०—सावर्णिशनीचर तपति सुता, जो संवरणहू को व्याही है ।

बड़वा के अश्वनिकुमार हैं, देवों के बैद उत्साही हैं ॥१०॥

अठवें मनु सावर्णी होंगे, निर्मोक विरज आदिक सुत हैं ॥११॥

सुरसुतप विरज औ अमृत प्रभा, बलिइन्द्र होंग गतिअद्भुतहैं ॥१२॥

दौ वामन हरिको तीन पैर, महिइन्द्रासन तजि सिद्धि लहैं ॥१३॥

* अष्टमस्कंध त्रयोदशोऽध्यायः * [१०१]

प्रभुबांधिकै सुतल पठायदियो, जहं स्वर्गहुसे सुखअधिक अहैं । १४।
अश्वथामा गालव औ व्यास, शृंगीऋषि परशुराम गुनिये ।
हैं दीप्तिमान मुनि कृपाचार्य, सातों ऋषि अठवें मनु सुनिये । १५।

दो०—यह सातों मुनि होंयगे, हैं निज निज स्थान ॥१६॥

बलिको सुरपुर देंयगे, सार्व भौम भगवान ॥१७॥

छं०—हों दक्षसर्वाणि नवर्यें मनु, सुत भूतकेत दाप्तिहु केतू ॥१८॥

पारा मरीचि गर्भादि मुनी, अद्भुत हैं इन्द्र सुख के हेतू ॥१९॥

मुनि द्युतिमत आदि ऋषभ हरि हैं, जो अद्भुत इन्द्रहिं सुखी करें ।

पितु आशु मान माता जिनकी, अंबू धारामें जन्म घरें ॥२०॥

दशवें मनुब्रह्म सावर्णि हैं, सुतभूरि षेण आदिक जानौ ॥२१॥

जय सत्य सुकृति मूर्तिहु मुनि हैं, देवता विरुद्धादिक मानौ ॥२२॥

हो शंभु इन्द्र हरि बिष्वक्सेन, प्रभुराशु इन्द्रके मित्र बनै ॥२३॥

ग्यारहे धर्म सावर्णी मनु, सुत सत्य धर्म आदि कौ गने ॥२४॥

दो०—कामगमा निर्वाण रुचि, देव विहंगम जान ।

वैधृत सुरपति होय तहं, अरुणादिक मुनिमान ॥२५॥

छं०—सुत आर्यक के हों धर्म सेतु, वैधृतमें प्रगटै हरि भगवान ॥२६॥

बारहें रुद्र सावर्णी मनु, उपदेव देव सुत देवान ॥२७॥

ऋत धामा इन्द्र तहां पर हों, देवता हरित आदिक होवें ।

मुनि तपोमूर्ति आग्नीध्रकादि, सब धर्म शास्त्रशिखा जोवें । २८॥

सूनृता मातु पितु सत्य सहस, अवतार स्वधाय प्रभू पावें ॥२९॥

तेरहें देव सावर्णि मनु, सुत विचित्र चित्रसेन गावें ॥३०॥

सुत्राय सुकर्मादिक सुर हैं, हों इन्द्र दिवस्पति यश भारी ।

[१०२] * श्रीमद्भागवते भाषासरसकाव्यनिधौ *

निर्मोक तत्त्व दर्शादिक मुनि, जो सत्यधर्म शिक्षा करी ॥३१॥

दो०—देवहोत्र के पुत्र हरि, योगेश्वर हैं नाम ।

बृहती मातामें प्रगटि, साधैं सबके काम ॥३२॥

छं०—चौदहें इन्द्र सावर्णी मनु, उरु गंभीरादिक पुत्र भये ॥३३॥

शुचि इन्द्र देवता चाक्षुषादि, अग्नी बाहू सब मुनिहु लये ॥३४॥

सत्रायण के सुत बृहद भानु, वितनामे हैं मखकरवावैं ॥३५॥

युग सहस्र में चौदह मनुयें, होता है कल्प मुनिवर गावैं ॥३६॥

दो०—चौदह मनु की कथा जो, कहैं सुनै चितलाय ।

तापर विष्णु प्रसन्न हों, काज सिद्ध है जाय ॥

भजन—काल है हरिका गुप्त सरूप ।

परमाणु से कल्प बनै है, निशिदिन वर्षहु रूप ॥

कर्म नीक करि जीवकाल में, होवैं सुर नरभूप ।

करि कुकर्म दुख भोगे ह्यां पर, परैं अन्त तम कूप ॥

कालहि से जग बनै नाशहो, होय आंह अरुधूप ।

माधवराम श्याम भजि सुखलें, शिक्षा गहो अनूप ॥

इति श्री० भा० भा० अष्टम स्कंधे त्रयोदशोऽध्यायः



श्रीमद्भागवते भाषा सरस काव्यनिधौ अष्टम स्कंधे चतुर्दशोऽध्यायः ॥

श्लो०—चतुर्दशे तु सर्वेषां मन्वादीनां यथायथम् ।

पृथक्कर्माणि वर्णयन्ते भगवद्वशवर्तिनाम् ॥१॥

दो०—पृथक् पृथक् मनुकर्म सब, सुरमुनि इन्द्रहु साज ।

चौदह हमें वर्णन करें, यह गाथा मुनिराज ॥

छं० उ०—भगवन जिस भांतिमनू, चौदह मन्वंतरभी बतलादीजै ।
करते हैं कर्म शिक्षा जैसी, कहिये मुनिवर दाया कीजै ॥१॥

ऋषि उ०—मनुपुत्र मनु मुनि इन्द्र सबी, देवता हरी आज्ञा मानै ।
कल्पांत कालसे ग्रसित बेद, तप करि सब मुनि लाना ठानै ॥३॥

हरि यज्ञ बनाई मनु करिके, संसार सभी पालन करते ॥४॥

रह चारो चरण धर्म सतयुग, निज समय पै कर्मधर्म धरते ॥५॥

पालते प्रजा मनुके लड़के, मख भाग लेंय सुर मदद करें ॥६॥

प्रभु का दीना ऐश्वर्य इन्द्र, भोगें जल वर्षहिं काज सरें ॥७॥

दो०—विष्णु तहां अवतार लै, रक्षा करि दे ज्ञान ।

कर्मयोग मुनिवर धरें, करें ईश हिय ध्यान ॥८॥

छं०—धरि प्रजापती के रूप विविध, सृष्टी बहुभांति रचाते हैं ।

नृप रूप से चोर बिनाश करें, धरि कालरूप लय लाते हैं ॥६॥

स्तुति करते मुनि नाना विधि, माया से नाम रूप धारें ।

अवतार अनेकन धरें विष्णु, भक्तन को दुखसे उद्धारें ॥१०॥

दो०—कल्प विकल्प प्रमाण यह, कहा भूप सब गाय ।

मनु मन्वंतर होय जहं, भगवत करें सहाय ॥११॥

[१०४] * श्रीमद्भागवते भाषासरसकाव्यनिधौ *

भजन-काल की गति बहुतै बलवान,
 ब्रह्मा के दिनमें हजार-युग, होवै शास्त्र प्रमान ।
 यही भांति सौ वर्ष विधी के, महा कल्प पहिंचान ॥
 प्रकृति विनाश नाश हो ब्रह्मा, नाशै सकल जहान ।
 लयमाया सब जीवविनाशै, अद्भुत गति नहिं जान ॥
 धन छन वीतै शिखा देवै, बीतै बयस निदान ।
 माधवराम श्याम जीवत ही, करौ दर्श भगवान ॥

इति श्री भा० भा० सरसकाव्यनिधौ अष्टम स्कंधे चतुर्दशोऽध्यायः

श्रीमद्भागवते भाषा सरस काव्यनिधौ अष्टम
 स्कंधे पंचमोऽध्यायः ॥

श्लो०—बलि पंचदशे विश्वजिताचार्या अयाजयत् ।
 ततोऽसौ स्वर्गमजयद्भयाद्देवा निलिल्यिरे ॥१॥

दो०—यज्ञ करायो बलिहिं गुरु, स्वर्ग जीति तेहि लीन ।
 पन्द्रह में वर्णन करै, भये देवता छीन ॥

छं० उ०—किमिमांगे बलिसे तीनपैर, हरिलेके उसको बांध लिया ।१॥
 सुनना चाहौं मन विस्मित है, अपराध बिना कस दंड दिया ।१॥
 शुक उ०—सुरपतिलक्ष्मीली छीन, विकलबलिकोगुरुने भट्ठज्यायाहै
 सब भांति से गुरुकी सेवा करि, तन धन दे उन्हें मनाया है ॥१॥
 गुरुद्विज मिलि बलि हित यज्ञ करै, जो विश्वजीत मख कहलावै ।
 जयहेत महा अभिषेक किया, विधिसे जिसमें बलि जय पावै ॥१॥

* अष्टमस्कंधे पंचदशोऽध्यायः *

[१०१]

रथ स्वर्णमयी सुरपतिके अश्व, सम घोड़े अग्नी से निकले ।
ध्वजसिंह विराजमान जिसमें, सबही बदला निपटै पिछले ॥५॥

दो०—दिव्य धनुष तूणीर दो, दिव्य कवच ही साथ ।

दिव्य माल प्रह्लाद दी, विजय शङ्ख गुरु हाथ ॥

छं०—रण समान दै मंगल कीना, बलि बिप्रों चरण प्रणाम किया ।
आज्ञाली तिन्है नमाय शोश, नमि प्रह्लादहि अति हर्ष हिया ॥७॥
भृगु दिया दिव्य रथ पै चढिकै, धरि कवच बाणधनु जयमाला ।
श्रु तिकुंडल शीशमुकुट भूषण, दमकैजिमि अग्नि ज्योतिज्वाला
निज तुल्य सेन लै दैत्य पती, पीवै अकाश जनु अग्नि जलै ॥१०॥
लै असुर सेनसुरपुर पहुँचे, महिगगन विदिशिदिशि सबहिहिलै ।
नंदन बनमें तरु बेलि पुष्प, पत्नी भौरा गुंजार करें ॥१२॥
फलभार से झूमि रहे तरुवर, जलतट जलपत्नी मगन फिरै ।

दो०—खिले कमल जलमे विविधि, कर सुखधू बिहार ॥१३॥

खावा गंग अकाश हैं, शोभा विविधि प्रकार ॥१४॥

छं०—हीरों से जडित पुरद्वार रत्न, मयगोपुर कनक अटारी हैं ।
जहँ विमल मार्गरचि विश कर्मा, सबही की शोभा न्यारी हैं ॥१५॥
चौराह सभा बाजार तहां, मणिमय विमान बहु सोहि रहे ॥१६॥
नव वयस रूप आगरी नारि, दमकै लखि, मुनिमन मोहि रहे ॥१७॥
सुर नारिन के शिर पुष्प गंध, लै वायु सुगंधित सदा बहै ॥१८॥
गोषों मोषों से धूम धूम, निकसै सुरतिय जहं छिपी रहै ॥१९॥
मणि बितान स्वर्ण पताकों से, ध्वज केतु गगन लौं फहरायै ।
नाचहि मयूर गुंजरहि भृंग, तिय मंगलगान मधुर छाये ॥२०॥

[१०६] * श्रीमद्भागवते भाषासरसकाव्यनिधौ *

दो०—दुंदुभि भेरी शङ्ख बहु, बाजहिं विविध प्रकार ।
नृत्य गान सुर ताल मृदु, छावैं छटा अपार ॥२१॥

छं०—नहिं जांय अधर्मी द्रोही जन, कामी क्रोधी हिय लोभधरै ।
जाते हैं शुद्ध चित धर्मवान, नारी नरजै हरि भजन करै ॥२२॥
सुरपुरी सैन लै घेरी बलि, गुरुदत्त शंख धुनि लाई है ।
धुनि जोर घोर सुनि सुरनारी, हिस्से में अति थराई है ॥२३॥
बलिकाबलवान यतन लखि कर, सुरपति सुरलै गुरु पास गये ॥२४॥
हे गुरु लखो बलिका उद्यम, अस असह तेज किमि बढत भये ॥२५॥
नहिंरुकै किसी से किसी भांति, दशदिशिपी अग्नितुल्य चाटै ॥२६॥
क्या कारण रिपु का कहो आप, हम तेजवंत हूं को डाटै ॥२७॥

उ० दो०—रिपुउन्नति कारण सबहिं, हम जान सुरराज ।
तेज बढायो शिष्य को, बहुमुनि भृगु महाराज ॥

तुम तुल्य तुमहु इक हरी बिना, बलिके सामने न ठहर सकै ॥२८॥
जिमिकाल सामने बीर कोई, तजिधाम भगो निजसमय तकै ॥२९॥
द्विजबल से बली प्रतापी है, अपमान किये कुल सहित नाश ॥३०॥
गुरु सलाह से पुर छोड़ि भगे, कामना रूपधरितजि सुखआश ॥३१॥
सुरपतिभागे बलिप्रवेश करि, पुरबैठि त्रिलोक स्वबशमें किया ॥३२॥
जंग बिजयी निजचेलालखिकै, सौ अश्वमेध गुरु ठान दिया ॥३३॥
तिस प्रभावसे यशतीन लोक, फैला शशि तुल्य छटा छावैं ॥३४॥
सुख सुरपुर श्रीबलि भोग रहे, कृतकृत्य आत्मको हिय लावैं ॥३५॥

दो०—गुरु सेवा का फल प्रगट, निरखि लेहु नरनारि ।
जो गुरु में श्रद्धा करें, सो फल पावहिं चारि ॥

भजन—गुरुशरण जीवसुखकारी,
हरिपदविमुख यद्यपि हैं दानव, गनतनहींमनमेंसुरमानव ।
गुरु भजि विपदा टारी ॥ गुरु० ॥
माधवराम कृपा गुरुपाई, विद्याधन भक्ती हिय आई ॥
श्यामचरण अधिकारी ॥

इति श्री० भा० भा० सरसकाव्यनिधौ अष्टमस्कंधे पंचदशोऽध्यायः



श्रीमद्भागवते भाषा सरस काव्यनिधौ अष्टम
स्कंधे षोडशोऽध्यायः ॥

श्लो०—षोडशे पुत्र नाशेन शोचन्त्या अदितेः पतिः ।

प्रार्थितः कश्यपः प्राह पयोवृतमितीर्यते ॥१॥

दो०—पुत्र दुःख से अति दुखित, अदिती कश्यप नारि ।

सोलह में कश्यप कश्यो, पयव्रत हिये बिचारि ॥

छं० शुक उ०—सुखदुखीदेखि अदितिहैदुखी, दैत्योंने सुरपुरझीनलि या ।
इक समय समाधी तजि कश्यप, घरआये तियललि दुखीहिया ।२।
आदर सतकार किया नारी, बैठे यह नीति कथन कहते ॥३॥
हे प्रिये जगत है मौतके बश, नहिं धर्म विप्रदुख कहुं लहते ॥४॥
है गेह मालकिन घरमें कुशल, धर्मार्थ काम जहँ बनजावैं ॥५॥
क्या अतिथि बिना सतकार गये, तुम अटकी आदर नहिं पावैं ॥६॥
जिस घर में अतिथी जलसे भी, आदर न पाय फिर जाते हैं ।
सब भरी संपदा कुटुंब बहु, सपों के भवन लखाते हैं ॥७॥

[१०८] * श्रीमद्भागवते भाषासरसकाव्यनिधौ *

दो०—हवन किया नहिं समय पर, हम समाधिली धार ।

तुम गृह कारज में फँसी, भा उलटा यह कार ॥८॥

ब्र०—अग्नी ब्राह्मण हरि सुरमुख हैं, पूजनसे कामना सिध होवैं ।

हैं प्रिये पुत्र देवता सुखी, तुम दुखी आत्मा हम जोवैं ॥९॥

अ० उ०—मंगल है द्विजगौधर्म अतिथि, पूजै सबनित ही विधान कर ।

अतिथी अग्नी भिक्षुक सेवक, तब दयासे पाये नित आदर ॥१०॥

नहिं कौन काम हो सिद्ध मेरा, पति इस प्रकार से हित चाहते ।

हैं आप प्रजापति हितकारी, उपदेश धर्मके नित कहते ॥११॥

मन शरीर के सुत सब तुम्हारा, हे प्राणपती यह विनय सुनों ।

सबमें सब दृष्टी आपकी है, भक्तों को भजते मनमें गुनो ॥१२॥

दो०—भजम करौं हरि आपका, करौ मोर कल्याण ।

पुत्र बधू सुत हैं दुखी, पाहि हमें भगवान ॥१३॥

ब्र०—सौतेलों ने सुत काटि दिये, हों दुखीधाम धन यशहारी ।

सुर फिर पावैं यह यत्न करो, कल्याण करो प्रभु सुखकारी ॥१४॥

शुंफ उ०—इसमांति विनयसु निर्हेमिकश्यप, कहनेमायामें जगतफंसा ।

तन नाशमान आत्मा है विमल, किसके पतिपुत्र हैं मोहग्रसा ॥१५॥

पद शरणलेहु हरि दुखहर की, सबके हिय जगतमाहि बासी ॥१६॥

दुखहरण दीनके पूर काम, हरि भक्ति सफल है सुखरामी ॥१७॥

अ० उ०—किसविधिसेकरुं मैं आगधन, संकल्पसत्यप्रभु पूरैकाज ।

हे प्राणपती विधि बतलावो, सुत सहित सुखी हाजाऊं आज ॥१८॥

दो०—कश्यप उ०—पुत्र कामना रही हिय, विधिसे पूंछी जाय ।

हरि तोषण जो यतन कह, तुमसों देहु बताय ॥१९॥

* अष्टमस्कंधे षोडशोऽध्यायः * [१०६]

छं०—बाराह दिन शुक्ल पक्ष फागुनमें, पयव्रत धारै पूजै हरि ॥२५॥
 बन बराहे की खोदी माटी, मावसमें लगा तन मज्जुन करि ॥२६॥
 यह पढ़ै, मंत्र पृथ्वी देवी, तुम्हें आदि बराह प्रभू लाये ।
 है नमो पाप नाशौ मेरे, अंग लगाय माटी वो न्हाये ॥२७॥
 करि नियम फेरि हरि को पूजै, मूर्ति बेदी में रवि औ जल ।
 अग्नी में औ गुरु मूर्ति में, है सावधान तजिकै हलचल ॥२८॥

दो०—भगवत पुरुष महान प्रभु, सकल जगत में बास ।

वासुदेव साक्षी सदा, भक्तन देत सुपास ॥२९॥

छं०—है नमो प्रधान पुरुष सूक्ष्म, चौबीसतत्व मायासे अंग ॥३०॥
 दो शीश सगुण निर्गुण सरूप, त्रीपाद त्रिगुण सब वेद शृंग ।
 हैं सात छंद ही हाथ यज्ञ, के रूपवेद त्रयरूप धरे ॥३१॥
 शिव रुद्र शक्तिधर विद्यापति, है नमो भूतपति नमोहरे ॥३२॥
 जगदात्मा प्राण हिरण्यगर्भ, योगेश्वर नमो जगत कारण ॥३३॥
 है नमो साक्षी आदिदेव, नारायण नर हरिजन तारण ॥३४॥
 मरकत मणिसम है श्याम अंग, केशव पीतांबर धारी नमो ॥३५॥
 नर श्रेष्ठ भक्तके वरदायी, जन सेवहिं चरण मुरारी नमो ॥३६॥

दो०—जिन पद को हति सेवही, लक्ष्मी हिय में धार ।

प्रसन्न सो भगवान मम, कारज देहु सुधार ॥३७॥

आवाहन पूजन करै, पाद्य अर्घ्य स्नान ।

मंत्र पढ़ै, विधि सों सबै, हरि चरणों में ध्यान ॥३८॥

छं०—पंचामृत पय नहवाय पोछि, चंदन माला पहनाय बसन ।
 दादश अक्षर पढ़ि, मंत्र घूप, दीपहु निवेदि दे आभूषन ॥३९॥

[११०] * श्रीमद्भागवते भाषासरसकाव्यनिधौ *

चावलकी खीर गुड़ घृत डारी, द्वादश अक्षर से हवन करै ॥४०॥
 हरि अर्पण करि भक्तहि देवै, आचमन पान प्रभु अर्पि धरै ॥४१॥
 आहूती एक सौ आठ देय, स्तुति प्रणाम पर दक्षिण करि ॥४२॥
 धारै प्रसाद निज शीश माहिं, द्विज बारह नेवतै श्रद्धा धरि ॥४३॥
 आज्ञा लै सबहिं खवाय खाय, ब्रह्मचारी हौ महिमें सोवै ॥४४॥
 बारह दिन करि तेरे पूर्णपय, से हरि न्हावै शुचि होवै ॥४५॥
 दो०—दूध पियै यह पयोव्रत, हरि पूजै चित लाय ।

हवन करे नित मंत्र जपि, ब्राह्मण देय जिमाय ॥४६॥

छं०—हरिपूजन बारह दिन लौं करै, द्विजभोजन हवनहरी अर्पन ॥४७॥
 पड़िवा से त्रयोदशी लौं पूर, न्हावै त्रिकाल शुचि भूमिशयन ॥४८॥
 बोलैं न भूँठ नहिं विषय भोग, हिसा न करै हिय हरिहि भजै ॥४९॥
 तेस्स में उत्सव बड़ा करै, पंचामृत न्हान सुमंत्र सजै ॥५०॥
 लालच तजि पूजन बड़ा साजि, हविसे अग्नी में करै हवन ॥५१॥
 नैवेद्य खीर नाना व्यंजन, प्रभु अर्पण कीजै प्रसन्न मन ॥५२॥
 आचार्य पूजि जो धन देवै, वस्त्रहु आभूषण प्रसन्न चित ॥५३॥
 ऋत्तिकद्विज और हुदानमान, करिकै चाहै सिधि अपना हित ॥५४॥
 दो०—दै भोजन गुरु दक्षिणा, बहुविधि गुरु को मान ।

तृप्त प्रसन्न करै सबहिं, खुशी होय भगवान ॥५५॥

छं०—दीनांध भिखारी जिमाय सब, हरितृप्ति मानि प्रसाद पावै ॥५६॥
 स्तुति मंगल नाचहू गान, हरि कथा नित्य ही करवावै ॥५७॥
 यह नाम पयोव्रत विधि ने कहा, हमसे मोई हम बतलाया ॥५८॥
 हौ सावधान यह व्रत धारो, परमेश्वर शीघ्र करै दायो ॥५९॥

* अष्टमस्कंध सप्तदशोऽध्यायः *

[१११]

व्रत यज्ञ सबै तप सार यही, दानहू सार हरि तृप्ति गुनौ ॥६०॥
यम नियम दान तप व्रतमख से, हरि हों प्रसन्न यह मंत्र सुनौ ॥६१॥

दो०—श्रद्धा से यह व्रत करो, प्रिये खुशी भगवान ।

शीघ्र प्रगट हो देयंगे, मन चाहा वरदान ॥६२॥

भजन—भजन हरि ही को जग में सार,

बिन हरि भजे योग तप व्रतमख सबही है बेकार ।

यासों यही उचित है जगमें हरि हिरदे में धार ॥

हरि सब आप सम्हारि लेयंगे दोउ लोक को भार ।

माधवराम श्याम के बलसे भवसागर भे पार ॥

इति श्री० भा० भा० अष्टमस्कंधे षोडशोऽध्यायः समाप्तः ।

श्रीमद्भागवते भाषा सरम काव्यनिधौ अष्टम
स्कंधे सप्तदशोऽध्यायः ॥

श्लो०—ततः सप्तदशोऽदित्या कृते तस्मिन्व्रते हरिः ।

तत्कामपूरणायैदौ तत्पुत्रोऽभूदितिर्यते ॥१॥

दो०—आदति कीन व्रत चाह सो, पुत्र भये हरि आय ।

पूर करी सब कामना, सत्रह में यह गाय ॥

छं० शुक्र०—पतिकश्यपजी अदितिहि शिश्ना दीनीपयव्रतधारणकीना ।

मति एक से महापुरुष ध्यावै, मन इन्द्री बशमें कर लीना ॥२॥

अखिलात्मा हरि में एक बुद्धि, भनवासुदेव में निरधारे ॥३॥

[११२] * श्रीमद्भागवते भाषासरसकाव्यनिधी *

हरि आये पुरुष पीतांबर धर, गदशांख चक्र पद्महु धारे ॥४॥
हरि सन्मुख लखिउठिकरि प्रणाम, विह्वल है प्रेमसे होश नहीं ॥५॥
कर जोरि नैन प्रेमाश्रु भरे, रोमांच खड़े तन कंप सही ॥६॥
पुनि गद् गद बैन करै स्तुति, नैनों से रमापति छवि निखै ॥७॥
जनु पान कर रही मोद भरीं, हरि यज्ञपती जगपती लखै ॥८॥

दो०—अदिति रुवाच-यज्ञ ईश यज्ञहु पुरुष, श्रुति मंगल प्रभु नाम ।
शरणागत दुख हर दया, नमो चरण सुखधाम ॥२॥

छं०—जगरूप जगत पालकनाशक, निजशक्ति धारिप्रभु कर्ते हैं ।
परिपूर्णबोध तमहारी हरिः है नमो रूप बहु धरते हैं ॥६॥
प्रभु अशीश से वय तन लक्ष्मी, भूमी सुरपुर त्रिलोक रचना ।
ज्ञानहुविशुद्धहों रिपुजयक्या, जिसकेहितहरि सन्मुख पचना ॥१०॥
शुक उ०—हरिकमल नैनस्तुति सुनिकै, क्षेत्रज्ञ भूतपति बचनकहैं ।
जनुसूखी बेलि दवारि अनल, प्रभुदया वृष्टिकरि सींचत हैं ॥११॥
भग० उ०—सुरमातु आपकीचाहपुत्र, की लक्ष्मीरिपुने छीनलाई ॥१२॥
रिपु जीति समर में देहुराज, सुरलोक लहैं हो कीर्ति नई ॥१३॥

दो०—इन्द्र जेष्ठ सुर सुतन सों, हारै रिपु रण माहिं ।
देखन की इच्छा तुम्हें, रिपुनारी बिलखाहिं ॥१४॥

छं०—निज पुत्रों को त्रैलोक सहित, सुरपुर बैठें सुख संपति लै ॥१५॥
पर अपारबल हैं असुरपती, दिज प्रसन्न तिन पै बल न चलै ॥१६॥
व्रत से प्रसन्न सोचा उपाय, मम पूजन वृथा न फलदाई ॥१७॥
तुमसे पूजित हम पुत्रबनै, सुर रक्षा करि हैं चितलाई ॥१८॥
सुभयैकरि भावपती को भजौ, निष्पाप मुनी तुमसती अहौ ॥१९॥

करतब सुगुप्त फलती है सदा, औरों से पूछने पर न कहो ॥२०॥

आदिति उ-नहिंधारिसकौतुमआदिपुरुष, ब्रह्मांडकोटिरोमोंमेंबसौ ॥१॥

पातकी नाम सुमिरे से तरै, किस भांति धरौं जग तनमें लसै ॥२॥

भग० उ०—सच कहती सुरमाता तौ भी, पतिव्रत धारै जो नारी हैं ।

धारण कर सकती हैं हमको, उनकी महिमा द्युति न्यारी हैं ॥३॥

भग० उ०-दो०—यह कह अन्तर ध्यान भे, अदिती दुर्लभ जानि ।

अपनेमें हरिजन्म शुभ, समुक्ति हिये हरषानि ॥२१॥

छं०-पतिजायमिली हियभक्तिविमल, मुनिसमाधिसेसबजानगये ।

ज्यों अग्नि काष्ठमें आत्ममें प्रभु, लखितपयुतगर्भाधानकिये ॥२३॥

अदिति के गर्भ में माया से, भगवान सनातन आये हैं ।

हरि गुप्त नामसे विधि आकर, नारायण विनय सुनाये हैं ॥२४॥

ब्रह्मोवाच-बहुकीर्तिबड़ी गति तुम्हैनमो, ब्रह्मण्यदेव है नमोत्रिगुण ।

विधि पृथिनगर्भनमो वेदगर्भ, त्रैलोक नाभमें परहो सगुण ॥२६॥

जग आदि अंत मध्यहु में आप, मुनिशक्ति पुरुषहू कहते हैं ।

तुम काल रूप जग बहै जहां, ज्यों सरिता में तृण बहते हैं ॥२७॥

दो०—जगत चराचर जीव सब, उत्पति नाश विलास ।

सुरपुर से सुरपति तजे, तिनको देत सुपास ॥२८॥

भजन—अनेकों रूप धर हरदम विपति जनकी छुड़ाते हैं ।

कभी सुरनर कभी जलजीव नरहर रूप लाते हैं ॥२९॥

देवता मुनि गऊ ब्राह्मण प्रजा पर जब विपति आवैं ।

न लेते चैन हैं पल भर, प्रगट हो भट्ट बचाते हैं ॥३०॥

न आने में लगे देरी, खड़े जनु आग पहले से ।

[११४] * श्रीमद्भागवते भाषासरसकाव्यनिघौ *

दुखी जन आर्त हो दिलसे, जबी प्रभु को बुलाते हैं ॥३॥
अनेकों दुख से बचने का, यतन नरनारि यह सिखलो ।
न भूलो एकछन हरिपद, जबी युक्ती सिखाते हैं ॥३॥
योगजपतप तीर्थव्रत, आदिकवृथा हैं हरिकी सेवाबिन ।
छोड़ सब रात दिन माधव, रामगुन गान गाते हैं ॥

इति श्री भा० भा० सरसकाव्यनिघौ अष्टम स्कंधे सप्तदशोऽध्यायः

श्रीमद्भागवते भाषा सरस काव्यनिघौ अष्टम
स्कंधे अष्टादशोऽध्यायः ॥

श्लो०—ततस्त्वष्टादशे भूत्वा, बामनः सत्कृतोऽखिलैः ।

यज्ञ गतस्ततस्तेन सत्कृत्योक्तो बरान् वृणु ॥१॥

दो०—बामन है सतकार लहि, वलिमुख पहुँचे जाय ।

अद्वारह में बलि कहैं, बर लीजै हरषाय ॥

छं शुक उ०—ब्रह्मा की स्तुति सुनिप्रभुजी, अदिती माता से प्रगट भये ।
दृग कमल पीठपट धारी हरि, गद शंखचक्र कर कमल लिये ।१॥
छवि श्याम क्रीट कुंडल धारे, मुखकमल घुती अति प्यारी है ।
मणिश्री हियमें कटि में किकिण, भुज अंगद शोभा न्यारी है ॥२॥
गुंजरहि भूमर बनमाल गले, कश्यप मुनि भवन प्रकाश करें ।३॥
सब दिशि प्रसन्न जल आश्रय है, ऋतुगुण समान फल वृत्त करें ।
महि अंतरिक्ष गौ द्विज अग्नी, हरि मुख तीनों ये हर्षित हैं ॥४॥
अभिजित भादौ द्वादशीश्रवण, प्रगटे सुर पुष्पहु वर्षत हैं ॥५॥

दो०—मध्य दिवस प्रगटे प्रभू, विजया अहै सुनाम ॥६॥

शंख दुंदुभी बजि रहे, पाये सुर विश्राम ॥७॥

छं०—गंधर्वगान अप्सरा नृत्य, सुरमुनिमनु पितर तनय करते ।
विद्याधर किन्नर यक्ष नाग, चारण सुपर्ण हर्षहु भरते ॥६॥
गावैं नाचैं बहु सुमन वृष्टि, अदिती आश्रम पै बर्षि रहे ॥१०॥
प्रगटे लखि परम पुरुष अदिती, जयजय करि कश्यप हर्षि रहे ॥११॥
आयुध आभूषण धारेतनके, अब प्रभु जौन प्रकाश रहा ।
देखत ही भट भे बामन बटु, बावन अंगुल नट रूप महा ॥१२॥
मुनि हर्षित बामनरूप निरखि, सब प्रजापती लेकर्म करें ॥१३॥
यज्ञोपवीत करि सावित्री, सविता ने दई तनतेज धरें ।
सुर गुरु देहिं यज्ञोपवीत, मेखला मुनी कश्यप दीन्हां ॥१४॥

दो०—मृगशाला महि देत भै, दंड चन्द्रमा दीन ।

माता बांधि कुपीन कटि, द्यौः ह्यत्रशिर कीन ॥१५॥

छं०—विधि दीन कमंडल सप्त ऋषी, कुश सरस्वती दी शुभमाला ।
भिक्षा का पात्र दैयक्षराज, जगदंब मातुदें भिक्षा ला ॥१७॥
बटु श्रेष्ठि ब्रह्मऋषि सभामाहिं, वामनजी शोभा पाय रहे ॥१८॥
प्रज्वलित अग्नि पर दक्षिणकरि, पूजा औ हवन करि शोभलहे ।
बलि अश्वमेध करि बढ्यो सुनो, भृगु आदि यज्ञ कखाते हैं ।
पग पग में कंपाते पृथ्वी को, जगभार अंग से जाते हैं ॥२०॥
नर्मदा के उत्तर तीर यज्ञ, भृगु कच्छ स्थल जो कहलायै ।
भृगु मुनि द्विजवृन्द लिये करते, रवि उदयमनहु बामनआये ॥२१॥

* अष्टमस्कंधे एकोनविंशोऽध्यायः * [११७]

छलसे विप्र बने वामनजी, किया जाय उद्धार ॥

दर्श हेत प्रभुके जग तरसै, ठाढ़े बलि के द्वार ।

माधवराम गाय गुन प्रभुके, भव से नैया पार ॥

इति श्री० भा० भा० सरसकाव्यनिधौ अष्टमस्कंधे अष्टादशोऽध्यायः



श्रीमद्भागवते भाषा सरस काव्यनिधौ अष्टम
स्कंधे एकोनविंशोऽध्यायः ॥

श्लो०—ऊनविंशे तु हरिणा याचितेचपदत्रये ।

प्रतिश्रुतेच बलिना जानन्मृगुस्वारयत ॥

दो०—हरि मांगी महि तीन पद, बलि कीनो स्वीकार ।

उनइश में वरणन न करै, भृगु भे रोकन हार ॥

वृ० शु.क.उ०—सुनिधर्मयुक्त सचबलिकै बचन, खुशहो वामनजी कहते हैं ।

की बहुत बड़ाई प्रथम हरी, हो गया काम जो चाहते हैं ॥१॥

भगवान-राजन कुलउचित धर्मयश कर हम बचन तुम्हारे गुनते हैं ।

भृगु मुनि द्विज वृन्द पितामह भी, हैं साक्षी कहना सुनते हैं ॥२॥

इस कुल में कृपिण निःसत्त्व नहीं, जो द्विजसे कहिकै नहिं देवै ॥३॥

नहिं युद्ध तीर्थ में विमुख करै, याचक हि वीर सुख से सेवै ।

यशसे निर्मल कुल यह सोहै, प्रह्लाद चंद्र जहँ द्योत रहे ॥४॥

जहँ हिरण्याक्ष दिगजयी वीर, संमुख न वीर कोउ होत रहे ॥५॥

दो०—महि लावै में विष्णुहरि, दीनो ताहि पधार ।

जीति न मानै आपनी, बल सुधिकर हियहार ॥६॥

[११८] * श्रीमद्भागवते भाषासरसकाव्यनिधौ *

छं०—सुनिहिरण्य कश्यप भाईबध, निज रिपुहरि के स्थान गये । ७।
मारन को आते देखि विष्णु, कालज्ञ हृदय से जान गये ॥८॥
मृत्यू सम जहँ जहँ हम तहँ ये, हिय में बैठ यह चित्त धरे ॥९॥
यह सोचि गुप्त हिय में बैठे, मिलिप्राण बायुसंग लखि न परे ॥१०॥
लखि शून्य लोकबहु जोर गर्जि, दूढ़े महिगगन सिंधु सबथल ॥११॥
सब जग दूढ़ा नहिं पाये हरि, मिटि गया शत्रुगै सब हलचल ॥१२॥
तन धारी से जीवते बैर, अज्ञा न मान दे क्रोध ज़बर ॥१३॥
प्रह्लाद पुत्र पितु तुम्हार नृप, यह नाम विरोचन दानी बर ॥

दो०—विप्र तप रूप धरि देवता, गे याचन तेहि पास ।

हां करिकै आयू दई, मानो हिये हुलास ॥१४॥

छं०—पूर्वज औरहु द्विजवृन्द किया, गृहधर्म सोइ तुमभी धारे ॥१५॥
तुमसे कुछ मांगै तीन पैर, पृथ्वी नापै पद से ह्वारे ॥१६॥
राजन् जगदीश्वर दानी हो, तुम से इतनाही चहते हैं ।
मतलब भर दान लिये भूपति, विद्वान दोष नहीं लहते हैं ॥१७॥
वलिरु उ०—हैबचन वृद्धसम विप्रपुत्र, निजस्वारथमें अज्ञानी से ॥१८॥
में प्रसन्न तुम पर लोकनाथ, नहिं लिया दीप बरदानी से ॥१९॥
मुझसे याचना करी जिसमें, नहिं और और मांगना भला ।
जीवका होय महिअधिक लेहु, पदतीनसे स्वार्थकौन निकला ॥२०॥

भग० उ०—दो०—जहां लगे जगमें विषय, अजितेन्दी नरकाहिं ।

तृप्ति नहीं करसकत हैं, नृपसोचहु हियमाहिं ॥२१॥

छं०—संतोष न तीन पैर से जब, सातहू दीप से पूर नहीं ॥२२॥
नृपवेन गयादिक दीपपती, तृष्णा से बिकल मरि गये सही ॥२३॥

* अष्टमस्कंधे एकानविंशोऽध्याय *

[११६]

सुख है संतोष भाग पर रहि, हरि इच्छा से जो मिल जावै ।
 अजितात्मा त्रिलोकपति होवै, संतोष बिना नहिं सुख पावै ॥२४॥
 धन काम भोग में असंतोष, नरको नरकहि पहुंचाता है ।
 हरि इच्छा लहि संतोष कियै, जीवों को मुक्ती दाता है ॥२५॥
 संतोषी द्विजका तेज बढ़ै, बिन इसके घटै जिमि जलसे अनल ॥२६॥
 तीन ही पै लेंगे तुमसे, इसही से मिटैगी सब हलचल ॥२७॥

शुक्र उ०-दो०-यह सुनिकै बलि नृप कहैं, पैर तीनही लेहु ।
 करमें जल गडुआ लिया, हरि कहते हां देहु ॥२८॥

छं०-विष्णु वामनको महि देते, कह शुक्राचार्य बलिराजा से ।
 सारी करतब लाख गये शुक्र, हियमें अपने अंदाजा से ॥२९॥
 शुक्र उ०-हेबलि यहहैं भगवानविष्णु, वामनकश्यप अदितीमेंभये
 देवों के कारज साधक हैं, मांगते दान महि युक्ति लये ॥३०॥
 बिन समझे तुमने हां कर दी, दैत्यों को विपति बुलाई है ॥३१॥
 श्री कीर्ति तेज स्थान हरै, इन्द्रहिं देवै छलहाई है ॥३२॥
 पग तीनमें नापै विश्वकाय, हरिको सबदै किमि गुजर करै ॥३३॥
 इक पगमें महि दूजे में गगन, पग तीसर पूरा नहीं परै ॥३४॥

दो०-दाता हां करि देय नहिं, तिसको नर्क निदान ।

देकर पूरा होय नहिं, दशा आपनी जान ॥३५॥

छं०-नहिं दान बढ़ाई लायक, वह, जिससे जीविका बिगड़ जावै ।
 तप यज्ञदान सब कर्म सधैं, जीविका में बाधा नहिं लावै ॥३६॥
 यश धर्म अर्थ अरु काम स्वजन, धन पांचमें सचैं सुख पावै ॥३७॥
 कवि कहते हां करना सच है, नहिं करना झूठे में आवै ॥३८॥

[१२०] * श्रीमद्भागवते भाषासरसकाव्यनिधौ *

आत्मा तरुके फलफूल सत्य, है भूयहि जड़ आत्मा की लखो । ३६।
 तरुमूल बिना होता विनाश, बिन भूँठ आत्मा नाश सिखो । ३७।
 हां करना आगे है अपूर्ण, कुछ हां कुछ ना से काम बनै ।
 भिच्छुकको सब हां करके दुख, पावै विपत्ति फिर शीश धुनै । ३८।
 नाहीं से आत्मा रक्षण हो, अध्यात्म बचन दिल से मानो ।
 बिलकुल नाहीं करि भूँटकहै, जीते ही मरा उसको जानो ॥ ३९ ॥

दो०—नारी हास्य विवाह में, प्राण जीविका कोष ।

गौ ब्राह्मण हिंसा जहां, भूँठ कहे नहिं दोष ॥ ४० ॥

भजन—बनावत सब विधि हरिजन काम,

शरणागत पालक सुखदायक, देत भक्त विश्राम ॥

मत्स्य कच्छ वाराह देह धरि, बामन बने ललाम ।

अंतर नीति सत्य पालक हरि, ऊपर हों बदनाम ॥

मांगत भीख खड़े वलिद्वारे, तीन पांव नहिं ग्राम ।

माधवराम श्याम गुन गावैं, पावैं नित आसाम ॥

इति श्री० भा० भा० अष्टमस्कंधे एकोनविंशोऽध्यायः समाप्तः ।

श्रीमद्भागवते भाषा सरस काव्यनिधौ अष्टम
 स्कंधे विंशोऽध्यायः ॥

श्लो०—विशेत्वनृतभीतोऽसौ ज्ञात्वाऽपिकपटंहरैः ।

ददावेवततो विष्णुः सहसाऽवर्धतादुतम् ॥

दो०—जानि विष्णु हैं कपट द्विज, झूठसे डरि बलिभूप ।

विंशये महि दी हरि बड़े, धरो विराट सरूप ॥

छं० शुक उ०—कुल पूज्य गुरु शुक्राचारज, बलिको समझाया बचै विपति
कुछ देर मौन रह विचार के, गुरुजी से उत्तर दे भूपति ॥१॥

बलिरु उ०—सच कहा गृहस्थधर्म गुरुजी यश अर्थ काम जीविकान जाय ।

प्रह्लाद पौत्रहां देंगे कहि, लालचमें नाहिं करि जगत हंसाय ।३॥

नहिं अधर्म झूठे से बढिकै, महि कहै सहों सब झूठहि तजि ॥४॥

दुख दरिद्र नर्कहु राज छुटै, नहिं डरौं यथा द्विज भूंठी भजि ।५॥

मरने पर धनादिक सवी छुटै, छोड़ने में क्या पुनि विप्र प्रसन्न ।

तजि प्राण सुजन उपकार करै, शिवदधीचि जगमें हैं धनिधन्य ॥

दो०—दिग् विजयी जे असुर भे, तिनको खाया काल ।

लोक भोग दुहुं पता नहिं, केवल कीर्ति बहाल ॥८॥

छं०—रणमें तन त्यागी बीर सुलभ, धनपात्रमें दानी नाहिं सुलभ ।६॥

याचकों को धन दे हो दुर्गति, दाया में दुःख सहना दुर्लभ ।

तुम्हरे समवेद पात्र दुर्लभ, इससे बटुको मैं दूंगा दान ॥१०॥

वेदांत यज्ञसे भजै जिन्हें, हो और चहै द्विज या भगवान ॥११॥

अपराध बिना बांधै हमको, रिपुविप्र समुझि नहिं मारूंगा ॥१२॥

यश जाय न मारें सब हर लें, हिय धरि हरि से नहिं हारूंगा ।१३॥

शु० उ०—श्रद्धासेहीन आज्ञापलटै, सच बीर बलहि गुरुशाप दिया ।

मोहित्यागी पंडितमानि मूढ़, हो लक्ष्मी नाश नहिं बार लिया ।१५॥

दो०—हटे नहिं बलि सत्य से, यदपि दिया गुरुशाप ।

वामन को महि देनहित, पूजन कीनों आप ॥१६॥

[१२२] * श्रीमद्भागवते भाषासरसकान्यनिधौ *

छं०—विंध्यावलि रानी मुक्तमालधारे जल कलश लिये आई ॥१७॥
पद पखारि जल शिर पर धारा, जगपावन बलि तजि दुचिताई ॥१८॥
सुरगण गंधर्व सिद्ध चारण, वर्षहि प्रसून वलि यश गावैं ॥१९॥
दुंदुभी बजैं हो नाच गान, रिपु समुझि दिया विस्मय लावैं ॥२०॥
हरि अनंत वामन लैके बढ़े, त्रिगुणात्मक तन त्रिलोक जो है ।
महि अकाश दिशि दशसिंधु सरित, सुरनर मुनिकीट जगत सो है ।
हरि विभूति मय तनमें गुरु बलि, जग त्रिगुण जीव मय देखि रहे ॥२१॥
पदमें पताल कटिमें पृथिवी, उरू में वायू गण हैं उमहे ॥२२॥

दो०—संध्या वस्रहु में वसी, जंघ प्रजापति लीन ।

कोखि सिंधु नभनाभि में, नखतमाल उर कीन ॥२३॥

छं०—हिय धर्म सत्य ऋत स्तन दोऊ, मनमें चन्द्रहु शोभा लीनी ।
हियमें लक्ष्मी गल साम बेद, भुजमें सब सुरगन छबि दीनी ॥२५॥
कानों में दिशि शिर में अकाश, रोमों में मेघ विराजत हैं ।
वायू नासामें नैन में रवि, मुखमें अग्नि द्यति भाजत हैं ॥२६॥
वाणी में बेद जिह्वा में वरुण, विधि निषेध भ्र पलकैं निशि दिन ।
राजें ललाट में क्रोध रुद्र, बसलोभ अधर जहं कल नहिं छिन ॥२७॥
स्पर्श काम जलही है वीर्य, रह पीठि अधर्म यज्ञ पदचाल ।
आयामें मृत्यु माया है हास्य, तन रोमों में औषधी जाल ॥२८॥

दो०—नाड़ी में नदियां लसैं, नखमें शिला दिखात ।

बुद्धिमें विधि सुरगन मुनी, प्राणों माहिं समात ॥२९॥

छं०—सब जीव चराचर लखि तनमें, यह लखि सब असुर कष्ट पाये ।
हरि चक्र सुदर्शन शार्ङ्ग धनुष, धरिरूप अस्र सबही आये ॥३०॥

* अष्टमस्कंध एकविंशोऽध्यायः *

[१२३]

धुनिमेघ शङ्खसो पांच जन्य, कौमोदकि गदा बेग धरिकै ।
 शशिञ्जटा युक्त विद्याधर असि, दो तरकस अक्षयशर भरिकै ॥३१॥
 पार्षद सुनंद सब लोकपाल, शिरकोट मुकट शोभा धारे ।
 श्रीवत्स मेखलावसन स्वच्छ, मकराकृत कुंडल अति प्यारे ॥३२॥
 गुंजरहिं भृङ्ग बनमाल हिये, वामन भगवान के सोहि रही ।
 हाथों से दिशा आकाशनापि, पद एकमें नापी सकल मही ॥३३॥

दो०—द्वितीय पद में गगन सब, नाप्यो अदिति कुमार ।

तिसरे को कुछ नहिं रहा, जनतप पद गयो पार ॥३४॥

भजन—हरि की लीला लखे न आव ।

करौ और हो जाय और कुछ, सब विधि करौ बनाव ।

उलटो होय परिश्रम सबही दौड़ २ नित धाव ।

यासों ईश सहारे रहिकै, हिय धरि ध्यान मनाव ॥

माधौराम सबै बनि जै हैं, प्रेम सहित गुन गाव ।

इति श्री भा० भा० सरसकाव्यनिधौ अष्टम स्कंधे विंशोऽध्यायः

श्रीमद्भागवते भाषा सरस काव्यनिधौ अष्टम
 स्कंधे एकविंशोऽध्यायः ॥

श्लो०—एकविंशोपदापूर्तिमिषेण बलि बंधनम् ।

बिष्णुना कृतमुत्कर्षतस्य ख्यापयितुं जने ॥

दो०—पद अपूर्ति के व्याज से, बलिबांधा हरि आप ।

इकइश में वर्णन करें, बलि उत्कर्ष प्रताप ॥

[१२४] * श्रीमद्भागवते भाषासरसकाव्यनिधौ *

छं० शुक्रउ० नखसेवेधितलखिसत्यलोक, विधिसनकमरीचिनारदादिक
उपवेद वेद यम नियम तर्क, इतिहास पुराण शारदादिक ॥२॥
सब वंदन करते हरि को भजि, विधिधाम अकर्मक पाय गये ।
वह उठा चरण धोया विधि ने, जिस हरिसे विधि उत्पन्न भये ॥३॥
जल रहा कर्मडलमें विधिके, हरिपद पखारि शुचिधार भई ।
श्रीगंगा है सब लोक पाप हस्ती, महि कीरति छाया गई ॥४॥
ब्रह्मादिक लोकनाथ सब मिलि, लघुरूप भये प्रभु भेट धरें ॥५॥
जल पुष्प माल चंदन तुलसी, पूजनसुर विविधि प्रकार करें ॥६॥

दो०—जय जय धुनि विनती कहैं, महिमा करें बखान ।

शंखदुंदुभी बजि रही, होय नृत्य बहु गान ॥७॥

छं०—भेरीबजाय उतजाम्बवान, सबदिशामें विजयसुनायदिया । ८
पद तीनहिमें महिलोक हरे, सब कुपित असुर यह कथन लिया । ९
यह ब्रह्मबंधु मायाबी हरि, द्विजरूप धारि सुर काज किया । १०
बटु रूपसे मांगे तीन पैर, सब छीन लिया अति मलिन दिया । ११
सत्यव्रत दीक्षित दयावान, ब्रह्मराय भूट नहिं बोलि सकै ।
इससे इसको मागे सब मिलि, लै अस्र बागनहि धुर्चि तकै ॥१३॥
करि क्रोधमारिबे को दौड़े, शूलादि गहे पर बलि न चहैं ॥१४॥
आते लखि विष्णु पार्षद संब, असुरोंसे लड़ने को उमहैं ॥१५॥

दो०—नंद सुनंद विजय जय, कुमुद प्रबल बरबीर ।

विष्वक्सेन गरुड़ सबै, कुमुदाक्षहु अतिधीर ॥१६॥

छं०—श्रुतदेव जयन्त पुष्पदंतहु, दशहजार गजबल असुरहनै । १७
रोवत पिठते लखि दैत्य बली, मत लड़ो गुरु का शाप गुनै ॥१८॥

* अष्टमस्कंधे एकविंशोऽध्यायः * [१२५]

हे राहु विप्रचित्ती नेमी, सुनि बचन लड़ो मत समय लखो ॥१६॥
 सुख दुख कालहिसे सबको होंय, बलसे न हटै इसमें न भखो ॥२०॥
 मम उदय सूरों के हारि हेत, पहले था सो हरि पलटि गया ॥२१॥
 बलमित्र मंत्रमति औषधिसब, कहिकाल न इनसे बिजय भया ॥२२॥
 हरि अनुचर तुमसे हारि चुके, अब जीति तुम्है गर्जन करते ॥२३॥
 जब दैव प्रसन्न इन्है जीतै, परखो सुकाल जहं सिधि भरते ॥२४॥

शुक उ०-दो०-स्वामी बलिकी बात सुनि, दानव दैत्य सुबीर ।

विष्णु पार्षद मार सहि, गे पताल धरि धीर ॥२५॥

छं०-हरिइच्छा लखिबलिको बांधा, लैवरुण फास मखमाहिंगरुड ।
 गतश्रीथिरमति वलिविमल सुयश, वामनसे बोलेबचनअरुण ॥२७॥
 भयो हाहाकार बलि बंधनलखि, प्रभुविष्णुखड़े आकर संमुख ॥२८॥
 पद तीन दिये दो भये पूर, तीसरा पूर कर दो हो सुख ॥२९॥
 जहँ लौं रवि चंद्र करै प्रकाश, जल वर्षै तेरी रही मही ॥३०॥
 पृथ्वी सब नपि गई एक पैर, दूसरे पैर में स्वर्ग सही ॥३१॥
 कहिकर न दिया लो नर्कबास, तिस परभी गुरुकी संपत्ति है ॥३२॥
 कहिकर न देयजो याचकको, नहिस्वर्ग मिलै शिर आपति है ॥३३॥

दो०-धनमानी तूने हमें, हां करि धोखा दीन ।

कछुक काल भोगहु नर्क, पलटि दुःख फल लीन ॥३४॥

भजन-गजल-लखो प्यारे सबी दिलसे, चरित बलिका सिखावै है ।

करै बे कायदे जो धर्म, फलमें दुःख पावै है ॥३५॥

करै बलियज्ञ लूंगा स्वर्ग, मुनि द्विज संत मानै सब ।

धर्मकरि हक ईश्वरी चहि दंडसे तन बंधावै है ॥३६॥

[१२६] * श्रीमद्भागवते भाषासरसकाव्यनिधौ *

इखत्तर चौयुगी पर्यंत पाया राज इन्द्र ने ।
जबरदस्ती यज्ञ करके, वली उसको छुड़ावै है ॥२॥
मददगारों ने दुख पाया, यही हरदम समझ रखो ।
बहाने हरि के पर धनले, न सपने सुख आवै है ॥३॥
सच्चाई धर्म से खुश प्रभु, न कोरे यश दिखावे से ।
कृष्ण गुण गाय माधवराम, हरि हियमें बसावै है ॥४॥

इति श्री० भा० भा० अष्टम स्कंधे एकाविंशोऽध्यायः



श्रीमद्भागवते भाषा सरस काव्यनिधौ अष्टम
स्कंधे द्वाविंशोऽध्यायः ॥

श्लो०—द्वाविंशेतुप्रसन्नः सन्प्रस्थाप्य सुतलं वलिम् ।

दत्वा वरान् हरिन् यूनं मत्वा तद्द्वारपोऽभवत् ॥

दो०—बाइस में हरि खुश भये, सुतलहि बलिहिं पठाय ।

बर दै लघु गुनि आपहू, भे दरवानी जाय ॥

बं० शु० उ०—बलिपाय निरादर बहुहरिसे, धरिधीर नहीं घबड़ाये हैं ।

हैं सावधान धीरजी बचन, यों ब्रामन प्रभुहिं सुनाये हैं ॥१॥

बलिरु० उ०—हे उत्तम यश सुर श्रेष्ठ हरी, जो मेरा कहना झूठ गुनौ ।

मैं करूं सत्य पद मम शिर धरि, तीसरलो नाप यह बचन सुनो ॥२॥

नहिं डरूं नर्क औ बंधन से, धननाश दुःख से नहिं तिल भर ।

कह करके दिया नहीं ब्राह्मण को, इस दुर्यश से कंपता थर थर ॥३॥
 पितु मातु भाइ गुरु सुहृद आदि, ये दंड देय अञ्छाई है ॥४॥
 तुम गुप्त गुरु दैत्यों के हो, मद हरि हिय दृष्टि खुलाई है ॥५॥

दो०—जिन प्रभु मे बहु बैर करि, लड़ि मरि मुक्ती पाय ।

योगिन दुर्लभ गति लही, नहीं सधि सकै उपाय ॥६॥

छं०—प्रभु वरुण फांस से बंधा हूं मैं, नहीं डरता नहीं शरमाता हूं । ७
 प्रह्लाद पितामह जहं पहुँचे, अब उस दरजे में जाता हूं ।
 लड़ि हिरण्य कश्यप प्रभु तुमसे, गति पाई जो योगी पावें ॥८॥
 इस तनधन कुल पस्वारिनारि से क्या जहं आयु वृथा जावै ॥९॥
 यह सभक्त पितामहजी मेरे, पद कमल शरणमें आय गये ।
 हो असुर माशकर यदपि आप, निर्भय पद मनमें भाय गये ॥१०॥
 मद युक्त शत्रु मैं था प्रभु का, हठि करि मुझको अपनाय लिया ।
 अज्ञानी चल जीवन न लखौं, हरि लक्ष्मी बंध छुड़ाया दिया ॥११॥

शुक उ०—दो०—यों भाषत प्रभु से बली, आय गये प्रह्लाद ।

भक्तों में हैं चन्द्रमा, निरखि हरि हि आल्हाद ॥२॥

छं०—हृगकमल लंबभुज श्यामछवी, प्रह्लाद पितामह बलि निरखै ।
 कीन्हा प्रणाम बंधन से बंधे, लज्जित हो आंसू भरि कै लखै ॥१॥
 प्रह्लाद भक्त प्रभु पास गये, पार्षद सेवहिं शोभा भारी ।
 भरि प्रेम अश्रुमहि प्रणाम करि, विनती करते भवभय हारी ॥२॥
 प्रह्लाद उ०—आपहीदेतहैं सुरपतिपद, हरिलिया आपने भलाकिया
 की दया आपने बालक पर, माया का बंध छुड़ाया दिया ॥३॥
 लक्ष्मी में पंडित मोहि जाय, इसमें फांसि किसने गति पाई ।

[१२८] * श्रीमद्भागवते भाषासरसकान्यनिधौ *

साक्षी जगदीश्वर नमो तुम्हें, नारायण दाया मन लाई ॥१७॥
हमसे भी पौत्र बढ़ गया नाथ, हम पर प्रभु ने कर कमल धरा ।
इसने शिर पर पद कमल लिया, सर्वस देकर नहिं नेक डरा ॥

दो०—जिस पद की रज शिव चहैं, विधि सनकादि न पाव ।

सौ पद धार्यो बाल पर, राख्यो नाहिं दुराव ॥

छं०—बन गया काम सब विधि इसका, बांधा तुमने भव बंध गया ।

कुल पुत्र उजागर सब चहते, प्रभु दाया से तैसही भया ॥१७॥

शु० उ०—प्रह्लादविनयसुनि विधिकहते, बलिसानीतैसहिंबोली है ।

पति बंधन लखि है भयसे विकल, बातें जिसकी अनमोली हैं ॥१८॥

कर जोरि दंडवत करि प्रभु को, शिर नीचा कर कुल नारी है ।

हैं बचन पंडितों से ज्यादा, जो कहती हिये विचारी है ॥१९॥

विंध्याबलिरु उ०—प्रभुकीडाहित त्रैलोक्यकरचा, तहंकुबुद्धिमालिकबनैसही
कहने भरके कर्ता निलज्ज, वहैं बोझ आपकी हानि नहीं ॥२०॥

ब्रह्मो बाच दो०—जगमय देव देव हरि, जगभावन भूतेश ।

लीन्हों सब छोड़ो इसे, योग न अस असुरेश ॥२१॥

छं०—सर्वसदै कर्मसेजो संचित, युधिविकल नहीं तनभी दीना ॥२२॥

फलजन जततुलसी चरणअर्पि, गतिपावै यह दुख कसलीना ॥२३॥

भग० उ०—हे ब्रह्मन् जिस पर दया करें, हम उसका मद हर लेते हैं ।

मदयुक्त पुरुष मुझको जगको, अपमान करें दुख देते हैं ॥२४॥

मरि जन्मि कभी यह जीवात्मा, भूमियोनि बहुत नर देह बनै ॥२५॥

वय जन्मकर्म विद्या श्रितन, मद होय नहीं मम दया गुनै ॥२६॥

सब श्रेय हरै जन्मादिक मद, मम भक्त न इसके वश आवै ॥२७॥

बलिदैत्य अग्रणी कीर्ति विमल, माया जीती न मोह लावै ॥२८॥

दो०—तजै जाति के बंधरिपु, छूट गयो धनधाम ॥२९॥

सही यातना बहुत बिधि, नहि सत त्याग ललाम ॥३०॥

छं०—सुर दुर्लभ पद इसने पाया, साबणि मनुमें सुरपति हो ॥३१॥

विशकर्मारचित सुतलमें बस, नहिं आधिब्याधिदुख आपति हो ॥३२॥

बाधा न कोई मम इच्छा से, सुर चहैं तहां बलि करो बास ॥३३॥

सबको लै बाधहिं नहिं सुरपति, तव विमुख दैत्यकरै चक्रनाश ॥३४॥

सब भांति करौ रक्षा तुम्हारि, अनुचर धन लक्ष्मी रखवाला ।

तैयार द्वार पै मुझे लखो, मैं भक्त जनों का प्रतिपाला ॥३५॥

दो०—दानव दैत्य प्रसंग से, भया आसुरी भाव ।

मम दर्शन करि रहै नहिं, उपजै प्रेम प्रभाव ॥३६॥

भजन—जीव के हरि सांचें हितकारी,

अहंकार मद लोभकाम तन, लावैं विपदा भारी ।

जीवत चैन न देत पलहु भरि, अंत नर्क महं डारी ॥

हरि दयालु पहले हरि लेवैं, यद्यपि जीव दुखारी ।

सत संगति से मिलै ज्ञान जब, तब यह होय सुखारी ॥

बलिमद भरो स्वर्ग सुख चाहै, युद्ध औ यज्ञ प्रचारी ।

पौत्र देखि प्रह्लाद भक्तको, अपनायो भयहारी ।

माधवराम श्याम गुण गावैं, सब जग जाल बिसारी ॥

इति श्री० भा० भा० सरसकाव्यनिधौ अष्टमस्कंधे द्वाविंशोऽध्यायः

[१३०] * श्रीमद्भागवते भाषासरसकाव्यनिधौ *

श्रीमद्भागवते भाषा सरस काव्यनिधौ अष्टम
स्कंधे त्रयो विंशोऽध्यायः ॥

श्लो०-त्रयोविंशे बलौ याते, सुतलंसपितामहे ।

उपेन्द्रेण दिवंगत्वा, पूर्ववन्मोदते हरिः ॥

दो०-तेइश में प्रह्लाद युत, बलि पठ्यो पाताल ।

सुखी स्वर्ग बसि इन्द्र भे, वामन सहित निहाल ॥

छं० शुक उ०-सुनिपुरुष पुरातनकी बातें, जनसंमत मृद बोलै बानी ।

गद् गद् स्वर प्रेम अश्रु बहते, विह्वल बलिपरा भक्ति आनी ॥१॥

बलिरु उ०-शरणागत पालकपनप्रमाण, कह्यु की यह दिखलाया है ।

नहिं पावैं लोकपाल जो पद, शिर धारि मुझे अपनाया है ॥

करते न कृपा प्रभु इस प्रकार, क्या छुट्टी कभी मैं पा सकता ।

लड़ने भिड़ने में उमर खोय, मायामें बंधि निशि दिन भ्रमता ॥२॥

दर्शन तुम्हार तर्जि कुछ न चहों, जो कहा सो प्रण पालन करना ।

उठि प्रात मिलैं दर्शन पहले, बिनती मेरी दिलमें धरना ॥

शुक उ० दो०-असकहि विधिहरि हरहिनमि, सुतल गये बलिराज ।

सबको लिये प्रसन्न चित्त, सिद्ध भये सब काज ॥

छं०-इस भांति इन्द्रको दै त्रिलोक, अदिती की कामना पूर करी ।

आवैं सुरपुर सुरपति संग में, सब जगत पालते विष्णु हरी ॥४॥

छुट बंध लहे बरपौत्र बलिहिं, लखि हरिसे यह प्रह्लाद कहैं ।

हैं भक्त भक्तिसे गद् गद् हूँ, प्रभुदाया वर्णन कीन चहैं ॥५॥

प्रह्लाद०-यह प्रसाद बिधिशिवश्री न लसो, नहीं और कोई सपने पावैं ।

* अष्टमस्कंध त्रयो विंशोऽध्यायः * [१३१]

असुरों के भये प्रभु दुर्गपाल, जगबंदित जिनके पद गावैं ॥६॥
जिन चरणों की सेवा करिकै, ब्रह्मादि विभूती पाते हैं ।
कैसे हम दैत्य मूढ योनी, प्रभु पदवी श्रेष्ठ दिलाते हैं ॥७॥

दो०—करतब चित्र तुम्हारि है, जगधर लीलाधार ।

कल्प वृक्ष से बढि प्रभू, समान फल दातार ॥८॥

छं० भगवान् उ०—प्रह्लादवत्स मंगलहोवै, लैपौत्रजातिसुतलहिंजाको
लै गदा हाथ मैं दर्शन दूं, छुटिकर्म बंध सब सुख पावो ॥१०॥
शुक्रा-उ०—प्रह्लादप्रभूको आज्ञालै, वलिसहितशीशधरिनमनकिया
परदक्षिणकरि आनंदपाय, चलिसुतल माहिंनिजवास लिया ॥१२॥
हरि शुक्राचार्य से कहते हैं, ऋत्विजों सहित मुनि करो यही ॥१३॥
इमयज्ञ छिद्र को पूर करो, द्विज दृष्ट कर्म हो पूर सही ॥१४॥
शुक्र उ०—किमिहोयकर्म न्यूनताप्रभू, जिसकर्मकेमालिक आपभये
यज्ञेश भक्त से महापुरुष, सब भाव से पूजै आप गये ॥१५॥

दो०—मंत्र तंत्र दिशिकाल से, जौन छिद्र है जाय ।

नाम कीर्तन आपको, पूरण करै बनाय ॥१६॥

छं०—तिस पर भी आपकी आज्ञाल, करि हों है आज्ञा पालन धर्म ।
इसही में जीवका मंगल है, हरि भजै सदा साधै सतकर्म ॥१७॥
शुक्र उ०—हरि आज्ञालै ब्रह्मर्षिसहित, मुनियज्ञछिद्र पूरणकीने ॥१८॥
वलिनृप से भिक्षा मांगि हरी, भाई इन्द्रहिं त्रिलोक दीने ॥१९॥
विधि प्रजापती सुरपितृमुनी, भृगु दक्षादिक शिवसनकसहित ॥२०॥
कश्यप अदिती के प्रीति हेतु, वामन त्रिलोकपति कीनो हित ॥२१॥
सुखेद धर्मयश श्री मंगल, व्रत स्वर्ग मुक्ति सब सुख दायक ॥२२॥

[१३२] * श्रीमद्भागवते भाषासरसकान्यनिधौ *

पदवी उपेन्द्रकी दी सबने, है प्रसन्न लखि पालक लायक ॥२३॥

दो०—लोक पाल युत इन्द्र तब, ब्रह्मा सहित सहाय ।

विमान पर वामन लिये, स्वर्ग गये हरषाय ॥२४॥

छं०—हलचलगै लक्ष्मीलहि प्रसन्न, वामन सहायलै पुरपाल ॥२५॥

शिवब्रह्मा सनक मुनिपितृ सिद्ध, आदिक गुन गावैं श्रद्धाल ॥२६॥

गुन गाय परम अद्भुत हरिको, सब निज २ धाम पधारे हैं ॥२७॥

राजन हम गाय कहा तुमसे, सुनिपाप बिनाशत सारे हैं ॥२८॥

नहिं पार मिलै हरि यशका कहीं, चहै महिरजकन गिनती करले ।

कोइ हुआ न है नहिं होय कभी, महिमा हरिकी पूरण धरले ॥२९॥

दो०—देव देव अद्भुत करम, सुनि चरित्र गतिपाव ॥३०॥

देव पितृ के कर्म में, पढ़े पूर्णता आव ॥३१॥

भजन—कही वामन प्रभु लीला गाय,

कर्मधर्म हैं सही जगत में, सब पर यह मत आय ।

हरिकी शरण भजन हिरदे से कीने सब बनिजाय ॥

बलिकी दशा देख लो प्यारे, चहै न होत दिखाय ।

यासों सत्य धर्म ब्रत पालो हरि की लेहु सहाय ॥

माधवराम सबै बनि जै है, हियपद धरु हरषाय ।

इति श्री० भा० भा० अष्टमस्कंधे त्रियो विंशोऽध्यायः समाप्तः ।



* अष्टमस्कंधे चतुर्विंशोऽध्यायः *

[१३३]

श्रीमद्भागवते भाषा सरस काव्यनिधौ अष्टम
स्कंधे चतुर्विंशोऽध्यायः ॥

श्लो०—चतुर्विंशे प्रसंगेन मत्स्यरूपस्य शार्ङ्गिणः ।

लीलोच्यते यतः सत्यव्रतरक्षामहार्णवे ॥

दो०—चौविस में प्रभु मत्स्य हरि, लीला करत बखान ।

सत्यव्रत नृप सिंधुमहं, रक्षाकी भगवान् ॥

बृ० राजोवाच—मुनिवर सुनने को इच्छा है, जिससे हरि मत्स्य सरूप लिया
जगनिंदित मत्स्य सरूप, तमोमय कर्मग्रस्त ज्यों कर्म किया ॥२॥

हे भगवन् सब कहिये मुझसे, जैसा हो तैसा समझा कर ।
सब लोक सदा सुख पावै हैं, उत्तम श्लोक लीला गाकर ॥३॥

सूत उ०—इस भांति परीक्षित नृपपुंछै, मुनि मुखसे सुनना चाहते हैं ।

लीला की मत्स्य सरूप धारि, शुकदेव ऋषीश्वर कहते हैं ॥४॥

शुक उ०—गौविप्र बेद सुरसाधु हेत, प्रभु धर्म हेत तन धरते हैं ॥५॥

ऊंचे नीचे सब जगह जाय, ज्यों पवन विशुद्ध बिचरते हैं ॥६॥

दो०—नैमित्तिक लय ब्राह्म जो, भयो जबहिं कल्पांत ।

बढ्यो सिंधुमहिं लोक सब, डूबे सबे दिगन्त ॥७॥

बृ०—कुछ काल शयन करि ब्रह्मा जब, मुखसे सब बेद कहे बाहर ।

भया हयग्रीवदानव तेहि क्षण, लै गया भया नहिं कुछ जाहर ॥८॥

मुनि विनय असुर करत ब लखि हरि, रक्षाहित मत्स्य रूपधारा ॥९॥

सत्यव्रत तब राजर्षि रहे, हरिजन तपकर जल आधारा ॥१०॥

मोई इस कल्पमें श्राद्धदेव, मनु भये पुत्र रवि कीर्ति मई ॥११॥

[१३४] * श्रीमद्भागवते भाषासरसकाव्यनिधौ *

कृतमाला नदी में तर्पण कर, अंजुली मत्स्य लघु आय गई ॥१२॥
जल सहित नदी जलमें छोड़ी, सत्य व्रत द्रविण देश भूपति ॥१३॥
मछली कहती अति दीन बचन, खा जाय जाति के हरौ विपति ।

दो०—दीन बछल नृप आय हैं, मैं डरती लघु जीव ।

जाति जाति को खात हैं, यह भय मोहिं अतीव ॥१४॥

छं०—निज रक्षाहित तनुधरे हरी, नहिंसमझे नृप रक्षा ठानी ॥१५॥

सुनि दीन बचन भट हाथमें ले, धरि कलशे में आश्रम आनी ॥१६॥

निशिमें बढि पात्र में ठौर न लहि, भूपति से मछली कहती है ॥१७॥

नहिं कलश में मैं रह सकती हूँ, बड़ स्थल काया चाहती है ॥१८॥

उससे निकाल बड़पात्र दिया, तहँ तीन हाथ बढि गई तुरत ॥१९॥

नहिं गुजर यहां दो और ठौर, तुम शरणपाल मैं शरणागत ॥२०॥

छुड़वाया सरोवर में नृप भट, बढि महामीन कहते बानी ॥२१॥

नहिं यहां भी नृपहो मेरी गुजर, कहिं सूख न जावै यह पानी ॥२२॥

दो०—सुनि विचित्र बानी नृपति, जलसे भट कढवाय ।

समुद्र में छोड़ी तुरत, रक्षा में चितलाय ॥२३॥

छं०—फैंकते नृपतिसे मीन कहैं, जलजीव खांय ह्यां मत छोड़ो ॥२४॥

मोहित नृप मीठी बाणी सुनि, कहते हैं आपको भूम तोड़ो ॥२५॥

ऐसा जलजीव न दीख सुना, दिन में सौ योजन रूप लिया ॥२६॥

क्या हरि नारायण दया धारि, कल्याण हेतु मम यत्न किया ॥२७॥

जग स्थिति पालन नाश करो, शरणागत जनकी आत्म गती ॥२८॥

कल्याण हेतु लीलावतार, नमो समझा दीजै जगत पती ॥२९॥

सबके प्रिय आत्मा मित्र हरी, तब चरण शरण नहिं बृथा जाय ।

* अष्टमस्कंधे चतुर्विंशोऽध्यायः *

[१३५]

हों शरण बृथा भिन्नात्मा की, यह अद्भुत रूप दियो दिखाय ॥३०॥

दो०—शुक उ०—इमि सुनि बानी नृपति से, कहैं मत्स्य भगवान ।

बिहार जल में करैं की, इच्छा है बलवान ॥३१॥

छं०—भगवान्—नृपसुनों आजके स नवेंदिन, हो प्रलयसिंधु उमड़ै मारी

जलमें त्रिलोक जावैगा डूब, वड़िनाव आइ है भयहारी ॥३२॥

औषधी बीज लै छोट बड़े, सप्तर्षि जीव सब संग लेकर ॥३३॥

चढि नावमें विचरौ सिंधुमाहिं, घबड़ाना मत हम रक्षा कर ॥३४॥

वह प्रवलयबायु जब हिलै नाव, मम शृङ्ग बांधना दुखहरि हों ॥३५॥

जलमें मुनि सहित भूप तुमको, विधि रात्रिलगै रक्षा करि हों ॥३६॥

जो परब्रह्म महिमा मेरी, करि प्रश्न हमैं सब ज्ञान लहै ॥३७॥

नृपसों कहि अन्तरधान भये, करियुक्ति भूप सोइकाल चहै ॥३८॥

दो०—कुश बिश्राय थिर पूर्व मुख, मत्स्यरूप कर ध्यान ॥३९॥

समय आय उमड़ो उदधि, बर्षि मेघ घमसान ॥४०॥

छं०—हरिआज्ञा परखे आईनाव, मुनिसहित औषधी नृपलेकर ॥४१॥

बैठे मुनि कहैं ध्याव नृप हरि, सब संकट हरिहैं सुख देकर ॥४२॥

नृपध्यान किया प्रगटे जलमें, हरि मत्स्यरूपतन योजन लक्ष ॥४३॥

जस कहा प्रभू ने नावबांधि, बिनती ठानी लखिरूप प्रत्यक्ष ॥४४॥

राजोवाच—जोअहै अविद्याअनादिसे, छिपगया ज्ञान संसारभ्रमण ।

अपनी इच्छासे मिलौ आप, गतिदायक गुरुहो रमा रमण ॥४५॥

अज्ञानी जनलहि कर्म बंध सुख, इच्छा से दुख पाते हैं ।

प्रभु सेवा से बुधि शुद्ध होय, गुरुग्रन्थि छुटै गुन गाते हैं ॥४६॥

दो०—स्वर्ण शुद्ध हो अग्नि तपि, धोये नहिं सत रूप ।

मखसे शुद्धि न होय तस, गुरु हरि सेइ अनूप ॥४७॥

[१३६] * श्रीमद्भागवते भाषासरसकाव्यनिधी *

छं०-प्रभुप्रसादका दशसहस्र भाग, सुर, गुरु स्वजन नहिंसाधिसकै।
सबसे निराश हूँ परमगुरु तब, शरण शरण हम दीन तकै ॥४६॥
अंधे को ले चले नेत्र हीन, अज्ञानी गुरु दें सच्चा ज्ञान।
प्रभु साक्षी सबके सब गुरु, जनके गति दायक वेद प्रमान ॥५०॥
संसारी गुरु दें लोक ज्ञान, जिससे भव नर्क विपत्ति भरें।
सतगुरु ज्ञान उपदेशक तुम, गति पावें जनभवसिंधु तरें ॥५१॥
सबके प्रिय आत्मा सुहृद् ईश, गुरुज्ञान सिद्धि मनकी दायक।
तबहुं जग अंध न भजै तुम्हें, हिय में बैठे प्रभु जगनायक ॥५२॥

दो०-देव देव प्रभु ईश की, शरण ज्ञान के हेत।

वाणी से अज्ञान रवि, हरौ ग्रन्थि संकेत ॥५३॥

छं० शुक्र उ०-इस भांति भूपजब विनयकरी, हरिमत्स्वरूप सबतत्त्वकहा
मुनिसहित भूप फिर विनयकरी, मुनिसांख्यसंहिता योगमहा ॥५५॥
नौका में चढ़े नृप आत्म तत्व, सत ब्रह्म सनातन हरि से सुना ॥५६॥
हनिहयग्रीव गयो प्रलयबीति, दिये बेदविधिहि सुखमहसगुना ॥५७॥
विज्ञान ज्ञान युत सत्य व्रत, इस कल्पमें रबिसुत मनू भये ॥५८॥
सत्यव्रत मत्स्य चरित्र सुनै, आनन्द होय सब पाप गये ॥५९॥
यह चरित्र रोज जो कहैं सुनै, संकल्प सिद्धि गति परम लहै ॥६०॥
विधि सोयै प्रलय जल मध्य, बेद मुखसे निकरे कुछ खबर न है।

दो०-मत्स्वरूप अवतार लै, हयग्रीव को मारि।

ज्ञान सत्यव्रत नृपति दै, नमो है चरण मुरारि ॥६१॥

भजन-प्रेम से जै जन हरि गुन गावैं।

विपत्ति दुःख संसार रोग बहु, सपने पास न आवैं ॥

* अष्टमस्कंध चतुर्विंशोऽध्यायः *

[१३७]


जो सिधिसाधि समाधि योग तप नर सपने नहिं पावै ।
 अनइच्छित हरि गुनगायै से बिना बोलायै आवै ॥
 मूढ गुरु बहु पंथ प्रगट करि, सबको नित भटकावै ।
 हरि गुनगान राह सीधी यह, मूरख नाहिं बतावै ॥
 कदौ बारिमथि घृत बिन जलके, चाहै प्यास बुझावै ।
 विन प्रभुशरण भजन सत कीने, पार न कबहूँ जावै ॥
 माधवराम जची यह हिकमत, भजन करो समझावै ।

इति श्री० भा० भा० सरसकाव्यनिधौ अष्टमस्कंधे चतुर्विंशोऽध्यायः



[१३८]

* श्रीमद्भागवते भाषासरसकाव्यनिधौ *




श्रीमद्भागवते भाषा सरस काव्यनिधौ नवम
स्कंधे प्रथमोऽध्यायः ॥

श्लो०—गुणा यं गुणतावात्त्यै वृणते करुणानिधिम् ।
तमहंशरणं यामि परमानन्दमाधवम् ॥१॥
तत्रतु प्रथमोऽध्याये बैवस्वतसुतान्वये ।
सोमवंशप्रवेशोक्त्यै सुद्युम्नस्त्रीत्वमुच्यते ॥

दो०—सेवहिं गुण गुणतालहैं, जो करुणानिधिराम ।
माधव परमानन्द की माधवशरण ललाम ॥
नवम प्रथम अध्याय में, रविको वंश प्रधान ।
चंद वंश तहं सो भयो, तिय सुद्युम्न वखान ॥

बं० राजोवाच-मुनिमन्वन्तरवर्णनकीने, हरिचरितबिचित्र सुनेगाये ।
सत्यव्रत राजा द्रविडदेश, तपि हरि से ज्ञान विमल पाये ॥२॥
भये सूर्य पुत्र मनुसोई नृप, इत्वाकुआदि सुत हैं जिनके ॥३॥
मुनिकहो चरित सब वंशवर्णि, हम सुनै पवित्र सुयशतिनके ॥४॥



श्रीमान् लाला श्रीकृष्णजी माहेश्वरी (मालानी) के पुत्र

स्व० श्रीरामकृष्णजी, चि० श्री० रामगोपालजी

स्व० श्रीरामकृष्णजी के पुत्र

चिरंजीव

श्रीमान् लाला जयकृष्णजी माहेश्वरी (मालानी)

आप सकुटुम्ब ग्रन्थकर्ता के प्रेमी हैं ।

नवमस्कंध की धर्मार्थ पुस्तकों में आपकी उत्तम सहायता है ।

जे हुए होंगो अब भी हैं, भूपाल पवित्र चरित कीने ।
मुनि कहो पराक्रम भूषों के, श्रद्धा से सुनै हम मनदीने ॥५॥
सूत उ०—इसभांति परीक्षित पूंछि रहे, दिलमें अपने श्रद्धा करके ।
मुनि परम धर्म शुकदेव जानि, कहते नृपसे भक्ती धरके ॥६॥

शुक उ० दो०—मानव वंश सुनो नृपति, सूक्ष्महि देत सुनाय
वर्णन करि सौ वर्ष लौं, बृहत पार नहिं जाय । ७।

छं०—पर अवर जीवको आत्मा प्रभु, है कल्पके पहले कुछ नहीं । ८।
नाभी से स्वर्णमय कमलभया, मुख चारि विधी भये जिहमाहीं । ९।
मनसे मरीचि तिनके कश्यप, अदिती में सूर्य उत्पन्न भये ॥१०॥
संज्ञा रवि से मनु श्राद्धदेव श्रद्धा में दश सुत कहे गये ॥११॥
इच्चाकू नृग शयाति दिष्ट, धृष्टहु करुष छठये कहिये ।
नरिष्यंतपृषध्र नभग कबिये, सब मिलिकै दशगिनती लहिये । १२।
पहले न पुत्र थे वशिष्ठ गुरु, मखमित्रावरुण सुत हेत करी ॥१३॥
रानी श्रद्धा ने होता से कन्या होवै, यह हठ पकरी ॥१४॥

दो०—होता अध्वर्यू सहित, उलटी करतब कीन ।

कन्या होवै युक्ति सोइ, गुरु नहिं जानै लीन ॥१५॥

छं०—होता की उलटी करतब से, है नाम इला कन्या प्रगटी ।
मुनि राजा कहते वशिष्ठ सो, मनसे उदास किमि गति उलटी । १६।
भगवान् ब्रह्म वादी हैं आप, अस उलटा करि बेंचना बेद । १७।
तप युक्त मंत्र विद पाप रहित, किमि उलटाफल मनमें है खेद । १८।
मुनि वशिष्ठ मुनि जब करी जांच, रानी होता की भूल रही । १९।
संकल्प किया कन्या के हेत, परनिज बलसे करौ पुत्र सही ॥२०॥

[१४०] * श्रीमद्भागवते भाषासरसकाव्यनिधौ *

गुरु आदि पुरुषकी विनय कीन, जिसमें कन्या सुत हो जावै ॥२१॥
हरि प्रसन्न बर दीना गुरु को, सुद्युम्न पुत्र तनसे पावै ॥२२॥

दो०—वह सुद्युम्न शिकार को, घोड़े पर असवार ।

मंत्रि फौज लै साथ में, पहुंचे बनहिं मंझार ॥२३॥

छं०—शरधनुषहाथ तन कवच धरे, उत्तर दिशिमें मृगसंग गये ॥२४॥

क्रमक्रम से मेरु निकट पहुंचे, शिव उमा सहित स्थिती लिये ॥२५॥

सुद्युम्न तहां वरि कै प्रवेश, तन नारि भयो घोड़ा घोड़ी ॥२६॥

सब सेवक नारि शरीर पाप, देखते परस्पर मुख मोड़ी ॥२७॥

रा० उ०—कैसे यह थल किस भांति भया, किसने कीना असजाल भरो ।

यह प्रश्न हमारा हे भगवन, समझाय सबी संदेह हरो ॥२८॥

शुक उ०—शिवदर्शन के हित सनकादिक, जा पहुंचे दिशि प्रकाश करते
थी उमा गोद में शिवजी के, कुछ अंग विबस्त्र निरख परते ।

दो०—लज्जित सों धारें बसन, ऋषि लौटे ततकाल ॥२९॥

नर नारायण आश्रमहिं, गे सुमिरत नन्दलाल ॥३०॥

छं०—शिव आपठौर नहिं बैठन को, सुनि शिवप्यारी हित यत्न किया ।

स्थान में आवै नर कोई, वह नारी हो यह बचन दिया ॥३१॥

नहिं जाय तहां कोई पुरुष मात्र, सबको लै पहुंचे बिन जाने ॥३२॥

इससे नारी सब भये फिरें, बाहर आये बुध यह ठाने ॥३३॥

भा प्रेम परस्पर व्याह भया, बुधसे पुरूषा पुत्र भया ।

भया सूर्यवंशसे चंद्र वंश, कोना परमेश्वर खेल नया ॥३४॥

सुद्युम्न नारि हो गुरु सुमिरै, मुनि वशिष्ठ को ऐसा सुनते ॥३५॥

इत पिता चरित्र गुरु समझे, विनवै वह यत्न करो गुनते ॥३६॥

* नवम स्कंधे द्वितीयोऽध्यायः *

[१४१]

जा शिव मनाय शिव बर दीना, हो सत्य हमारी तब बानी । ३८
 इक मास नारि इक मास पुरुष, महिपालै सुनिये मुनि ज्ञानी । ३९
 नर है गुरु संग भवन आये, नर तिय हों प्रजा नहीं राजी ॥ ४० ॥
 गय उत्काल भिमल तीन सुतभे, दक्षिण पूरुष नृप अंदाज । ४१

दो०—प्रतिष्ठान पुर में बसे, उचित राज नहीं पाय ।

राज पुरुष को दर्ई, बन बसि मुक्ति बनाय ॥ ४२ ॥

भजन—प्रभू की माया लखो सुजान ।

जो मन में सपने नहीं आवैं, नहीं दिलमाहि समान ॥

सो करतब कर्ता के बलसे, भावी अस बलवान ।

तियसे पुरुष पुरुषसे तियभे, यह अद्भुत गति जान ॥

किस छनमें क्या होय जगतमें, को करि सकै बखान ।

माधवराम श्याम हिरदे धरि, गावत हरिगुण गान ॥

इति श्री० भा० भा० नवम स्कंधे प्रथमोऽध्यायः समाप्तः ।

श्रीमद्भागवते भाषा सरस काव्यनिधौ नवम
 स्कंधे द्वितीयोऽध्यायः ॥

श्लो०—द्वितीये मनु पुत्राणां द्वावपुत्रौ विरागतः ।

करुषकादि पञ्चानां, वंशानाह लघुकमात् ॥ १ ॥

दो०—द्वितीय में मनु पुत्रदश, दो विरागि सुत हीन ।

करुषादि सुत पांच का, वंश कछुक कहि दीन ॥

[१४२] * श्रीमद्भागवते भाषासरसकाव्यनिधौ *

छं० शुक्र उ०-मनुसुत सुद्युम्न उचितनभये, सौवर्षयमुनतटतपकीने ।
सुतके निमित्त हरिपद पूजे, इक्ष्वाकु आदि दश सुत लीने ॥२॥
तिनमें पृषध्र गुरु गोपालै, निशिमें वीर व्रत दृढ धर कर ॥३॥
निशि में इक बार सिंह आया, भयसे गौ भागी इधर उधर ॥४॥
पकड़ा ज्यों एक को चिख्वाई, चिख्वाहट सुनि मारन डांटा ॥५॥
लै खर्ग हाथ में अंधियाला, गुनिसिंह शीश गौ शिर काटा ॥६॥
कट गया शेर का कान तुर्त, बहता है खून लै प्राण भगा ॥७॥
जाना पृषध्र ने शेर मरा, लखि प्रात मरी गौ दुःख लगा ॥८॥

दो०-शाप दिया सुनि गुरु ने, बिन जाने बध कीन ।

क्षत्र बंधु नहिं होउ तुम, शूद्र कर्म से हीन ॥६॥०१

छं० कर जोरि गुरुकाशाप लिया, मुनिप्रिय दृढ ब्रह्मचर्य धारा ।
हरि वासुदेव में भक्ति साधि, सब जीव मित्र सबका प्यारा ॥११॥
तजि संग जीति इन्दी प्रशांत, हरिद्विष्टा पर भोजनको धर ॥१२॥
करि ज्ञान आत्मामें आत्मा, जनु अंधबधिर सम मही बिचर ॥१३॥
बनकी दवारि में भस्म देह, थे शांत ब्रह्मलहि मुक्त भये ॥१४॥
छोटे कविराज में चित्त न धर, भाई तज बनमें आप गये ।

दो०-तरुण वयस हरि ध्यान करि, जगसे चित्त हटाय ।

तृण सम बंधन देह तजि, परब्रह्म मिलि जाय ॥१५॥

छं०-मनुपुत्र करुषसे कारुषहु, क्षत्री उत्तर दिशिद्विज पालक ॥१६॥
भेधार्ष्ट धृष्टसे ब्रह्म मिले, बसु सुमति आदि नृगके बालक ॥१७॥
वसुके प्रतीक सुत ओधवान, कन्याहु ओधवति दर्शन पति ॥१८॥
नरिष्यंत के चित्र सेन दक्षहु, मीमांश कूर्च इन्द्र सेनहु सुत ॥१९॥

भे इन्द्रसेन के वीति होत्र, तिनके नृप सत्यश्रवा जाये ।
 सुत उरुश्रवा हैं नृप तिनके, नृप देवदत्त तिन से आये ॥२०॥
 तहं अग्निवेश्य अग्निहीपुत्र, यह जातु कर्ण ऋषितपसे भये ॥२१॥
 इनका कुल ब्रह्म समान भया, अब दिष्ट वंश राजन सुनिये ॥२२॥

दो०—दिष्ट पुत्र नाभाग यह, द्वितीय वैश्य समान ।

पुत्र भलन्दन तासु सुत, बत्स प्रीति लो मान ॥२३॥

छं०—सुत वत्सप्रीति के प्रांशु तासु, सुत प्रमिति व्यासमुनि बतलाते ।
 तिनके स्वमित्र तिनके चाक्षुष, तिनके विविंशती सुत गाते ॥२४॥
 सुत तासु रंभ खनि नेत्र तहां, भे करंधमहु सुपुत्र जिनके ॥२५॥
 तहं पुत्र अवीक्षित तहं मरुत्त, संवर्त पुरोहित भे इनके ॥२६॥
 जस मरुत्त को यज्ञ भई जगमें, नहिं किसी भूप ने कर डाली ।
 सवपात्र यज्ञमें सोने के, नितनव भोजन लोटा थाली ॥२७॥
 हो गया अजीर्ण अग्नि सुर को, दक्षिणासे तृप्त भये द्विजवर ॥
 भइ पांच हजार वर्ष लौ मख, कराई वंद अग्नी हठ कर ॥२८॥

दो०—भये मरुत्त के पुत्रदम, राज्य वर्धनहु तासु ।

सुधृत तासु नरतासु है, यह विधिवंश विकास ॥२९॥

छं०—तिनके केवल तहं बंधुमान, तहं बंधु तहां तृण बिंदु भये ॥३०॥
 भइ अलंबुषा रानी तिसकी, इडविडा सुता बहु पुत्र किये ॥३१॥
 इडविडा विश्रवाको व्याही, तिसमें कुत्रेजी जन्म लिया ॥३२॥
 सुत विशाल शून्य बंधु भ्रूमहु, बीशील विशाला पुरी किया ॥३३॥
 तहं हेम चंद्र तहं धूम्राक्षहु, तिसके संयम सहदेव भूप ॥३४॥
 तिनके कृशाश्व तहं सोमदत्त, मख करि गति पाई है अनूप ॥३५॥

[१४४] * श्रीमद्भागवते भाषासरसकाव्यनिधौ *

दो०—तहां सुमति तिनके तनय, जनमे जयहु प्रधान ।

तृणविंद के वंश में, ये सब भूप सुजान ॥३६॥

भजन—भये इस जगमें वहु भूपाल,

एक एक से प्रवल वीर रण, दानी रूप विशाल ।

तेज प्रताप प्रचंड सूर्य जिमि, कोई अधिक सुचाल ॥१॥

छाई कीर्ति स्वर्ग लौं जिनकी, सुयश गयो पाताल ।

पता नहीं कहं गये अन्त में, खायो पलमें काल ॥२॥

यासों सुकृत कमावै जगमें, बनै नहीं बिकराल ।

दाया करै दीन जीवन पर, तिनका है प्रतिपाल ॥३॥

संग धर्म ही चलै जीव के, पड़ा रहै धनमाल ।

माधवराम भक्ति मुक्ती लै, मिलहु अन्त नन्दलाल ॥४॥

इति श्री भा० भा० सरसकाव्यनिधौ नवमस्कंधे द्वितीयोऽध्यायः



श्रीमद्भागवते भाषा सरस काव्यनिधौ नवम
स्कंधे तृतीयोऽध्यायः ॥

श्लो०—तृतीये मनुपुत्रस्य शर्यातिः कीर्त्यतेऽन्वयः ।

यत्र सौकन्यमाख्यानं रैवतंचमहाद्भुतम् ॥१॥

दो०—तृतीय में मनुपुत्र हैं, नृप शर्याति चरित्र ।

चरित सुकन्या रैवत, वर्णन करै बिचित्र ॥२॥

छं० शुक उ—शर्याति भूप हैं मनु के पुत्र, ब्रह्मिष्ठ भये अस गाये हैं ।

अं गिरस ब्राह्मणों की मुख में, दूसर दिन कर्म बताये हैं ॥३॥

है नाम सुकन्या सुताभूष, लै संग च्यवन मुनि बन में गये ॥३॥
 हां कन्या सखी संग धूमै, विमौर में चमक दो दृष्ट भये ॥३॥
 भावीवश कांटा लै कन्या, छेदन कीना बहु रक्त बहा ॥४॥
 मलमूत्र बंद भया चट सबका, हैं विकल भया आश्चर्य महा ॥५॥
 पूंछै नृप क्या अपराध किया, किसने मुनिका आश्रम दूषण ॥६॥
 कांटे से छेदा सुता कहै, विन जाने हे पितु नर भूषण ॥७॥

दो०—बाणी कन्या की सुनी, नृप अतिशय घबरान ।

बहुत विनय मुनिसे करी, भे प्रसन्न भगवान ॥८॥

छं०—मुनि कहैं हमें यह सुता व्याहु, नृप संकट लखिदै घर आये ॥९॥
 क्रोधी पतिपाय सुकन्या नित, सेवा करती मनचित लाये ॥१०॥
 अश्विनि कुमार मुनि निकट गये, सुखैद्य कहैं मुनियुवा करो ॥११॥
 मख भाग दिलावैं तुमको हम, वयरूप मनोहर तनमें धरो ॥१२॥
 अञ्छा कहि औषधि कुंड रचा, मुनिसे कहते कीजै स्नान ॥१३॥
 हां कहि मुनिवैद्य तिहूं न्हाये, दुर्बल मुनि तुरतै भे हैं ज्वान ॥१४॥
 गलमाल वस्त्र कुंडल धारे, नारी प्रिय तीन पुरुष निकले ॥१५॥
 लखि पति नहिं जानै पतिव्रता, ली सुखैद्यों की शरण भले ॥१६॥

दो०—पतिव्रत से दोउ प्रसन्न हैं, मुनिपति दीन्ह लखाय ।

गये स्वर्ग को हर्षि हिय, मुनि की आज्ञा पाय ॥१७॥

छं०—शर्याति पुत्रहित यज्ञ करैं, मुनि लेने को आश्रम आये ।
 आश्रममें कन्या निकट तरुण, नर मुनिही को नृप लख पाये ॥१८॥
 लखि पितासुता करती प्रणाम, नृपउदास देहि न आशिर्वाद ॥१९॥
 रे दुष्टे मुनि पति त्याग किया, लखि वृद्ध जारनर गहि दुर्वाद ॥२०॥

कुल कन्या है किमि मति पलटी, कुल दूषण तू पर पुरुष किया ।
निर्लज्ज पिता औ पति कुलको, दोनों ही नर्क पहुंचाय दिया ॥२१॥
पितु बाणी सुनि नमि मुसकाई, भृगु नन्दन मुनि यह है कहती ॥२२॥
सब कथा कही सुनि प्रसन्न पितु, है योगसुता नृपबुधि चहती ॥२३॥

दो०—नृप मुनि को ले गये गृह, सुत हित कीनी याग ।

च्यवन अश्विनी पुत्र को, दियो सोम का भाग ॥२४॥

छं०—रोकते इन्द्र मुनि हठ कीना, सुरपति ने बज्र उठाय लिया ।
हुंकरि सबज्र मुनि बांधि हाथ, दिलवाय भाग तब ठीक किया ॥
यह प्रताप था विप्रों का प्रथम, अब तो और ही कमाई है ।
तप भजन भार में झोंक दिया, शौकों पर करी चढ़ाई है ॥२५॥
सुखैद्य समझि नहीं देत भाग, मुनि दाया से सब ठौर मिला ।
जाती का चकर सबी ठौर, हिलता नहिलाये जाति किला ॥२६॥
सुत भूरिषेण उत्तान बहि, आनर्त के रेवत पुत्र भये ॥२७॥
रेवत ने बसाई कुशस्थली, आनर्त देश सब राज लये ॥२८॥

दो०—शत सुत ज्येष्ठ ककुद्भी, रेवत जिसका नाम ।

निज कन्या वे रेवती, लै पहुंचे विधि धाम ॥२९॥

छं०—बर पूंछनगे कन्या के हेत, तहं गान होय नृप मौन रहे ॥३०॥
नृप पाय समय विधि से पूंछा, ब्रह्मा हंसि नृप से बैन कहै ॥३१॥
जिनको सोचा नृप मरे सभी, नाती पोते कुल गोत्र नहीं ॥३२॥
सत्ताइश चौयुग बीति गये, बल देवहि कन्या देहु सही ॥३३॥
भूभार उतारै को आयै, यह कन्या रत्न नर रत्न योग ॥३४॥
निजअंश सहित प्रभु पूर्ण उतरि, नमिनृप आयै कीना संयोग ॥३५॥

दो०—पुर तजि भाई भगि मरे, यत्न बहुत भय कीन,
कन्या दै बलदेव को, बदरी बन थल लीन ॥३६॥

भजन—नारि को पतिव्रत धर्म प्रधान ॥ टे० ॥

तन मनसे पति सेवा कीजै, पति मानै भगवान ॥

जीवत नारि सबै सुख पावै, मुक्ति होय तजि प्रान ।

जो मतिमन्द नारि नहिं सोचै, पर पुरुषहिमें ध्यान ॥

यहां अपयश दुख मिलै सबै बिधि, पै हैं नर्क निदान ।

माधवराम श्याम पद चित दै, पति सेवा गुनगान ॥

इति श्री० भा० भा० नवम स्कंधे तृतीयोऽध्यायः

श्रीमद्भागवते भाषा सरस काव्यनिधौ नवम स्कंधे चतुर्थोऽध्यायः

श्लो०—चतुर्थे मनुपुत्रस्य नभगस्य कथोच्यते ।

तत्सूनोश्चाम्बरीषस्य, कृत्या प्रतिहता यतः ॥१॥

दो०—चौथे में मनुसुत नभग, तिनकी कथा बखान ।

अंबरीष सुत जासु हैं, मुनि कृत्या हैरान ॥ ॥२॥

छंशुक उ०—सुत नभगहुके नाभाग अहैं, विद्वानब्रह्मचारी सतमन ।

पितुही विभागमें देहि भाय, जिनका सब बांटी लिया पितुधन ॥१॥

भाइयों से पूछा हमको क्या, देते हो बाप को ले जावो ।

श्रद्धा से ले आये पितु को, सेवा कीनी मति बसवो ॥२॥

[१४८] * श्रीमद्भागवते भाषासरसकाव्यनिधौ *

पितु सुतसे कहैं मुनि आंगिरसहु, छठे दिन कर्म भूल जाते ॥३॥
 दो आचा वैश्व देवी जा कहो, मख शेष देहिं धन तुम लाते ॥४॥
 देंगे जावो तैसही किया, धन शेष दिया मुनि स्वर्ग गये ॥५॥
 इक श्याम पुरुष आकर रोकै, मखशेष लेहिं हम तुमन लिये ॥६॥

दो०—दिया मुनी हम नृप कहैं, पूंछहु पितु से जाय ॥७॥

पूँछा पितु कहैं लेहिं शिव, भाग उन्हीं का आय ॥८॥

छं०—कहते हैं नभगनाभि आपलेहु, पितुकहा क्षमहु मेरा अपराध ।
 शिव कहैं दोउ ने सत्य कहा, दूँ ज्ञान मंत्र दूक तोहिं प्रसाद । १०।
 मख द्रव्य लेहु सब हम प्रसन्न, सत्य प्रिय शिव कहि गुप्त भये । ११।
 कवि होय मंत्र विद प्रातकाल, सुमिरै प्रसंग यह चित्त दिये ॥१२॥
 नाभाग पुत्र भे अम्बरीष, हरिभक्त बड़े हैं पुण्यवान ।
 जिन्है वल्लशाप भी नहीं लगा, रक्षा कीनी सुचक्र भगवान । १३।
 राजोवाच-राजर्षी बुद्धिमान राजा, इनका हम चरित सुना चाहते ।
 जहं ब्रह्मदंड बेकार भया, क्या कारण जो मुनिवर कहते ॥१४॥

दो० शुक उ०—अम्बरीष हरि भक्त नृप, सात द्वीप लौं राज ।

लक्ष्मीविभव अतुल अहै, हरिहिय माहिं बिराज । १५

छं०—सबबिभव स्वप्न समनृप मानै, जिससे गतिनाश नर्क पावै । १६।
 हरि हरिजन पदमें चित लगाय, सब बिभव तुच्छ मनमें लावै । १७।
 कहते मनवो गुनै कृष्ण चरण, यश नाम कहै सो बाणी है ।
 हरि मंदिर सेवा करै हाथ, सुन कथा कान तो प्राणी है ॥१८॥
 करै मुकुंद दर्शन तब हैं नैन, हरिजन परशैं तब साचैं अंग ।
 हरि चढ़े पुण्य सूँघैं तो नाक, जिह्वा प्रसाद ले सुधरै ढंग ॥१९॥

मन्दिर तीरथ जावैं तो पद, द्विज हरि गुरु नमै तो सांचा शिर ।
भक्ती की चाह नहिं दुनियाकी, प्रभुजन प्रभुमिलैं आश फिर फिर ।

दो०—सकल कर्महरि अर्पण, करि मालिक भगवान ।

सर्वभाव से सेइहरि, महिपालै धरि ध्यान ॥२१॥

मन्दिर रचना इनमे ही चली, जिसका कुछ हाल सुनाते हैं ।
मूर्ती स्थापन मन्दिर रचि, सब सेवा आपहि लाते हैं ॥
भक्ता इकराज सुता नृप से, हठ करि इसही से व्याह किया ।
अपि कर मन्दिर की सेवा में, पार्षद मार्जन में भाग लिया ॥
लखि कर भूपति कह चोरी भै, पूछे से हाल बताया है ।
कीन्ही है जांच लखु रानी ने, हरि सेवा में मन लाया है ॥
नृप कहैं न इसमें शामिल हो, रानी कहती मन्दिर कर दो ।
भगवान पधारो मैं सेवौ, मांगू भिक्षा पति हर बर दो ॥

दो०—किया तैसही आप नृप, हरि हित पीसै चून ।

हरि पीछे हांकै हवा, लखि नृप सूखा खून ॥२२॥

छं० नमि हांहां प्रभु यह क्या करते, प्रभु कहते तुम यह क्या करते ।
देखो भक्ती अरु प्रेम दशा, जनहरि हरिजनका हित धरते ॥
मत पीसो कहिहरि गुप्त भये, लखु रानी प्रेम दशा सुनिये ।
सब सेवा निज प्रभु की माधै, पधराय रात में गुन गुनिये ॥
गावैं नाचैं विह्वल होके, प्रेमाश्रु बहैं तन होश नहीं ।
हरि प्रगट मूर्ति से भक्त सहित, हो बात चात वह गान सहीं ॥
पहरेदारों ने आहट पा, राजा से खबर जनाई है ।
अपराध क्षमा कीजै राजन, रानी लखु बलाय लाई है ॥

[१५०] * श्रीमद्भागवते भाषासरसकान्यनिधौ *

दो०—जाकर छिपिराजा लखै, प्रगट भक्त भगवान ।

कीन दंडवत जाय नृप, विमरा देह अपान ॥२३॥

छं०—करिद्रिया पुजारी निज मंदिर, नृप रानी के मंदिर आवैं ।
लखि दशा सबै रानी विस्मित, दश कोना नृपको मन लावैं ॥
पूछे से बताई युक्ति यहो, मंदिर बनवाय सेइ दै धित ।
मंदिर रचवाय करैं सेवा, दर्शन हित राजा आवैं नित ॥
सब रानी कीना मंत्रि प्रजा, फिर देश देश में चाल चली ।
थी पहिले भी पर भूपति से, यह रीतो ज़ोरदार निकली ॥
औरहू चरित्र विचित्र अहैं, सब नहीं कहे इतनी ही कहा ।
अब सुनो चरित्र भागवत में, मुनि व्यास लिखा है विशद महा ॥

दो०—अश्वमेध करि विविधिविधि, मुनिन दक्षिणा दीन ।

असित वशिष्ठ गौतमहु, सरस्वती तटकीन ॥२४॥

छं०—नृप मखसुरपतिमख मुनिसमभे, आश्चर्यदेखिनहिं पलक लगै ।
नहिं प्रजा स्वर्ग सुख का चाहैं, हरिगुण गावैं हिय प्रेम जगै ॥२४॥
सब होय कामना पूर नित्य, कुछ बांकी नहिं हरि हिये निरखि ॥२५॥
तपयुक्त भक्ति करि हरि पूजै, सब संग तजै जगमें दुखलखि ॥२६॥
गृहधन तियसुत कुटुम्ब हय गज, रथसेन आदि माया सारी ।
आभूषण आयुध सबही में, की असत बुद्धि भजि गिरधारी ॥२७॥
रत्ना के हित हरि चक्र दिया, शत्रुओं को अतिशय भयदाई ।
एकांत भाव से प्रसन्नहरि, सेवक की रत्ना मनलाई ॥२८॥

दो०—तुल्य शील रानी सहित, कृष्ण अराधन कीन ।

साल भरे की द्वादशी, व्रत धारन नृप लीन ॥२९॥

छं०—कार्तिक के अंतमें इकादशी, व्रतधारि भूपतहं पूजहिं हरि ।
 दशमी में एक अहार एकादशि, निर्जल द्वादशि पास्याकर ॥३०॥
 करि महाभिषेक समग्री सब, चंदन वस्त्रादिक अर्पि दिये ॥३१॥
 प्रभु कृष्णमें अंतर भाव किया, पक्वानसे ब्राह्मण तृप्त किये ॥३२॥
 महि चांरी से खुर स्वर्ण शृङ्ग, पय बद्धशयुत गौवों के दान ॥३३॥
 विप्रों को दै बहु दान दिया, भोजन कराय करिकै सन्मान ॥३४॥
 सब पूर्ण काम आज्ञा लैके, नृप पारण कर मुनिवर आये ॥३५॥
 दुर्वासा को नृप पूजि भले, भोजन करि ये कहि शिर नाये ॥३६॥

दो०—हां करि मुनि स्नान हित, गे यमुना के तीर ।

कर्म अवश्यक में लगे, ध्यान धरै मुनि धीर ॥३६॥

छं०—आधी मुहूर्त द्वादशी रही, नृप द्विजहिं पृच्छते संकट परि ॥३७॥
 विन विप्र जिमाये जीमें दोष, या द्वादशिमें पारण नहिं करि ।
 नहिं अर्चन पाप लगे मुक्त को, जो करिकै हित मम हो जावै ॥३८॥
 ब्राह्मण कहते जल पियै भूष, व्रत औ भोजन संज्ञा लावै ॥३९॥
 जल आचमन कर व्रत पूर्ण किया, परखे हैं मुनिको हरि ध्यावै ॥४०॥
 दुर्वासा यमुना तट से आय, आदर कर नृप कृति लख पावै ॥४१॥
 क्रोपित है कंप भौह टेढ़ी, भूखे मुनि राजा नमै कहै ॥४२॥
 धनमत्त नीच नृप अधर्म करि, हरि में अभक्त अभिमान लहै ॥४३॥

दो०—आय अतिथि न्यौता दियो, भोजन दियो न ताहि ।

पहले नृप आहार कर, देखहु फल कस आहि ॥४४॥

छं०—असकहिकरि कोप जटाउसारि, कालानल समकृत्याकीनी ॥४५॥
 लै खड्ग भूप पर दौड़ी वह, महि कापै नृपशांती लीनी ॥४६॥

। १५२। * श्रीमद्भागवते भाषासरसकाव्यनिधौ *

रक्षा में चक्र सुदर्शन थे, आते लखि चट से भस्म किया ॥४८॥
ज्यों अग्नि सर्पको निर्फल लखि, श्रमभागे मुनिरक्षार्थ हिया ॥४९॥
दावाग्नितुल्यहरिचक्रभूषण, दशदिशिमुनि रक्षाहित भागे ॥५०॥
महिसिंधु अकाश गुफा लोकहु, पीछे है चक्र लखै लागे ॥५१॥
द्वंद्वते शरण नहीं मिलै कहूँ, विधि पास गये राखौ हमको ।
हो अमित तेज यह चक्र दहै, हम ब्राह्मण हैं बाजिब तुमको ॥५२॥

ब्रह्मोवाच दो०—लोक हमार जगत सहित, भ्रू विलास से नाश ।

द्वैपयार्थ क्रीडांत है, कालात्मा हरि आश ॥५३॥

छं०—हमरुद्र दक्षभृगु आदिक सब, आज्ञा जिस हरि की शिर धरते ।
नहिं राखि सकैं सुनि भागे मुनि, पहुंचे शिव पै भयसे डरते ॥५४॥

रुद्र उ०—लखिशिव कहते हम समर्थ नहीं, जहं बहु ब्रह्मांड होय नाशैं ॥

हम भ्रमते विधि नारदहु सनक, देवल आसुरि माया फासैं ॥५७॥

मुनिमरीचि आदिकलखि न सकैं, माया जिसकी कोइ नहिं जानै ।

विश्वेश्वर हरिका चक्र अहै, हरि ही पै जाव हम यह ठानै ॥५६॥

सुनि दुर्वासा बैकुंठ गये, लक्ष्मी समेत जहं विष्णु रहैं ॥५७॥

जरते हैं चक्र से पद में पड़े, अपराधी राखहु बचन कहैं ॥५८॥

दो०—बिन जाने अपराध भा, लखा न भक्त तुम्हार ।

कीजै हरि उद्धार अब, नामहि लेत उबार ॥५९॥

छं० उ०—हमभक्त अधीनस्वतंत्र नहीं, भक्तहि हियमें भक्तहिजिय हैं ।
नहिं चहौं भक्त बिन आत्मा को, लक्ष्मी नाहीं जसजन प्रिय हैं ॥६०॥

तिय धन सुत प्राण त्यागि मुझको, चाहैं कैसे हम त्याग धरें ॥६१॥

समदर्शी मेरे में चित धरि, पतिको तिय तिभि मोहि बशमें करें ॥६२॥

सालोक आदि चारों मुक्ती, ममसेवा बिन नहिं एक चहैं ॥६७॥
 मम हृदय साधुहिय साधुके हम, वहहमैं हमहुं उनही को लहैं ॥६८॥
 सुनलो उपाय यह करतब की, भक्तों से बैर करि पलटि दुखी ॥६९॥
 तप विद्या द्विजका भला करै, दुर्नीति न तिनसों होय सुखी ॥७०॥

दो०—अम्बरीष पंह जाहु द्विज, करहु क्षमा अपराध ।

शांति पाइ हौ शीघ्र ही, यह साधन लो साध ॥७१॥

भजन—मक्तजन हरि को प्राण पियारे,

अपने तनको तनक न मानै, लक्ष्मी रहत बिसारे ।

विधि शिव लोकपाल सुर आदिक, हैं सबके रखवारे ॥१॥

भक्त ढेर सुनतै खुनन्दन, धावत पांव उधारे ।

गजको राखि ग्राहके फंदन, चक्रसे बक्र विदारे ॥२॥

सुनत ढेर द्रौपदि की आरत, हरि पटपीत पसारे ।

सुनि प्रह्लाद हांक हरि निकसे, दैत्य शरीर बिदारे ॥३॥

हरि राजत हैं भक्त हृदय में, हरि हिय भक्त पधारे ।

माधवराम असल गुनि हर को, पदके रहै सहारे ॥४॥

इति श्री० भा० भा० नवम स्कंधे चतुर्थोऽध्यायः



श्रीमद्भागवते भाषा सरस काव्यनिधौ नवम स्कंध पंचमोऽध्यायः

श्लो०—पंचमे विष्णु चक्रं तु प्रसाद्य प्राण संकटात् ।

दुर्वासा रक्षितस्तेन तथा तद्वृत्तमीर्यते ॥१॥

दो०—पंचयें में हरि चक्र से, मुनि लहि संकट प्राण ।

नृप स्तुति करि राखही यह सब कथा बखान ॥

छं० शुक उ०—दुर्वासा हरिआज्ञा पाकर, अतिदुरित भूपके पास गये ।

पद परसे राजा लज्जित है, दुखलहि बिनती बहु करत भये ॥२॥

अम्बरीष उ०—तुम अग्नि सूर्य शशि ज्योतिरूप, जलमहि प्रकाश वायुमात्रा

है नमो चक्र प्रभु सहस्र धार, सब अस्र घाति हो द्विज त्राता ॥४॥

तुम यज्ञ धर्म सत्य स्वरूप, तुम लोकपाल सर्वात्म पुरुष ॥५॥

रक्षक सब धर्म सेतु के तुम, करते अधर्मिजन नाश हरष ।

त्रैलोक गोप्ता शुद्ध तेज, मनबेग कर्म अद्भुत है नमो ॥६॥

लै तैज महात्मा जन रक्षक, अत् असत् रूप मय हरत तमो ॥७॥

दो०—छोड़हि विष्णु तुम्हें जबै, दैत्यन फौज भंभार ।

शिर पद अंग अनेक तहं, देत काटि महि डार ॥८॥

छं०—तुम जग रक्षा हित हरिसे भये, ममबंशदेव द्विज दयाकरो ।

हम दान यज्ञ कुछ धर्म किया, हों इष्टदेव द्विज बचन धरो ॥१०॥

सब गुण आश्रय हरि हों प्रसन्न, हम पर कुछ दाया धारी हो ।

सबही प्रकार द्विज रक्षा हो, हम मांगै द्विज न दुखारी हो ॥११॥

शुक उ०—दो०—विनय करी नृप चक्रकी, द्विज रक्षा में लीन ।

राजाकी सुनि याचना, विप्रताप तजि दीन ॥१२॥

* नवम स्कंधे पंचमोऽध्यायः *

[१५५]

छं०—दुर्वासा चक्र ताप से छुटि, जब सावधानता पाये हैं ।
 करि बहुत प्रशंसा राजा की, आशिष दै बचन सुनाये हैं ॥१३॥
 दुर्वासा उ०—अहो आज भक्त महिमा देखी, अपराध किये का भला करे
 दुष्कर दुस्त्यज क्या भक्तों को, त्रैलोक्य पती हरि हियमें धरे ॥१५॥
 यश नाम सुने जग हो पवित्र, हरि दासों को बांकी न रहा ॥१६॥
 नृप दयावान तुम दया करी, अपराध भुला मम जीव चहा ॥१७॥
 परखे द्विजको जी में न भूष, पदगहि प्रसन्न करि जिमा दिया ॥१८॥
 करि भोजन मुनी तृप्त हर्षित, कह जीमो नृप तब अन्न लिया ॥१९॥
 दो०—दया करी हम प्रसन्न हैं, हरी भक्त नृप आप ।

दर्शन पर्शन बचन से, छुटै दुःख संताप ॥२०॥

छं०—सुर पुर में सुरनारी सबही, तब विमल कीर्ति नृप गावैंगी ।
 अति पवित्र पृथ्वी पर भी प्रजा, नित गाय २ फैलावैंगी ॥२१॥
 छं० शुक व०—यशगायकूपके मुनि हर्षित, ऋषिदाशीघ्र विधिलोक गये ।
 इक वर्ष बीत गया मुनि फिरते, तजि अन्न भूष जल पियत भये २२
 छं०—मुनिको खवाय अति शुद्ध अन्न, खुश हो राजा भोजन कीना ।
 ऋषि संकट छूटा भूष खुशी, पाया सर्वस जनु नृप लीना ॥२४॥
 ऐसे अनेक है नृप में गुण, परमात्मा वासुदेव के जन ।
 सब करि हरि ही प्रसन्न करते, विधि लोकहु नाश समझते मन ॥२५॥
 दै राज्य पुत्र को धीर नृपति, लखि अंत समय बन गये भजन ।
 मन लगाय आत्मा हरि में भूष, तजि गुण प्रवाह गतिलीन सुमन २६
 दो०—आख्यान अम्बरीष नृप, कीनो विमल बखान ।
 पढ़ै सुनै नरनारि जे, होय भक्त भगवान ॥२७॥

भजन—सदा जन रक्षक दीन दयाल ।

जब जब संकट पड़े भक्त पर, हरी होंय प्रतिपाल ॥


हरि रक्षक हैं जिनके हरदम, भक्त भारै जहँ काल ।

प्रभु के बल पर भक्त सदा रह, चलति न मायाचाल ॥

हरि दर्शन से भक्तमगन हैं, करि कै भजन निहाल ।

माधवराम श्याम हियमें धरि, छोड़ा जग जंजाल ॥

इति श्री० भा० भा० नवम स्कंधे पंचमोऽध्यायः समाप्तः ।



श्रीमद्भागवते भाषा सरस काव्यनिधौ नवम
स्कंधे षष्ठोऽध्यायः ॥

श्लो०—षष्ठारम्भेऽम्बरीषस्य वंशमुक्त्वा ततः परम् ।

तत्र षष्ठे शशादादिर्मान्धात्रन्तो निरूप्यते ॥१॥

दो०—अम्बरीष को वंश कहि, कुल इक्ष्वाकु बखान ।

छठवें में शश आदि नृप, मांधाता युग गान ॥१॥

छं० शुक उ०—सुतअम्बरीषके भयेतीन, शंभूविरूप अरुकेतुमान ।

पृषदश्व विरूपके तहं रथि तर, इनसे न भई है जब संतान ॥१॥

अङ्गिरा पुत्र पैदा कीने, निज तपबल से सुत तेज भये ॥२॥

आङ्गिरस गोत्री कह लाये, क्षत्रीपन लै ब्राह्मण कुलये ॥३॥

वीकते मनू के इक्ष्वाकु पुत्र, पैदा भे सौ सुत है जिनमें ॥४॥

निमिदण्ड विकुक्षि पचीस पुत्र, आर्यावर्तहि नृप भे तिनमें ॥५॥

बांकी सब ठौर विकुक्षि गये, पितु आज्ञा लै शुचि मांस लेन ॥६॥

हां करि बन जाय शिकार खेलि, भूखे खाया सुधि गई चैन । ७

दो०--श्राद्ध हेत बांकी दिया, गुरु कीनी जब जांच ।

पढ़ा मन्त्र प्रोक्षण किया, जूठा गुनि कहं सांच ॥

छं०-यह जूठा श्राद्ध योग नहिं हैं, तब मांस श्राद्ध नृप बहु करते ।
कलियुग में शास्त्र निषेध करै, हविही से तृप्ति पितर चाहते ॥८॥
गुरु कहा पुत्रका कर्म अशुभ, निज देश से पुत्र निकाल दिया । ९॥
इच्छाकु राज से विराग ले, योगी तन तजि पर धाम लिया । १०॥
पितु गये विकुक्षि भये राजा, भा नाम शशाद यज्ञ कीनी ॥११॥
पुनि नाम ककुत्स्थ पुरंजभये, सब कथा सुनो जसगति लीनी । १२॥
देवता दैत्य का भया युद्ध, हारे सुर राजा यहं आये ॥१३॥
मांगी सहाय नृप कहैं इन्द्र, बनि जाय बैल तो जप पाये ॥१४॥

दो०-इन्द्र बने वृष हरि कहा, धनु लै नृप असवार ।

नाम ककुत्स्थ भया तबै, युद्ध हेत तैयार ॥१५॥

छं०-हरि तेजसे तेज बढ़ा नृपका, जापच्छिम असुर नगर घेरा । १६॥
भा घोर युद्ध दैत्यन पञ्चारि शीघ्रही दीन यमपुर डेरा ॥१७॥
बाणों की वारज्यों अग्निधार, रणछोड़ि कितनेही भागिचले । १८॥
पुरधन श्री जयकरि इन्द्रहि दै, लै नाम पुरंजय सोह भले ॥१९॥
सुत भया अनेना तिसके पृथु, तहं विश्वरन्धि तहं चंद्र भये । २०॥
तिसके युवनाश्व शावस्त तहां, शाबस्ती पुरी रचि पुण्य नये ।
तिसके वृहदश्व भये सुत हैं, इनके कुबलाश्व धुंधुमारा ॥२१॥
इकइस हजार सुत जरे तहां, बचि गये तीन कुल निस्तारा । २२॥

[१५८] * श्रीमद्भागवते भाषासरसकाव्यनिधौ *

दो०—धुंधुमार पदवी मिली, यदपि भये सुत नाश ।

असुर मुखाग्नि जरावती बिपति सहैं यश आश ॥२३॥

छं०—कपिलाश्व दृढाश्वऔ भद्राश्वहु सुतदृढाश्वके हर्यश्व भये ।२४

तिसके निकुंभ तहं बर्हणास्व, तहं कृष्णाश्वसे न जितौ तहं ये ।२५।

युवनाश्व तहां इनके सौ तिय, सुत हेत इन्द्रकी यज्ञ करी ।२६।

निशिमें पुंसवन मंत्रजल नृप, उठिपान कियानहिं समुष्मिपरी ।२७

खालीं लखि कलश विप्र पूंछै, को पिया भूपकह हमने पिया ।२८

राजाने पिया जल द्विज कहते, है दैवप्रबल नहिंचलत क्रिया ।२९

होगा सुत नृपके गर्भ रहा, पुनि कोषि फारि बालक निकला ।३०।

दोवै को इसको दूध प्याव, कहि मांघाता करि इन्द्र भला ॥३१॥

दो०—दिई तर्जनी बालमुख, सुरप्रसाद पितु जीव ।

तप करिकै युवनाश्व नृप, पाई मुक्ति अतीव ॥३२॥

छं०—त्रसदस्यु मांघाता है नाम, रावणादि दस्यू भय धरते ॥३३॥

मांघाता चक्रवर्ति राजा, सातहु दीपस्वराज करते ॥३४॥

की यज्ञ बहुत दक्षिणा दई, सब बेददेव मयमख अतिशय ॥३५॥

विधि मंत्रयज्ञ यजमान विप्र, जहं देशकाल धर्महु हरिमय ॥३६॥

जहं सूर्य उदय पुनि अस्त होय, नृप मांघातकी राज अहै ।३७।

रानी थी विंदुमती जिसमें, पुरुकुत्स पुत्र मुचुकुन्द लहैं ।

सौ बहिन सौ भरी मुनि व्याहीं, तीसर सुत अंवरीष जाये ॥३८॥

यमुना जलमें सौ भरी तपै, मछलीका बंश मुनिलखि पाये ।३९।

दो०—भै इच्छा है व्याह की, मांगी कन्या एक ।

वरै स्वयंवर नृप कहैं, सो तुम लेहु न टेक ॥४०॥

छं०-मुनिसोचि बूढलखिको व्याहै, नृपिदशा देखि यों ज्वाब दिया ।
 सुरतिय मोहन निज रूपधरौ, क्या नृप कन्या मनमोह लिया ॥४२॥
 धरि सुघर रूप रनिवास गये, सबही ने बरा हम हम करिकै ॥४३॥
 तुम नहीं वरौ हम तुम नहिं हम, मम तुल्य अहै भगडै लड़िकै ॥४४॥
 नृपसब व्याही मुनिसब लाये, निजयोगसे महल समान किये ॥४५॥
 गहना सुवस्त्र दासहु दासी, सुरपुर से बढि आनन्द दिये ॥४६॥
 नृप चक्रवर्ति मुनि प्रभुता लखि, निज प्रभुताका गुमान मोड़ा ॥४७॥
 यों करिगृहस्थ नहिं तृप्तिमिली, ज्यों अग्निजलैजस घृतझोड़ा ४८

दो०-भजन समय सोचहिं मुनी, भा तप सकल विनाश ।

मीन संग परिवार लखि, परी गरे गृह फास ॥४९॥

छं०-हा लखो हमारातप विनाश, करिमीनसंग तपछीन किया ५०
 है मुमुक्षु गृही संग त्यागौ, एकांत बसै सत संग लिया ॥५१॥
 हम एक तपस्वी जल में तपै, मछली लखि एक पचास भये ।
 इक इक में सौ सौ पांच सहस्र, नहिं अन्त मनोरथ नये नये ॥५२॥
 बसि गृह विराग लै यती तुल्य, बन गये रनियां संग चलीं ॥५३॥
 तपिआत्म सोखि परमात्म मिले, योगी थे मुनिगतिपाई भली ॥५४॥

दो०-पति की आतम गति लखी, तियतनु तजि मिलि जांय ।

अग्नि शांत में लपट ज्यों, हरि में गई समाय ॥५५॥

भजन-संग से बंधन मुक्ती होय ।

साधु संग करि मुक्ति लेत सब, कहते शास्त्र द्योय ॥

करि कुसंग ले बंध नर्क दुख, लखो न साखत गोय ।

लाल रंग से लाल होय जल, कार कारसे तीय ॥

[१६०] * श्रीमद्भागवते भाषासरसकाव्यनिधौ *

फूल संग वायू सुगंध युत, मल संग दे बदबोय ।
संग अनेक फांसते जगसे, तहां प्रबल तिय जोय ॥
पर तिय यार महा दुखदाई, जरा लोह सम टोय ।
माधवराम श्याम गुन गावै, जानै एक न दोय ॥

इति श्री भा० भा० सरसकाव्यनिधौ नवमस्कंधे षष्ठोऽध्यायः

श्रीमद्भागवते भाषा सरस काव्यनिधौ नवम
स्कंधे सप्तमोऽध्यायः ॥

श्लो०—माधातुरन्वयः प्रोक्तः सप्तमे यत्र गीयते ।

पुरुकुत्सस्य चाख्यानं हरिश्चंद्रस्य चोत्तमम् ॥१॥

दो०—माधाता को बंश कहि, पुरुकुत्सहु आख्यान ।

सतयें में बर्णन करै, हरिश्चन्द्र सत ज्ञान ॥

छं० शुक उ०—माधाताके सुत अम्बरीष, तिसके सुत नृप हारीतभये । १

नर्मदा वहिन सपों की रही, पुरुकुत्स व्याहि पाताल गये ॥२॥

गंधर्वों को करि बिजय तहां, सपों से अभय बर लाये हैं ॥३॥

पुरुकुत्स के त्रसदस्यु जानो, अनरण्य पुत्र तिन पाये हैं ।

तिनके हर्यश्च अरुण तिनके, तिनके सुत भूप त्रिबंधन है ॥४॥

सत्यवृत तहां त्रिशंकु सोइ, गुरु शाप से चांडाल तन हैं ॥५॥

तन सहित स्वर्ग मे दिखै अबहुं, सुर नीचे डारें गुरु साधा ।

विपरीत चाल चलने से सुनों, होती हैं जगत में सौ बाधा ॥

कोइ तन समेत नहिं गया स्वर्ग, यह देह सहित जाना चाहते ।
हठ करने पर गुरु वशिष्ठ से, हो चांडाल शापहु लहते ॥

दो०—विश्वा मित्र मदद करी, निज तपसे पहुंचाव ।

पहुंचे नहिं लटके रहे, ऊपर तरे न आव ॥६॥

छं०—भे त्रिशंकु के सुत हरिश्चन्द्र, जो सत्य व्रत दृढ धारा है ।
अजमाया विश्वामित्र ने बहु, नहिं किसौ भांति सत टारा है ॥
नाटक लीला में दृश्य बहुत, जिनके दिखलाये जाते हैं ।
इस हेतु यहां संचेपहि में, हम उनका चरित सुनाते हैं ॥
सुरपुर में गुरु वशिष्ठ पहुंचे, सुरपति ने सत्य भूप पूंछा ।
कहते वशिष्ठ हैं हरिश्चन्द्र, नहिं जगत रहै कबहुं छूँछा ॥
विश्वामित्रहु पहुंचे ये सुना, कहं ये यजमान बढ़ाई है ।
हम नहीं देखते दुनियां में, जो सत पर दृढता लाई है ॥

दो०—हैं नाहीं बत बढ भया, दोऊ मुनि हठ कीन ।

विश्वामित्र छिपाय कै, भूप परीक्षा लीन ॥

छं०—माया सूकर रचि शिकार के, मिससे भूपति को बन लाये ।
सूकर भग गया भूप भूले, भट्ट पलटि बेषमुनि बर आये ॥
कहि पर्व व्याह कन्या का कहै, नृपसे सब दान कराय दिया ।
संहिता हेत पुनि विश्वामित्र, कुछ बहुत नगद धन दान लिया ॥
प्रगटे संग आ सब राज लई, संहिता तगादा करते हैं ।
दो भूपति या नाहीं कर दो, विन लिये न धीरज धरते हैं ॥
पर हरिश्चन्द्र नृप सत धारी, नाहीं न करी यह यत्न किया ।
काशी में जाय तिय सुत निज तन, क्रमसे सबही को बेंच दिया ॥

नृप भरै डोंम घर पानी, आप, रानी दासी हैं पर घर में ।
होता है सत्य में दुख पहले, नर नारि तजो मत हर बर में ॥
सुत मरा जलाने को रानी, श्मशान में जब लाई है ।
मांगते वस्त्र नहीं पास सूत, सुनके रानी घबड़ाई है ॥

दो०—अंत मौत पर आ गई, प्रगटे श्री भगवान ।

सत्य परीक्षा पास भे, दया करी जन जान ॥

छं०—बालक जिवाय सब राज दिई, बरदान मुक्ति दै प्रभू गये ।
सत्यव्रत पाला हरिश्चन्द्र, विश्वामित्रहु शरमात भये ॥
इसके निमित्त गुरु बशिष्ठ ने, विश्वामित्रहि दे दीना शाय ।
आड़ी पत्नी हो उनको भी दीना मुनि बगला होवो आप ॥
यजमान के पीछे यह गति भै, बहु वर्ष पक्षि हो लड़त रहे
ब्रह्मा ने आ उद्धार किया, तब अपना अपना रूप लहे ॥७॥
जब हरिश्चन्द्र के पुत्र न था, हो पुत्र वरुण मानता करी ॥८॥
जो सुत होगा बलि उसकी दे, करें यज्ञ वरुणकी मनमें धरी ॥९॥

दो०—रोहित सुत भे करो मख, वरुण प्रश्न जा कीन ।

होय शुद्ध दश दिन गये, नृप यह उत्तर दीन ॥१०॥

छं०—दश दिनभे करो कह दंतहोय, तबसुत पवित्रपशु होजावै ११
भे दंत कहे नृप फेर दाँत, जब निकलै तब पूजा आवै ॥१२॥
गिर गये दाँत फिर कहा करो, निकलैगे दाँत नृप प्रथम कहा ॥१३॥
जब निकल दंत कर वरुण कहैं, धनुधारी हो तब होय चहा ॥१४॥
इस भाँति पुत्र में मोह किये, नृप वरुणसे बात बनाते हैं ॥१५॥
सुत रोहित ने जब यह समझा, समझाने से बन जाते हैं ॥१६॥

आ वरुण नृपति रोगी कीना, बढ गया पेट नृप दुखी भये ।
रोहित ने सुना आने को थे, सुरपति द्विज बनितेहि रोकि गये । १७।

दो०—महि बिचरन तीरथ करन, सुरपति ताहि सिखाय ।
घर नहि आवैं देत हैं, शिचा दै दै जाय ॥ १८॥

छं०—दुसरे तिसरे चौथे पंचवें, वृद्धहु द्विज होकर सिखलाये । १९।
६ वर्ष गये तब आये घर अजी गर्त से मध्यम सुत लाये ॥ २०॥
शुनः शोफनाम तेहि पशु करिकै, नृप पुरुषमेध यज्ञहु कीना ॥ २१॥
विश्वामित्रहि मखपूर कीन, सुत मरा न तन निरोग लीना ॥ २२॥
अध्वर्यू विश्वामित्र जहाँ, जमदग्नी ब्रह्मा बशिष्ठ साम ।
सुरपति प्रसन्न है रथ दीना, तन रोग रहित भा पूरन काम ॥ २३॥
कहैं शुनः शेष का चरित फेर, विश्वामित्रहि के पुत्र भये ॥ २४॥
विश्वामित्रहु तेहि ज्ञान दीन, जलवायु, शोधिमन बनहिं गये । २५।
महि जलमें जल अग्नी में लय, वायू में अग्नि सो अकाश में ।
सो अहं में अहं महत में धरि, आत्मा धरि ब्रह्महि प्रकाश में ॥

दो०—तजि अज्ञान मोक्ष लै, भव बंधन छुटि जाँय ।

रहित तर्कना ब्रह्मपद, जीव तौन पद पाय ॥

भजन—सत्य जग में जिन हिय में धार ।

विना परिश्रम भव सागर से, हो जावैं जन पार ॥

पंथ अनेकन बेष संतबहु, मजहब अधिक अपार ।

सत्य एक सबही को प्रिय है, इसमें नहिं तकरार ॥

यासों सबही को नित चाहिये, तज दे झूठ विकार ।

सत्य गहै निर्भय है जावैं, गावैं बेद पुकार ॥

[१६४] * श्रीमद्भागवते भाषासरसकाव्यनिधौ *

जो नर नारि सत्य हिय धारै, ते हैं बड़े उदार ।
माधोराम सत्य दृढ़ धारे, तजिकै झूठ लवार ॥

इति श्री० भा० भा० नवम स्कंधे सप्तमोऽध्यायः समाप्तः ।

श्रीमद्भागवते भाषा सरस काव्यनिधौ नवम
स्कंधे अष्टमोऽध्यायः ॥

श्लो०—अष्टमे रोहितस्योक्तो वंशो यत्राभवन्नृपः ।

सगरः कपिलाक्षेपान्निर्दग्धा यस्य सूनवः ॥१॥

दो०—रोहित वंश विवर्ण कर, सगर प्रताप प्रकाश ।

अठ्ये में मुनि कपिल से, साठि सहस सुत नाश ॥

छं० शुक उ०—रोहितकेहरित तिसके हों चम्प, जो चम्पापुरी बसाई है
चम्पा के पुत्र सुदेव तासु, है विजय कीर्ति बहुपाई है ॥१॥
है तिसके भरुक बृक तासु, अहैं, तिसके बाहुक रिप से हरि हारे
भय खाय शत्रु से बनमें गये, संग रानी जस तस निस्तारे ॥२॥
थे बृद्ध मरे जलती रानी, लखि गर्भवती किया और्व मना ॥३॥
रत्ना हित सौतहु को रोका, लखि गर्भवती किया डाह धना ।
दे दिया जहर भोजन के संग, मुनि रत्ना की सुत नहीं मरा ॥
गर जहर को कहते जहर महित, सुत जन्मा सगरहि नाम परा ॥४॥
पालन रत्ना शिखा मुनि की, सुत चक्रवर्ति पितु राज लिया ।
जिसके सुत खोदि किया सागर, शक यवन कुबेष बनाय दिया ॥५॥

दो०—सब पीड़ित भे सगर से, और्व से विनती कीन ।

छोड़ि दियें गुरु बचन से, कुरूपता करि दीन ॥

छं०—कोइ शिर मूंडे कोई दाढी धर, कोइ खुले बाल वाले हैं यवन । ६।
कोइ वहिरवस्त्र कोइ अंतरकरि, सबको भगायमख किये हवन । ७।
हरि हित मुनि और्व करावैं मख, सुरपति ने घोड़ा चोर लिया ॥ ८॥
सुमती रानी में सगर पुत्र, घोड़ा दूँ दें महि खनन किया ॥ ९॥
खनिसिंधु कपिलमुनि पहंपहुंचे, लखिअश्व कहैं यह ध्यानी चोर ।
मारो मारो लै अस्त्र हाथ, साठिहु हजार चित्तावैं जोर ॥ ११॥
अपराध महात्मा का करते, मुनि खुले नैन सब भस्म भये ॥ १२॥
मुनि जारा कहना उचित नहीं, उनहीं के पाप उन्हें लाय गये ।

दो०—सत्त्व रूप हरि कपिल मुनि, तहां न तम का भास ।

मुनि अपमान पाप बड़, मरे करो विश्वास ॥ १३॥

छं०—जिन सांख्य योग तरने को कहा, है नाव मुमुक्षु भवतरते ।
आत्मज्ञानी परमात्म मयी, किमि ईश्वर कोप हिये करते ॥ १४॥
केशिनी के सुत असमंजस है, तिसके सुत अंशुमान आये ॥ १५॥
अचरज दिखलाया असमंजस, थे पूर्व जन्म योगी पाये ॥ १६॥
नृप पुत्र भये सब याद इमे, सुत प्रजा के लै सरजू बोरै ॥ १७॥
चाहै पितु देहिं निकारि, निकारैं नृप तब सब बालक छोरै ॥ १८॥
सब बालक दे बन गये पुत्र, बालक लखि पुरबासी सोचैं ।
अचरज मानैं राजाहैं विकल, किमि आये सबगुनि दुख मोचैं ॥ १९॥
तव अंशुमान गये अश्व खोज, चाचाओं की जा भस्मलखी ॥ २०॥
लखिमुनि प्रणाम करि स्तुतिकी, ईश्वर औतारहु कपिल ऋषी ॥ २१॥

अंशुमान उ० दो०-कुजन लखै नहिं परपुरुष, समाधि युक्ती कीन ।

किमि देखै जगमें फँसे, तनमन अधिक मलीन ॥

छं०-जै गुणाभिमानि तन धारी, तुममें सब गुन या तमहिं लखै ।

माया से मोहित चित बाहर, प्रकाश लखि तुम्हें न देखि भखै ॥२३॥

दृढ़ ज्ञान नाश माया प्रभुकी, सनकादि ध्यावहम किमि जानै ॥२४॥

गुण कर्म नामसे रहित शांत, उपदेश हेत तब तन मानै ॥२५॥

तुम्हरी माया से रचित लोक, गृह तनधन सुत मानै हैं सांच ।

कामहू क्रोध लोभहू मोह, में फँसे विकल सहते भव आंच ॥२६॥

सब जीवों की आत्मा हे प्रभु, कामना पूर्ण मम चित रह ।

तव दर्शनसे दृढ़ मोह फांस, छूटी माया आनन्द महा ॥२७॥

दो० शुक उ०-विनती सुनि मुनि कपिलहरि, तापर भये दयाल ।

अंशुमान से कहत हैं, कीना ताहि निहाल ॥२८॥

छं० भगवानु उ०-तुम्हरे बाबाका यज्ञपशू, बचायह घोड़ाले जावो ।

यह चाचा सब जलिखाख भये, चाहैं गंगाजल तुम लावो ॥२९॥

दंडौत प्रदक्षिण मुनि बर को, करि विनय बहुत घोड़ा लाये ।

बाबाको दिया भइ यज्ञ पूर्ण, सब हाल कहा जिस विधि पाये ॥३०॥

दो०-अंशमान को राज दै, तजि बंधन बे चाह ।

और्व मुनी की सीख से, गति ली सत उत्साह ॥३१॥

भजन-कठिन है जगमें माया जाल,

जमै वीज अंकुर निकसै पुनि, होय पात बहु डाल ।

फूलै फूलै भरै फिरि जामैं, नाशै कर लो ख्याल ॥३२॥

ऐसे गर्भ आय तहं बाढै, जन्म लेय हो बाल ।
 ज्वान व्याह बालक उपजावै, बाढै जग जंजाल ॥२॥
 सोचत फिकिर करत वृद्धापन, भोगि परै मुख काल ।
 ऐसे जन्म अनेकन बीते, कोटि कल्प-बिकराल ॥३॥
 पायो नरतन मुक्ति लेन को, तजत नहीं ढंग चाल ।
 माधवराम सबै बनि जै है, शरण गहौ नंदलाल ॥४॥

इति श्री० भा० भा० नवम स्कंधे अष्टमोऽध्यायः



श्रीमद्भागवते भाषा सरस काव्यनिधौ नवम स्कंधे नवमोऽध्यायः

श्लो०—नवमैऽशुमतो वंशः खट्वाङ्गावधिवर्ष्यते ।

गङ्गां भूतलमानिन्ये यस्य पौत्रोभगीरथः ॥१॥

दो०—अंशुमान के वंश कह, नृप खट्वाङ्ग बखान ।

गंगा लायै भगीरथ, पौत्र तासु नृप जान ॥

छं० शुक उ०—गंगा लाने को अंशुमान, बहुकाल गया अति तप कीना ।
 नहिं गंगा आई आखिर में, नृप भये मृत्यु के आधीना । १॥
 तिनके सुत दिलीप तप ठाना, नहिं लाये गंगा देह तजै ।
 तज राज भगीरथ तिनके सुत, गंगा के हेत तप जोर सजै ॥२॥
 तप कठिन देखि गंगा प्रगटी, बर मांगो सुनि नृप हाल कहा । ३॥

महि फोरि पताल चली जाऊ, को साथै नृप मम बेग महा ॥४॥
दूसरी बात नहीं जाऊ मैं, नरनारि पाप मुझ में धोवै ।
मैं अपने पाप कहां डालूं, इस हेतु विचारों क्या होवै ॥५॥

दो० भगीरथ उ०—साधू सन्यासी मुनी, जग पवित्र करतार ।

मज्जनकरि तब पाप हरि, हियहरि बसैं उदार ।६॥

छं०—धारेंगे वेग तब महादेव, पट में तंतू सम जग आत्मा ॥७॥

असकहि शिवजी का तप ठाना, भट प्रसन्न भेशिव परमात्मा ।८॥

स्तुति करि गंगा धारो कहा, हरिपद पवित्र जल शिवधारा ॥९॥

नृप चले भगीरथ आगे हैं, जहं पितृ भस्म हो निस्तारा ॥१०॥

स्थ वायु बेगेन पीछे गंगा, करि देश शुद्ध नृपसुत हैं जरे ॥११॥

बिज द्रोही जल स्पर्श करते, तन भस्महि से गे स्वर्ग तरे ॥१२॥

तन भस्महि से नृप सुत तरिगे, फिर क्या जो श्रद्धा से सेवैं ॥१३॥

अचरज श्री गंगा में यह नहीं, प्रभु पद जल है मुक्ती देवैं ॥१४॥

दो०—निर्मल मुनि मन धारि जहं, कठिन त्रिगुण जग त्याग ।

पावैं हरि मय होय भट, हैं उनके बड़ भाग ॥१५॥

श्लो०—गङ्गे तव जलधारा येंनासेवि, सन पश्यति यमं कारागारं देवि

इन्द्रं गाङ्गं त्यजतामिहाङ्गं न पुनर्भवाङ्गं यदि बाष्पि चाङ्गम् ।

पाणौ स्थाङ्गं शयने भुजङ्गं याने बिहङ्गं चरणौ च गाङ्गम् ॥२॥

छं०—गङ्गे तव धारा जो सेवैं, यम कारागार नहीं देखैं ।

मज्जन स्पर्श दरश करिकैं, हों मुक्त न भव बंधन लेखैं ॥

गंगा तट जो जन देह तजै, हो मुक्त न तन फिर पाते हैं ।

यदि होवैं तन तो बिष्णु होय, निज पीठ पै गरुड़ चढ़ाते हैं ॥

कर धरें चक्र ले शयन शेष, पद से पुनि गंग बहाते हैं ।
 यह कहने का मतलब यह है, हरि में मिलि हरि हो जाते हैं ॥
 गंगा कहलाई भागीरथी, नृप कीर्ति जगत में छाई है ।
 तरते हैं हजारों पापी जन, अस करि दुहुं लोक बड़ाई है ॥
 सुत भये भागीरथ के श्रुत हैं, तहं नाभ सिंधु दीपहुं इनके ।
 तिनके अयुतायुत नाम पुत्र, ऋतुपर्ण नलसखा हैं जिनके ॥१६॥

दो०—सीखी विद्या अश्व की, नल राजा से आप ।
 पासा की विद्या दर्ई, नलके गे संताप ॥१७॥

छं०—तिनके सुदास मदयंती पति, कल्माष चरण मित्रहु सहभे ।
 लहि शाप बष्णिष्ठसे सुत न भये, राक्षस तन पाया बन महंगे ॥१८॥
 राजोबाच-किस कारणसे गुरुशाप भया, सौदास भूपथे विमलमती
 सुनने की इच्छा कहिये मुनि, जो गुप्त न हो क्यों ली विपती ॥१९॥

शुक उ०—सौ दास खेलने शिकार गे, तहं एक राक्षस को मारा ।
 छोटा भाई उसका उसने, यह बदला लेना चित धारा ॥२०॥
 बन गया रसोई दार वही, गुरु हेत रसोई करी सबी ।
 मानुष का मांस रांधा तिसमें, जानै न भूप गुरु कोई अभी ॥२१॥

दो०—खान समय शोधन किया, समझ गये नर मांस ।
 होउ राक्षस खाहु नर, शाप लह्यो सौ दास ॥२२॥

छं०—राक्षस भयो अंतर ध्यान, भूप धवराये गुरुने तुर्त लखा ॥२३॥
 किया बारा वर्ष नृप भी गुस्सा, गुरु शाप देन को मनमें फरवा ॥
 रानी मदयंती ने रोंका, महि बिकल होय पद में डारा ।
 कल्माष पाद हो गया नाम, महि जीवमयी लखि निस्तारा ॥२४॥

[१७०]

* श्रीमद्भागवते भाषासरसकाव्यनिधौ *

राक्षस भे भूप सपेद पैर, ब्राह्मण नारी युत बनमें बस ॥२५॥
 भूखे हनि ब्राह्मण खान लगे, नारी बिनवै है भूप सुयश ॥२६॥
 इक्ष्वाकु वंशि नहिं राक्षस हो, सुत मेरे नहिं मत पति मारो ॥२७॥
 नर तन सब देत कामना है, द्विज मारे स्वार्थ नाश धारो ॥२८॥

दो०—यह ब्राह्मण विद्वान है, तप गुण शील निधान ।

वेद पाटि ईश्वर भजै, यामें बस भगवान ॥२६॥

छं०—यह ब्रह्मऋषी तुम राजऋषी, पितृविप्र पुत्रनृप बध न उचित ।
 निष्पाप वेद पाठी गौ सम, इसका बध नृप नहिं धारौ चित ॥३१॥
 मारते इसे तो खालो मुझे, पति के बिन मुर्दा जियौं न छन ॥३२॥
 करती बिनती रोती अनाथ, वश शाप भूप हनि खाया पन ॥३३॥
 ऋतु दान देत पति को मारा, द्विज नारी नृप को शाप दिया ॥३४॥
 इस दशा में मेरा पति खाया, करो गर्भ धान चट मृत्यु लिया ॥३५॥
 दे नृपहिं शापपति हड्डी लै, अग्नी जराय चट भई सती ॥३६॥
 यह पतिव्रता तिय धरै रीति, पति के पीछे न सहै विपती ॥३६॥

दो०—बारह वर्ष गये जबहिं, शुद्ध भयै तब भूप ।

मिल रानी तब रोकती, गुनि द्विज शाप अनूप ॥

छं०—स्त्री सुख तबसे भूप तजा, गुरु कृपा कीन तिय गर्भ धरा ॥३८॥
 गये सात वर्ष नहिं पैदा हो, पत्थर मारा सुत भूमि गिरा ॥३९॥
 है पत्थर अश्मक यही नाम, अश्मकसे मूलक नारि कवच ॥४०॥
 तिसके सुत दशरथ तहं इडविड, तहं विश्वस हौ खट्वांगहु रच ॥४१॥
 खट्वांग सुरों की सहायकी, छन आयु जानहरि मन धारा ॥४२॥
 द्विज कुलसे प्रिय नहिं प्राण पुत्र, श्रीराज्य मही तन औ दारा ॥४३॥

नहिं किया अधर्म लड़कपनमें, हरिबिन न और कुछ नृप कहते ॥४४॥
देवों ने दिया बरदान मुझे, हरि दर्शन बिन कुछ नहिं चाहते ॥४५॥

दो०—भूले हैं सब देवता, हरि हिय में नहिं जान ।

प्रिय तन से हरि मिलन हो, तब हो ठीक ठिकान ॥४६॥

छं०—जगकी रचना सब माया से, गंधर्व नगर सम पहिंचानौ ।
माया के भीतर ईश्वर है, मिलता है भाव से चित आनौ ॥४७॥
तिसही की शरण हौं हरिमतिसे, तजि जगत सवी माया अज्ञान ।
हरिभाव से दिलमें प्रभु देखौं, दाया की मुझे मिलो भगवान ॥४८॥

दो०—ब्रह्म सूक्ष्म नहिं शून्य जो, शून्यहि तुल्य लखाय ।

बासुदेव विनवै सुजन, हरि हिरदे बस आय ॥४९॥

भजन—जगत मेहरि सुमिरन है सार,

धन सुत राज बृथा लक्ष्मी है, भूँठा कुल परिवार ।

धुआं धौर हर महल अटारी, नकली जगत पसार ॥

नर तन पाय अमोल रतन सम, करौ यहै निरधार ।

छुटि है अवशि जियती में करिलो, पार होन हितकार ॥

अस बनि जाय उपाय अबहिं तो, पीछे होय न हार ।

सौदा कर लो पूंजी बय दै, उठने चाहत बजार ॥

धर्म कमाय सत्य परमेश्वर, अन्त लगावै पार ।

माधवराम श्याम गुन गावै, हिय धरि नंदकुमार ॥

इति श्री भा० भा० सरसकाव्यनिधौ नवम स्कंधे नवमोऽध्यायः

[१७२] * श्रीमद्भागवते भाषासरसकाव्यनिधौ *

श्रीमद्भागवते भाषा सरस काव्यनिधौ नवम स्कंधे दशमोऽध्यायः ॥

श्लो०—दशमे प्राह खट्वाङ्गवंशे श्रीरामसम्भवम् ।
तच्चरित्रंच लंकेशं हत्वायोध्यागमावधि ॥१॥

दो०—कुल भूपति खट्वांग में, रामलीन अवतार ।
रावण बध रघुपति चरित, दशयें कहैं विचार ॥


छं० शुक उ०—खट्वांगसे दीर्घ बाहु रघु भे, जिनकी कीरति जगमें छाई ।
तिनके अज तिनके दशरथ भे, जिन महाराज पदवी पाई ॥१॥
तिन दशरथ के भगवान ब्रह्ममय, हरि अंशांश से पुत्र भये ।
देवतों ने बिनती की प्रभु की, धरि चारिरूप अवतार लिये ॥२॥
श्रीराम लक्ष्मण भरत और, शत्रुघ्न चरित मुनिवर गावैं ॥३॥
सीताराम के गुण कहैं सुनै, ऋषि तत्व दर्शि आनंद पावैं ॥
पितुके हित राज त्यागि बनगे, पद कमलों से महिमें बिचरैं ।
सियपिय के पद नहिंमहिंके योग, लक्ष्मण सुग्रीव थकाह हरैं ॥

दो०—शूर्पनखा को रूप हरि, सिय वियोग चढ़ि भौंह ।
बांधि सेतु खलदल दह्यो, कौशलेंद्र है सोह ॥४॥

छं—लै जन्म उछाह बाल शोभा, बालक्रीडा बहु भांति करी ।
मुण्डन छेदन विद्या अरंभ, यज्ञोपवीत बिद्याहु धरी ॥
मुनि विश्वामित्र संग जाकर, मारीच सुबाहु शत्रु मारे ।
लक्ष्मण ने इक पलमें रणमें, सब राक्षस वृन्दहु संहारे ॥५॥
शिवधनु सीताके व्याह हैत, तहं बीर तीन सौ लाये हैं ।

श्रीलीतारामाभ्यां नमः

वाजपेयी श्री १०८ स्वामी सत्याशरणजी महात्मा
स्थान श्रीलक्ष्मणकोट, सद्विरसदन, श्रीअयोध्याधाम ।



आप श्रीरामचन्द्रजी के अनन्यभक्त, गुरु-संत-द्विज-सेवी हैं ।
ग्रंथकर्ता पर आपकी अपूर्व दया है और सब भांति से हार्दिक सहायक हैं ।

मरचेंट प्रेस—कानपुर ।

गज बाल ऊख सम राम तोड़ि, सियसे जयमाला पाये हैं ॥६॥
 भूपों का मंत मथि जय लक्ष्मी, सीता श्री रघुपति व्याही है ।
 मारग में भृगुपति मिलि मनाय, गे बन जो रण उत्साही है ॥७॥
 घर वारा वर्ष बसि राज हेत, बन लिया पिता आज्ञा धारी ।
 राज श्री महल मित्र सब कुछ, ज्यों मृतक तजै बन तैयारी ॥८॥

दो०—निपटि सुरभि सबसे प्रभू, पंचवटी करि बास ।

शूर्पनखा की नाक हरि, चौदह सहस्र बिनाश ॥९॥

छं०—सुनि सीता शोभा विकल हृदय, रावणने सीता हरण किया ।
 मारीचि राक्षस मृग स्वरूप, रघुनाथ बाण से मार दिया ॥१०॥
 वृक समान राक्षस रावण हरि, सीता को लंका ले आया ।
 प्रिय वियोगमें भाई के संग, नारी वियोग दुख दिखलाया ॥११॥
 करि क्रिया जटायू की सुत सम, हनिक बंध सुग्रीवहि दैराज ।
 वाली को मार गे समुद्र तट, कोपे प्रभु पदपरि साधे काज ॥१२॥
 नहिं मानै सिंधु करि कोप राम, जलजीव मगर मछली जलते ।
 लै भेट सिंधु प्रभु चरण परो, विनती की राखहु हल चलते ॥१३॥

दो०—जड़मति हम जानै नहीं, आदि पुरुष भगवान ।

सतसे सुर रज प्रजापति, तामस भूत महान ॥१४॥

छं०—हो जाव पार रावण मारो, लो सेतु बांधि सीता लीजै ।
 दिग विजयी भूप कीर्ति गावै, यश त्रिलोकमें फैला दीजै ॥१५॥
 पर्वतों से सेतु बंधाय राम, गिरि पादप बन लावैगे ।
 सुग्रीव नील हनुमान बली, सेना लै पार सिधावैगे ॥१६॥
 प्रथम ही विभीषण जला चुके, बानरी सेन गोपुर पुरको ।

[१७४] * श्रीमद्भागवते भाषासरसकान्यनिधौ *

सव अंग भंग कर दई पुरी, गज भुण्ड ज्यों छोट सरोवर को । १७।
लखि लंकापति बानर बलिष्ठ, अति काय प्रहस्त पठाये हैं ।
भूम्राक्ष निकुंभ कुंभ आदिक, कुंभहू कर्ण रण आये हैं ॥ १८॥

दो०—राक्षस सेना शस्त्र लै, शूल खर्ग धनुबान ।

करै सामना नीलनल, अंगदादि हनुमान ॥ १९॥

छं०—रघुपति सेनापति द्वंद युद्ध, करि पर्वत वृक्ष प्रहार करै ।
सीता के हरण से शुभ विनाश, राक्षसों को हनि उत्साह धरै । १०।
सबसेन मरी लखि असुर पती, रत्न चढ़ि प्रभु संमुख आया है ।
अपना रथ सुरपति ने भटपट, मातली से वहां पठाया है ॥ २१॥
रे राक्षस नीच पुरीष तुल्य, मम नारि श्वान सम हर लाया ।
निर्लज्ज आज नहि बचसकता, लख हमै काल तव शर छाया । २२।
यों कह कर होने लगी मार, शर वज्र तुल्य तजि हिय बेधा ।
मर गिरा देव ज्यों सुरपुर से, जय जयसुर राक्षस रिपु खेदा । २३।

दो०—रानी कई हजार सब, मंदोदरी प्रधान ।

रुदन करै अति दीन है, कहैं काल बलवान ॥ २४॥

छं०—निज २ पतिबंधु परसि अंगमें, सब दीनरानियां रोती हैं । २५।
हमको पति किया अनाथ आज, आंसू से कमलमुख धोती हैं । २६।
बश काल भये हम जांय कहां, सीता के तेज से दशा भई ॥ २७॥
लज्जा हम सब अनाथ ठाढ़ी, न कहि आत्मा दुर्दशा लई ॥ २८॥
शुक उ०—की क्रियाविभीषणने सबकी, रघुपतिकी आज्ञा पाई है २९।
शिंशपा वृक्ष तर विरह विकल, सीता हनुमान लखाई है ॥ ३०॥
प्रिय भार्या सीता लखि रामहिं, दुखदूर भये हियसुख पाया ॥ ३१॥

देराज विभीषण कपिलदल संग, चढि बिमान धनबहु बरसाया ३२

दो०—लै कपि फारै वसन सब, करै अभूषण चूर ।

हम प्रेमी धन नहिं चहैं, हिय विराग भरपूर ॥

छं०—कल्पांत आयु दै चले राम, सुरपति सुर पुष्प वरषते हैं ॥३३॥

गाते यश जब खाते हैं भरत, दर्शन दित हिये तरसते हैं ॥३४॥

धरि चीर बसन महिमें सोवै, शिर जटा भार भी धारे हैं ।

दै खबर प्रथम मिलने की भरत, यहाँ रामजी शीघ्र पधारे हैं ॥३५॥

सुनि भरत पादुका शिर धरके, गाजा बाजा से धाये हैं ॥३६॥

द्विज वेद पढ़ै उमड़ा अनंद, ध्वज पताक पुरी सजाये हैं ॥३७॥

हय गजरथ साजै बीर सुभट, हो नाच गान विनती भारी ॥३८॥

लै छत्र चमर शिर पर धारे, करिपद प्रणाम बह दृग वारी ॥३९॥

दो०—वहैं प्रेम जल दृगन में, धरे पादु का शीश ।

देखिराम हिय में लगे, पाये प्रभु जगदीश ॥४०॥

छं०:सियराम लबन सबको प्रणाम, करि उचित प्रजा शिर नावै हैं ।

हो पुष्प वृष्टि गावैं नाचैं, आनंद थाह नहिं पावैं हैं ॥४१॥

सुग्रीव विभीषण चमर व्यजन, पादुका भरतजी शिर धारे ।

शिर श्वेत छत्र हनुमान किये, श्रीराम सियाके अति प्यारे ॥४२॥

शत्रुघ्न धनुष शर बांधे हैं, सीता जी तीर्थ जलपात्र लिये ।

अंगद के हाथ में खड्ग लसै, लखि जामवंत हर्षात हिये ॥४३॥

पुष्पक में चढ़े स्तुति होवैं, श्रीरामचंद्र शशि समसोहैं ॥४४॥

भाई सब सेवै पुरी गये, पुरवासिन के नित मन मोहैं ॥४५॥

माता गुरु नारी प्रणाम करि, लक्ष्मण सीताहू पद परसैं ॥४६॥

गोदी उठाय माता पुत्रन, आशिष दें प्रेम सुजल वरषै ॥४८॥

दो०—भक्त जटा खुनाथ जी, छोरि आपने हाथ ।

मज्जन करि सुरपति यथो, सोहि रहे खुनाथ ॥४९॥

छं०—शुभदिन समुद्रजलसे मज्जन, शुभवसन सियायुत धारै हैं । ५०

गद्दी पर तिलक किया गुरु ने, माता आरती उतारै हैं ।

दंडवत भेट बहुत भांति भई, सुत सम रैंयत पालन करते ।

हमारे पितु मात हैं रामसिया, हित प्रजाचित्तमें हरि धरते ॥५१॥

त्रैता में सतयुग काल भया, जब रामराज महि पर आया ॥५२॥

वन गिरिपर्वत पृथ्वी समुद्र, वर्षहि कामना सुखहु छाया ॥५३॥

नहिं आधि व्याधि दुखशोक रोग, विनमांगे मृत्यु न आवै है ॥५४॥

हैं राम एक पत्नी कृत अरु, सिय पति व्रता सिखलावै हैं ॥५५॥

दो०—प्रेम शील अरु नम्रता, धी ही श्री हिय धार ।

पति सेवा में निरत रह, मन हरती भस्तार ॥

भजन—श्रीराम चरित सुखदाई, गाये मति गति बनिजाई ।

लै जन्म बालपन खेले, मुनि संग पिता पुनिमेले ॥

गुरु यज्ञ पूर कर्वाई, श्रीराम चरित सुखदाई ।

धनु तोरि कै सीय विवाह, नित नव घर भयो उछाह ॥

वन चले सीय संग भाई, श्रीराम चरित सुखदाई ।

प्रिय वियोग कपि सेवकाई, शिव थापे कीन चढाई ॥


भयो युद्ध विविधि जयपाई, श्रीराम चरित सुखदाई । ३।

वधि रावण रिपुदुखदाई, पुर आयै गद्दी पाई ।

माधव घर बजै बधाई, श्रीराम चरित सुखदाई ॥४॥

भजन—सुनै रघुबीर चरित नरनारि, लहै सुखमुक्ति संपदाचारि ।
 वालचरित सुनि-वालकेलि गृह नित नव आनंदकारि ॥
 व्याह उद्धाह उद्धाह भरै घर, मिलै वहू सुकुमारि लहै ।
 सुनि बन गमन शत्रु संहारन, रिपुदल नाश प्रचारि ॥
 गद्दी राज सुनै गद्दी लहि, छूटै जगत विगारि लहै ।
 जीवन मुक्त तौन, प्राणी हैं लेहिं श्यामछवि धारि ॥
 माधवराम सिया छवि निरखैं, तनमन सुरति बिसारि ।

इति श्री० भा० भा० नवम स्कंधे दशमोऽध्यायः समाप्तः ।



श्रीमद्भागवते भाषा सरस काव्यनिधौ नवम
 स्कंधे एकादशोऽध्यायः ॥

श्लो०—ततश्चैकादशोऽप्योध्यामावसन्ननुजै सह ।
 यज्ञादियच्चकारेशो रामस्तदनुवर्त्तयते ॥१॥

दो०—पुरी अयोध्या अनुज युत, रघुबर कीनो बास ।
 ग्यारह में यज्ञादि करि, कीनो धर्म विकास ॥

छं० शुक उ०—भगवानराम निज आत्महिंको, मखसेपूजै सबदेवमयी ।
 आचार्य दक्षिणा विविधि दान, निज उत्सव रीती नई नई ॥१॥
 पूरब दिशि होता को दीनी, दक्षिणा ब्रह्मा को दान करी ।
 पश्चिम दिशि अश्वयू पायै, उत्तर सामग को देत हरी ॥२॥
 आचार्यहि मध्य भूमि सब दै, समझै ब्राह्मण सबका मालिक ।
 इससे ब्राह्मणको सब चाहिये, प्रभु आपतो है त्रिलोक पालक ॥३॥

[१७८] * श्रीमद्भागवते भाषासरसकाव्यनिधौ *

मंगल आभूषण छोड़ि सिया, आभूषण वस्त्र सबै दीने ॥४॥
ब्रह्मराय देवपन निरखि विप्र, सब प्रभुहि अर्पि बानी लीने ॥५॥

दो०—भुवनेश्वर क्या दीन नहिं, हरते हिय बसि ताप ।

बदले में गौ दीजिये, हरनि सकल संताप ॥६॥

ब्रह्मराय देव उत्तम श्लोक, मतिशुद्ध श्रीराम प्रणाम तुम्हें ।
मुनिजन पदमें चित देहि सदा, सुख धाम श्रीराम नमाम तुम्हें ॥७॥
गौदान दिये पुनि करें राज, छिपि खबर दूत पुरकी लावें ।
सीता कलङ्क दै पुरवासी, इक निज नारी को धमकावैं ॥८॥
पर घर में बसी घर नहिं राखों, स्त्री लोभी मैं राम नहीं ।
सीता रावण घर वसी राखि, त्यों मैं न होउ बदनाम सही ॥९॥
इत उत चरचा फैली सुनि प्रभु, अपराध बिना सीता त्यागी ।
बसि वाल्मीकि के आश्रम जा, भे रामचंद्र यशके भागी ॥१०॥

दो०—गर्भवती सीता प्रथम, कुशलव जाये पूत ।

जन्म कर्म मुनिवर किया, हिय विराग अवधूत ॥११॥

छं०—लक्ष्मणके चित्रकेतु अंगद, सुत पुष्कल तक्षभरत पाये ॥१२॥
शत्रुघ्न सुबाहु चित्रसेनहु, भरतहु गंधर्व बिजय लाये ॥१३॥
धन लाय दिया सब रघुपति को, शत्रुघ्न लवणसुर रण मारा ।
मधुवन में मथुरा पुरी करी, बसि राज आपना निस्तारा ॥१४॥
कुशलव सुतसीता मुनिको दै, मखमें जा बिबर प्रवेश किया ॥१५॥
लखि राम अगार शोक धारा, ज्ञानी तबहुं है विकल हिया ॥१६॥
दिखलाया तिय नर संग ऐसे, ईश्वर का भी भय दायक है ।
क्या कहिये जो गृह माहिं फंसे, नरनारि महा नालायक हैं ॥१७॥

दो०—ब्रह्मचर्य धरि रामजी, अग्निहोत्र नित धार ।

सीता स्वर्णमयी करी, धर्म कर्म निरधार ॥१८॥

छं०—तेरह सहस्र करि बर्ष राज, भक्तों के हृदयमें पद धरि कै ।
निजज्योतिमें जाय मिलेरघुपति, करिबिमलसुयश त्रिलोकभरि कै
सुर यांचा से लीला तनुधरि, निज धाम त्यागि महि पर आये ।
कपि सहाय लै राक्षस मारे, हरिब्रह्म काह लघुयश गाये ॥२०॥
जिनका यश नारदादि गावैं, सुनकै सब पाप नशावैं हैं ।
सेवहिं पद लोकपाल शिरसे, उस प्रभुकी शरण मनावैं हैं ॥२१॥
प्रभु पर्सि चरित करि मुनि चरित्र, पुरवासी योगी गति पावैं ॥२२॥
श्रीराम चरित सुनि गाय सुजन, सब कर्म बंध से छुट जावैं ॥२३॥

दो० राजो बाच—कौन भांति प्रभु भाइ संग, कीनी राम सुराज ।

कीन प्रजा पालन प्रभू, रामचंद्र महाराज ॥२४॥

छं० शुक्र उ०—भाई सब दिशा जीति लाये, करि यज्ञपुरी पालनकरते
छिड़काव राजपथसुगन्ध जल. ऐश्वर्य नारि नर सब धरते ॥२६॥
सुरमन्दिर महलसभा गोपुर, सजि ध्वजपताक गृहकलशधरे । २७॥
केला शुभ वंदन वार लगे, तोरण बितान सब हरे भरे ॥२८॥
जब कभी सवारी निकलै है, है प्रभु महीपालहैं जन कहते ॥२९॥
आशिष दै द्विज पुन देहि भेंट, वर्षहिं सुपष्पहू सुख लहते ॥३०॥
सब नृप सेवहिं बस महल राम, धन कांश खजाना अगार है ॥३१॥
मणि हीरा मोती भवन सजै, मरकतमणि सोहैं दिवार हैं ॥३२॥
पहिरैं सब चित्रविचित्र वसन, नरनारि सुखी कुछ चाह नहीं ॥३३॥
धनमाल अभूषण वस्त्रपूर, हियराम बसैं शुभ भक्ति लही ॥३४॥

॥१८०॥ * श्रीमद्भागवते भाषासरसकाव्यनिधौ *

दो०—राम सिया सुख से बसैं, महा पुरुष धरि धीर ॥३५॥

धर्म अर्थ सुख सेवहीं, हरैं भक्त की पीर ॥३६॥

भजन—करी रामायण यह विधि गान,

शोभा सिंधु राम सिय राजैं, महापुरुष भगवान ।

थोरे महं सब चरित बखाने, गाय सुने कल्याण ॥

रामचरण स्त जो नर नारी, हैं वह परम सुजान ॥

जगसुख भोगि अन्त मे तनु तजि, लहै मुक्ति दृढ़ ज्ञान ॥

जे जन राम चरण बिसरायै, लगै न ठीक ठिकान ।

माधवराम श्याम छवि हियधरि, गुन गावै सुखमान ॥

इति श्री भा० भा० सरसकाव्यनिधौ नवमस्कंधे एकादशोऽध्यायः



श्रीमद्भागवते भाषा सरस काव्यनिधौ नवम
स्कंधे द्वादशोऽध्यायः ॥

श्लो०—द्वादशे रामपुत्रस्य, कुशस्यान्वय उच्यते ।

एवमित्त्वाकु पुत्रस्य शशादस्येर्स्तितोऽन्वयः ॥१॥

दो०—रामपुत्र कुश वंश अब, बर्णन करत बिचार ।

सुत इत्त्वाकु शशाद को, कुल बरहे निरधार ॥

छं० शुक उ० श्रीरामपुत्र है अतिवि, तासु सुत निबधतासु न भक कह बाये ।

तिनके सुत पुण्डरीक तिनके, सुत जेम धन्वहू कबि गाये ॥१॥

तहं देवानीक अनीक तहां, तहं पारि यात्र पैदा सुत है ।

तहं वलस्थलौके बज्रनाभ, तहं अर्क पुत्र अति अद्भुत है ॥२॥
 तिनके सुत खगण विधृति तिनके, सुत हिरण्य नाभहु उपजाये ।
 तिनके हैं योगाचार्य पुत्र, जैमिनि के शिष्य शिक्षा पाये ॥३॥
 सुत योगाचार्य के कौशल्य हैं, मुनि याज्ञवल्क्य सितसितलाये ।
 अध्यात्म योग हिय ग्रन्थि भेद, जो अद्भुत आनंद दिलवाये । ४।
 तिनके ध्रुवसिंधु सुदर्शन तहं, तहं अग्नि वर्ण तहं शीघ्र भये । ५।
 तिनके मरु वसे कलाप ग्राम, हो क्षीणवंश रवि उदित किये । ६।

दो०—प्रसु श्रुतहु तिनके सुअन, तिनके संधि बलान ।

पुत्र अमर्षण तासु हैं, तासु पुत्र मह स्वान ॥७॥

छं०—तिनके प्रसेन जित तक्षक तहं, तहं बृहद्वलहु तव पिताहने ।
 रण भारत मे अभिमन्युबीर, मारे बहुभट नहिं जाय गने ॥८॥
 ये गुजरे सूर्यवंशि राजा, जो होंगे उन्हें सुनाते हैं ।
 सुत बृहद बलहु के बृहदरणौ, तिसके उर विक्रय लाते हैं ॥९॥
 तहं वत्स वृद्ध प्रति व्योम तहां, तहं भानु दिवा कहै सेनापति । १०।
 तिनके सहदेव बृहदश्व तहां, तिनके हैं भान मान भूपति ।
 है भानुमान के प्रतीकाश्व, तिसके सुप्रतीक सुत जाये ॥११॥
 तिसके मरुदेव नक्षत्र तहां, तिसके सुत पुष्कर बतलाये ।

दो०—अन्तरिक्ष है तासु सुत, तिसके सुतपा नाम ।

अमित्र जित तिनके भये, सूरज बंश ललाम ॥१२॥

छं०—तिसके सुत बृहद राज कहिये, तहं बहिं कुंत जयतिसके हैं ।
 तिसके सुत सुघर रणजय हैं, संजयनामी सुत जिसके हैं ॥१३॥
 तहं शाक्य तासु शुद्धोद भये, तिसके सुत लांगल आये हैं ।

[१८२] * श्रीमद्भागवते भाषासरसकाव्यनिधौ *

तिसके असेन जित भया पुत्र, सुतया सुत जिसने पाये है ॥१४॥
 तिसके होवेंगे एक पुत्र, तिसके सुत सुस्थ कहावै हैं ।
 तिसके सुमित्र निष्ठांत अहैं, यह बंश बृहद बल गावै है ॥१५॥

दो०—अन्तिम अहै सुमित्र नृप, सूर्यवंश अवतंस ।

इनही सेकलिमें चलै, दिन कर बंश सुहंस ॥१६॥

भजन—भयो सबिबंश विशाल प्रधान,

बड़े बड़े भूपति प्रतापयुत, वीर महा बलवान ।

मुखिया मुखिया नाम गनाये, सबको नाहिं ठिकान ॥१॥

शिज्ञा मिलत कथा से हमको, सुनलो चतुर सुजान ।

भयो नाश बलरूप राज सब, नाश भये तन प्रान ॥२॥

दुनियां में जो आवै प्यारे, चलना परै निदान ।

यासों अंत सुधार ध्यान दो, गहो धर्म भगवान ॥३॥

ये दो गहे यहां भी सुख हो, मुक्ति मिलै दृढ ज्ञान ।

माधवराम श्याम हिय धरि कै, गावो हरिगुन गान ॥४॥

इति श्री० भा० भा० नवम स्कंधे द्वादशोऽध्यायः



श्रीमद्भागवते भाषा सरस काव्यनिधौ नवम स्कंधे त्रयोदशोऽध्यायः

श्लो०—इच्छाको रेव पुत्रस्य, निमेर्वशस्त्रयोदशे ।

वर्ण्यते जज्ञिरे यत्र, ब्रह्मज्ञा जनकादयः ॥१॥

दो०—इच्छाकू सुत वंशनिभि, वरणै तेरह माहिं ।

जनकादिक ज्ञानी नृपति, जन्मत भये तहांहि ॥

छं० शुक उ०—इच्छाकूपुत्र निमिभूप, यज्ञहितवशिष्ठमुनिकोवरणक्रिया-
प्रारम्भ कराय वशिष्ठ कहैं, पहले सुरपतिने न्यौत दिया ॥१॥

आवैगे सुरपति मख कराय, नृप चुप मुनि सुरपुर जात भये ॥२॥

लखि नाशमान तन निमि राजा, ऋत्तिक दूसर करि यज्ञक्रिये ॥३॥

गुरु आय देखि नृप का साहस, दे दिया शाप तन छुट जावै ॥४॥

लखि अधर्म गुरुको भूपशाप, दीन्हा तव तन न प्राण पावै ॥५॥

दोनों के देह छुट गये क्रोध लालच, यह दशा कराई है ।

उबशी से मित्रावरुणहु से, निज देह वशिष्ठहु पाई है ॥

दो०—देखि उर्वशी रूपको, वीर्य गिरा महिमाहिं ।

धरो कुंभ में बारद्वय—दो बालक हो जाहिं ॥६॥

छं०—धरि सुगंध वस्तू में नृप तन, मुनिमख पूरण की सुर आयो ॥७॥

मुनि कहैं नृपति जीवै दो फल, नृपको तन बंधन नहिं भाये ॥८॥

नहिं वियोग भय से योग चहैं, हरि भक्त प्रभूद भजते हैं ॥९॥

भयशोकदग्धितन हम न लेहिजिमि, जलके जीव तन तजते हैं ॥१०॥

देवा ऊचुः हे विदेहनृप पलकों में बसो, पलकै खुलिबंद होन लाये ।

बिन भूप राजमें विपति बड़ो, मुनिमथै देह तहां सुत जाये ॥१२॥

[१८४] * श्रीमद्भागवते भाषासरसकाव्यनिधौ *

भे जनक जन्म मृत से विदेह, मथने से मिथिला नाम भया ।
जबसे विदेह मिथिला औ जनक, नृपवंश कहाया काम भया ॥१३॥

दो०—निमि के भये उदा बसू, नंदि वंर्ध तहं जान ।

सुकेतु तिनके तहां सुत, देवरात पहिचान ॥१४॥

छं०—तिसके हैं बृहद्रथ तहां सुवृत, तहं धृष्टकेतु हर्यश्व तहां ॥१५॥

तहं मरु तहं प्रतीक तहं कृतिस्थ, तहं देवमीढ नृप विसृत वहां ॥१६॥

तहं महाधृती कृतिरात तहां, महारोम, पुत्र तिस पाये हैं ॥१७॥

तहं स्वर्णरोम तहं हस्वरोम, तहं सीरध्वज नृप आये हैं ॥१८॥

महियज्ञ हेत लै सुवर्णहल, जोतन सीरध्वज भूप लगे ।

सीता कन्या तहं प्रगट भई, सीता हलाग्र से नाम जगे ॥१९॥

दो०—कुशध्वज के हैं धर्मध्वज, कृतध्वज मितध्वज तासु ।

कृतध्वजके केशी ध्वजौ, मितध्वज खांडिक जासु ॥२०॥

छं०—केशी ध्वज भये आत्म ज्ञानी, खांडिक नृप कर्मतत्व जानै ॥२१॥

तहं भानुमान शतधुम्न तहां, शुचि तिसके सनद्राज मानै ।

तहं ऊर्ध्व केतु तहं पुरजित हैं, तहं अरिष्ट नेमी प्रवलमहा ॥२२॥

तहं श्रुतायु तहां सुपार्श्वभूप, तहं चित्ररथौ क्षेमधी तहां ॥२३॥

तिसके समस्थ तहं सत्य रथौ, तहं उपगुरु उपगुप्तौ तिनके ॥२४॥

वसु अनंत तहं हैं युयुध पुत्र, तहं पुत्र सुभाषण श्रुत इनके ।

तहं जपतहं विजयपुत्रजाये, तिसके ऋत तहां शुनक कहिये ॥२५॥

तहं वीतहव्य तहं धृति तिसके, बहुलाश्व तहां कृतिसुत लहिये ॥२६॥

दो०—यह सब मिथिला भूप हैं, ज्ञानी सब निर्मोह ।

द्वंद मुक्त घर में भये, आत्म विशारदसोह ॥२७॥

भजन-जनक कुल में सब ज्ञानी भूप,
 एक एक से योगी बढिकै, ध्यानी विशद अनूप ।
 घरही में भवपार होत सब, परै नहीं भव कूप ॥
 सुख दुख लाभ खर्चसम मानै, निशि दिन छाहीं धूप ।
 माधवराम मगन निजसुख में निरखै आत्म सरूप ॥

इति श्री भा० भा० सरसकाव्यनिधौ नवम स्कंधे त्रयोदशोऽध्यायः



श्रीमद्भागवते भाषा सरस काव्य निधौ नवम
 स्कंधे चतुर्दशोऽध्यायः

श्लो०-चतुर्दशादिभिः सोम, वंशमाह समाप्तिः ।

यस्मिन्नैलादयोभूयाः कीर्त्यन्ते पुरायकीर्तयः ॥

दो०-चौदह दश अध्याय में, चंद्रवंश कहि दीन ।

शशि से बुध ऐलादि नृप, जन्मे जहां धुरीन ।

छं० शुक उ०-नृप पवित्र चंद्रवंश सुनिये, जिसमें ऐलादिक नृप भये ।
 हरिनाभी से ब्रह्मा प्रगटे, विधिके सुत अत्री गिने गये ॥२॥
 अत्री सुत चंद्र अमृत मय भे, द्विज औषधि तारों के स्वामी ॥३॥
 जगजीति कीन मखराज सूर्य, गुरुनारि इरी तारा नामी ॥४॥
 बोलवाई गुरु नहीं दीन चंद्र, तब तो सुरदानव शरि भई ॥५॥
 शशि की सहायता शुक करी, गुरु की सहायता रुद्र लई ॥६॥

[१८३] * श्रीमद्भागते आषासरसकाव्यनिधौ *

संग भूत रुद्र के सुरपति संग, देवता बृहस्पति हित कारी ।
रण तारक असुर नाम जाहिर, सुर असुर बिनाश भया भारी ॥७॥

दा०—बिनय करी बिधि से गुरु, शशिहि दिया बिधि डांट ।
दिलवाइ तारा गुरुहि, गर्भवती है आंद ॥

छं०—गुरु जानि कहा तज देहु गर्भ, नहिं तुझे भस्म कर देवेंगे ॥८॥
तारा ने सुतको त्याग किया, शशि गुरु कहैं हम हम लेवेंगे ॥९॥
मेरा मेरा कहि भगडै दोउ, मुनि पूंछैं उतर न दे तारा ॥१०॥
पुत्रही मात से कुपति पूंछि, किससे है जन्म कह दे म्हारा ॥११॥
बिधि धीरज दे पूछै एकांत, चंद्रमासे सुत बतलाय दिया ॥१२॥
चन्द्रमा ले लिया प्रसन्न है, सब गुणसे युक्त बुध नाम किया ॥१३॥
हैं भोग योनि देवता पशु, पक्षी कीटादि योनि रासी ।
इक कर्म योनि नर की श्रुति कहं, तिसमें ज्यादा भारतवासी ।
जिस देवों का मुखमे तालुक, उनको भी पाप लग जाते हैं ।
जैसे द्विज हत्या सुरपति की, करि प्रयत्न उसे छुड़ाते हैं ॥

दा०—शशि तारा संवाद में, रूपक कथा बखान ।

भूप पुरंजन की कथा, जिमि चतुर्थ में जान ॥

छं०—गुरु जीव तासु नारी, तारा, बुद्धी जगमें कहलाती है ।
मनचंद्र, अहै वह कभी २ मनके अधीन हो जाती है ॥
बुध ज्ञान पुत्र तहं प्रगट होय, मन शशि गुरु जीव लडै दोऊ ।
बिधि करतव जांच करी सबी, मनचंद्र ज्ञान बुध ले सोऊ ॥
इसको जन मूढ़ समझि उलटा, दवा में दाष लगाते हैं ।
माया अग्रं, उलटा सीधा, कोई सच पता न पाते हैं ॥

बुध से पुरूखा इलामे भे, गुणवान उर्वशी इन्हें सुना ॥१५॥
उतशाप भया मोहित हैके, नारद मुखसे पति यही गुना ॥१६॥

दो०—मित्रावरुण हृदय जुभित, पतित वीर्य तिनकै ।
घटमें धरि तेहि शाप दे, सृत्युलोक पति हेर ॥१७॥

छं०—इससे परूखा ढिग आई, उसको लखि भूय प्रसन्न भये ।
मीठी बाणी से कहैं बचन, निधि पाई मानो दुःख गये ॥१८॥
राजो वाच-स्वागत है प्यारी आओआप, बैठो कहिये सेवाक्याकरैं ।
है प्रीति हमारे संग रमै, बहु वर्ष संग। हम तुम विचरैं ॥१९॥
उर्वरयुवाच-किसकी मनदृष्टि न तुम्हें लगै, लखिकै रमने को मन चाहै ।
रक्षहु ये हमारे दो मेढ़े, हम रमण करैं मन उत्साहै ॥२०॥
घृत भोजन मेरा नग्न तुम्हैं, मैथुनसे पृथक नहिं कहीं लखौं ॥२१॥
राजा प्रसन्न क्या रूप भाव, आई हो आप हमें राखौं ॥२२॥

दो०—नृपति उर्वशी संग में, रमे बहुत स्थान ।
चैत्ररथादिक देन बन, रचिकै काम विधान ॥२३॥

छं०—मुखसे आती है कमल गंग, रमते नृप का मन लोभा है ॥२४॥
हां इन्द्र कहैं गंधर्वों से, उर्वशी बिना नहिं शोभा है ॥२५॥
आ गंधर्वों ने रात समय, दोनों मेढ़े हर लीने हैं ॥२६॥
चिल्लाये दूर जा सुन कहती, मैं मरूं न नृप सुधि कीने हैं ॥२७॥
चोरों ने हर लिये पुत्रमेरे, यह डर कर निशि में सोता है ।
जैसे दिन में नारी निर्भय, नहिं देखैं यह क्या होता है ॥२८॥
गज अंकुशसे त्यों बचन बान, मारे असि लै नंगे भागे ॥२९॥
गंधर्व छोड़ भागे विजली, चमकी नृप नग्न लखे आगे ॥३०॥

दो०—नग्न देखि गै उर्वशी, भूप बहुत बिलखात ।
पागल से महिमें फिरै, नाहीं ठीक ठिकान ॥३२॥

छं०—लखि कुरुक्षेत्र में उर्वशिको, खुश हो यह राजा गाते हैं ॥३३॥
ठहरो प्यारी कुछ बात करो, हम तुम्हरे बिन घबड़ाते हैं ॥३४॥
यह देह नाश हो जावैगी, तुमने इसको भटकाया है ।
खा जावै इसको गृद्ध काक, जो तुम्हें न इसने पाया है ॥३५॥
वर्बरयुवाच—मत मारो भूप खा जाय गृद्ध, नारी न किसी की प्यारी हैं ।
निर्दयी साहसी क्रूर नारि, पति भाई मारन हारी हैं ॥३७॥
चाहती नवीन पुरुष हरदम, तजि पहिले को इच्छाचारी ॥३८॥
हम मिलें साल में एक रात, हो पुत्र तुम्हारे यश धारी ॥३९॥

दो०—गर्भवती लखि नृप गये, अपने पुर के माहिं ।
वर्ष गये मिलि उर्वशी, भूप हिये हर्षाहिं ॥४०॥

छं०—नृप कहैं उर्वशी से रह जा, वह कह गंधर्व मनावो तुम ॥४१॥
मुझको देंगे सब कियां भूप, स्थाली दी ले जावो तुम ॥४२॥
स्थाली बनमें धर राजा, त्रेता में यज्ञ विधान किया ॥४३॥
तहंशमी गर्भ पिप्पल देखा, करि मथन उर्वशी लोक लिया ॥४४॥
इक अरणी में उर्वशी ध्यान, इकमें अपने को ध्यान करें ॥४५॥
मथने से अग्नी प्रगट भये, सुत समान राजा मनमें धरें ॥४६॥
उस यज्ञ में नारायण प्रगटे, उर्वशी लोक नृप मांग लिया ॥४७॥
है प्रणव वेद हरि बाणी मय, अग्नी सरूप मख सफल किया ॥४८॥

दो०—त्रेता युग में यज्ञ मुख, अग्नि पुत्र सम आप ।
नृप गंधर्वहि लोक गे, छूटो हिय संताप ॥४९॥

भजन-काम जगमें सब से बलवान्,

नारी जाको मूलमंत्र है, जीता सकल जहान ।

सुरमुनि विकल करै इक पलमें, लगै न ठीक ठिकान ॥

कर्म धर्म जपयोग भुलावै, हर लेवै सब ज्ञान ।

माधवराम जीति सो पावै, कृपा करै भगवान् ॥

इति श्री भा० भा० सरसकाव्यनिधौ नवमस्कंधे चतुदशोऽध्यायः

श्रीमद्भागवते भाषा सरस काव्यनिधौ नवम
स्कंधे पंचदशोऽध्यायः ॥

श्लो०—ततः पंचदशे गाधिरैलपुत्रान्वयोऽजनि ।

यदौहित्रसुतो रामः कार्तवीर्यमहन् रुषा ॥

दो०—ऐल पुत्र के बंश में, गाधि बंश बिस्तार ।

परशुराम पंद्रहे में, अर्जुन दीनो मार ॥

छं० शुक उ०—नृप पुरूरवा के ६ बेटा, उर्वशी गर्भ से जाये हैं ।

आयु श्रुतायु सत्यायू रय, जय विजय ये षट कहलाये हैं ॥१॥

सुत श्रुतायु के बसुमान श्रुतंजय, सत्यायू सुत पाये हैं ।

रय के सुत एक अमित जयके, सुत विजय के भीम कहाये हैं ।२॥

सुत भीम के कांचन तहां होत्र, तहां जन्हु जो गंगापान किये ।

जन्हु के पूरुवलाक तहां, सुत अजक तहां कुश जन्म लिये ॥३॥

कुश के कुशांबु मूर्तय बसुसुत, चौथे कुशनाभ जन्म जिनके ।

सुत भे कुशांबु के गाधि भूप, भै सत्यवती कन्या इनके ॥४॥

दो०—कन्या मांगै ऋचीक मुनि, बर न योग पहिंचान ।

ऋचीक मुनिसे गाधि कह, व्याज बचन अनुमान ॥५॥

छं०—नहिं पूर करेंगे मुनी बचन, नहिं इस कन्या को पावेंगे ।

दो श्याम कर्ण घोड़ा हज़ार, तब हम कन्या को व्याहेंगे ॥६॥

यह मुनि मुनि पहुंचे बरुण पास, घोड़े ला नृप को दीने हैं ।

हारे हैं भूपति बचन मुनी, संग सुता व्याह शुभ कीने हैं ॥७॥

सुत चाहै मुनि से सत्यवती, बरदान पुत्र सासू भी चाहै ।

दो हवि बनाय पढि मंत्र मुनी, दीनी सुत होंगे बचन कहै ॥८॥

बेटी की खीर माता बदलै, अच्छी गुनि बेटी की लीनी ।

समझे मुनि बेटी से बोले, हो घोर पुत्र बदला कीनी ।

दो०—ब्रह्म ज्ञानी भाय हो, बेटी मुनिहि मनाव ।

पुत्र नहीं तौ पौत्र हो, मंत्र बृथा नहिं जाव ॥९॥

छं०—क्षत्री के अंश की हवि खाई, यह बृथा नहीं हो सकता है ।

जगदग्नि भये सप्तर्षि माहिं, बलमंत्र पौत्र पर रखता है ॥१०॥

कौशिकी नदी भइ सत्यवती, जमदग्नि रेणुका व्याही है ॥११॥

वसुमदादि सुत जिसमें जन्मे, औ परशुराम उत्साही है ॥१२॥

चौबिस अवतारमें गिनती है, है हय कुल सवी बिनाश किया ।

इक्कीस बार निक्षत्र मही, करके विप्रों को दान दिया ॥१३॥

मे दुष्ट भूप महि बार रूप, तामसी विप्रद्रोही भारी ।

इसही से परशुराम प्रगटे, महि भार उतारन अवतारी ॥१४॥

राजोवाच दो०—भूपों ने अपराध क्या, कीना देहु बताय ।

भयो क्षत्रकुल नाश सब, विप्रहाथ से धाय ॥१५॥

बं-शुक उ-है हय कुलमें नृप अर्जुन भे, दत्तात्रयी की सेवा की । १७।
 दश हजार भुज का बल पाया, बहु आयु तेज श्री विद्याली । १८।
 अणिमादिक योगेश्वर सिद्धी, सब ठौर गती बरसे पाई ॥ १९॥
 नर्मदा में रानी संग क्रीडहिं, जल रोके भुजबल अधिकारि । २०।
 ऊपर की तरफ रावन शिवको, पूजै तहं पानी बढ आया ।
 पूजन समाप्त कर पूंछि हाल, इकदम आंखों में क्रोध छाया । २१।
 जा भिड़ा सहस अर्जुन भी बीर, भटपट बानर सा बांध लिया ।
 दुर्दशा करी तब पुलस्त्य ने, नृप सुयश गानकर बुड़ा दिया । २२।

दो०-वन में गया शिकार को, जमदग्नी पहं जाय ॥ २३॥

सेन सहित नृप को मुनी, आदर दै हरषाय ॥ २४॥

छं०-थी होमधेनु सब पदार्थ दे, छप्पन प्रकार भोजन खाये ।
 मांगते गऊमुनि से राजा, मुनि गौ प्रताप लखि सकुचाये । २५।
 मुनि देते नहिं भइ बात चीत, राजा ने जबरदस्ती छीनी । २६।
 बछरा गौ चिह्नावैं लैगे, मुनि परशुराम गुस्सा कीनी ॥ २७॥
 ज्यों सर्प फफकि लै परशु हाथ, धनुबाण सिंह सम धाये हैं । २८।
 मृग चर्म वस्त्र रवि तेज अंग, शिर जटा पुरी में आये हैं ॥ २९॥
 गौ मांगी नहिं दी ललकारा, चतुरंग सेन नृप सजवाई ।
 हाथी घोड़े रथ औ पैदर, मत्रह अक्षौहिनि रण आई ॥ ३०॥

दो०-परशुराम ने सब हनी, परसा लेकर हाथ ।

बायु बेग रण घोर करि, काटे कर पद माथ ॥ ३१॥

छं०-वह रक्त नदी कछुआ हैं ढाल, कर सर्प मांस कीचड़ भारी ।
 हैं लहर धनुष हाथी है दीप, कायर के दिलमें भयकारी ॥ ३२॥

लै धनुष पांच सौ हाथों में, संमुख सहस्र अर्जुन आया ।
मुनिसुत एकहि धनु से काटे, ब्राह्मण बल रण में दिखलायो ॥३३॥
फिर वृक्ष लगा फेंकने भूप, लै परशुराम फरसा धाये ।
ज्यों छाटै कोई वृक्ष डाल, सब हाथ काटि महि पै नाये ॥३४॥
गिरिशृंग तुल्य शिरको काटा, पितुमरा सहस्र दशसुत भागे ॥३५॥
जय पाकर परशुराम मुनिसुत, गौ बद्धरा लाये पितु आगे ॥३६॥

दो०—हाल पिता से सब कहा, सुनते माता भाय ।

मुनि जमदग्नि प्रसन्न नहिं, बचन कहे बिलखाय ॥३७॥

अ०—हे परशुराम हो महाबाहु, तुमने यह पाप किया भारी ।
सब देवमयी राजा मारा, यद्यपि अनीति द्विज दुखकारी ॥३८॥
हे बेरा हम तो ब्राह्मण हैं, गमखाने से शोभा पावें ।
जो क्षमा धारि ब्रह्म चित में, परमेष्ठी पद में पहुंचावें ॥३९॥
दे क्षमा से शोभा द्विज लक्ष्मी, रवि प्रभा यथा सुखदाई है ।
हों क्षमा शील पै हरि प्रसन्न, प्रभु क्षमा से शोभा पाई है ॥४०॥

दो०—द्विज हत्या से पाप बढ़ि, तिलक धारि नृप मारि ।

तीर्थ करौ हरि भजन करि, दीजै पाप उतारि ॥४१॥

भजन—विप्र अब आपन चरित भुलान,

तप जप विद्या तेज धारिकै प्रथमहि प्रगटि प्रधान ।

शिक्षक चारि वर्ण के रक्षक, हिय से तेज निधान ॥

मानै सबै वर्ण हैं आज्ञा, पूज्य मानि दे मान ।

सो आज्ञा उल्टी रीति गहत हैं, छोड़ि सबै कुल कान ॥

बेद बेद चिह्नात चहुं दिशि, करत न वेद विधान ।

मनमानी मारग गहि लीनी, उलटी ही हठ ठान ॥
 अबहूं समझ जाव सुनि प्यारे, सोचहु अंत निदान ।
 माधवराम भजौ तजि लालच, मिलै तुम्हैं भगवान ॥
 इति श्री० भा० भा० नवम स्कंधे पंचदशोऽध्यायः समाप्तः ।

श्रीमद्भागवते भाषा सरस काव्यनिधौ नवम
 स्कंधे षोडशोऽध्यायः ॥

श्लो०—षोडशोऽथार्जुनसुतैर्जमदग्नौ हते मुहुः ।
 रामात्क्षत्रबधः प्रोक्तो विश्वामित्रस्य चान्वयः ॥१॥

दो०—सहस्र अर्जुन पुत्र मिलि, जमदग्निहि दियो मार ।
 परशुराम हनि क्षत्रिकुल, सोलह माहिं बिचार ॥

छं० शुक उ०—सुनि परशुराम पितु की बानी, करि तीर्थ यात्रा घर आये ।
 एक साल में पूरी भई सबी, पितु की आज्ञा करि सुख पाये ॥१॥
 एक बार रेणुका इनकी मा, जल भरने को गंगा में गईं ।
 गंधर्व पद्म माली नहात, संग नारि वृन्द ये लखत भईं ॥२॥
 नहिं हवन समयका ख्याल रहा, कुछ मन चंचल इनका भी भया ।
 लखिकाल अधिक पतिसे डरकर, तहं लाई मुनिजी प्रश्न किया ॥
 मन चंचल लखि मुनि कोप किया, लड़कों से कहा इसको मारो ।
 नहिं मारें परशुराम से कह, मारो सबको न देर धारो ॥

दो०—परशुराम पितु प्रताप को, जानै भली प्रकार ।
 माता भाई सब हने, आज्ञा पितु शिर धार ॥६॥

[१६४] * श्रीमद्भागवते भाषासरसकाव्यनिधौ *

छं०—पितु प्रसन्न मांगो बर कहते, आज्ञाकारी सुतवर लायक ।
सब जियै न इनको याद रहै, किसने मारा दो मुनिनायक ॥७॥
सब जियै कुशल जिमि सोते से, पितु प्रताप लखि सब संहारे ॥८॥
सुत अर्जुन पितु वध सुमिरि दुखी, लखि परशुराम बल हैं हारे ।६।
भाई लै परशुराम बनगे, तबही अर्जुन सुत आये हैं ॥१०॥
बैठे देखा मुनि को मारा, अति घोर पाप हिय छाये हैं ॥११॥
रेणुका ने विनय बहुत कीनी, माने न काटि शिर लिये गये ।१२।
कहि राम राम मा उर पीटै, सुनि परशुरामजी प्रगट भये ॥१३॥

दो०—मृतक पिता लखि, रुदनकरि धारा कोष प्रचंड ॥१४॥

छोड़ि हमै पितु स्वर्ग गे, भये क्षत्रि उद्वेग ॥१५॥

छं०—भाइयों को पिता देह सौंपी, क्षत्री कुल रहै न प्रण धारा ।१६।
लै परशु हाथ गे माहिष्मति, तहं बीन २ सबको मारा ॥१७॥
पर्वत लगाय दिये नृप शिर के, बह रक्त धार अति भयकारी ।१८।
इक्कीस वार विन भूष मही, पितु वध अमर्ष दिल में धारी ।
नव कुंड स्पमंतक पंचक में, क्षत्री वध कर भरदीने हैं ॥१९॥
करि यज्ञ पिताके तन शिर धरि, तर्पण करि पूजन कीने हैं ।२०।
होता को पूर्व दिशा दीनी, ब्रह्मा को दक्षिण दान किया ।
अध्वर्यू पच्छिम दिशि पाई, उद्गाता उत्तर दान लिया ॥२१॥

दो०—विप्रों की है सब मही, परशुराम जी दीन ।

विनय प्रार्थना नृपन करि, फिर उनसे लै लीन ॥

छं०—औरों को इधर उधरकी महि, कश्यप को मध्य देश दीना ।
उपद्रष्टा को दै आर्या वर्त्त, सबको सब दै आदर कीना ॥२२॥

सरसुती में करि यज्ञांत न्हान, सब पाप धोय रवि समभ्राजै ॥२३॥
 सप्तर्षिवृन्द में जमदग्नी, सुत करनी से गति लहिराजै ॥२४॥
 आगामी मन्वंतर में यह सप्तर्षी परशुराम होवै ॥२५॥
 बैठे हैं महेन्द्रा चल ऊपर, तजि दण्ड शांत हैं हरि जोवै ॥२६॥
 भृगुवंश में हरि हैं परशुराम, हनि क्षत्री भार उतारा है ॥२७॥
 गांधी के विश्वामित्र भये, जो तप करि द्विजपन धारा है ॥२८॥

दो०—ब्राह्मण सुत हो खीर थी, खाई क्षत्री नारि ॥
 तप करि अंत विप्र भे, सब संदेह निवारि ॥

छं०—सुत विश्वामित्रके सौ औ एक, मध्यम मधुछंद कहाते हैं ॥२९॥
 भृगु वंश में जन्मा शुनः शेय, मुनि उसको जेठ बनाते हैं ॥३०॥
 जो हरिश्चंद्र की यज्ञ माहिं, विकमोल से पशुबनि आया था ॥३१॥
 मुनि विश्वामित्र ने बचा लिया, तब देवरात कहलाया था ॥३२॥
 नहिं जेष्ठ बनावै मधु छंदस, हो म्लेक्ष सबै मुनिशाप दिया ॥३३॥
 लघु पचास से कहैं जेष्ठ करो, ये ज्येष्ठ भये स्वीकार किया ॥३४॥
 हो वीर बड़े मुनि अशीश दें, मुनि प्रथम रहे सब म्लेक्ष भये ।
 बहु बैर शाप से भारत में, सब जगह म्लेक्ष गण बाढ गये ॥३५॥
 भे देवरात औ कुशिक एक, अष्टक जयक्रतु है कुल भारी ।
 कोई शाप कोई बरदान युक्त, भई प्रथा सवी न्यारी न्यारी ॥३६॥

दो०—विश्वा मित्र वंश अस, प्रवरांतर में जाय ।


कोइ क्षत्री कोइ विप्र भे, बहुत भांति समुदाय ॥३७॥

भजन—तपस्या बल है अधिक प्रधान ।

विप्रखीर क्षत्राणी खाई, पुत्र भयो बलवान ॥

विश्वामित्र राज बहु कीनी, द्विजबल लखि घबरान ।
करी तपस्या राज त्यागि कै, चहुंदिशि दृढप्रण दान ॥
सहस वर्षतक जल नहि पीवत, इन्द्रादिक अकुलान ।
ब्रह्मा आय यही बर दीना, होवो विप्र निदान ॥
प्रथम विप्र थे अंत विप्र भे बीच में क्षत्री मान ।
माधवराम भजन तप बलसे, होवै ठीक ठिकान ॥

इति श्री भा० भा० सरसकाव्यनिर्घो नवमस्कंधे षोडशोऽध्यायः



श्रीमद्भागवते भाषा सरसकाव्यनिर्घो नवम
स्कंधे सप्तदशोऽध्यायः

श्लो०—आयोः सप्तदशे त्वैल ज्यैष्ठ्य पुत्रस्य पंचसु ।

सुतेषु क्षत्रवृद्धादि चतुर्णां वंश वर्णनम् ॥

दो०—पुरोरवाके जैष्ठ्य सुत, आयु पंच तिनमार्हि ।

चार पुत्र का वंश सब, सत्रह मार्हि कहाहि ॥१॥

वृ० शुक उ०—सुत पुरुरवाके आयु तासु, भे नहुषक्षत्रवृद्धादि अनूप ॥१॥

रजी रंभ अनेना पांच भाय, भे क्षत्रवृद्धके सुहोत्र भूप ॥२॥

तहं काश्य गृत्समद कशहु तीन, सुत गृत्समदहुके शुनक भये ॥३॥

तिसके शौनक मुनि काश्य पुत्र, भे काशि काशि के राष्ट्र नये ॥

भये राष्ट्र पुत्र शुभदीर्घतमहु, तिनके धन्वंतरि बैद प्रधान ॥४॥
 लें यज्ञ भाग हरि अवतार ये, सुधि करते रोग विनाशमान् ।
 तिनके सुत केतुमान नामी, तहं दिवो दास तहं पुत्र द्युमान ॥५॥
 वह शत्रु जीत सोइ ऋत ध्वजहु, सोई प्रतर्दनहु नाम बखान ॥६॥
 दो०—द्युमान सुत कुबलाश्व हैं, अलर्कादि भूपाल ।

छै सठि सहस सुपालि महि, पार भये भव जाल ॥७॥

छं०—भे अलर्क सुत संतति है नाम, तहं सुनीथ तहां सुकेतन है ।
 तहं धर्मकेतु तहं सत्यु केतु, जिनमें बल प्रताप नूतन है ॥८॥
 तहं धृष्ट केतु सुकुमार तहां, तहं बीतिहोत्र ने जन्म लिया ।
 तहं गर्भ गर्भ के भार्ग भूमि, यह काश्य वंश का नाम किया ॥९॥
 है रभस रंभ के सुत गंभीर, तहं अक्रिय तहां ब्रह्म आये ॥१०॥
 है शुद्ध अनेना के जाये, तहं शुचि तहं ककुद्धर्म गाये ॥११॥
 सुत शांतरयहु ज्ञानी इनके, रजिके हैं पांचसौ सुत बलवान ॥१२॥
 रजि से देवों ने सहाय ली, हनि दैत्य सबै राखे सुर प्रांन ।

दो०—करैं उपद्रव दैत्य पुनि, रजिहि इन्द्रपुर दीन ।

चरण गहे राखो शरण, यह औसर बलहीन ॥१३॥

छं०—रजि के मरने पर लड़कों से, सुर मांगैं पुर वह नहिं देवें ॥१४॥
 आखिर सुरगुरु ने भस्म किया, तब इन्द्रदेव सुरपुर लेवें ॥१५॥
 चलते अनीति सब भ्रष्ट मार्ग, सुरगुरु बृहस्पति भस्म किया ।
 कुशके प्रति तिसके संजयसुत, तहं जय तहं कृतसुत जन्म लिया ॥
 कृत के हर्यवन पुत्र जाये, सहदेव पुत्र हीनहु इसके ।
 जयसेन हीनके पुत्र कहे, तहं संकृति तहं जयसुत जिसके ॥१७॥

[१६८] * श्रीमद्भागवते भाषासरसकाव्यनिधौ *

दो०—क्षत्रधर्म जय से भये, महारथी बलवान ।

क्षत्रवृद्ध को वंश यह, नाहुष वंश वखान ॥१७॥

भजन—इस चंद्र वंश में भी राजा प्रताप पाये ।

इक एकसे ज्वर हैं, दुनियां में यश कमाये ॥

भूपति ययाति कातो, यश खूब छा रहा है ।

यदुवंश भया जिसमें, श्रीकृष्णचंद्र आये ॥१॥

उस चंद्र वंश में ही, जन्मे हैं बीर भीषम ।

जहं धर्म भूप पदवी, लै धर्मराज जाये ॥२॥

नृप विष्णुरात हरिजिन, शुभ नाम है परीक्षित ।

शुक परमहंस जिनको, भगवत कथा सुनाये ॥३॥

जहं भक्त कृष्ण आवैं, कैसे प्रताप कम है ।

गुण माधवराम हरदम श्रीकृष्णजी के गाये ॥४॥

इति श्री० भा० भा० नवम स्कंधे सप्तदशोऽध्यायः

श्रीमद्भागवते भाषा सरस काव्यनिधौ नवम

स्कंधे अष्टादशोऽध्यायः

श्लो०—अष्टादशे ययातेस्तु नाहुषस्य कथोच्यते ।

यस्य पंचसु पुत्रेषु, कनीयानग्रहीज्जिराम् ॥१॥

दो०—नाहुषभूप सुत ययाति के, पांच पुत्र कहि दीन ।

अद्वारह में कहत हैं, जरा छोट सुत लीन ॥

कुं० शुक उ०—हैं नाहुषके ६ सुत यतिययाति, संयाति आयाती वियतिकृती

हो नर्कराज से तजि बनगे, आत्म ज्ञानी सुत जैष्ठ यती ॥२॥
 गे नहुष स्वर्ग सुरपुर पालें, इन्द्राणी की इच्छा कीनी ।
 विप्रों के शाप से सर्प सर्प, कहि अजगर की देही लीनी ॥३॥
 तब ययाति सब पर मालिक भे, चारों भाई दी चोर दिशा ।
 वृषपर्वा शुक्राचार्य सुता, व्याही सुर' यानी भई गुसा ॥४॥
 राजोवाच-हे मुनिययातितो क्षत्री है, किसतरह विप्रकन्या व्याही ।
 प्रति लोम विवाह किया कैसे, मर्याद बिगारा नहिं चाही ॥
 दो० शुक उ०-शर्मिष्ठा दानव सुता, वृषपर्वापितु नाम ।

सहस सखी-संग गुरु सुता, बिचरहिं उपवन ठाम ॥६॥
 छं०-धूमती देवयानी सब मिलि, हिलि मिलिके गीतहु गाती हैं ॥७॥
 जल निकट आय कपड़े तट धरि, क्रीड़ा करि खूब नहाती हैं ॥८॥
 आते लखि गिरिजा शंकरको, भट जलसे निकल वस्त्र पहिरें ॥९॥
 अपने गुनि गुरु कन्या के वस्त्र, शर्मिष्ठा अपने अंग धरें ।
 देखती देवयानी जब ये, गुस्सा हो उससे कहती है ॥१०॥
 देखो पहने हैं मेरे बस्त्र, ज्यों कुतिया मख हवि चहती है ॥११॥
 ममपितु ब्राह्मण हरि मुख सो भया, धरि बेद धर्म दिखलाते हैं ॥१२॥
 हरि लोकपाल सुरपति मानै, सब जगह मान बहु पाते हैं ॥१३॥
 दो०-याको पिता असुर अहै, हम भृगु वंश उदार ।

पहने मेरे वस्त्र यह, शूद्र बेद जिमि धार ॥१४॥

छं०-गुरुसुता कथन सुनि शर्मिष्ठा, करिकोप सांपिनी सरिस जगी ।
 दांतों से होठ चाव तीजा, नृप कन्या वह भी बकन लगी ॥१५॥
 नहिं जानै मंगती अपन हाल, कुतिया सी मम टुकड़े खावै ।

नहिं अन्न मिलै मेरे घर से, तू बाप तेरा कुल मर जावै ॥१६॥
 बहुबकि अपने कपड़ेभी छीन, घिसिलाय कुंवामें डाल दिया ॥१७॥
 घर गई ययाति भूप आये, बन शिकारमें जल चाह किया ॥१८॥
 बोली निकाल लो हमै आप, दो वस्त्र निकालै हाथ गहा ॥१९॥
 गुरु सुता प्रेम भरि नृप से कहै, पकड़ा है हाथ मम भूप यहां ॥२०॥

दो०—और हाथ नहिं गहैं मम, हो मेरे भरतार ।
 मनुष्यकृत संबंध नहिं, यह कीनो करतार ॥२१॥

छं०—मैं कुवां गिरी से आप मिले, ब्राह्मणपति मेरा होय नहीं ।
 सुरुगुरु सुत को मैं शाप दिया, मुझको वह दीन्हा शाप सही ॥
 सुनो भूप हाल सुरुगुरुसुत कच, मम पितु समीप पढ़ने आये ।
 सब विद्या ले घर को जाते, उससे विवाह हित मन लाये ॥
 गुरु कन्या लखि नाहीं कर दी, भूलै सब विद्या शाप दिया ।
 नहिं मिलै ब्राह्मणपति तुमको, उसनेभी कोपकरि बचनलिया ॥२२॥
 यह कारण नृप स्वीकार किया, घरगे वह कन्या घर आई ॥२३॥
 शर्मिष्ठा की करतब सारी, रो रो के पितु से बतलाई ॥२४॥

दो०—शुक्राचार्य उदास भे, नीच पुरोहिति मानि ।
 कन्या लै बाहर चले, शीला वृत्ती ठानि ॥२५॥

छं०—सुनि वृषपर्वा गुरु चरणगिरे, बिनतीकरि गुरुहि मनावैं हैं ॥२६॥
 द्विज छनिक कोप चट प्रसन्न भे, कन्या मनाव बतलावैं हैं ॥२७॥
 कह दो बेटी जो इच्छा हो, कहती पितु मुझे जहां व्याहै ।
 सब सखी संग तेरी कन्या, दासी हो जावै दो चाहै ॥२८॥
 संकट लखि दान वहां कीना, शर्मिष्ठा उसकी दासि भई ।

गुरु सुता विवाही ययाति को, नृप कन्या दासी संग गई ॥२६॥
 कह दिया शुक्र ने ययाति से, शर्मिष्ठा का न संग करना ॥२७॥
 गुरु सुता के लड़का जन्म देखि, नृप कन्या नृप पद शिर धरना ।
 ऋतुदान मुझे दीजै राजा, मैं सखी हूँ हक तब तनमें लिया ॥३१॥
 नृप शुक्र बचन का ख्याल किया, गुनि धर्म मनोस्थ पूर किया ॥३२॥

दो०—यदु तुर्वसु गुरु सुता के, शर्मिष्ठा के तीन ।

द्रुह्यु पूरु अनु नृप सुता, जाये पुत्र प्रवीन ॥३३॥

बं०—सुनिययाति सुत गुरु सुता कुपित, निज पिता शुक्र गृहमें पहुँची
 राजा भी मनाते संग गये, नहीं मानी एकहु बात जची ॥३५॥
 पितु से रोई पितु कोप किया, हो वृद्ध भूप को शाप दिया ।
 देखो गुस्सा भी कहीं कहीं, अपना ही तो नुकसान किया ॥३६॥
 ययाति उ०—नहिं तृप्ति भोग से हे ब्रह्मन, कह शुक्र उमर बदला कर लो ॥३७॥
 नृप आय जैष्ठ सुत यदु से कहैं, दो अपन उमर मेरी तुम लो ॥३८॥
 दे शुक्र शाप हम वृद्ध भये, भोगों से न तृप्ति मेरी हैं ।
 बदला कर लो ये बचन कहा, चाहता उमर मैं तेरी हैं ॥३९॥

दो० यदुरुवाच-धर्म समुक्ति कहते यदू, हम नहिं बदलै वैंस ।

शिथिल होय तन तहां पर, पूर न होवै ऐश ॥४०॥

बं०—तुर्वसु औ द्रुह्यु अनु से मांगी, सबने नाहीं कर दीनी है ॥४१॥
 सब से छोटे पुरु से मांगै, पितु बचन सुनत हां कीनी है ॥४२॥
 पूरुवाच-पितु का बदला को दे सकता, जिससे सुत का तन बनता है
 बिन कहे करै उत्तम सुत है, कहने पर मध्यम ठनता है ॥४३॥
 है अधम अश्रद्धा से जो करै, आज्ञा न करै पितु कामल है ॥४५॥

[२०२] * श्रीमद्भागवते भाषासरसकाव्यनिधौ *

कह दीन उमर पितु सुख भोगै, सुत वृद्धा ली नहिं हलचल है ॥४६॥
 सातहू दीप पालै ययाति, सुख भोगै दिन दिन यज्ञ करै ॥४७॥
 सब देवमयी हरि प्रसन्न हों, रानी संग लै बहु धर्म धरै ॥४८॥
 जिमिधन अकाश में है नाशैं, यों स्वप्न सरीखी माया है ॥४९॥
 उसहरि को हियमें धारे नृप, फल चहैं न, प्रभुकी दाया है ॥५०॥

दो०—तृप्ति भोगि सुख नहिं भई, सहस वर्षगे बीति ।
 प्रगटी हिये ययाति के, धर्म सहित दृढ, नीति ॥५१॥

भजन—जगत में नारि मोहिनी रूप ।

हाड मांस मल मूत्र भरो है, सब जानै तमकूप ॥
 तहूं विकल नारी बिन डोलै, नरमुनि जन सुरभूप ।
 नारी हेत दिवाने नर खर, गिने छांह नहिं धूप ॥
 खोटी नारि कहैं समभावैं, तबहूं लखैं अनूप ।
 माधवराम गुनै तिय माता, पितुहू श्याम सरूप ॥

इतिश्री भा० भा० सरसकाव्यनिधौ नवम स्कंधे अष्टादशोऽध्यायः



* नवम स्कंधे एकोनविंशोऽध्यायः *

[२०३]

श्रीमद्भागवते भाषा सरस काव्य निधौ नवम
स्कंधे एको न विंशोऽध्यायः

श्लो०—ऊनविंशे ययातिः स्वं चेष्टितं नन्वजोपमम् ।

देवयानीं समाश्राव्य बिरक्तो मुक्तिमाप्तवान् ॥१॥

दो०—ययाति नृप निज करतब, ^१अज के तुल्य बखानि ।

उनइश में बैराग लै, मुक्त मिले भगवान् ॥

छं० शुक उ०—कामीसम अपनी करतबलखि, रानीसे गाथा गाते हैं ।

सब कथा हमारी सुनों प्रिये, बनवासी सुनि पछलाते हैं ॥२॥

कोई बकरा प्रिय अपन लखै, इक बकरी कुवां पड़ी देखी ॥३॥

सींगों से मट्टी खोद खोद, बाहर निकाल ली कर शेखी ॥४॥

उस बकरी से की प्रीति बहुत, औरहु बकरी गणका मालक ॥५॥

बकरा इक रुष्ट पुष्ट बलयुत, नहिं लखै आत्मा तन पालक ॥६॥

औरों में प्रीति अधिक उसकी लखि, कुवां से जिसे निकाली है ॥७॥

सह सकी न बकरे को छोड़ा, मालिक से चुगुली ढाली है ॥८॥

दो०—चला मनाते अज उसे, कामी बस है नारि ।

बिनती की मानी नहीं, नारी महा अनारि ॥९॥

छं० बकरीका स्वामी विप्र कोई, बकरेका अंग नरहीन किया ॥१०॥

बिनती करने मे पुष्ट किया, अजभोगि भोग नहिं तृप्त हिया ॥११॥

तैसे हम तेरे प्रेम में फँसि, माया मोहित नहिं आत्म लिया ॥१२॥

घन धान्य पशू नारी जग की, कामी का काम नहिं पूर दिया ॥१३॥

[२०४] * श्रीमद्भागते भाषासरसकाव्यनिधौ *

नहिं काम भोग से शांत होय, ज्यों घृत छोड़े से अग्नि बढ़े ॥१४॥
 नहिं कहीं अमंगल भाव करै, समदृष्ट होय सत रंग चढ़े ॥१५॥
 सब दिशा में सुख समको रहता, तृष्णा दुखदाई ताहि तजै ॥१६॥
 तनजीर्ण होय तृष्णा न धरै, सुख चहै त्यागि श्रीकृष्ण भजै ॥१६॥

दो०—माता भगिनी सुता संग, बैठे नहिं एकांत ।

इन्द्री गण बलवान हैं, तुरत लगावै घात ॥१७॥

छं०—विषयों को भोगा सहस्र वर्ष, तौ भी तृष्णा बढ़ती जावै ॥१८॥
 सब तजि ईश्वर में मन लगाय, निर्द्वंद्व फिरोँ बन में भावै ॥१९॥
 है भूँडा देखा सुना सबी, बिद्वान आत्मा को परखै ।
 लखि देह नाश हंकार छोड़, भव तरै न माया हेत भखै ॥२०॥
 यों कह रानी से ययाति नृप, सुत पूरु को उग्रहु फेर दई ॥२१॥
 दिशि पूर्व द्रुह्यु को दक्षिणयदु, तुर्वसु पच्छिम अनु उतर लई ॥२२॥
 भू मंडल पालक पूरु किया, जिसने पितु आज्ञा मानी है ।
 कर दिया तिलक उसको ययाति, अपना बन यात्रा ठानी है ॥२३॥

दो०—धनि जगमाहिं ययाति नृप, वर्ष सहस्र कर भोग ।

भये पंख पक्षी उड़ै, त्यों गहि लीनों योग ॥२४॥

छं०—बनमें सब संग छोड़ राजा, गुण तजि आत्मा अनुभव कीना ।
 उस परम ब्रह्म में लव लगाय, तन त्यागि परमपद नृप लीना ॥२५॥
 यह कथा देवयानी सुनिकै, नर नारि हेत उपदेश गुना ॥२६॥
 ज्यों राहगीर प्याऊ में मिलै, ईश्वर अधीन जग सकल सुना ॥२७॥
 जग सुख लखि स्वप्न समान सबी, संसार से मनको हटा लिया ।
 श्रीकृष्ण चरणमें लगाय घट, गति पाई तन को त्यागि दिया ॥२८॥

दो०—वासुदेव भगवान को, बारम्बार प्रणाम ।

शांत रूप सबमें बसें, सब जीवों के धाम ॥२६॥

भजन-विषय सब कीना जगत बिहाल ।

बड़े २ मुनि करें तपस्या छोड़ि जगत को जाल ।

माया फांस लेत फन्दे में, चलत न एकौ चाल ॥


जानै सही एक दिन मरना, खाय जाइ है काल ।

धूंधि मूसि बहुबल प्रपंच करि, जोरत हैं जंजाल ॥

जानै संग चलै नहिं कौड़ी, जोरि धरें धनमाल ।

माधवराम विषय से बचि हैं, नित सुमिरौ नंदलाल ॥

इति श्री भा० भा० सरसकाव्यनिधौ नवमस्कंधे एकोनविंशोऽध्यायः



श्रीमद्भागवते भाषा सरस काव्यनिधौ नवम
स्कंधे विंशोऽध्यायः ॥

श्लो०—विंशे पितृप्रसादाप्तराजासनमहोन्नतेः ।

पूरोर्बशोहिदौष्यन्तेर्भस्तस्यैर्यते यशः ॥१॥

दो०—पितु प्रसाद से राज लहि, पूरु भये प्रधान ।

बीस माहिं दुष्यन्त सुत, भस्त प्रताप बखान ॥

छं० शुक उ०—अब कहते पूरुवंश राजन, जिसकुलमें तुम उत्पन्न भये

जहं राज ऋषी औ ब्रह्म ऋषी, कुल करनी वाले जन्म लये ॥१॥

पूरु के जन्मे जय सुत भे, तहं प्रचिन्वान तहं प्रवीर हैं ॥३॥

तहं नमस्यु तिनके चारु पदहु, तहं सुधु तहां बहुगव, धीर हैं ।
 तहं संयाती तहं हंयाती, रौदाश्व तासु सुत जाये हैं ॥३॥
 तिसके ऋतेयु कुक्षेयु तहां, स्थंडिलेयु भाई पाये हैं ।
 सुत कृतेयु जलेयु संततेयू, धर्महु सत्यव्रतेयु दश हैं ॥४॥
 अप्सरा घृताचीसे पैदा, ज्यों दश इन्द्री आत्मा बश हैं ॥५॥

दो०—रंति भार हैं ऋतेयु नृप, तिनके सुत हैं तीन ।

अप्रतिरथ ध्रुव सुमति हैं, एक से एक प्रवीन ॥६॥

छं०—अप्रतिरथके सुत करणव मुनी, तिनके मेधातिथि द्विज गाये ।
 प्रस्करवादि सुत हैं तिसके, तपघोर ठानि द्विजपद पाये ॥
 सुमती के रैभ्य दुष्यंत तहां, दुष्यंत करणव आश्रम में गये ॥७॥
 तहं रूपवती लक्ष्मी के तुल्य, इक कन्या सुंदरि लखत भये ॥८॥
 संग सेन देखकुछ मन लोभा, उस कन्या से नृप बात करें ॥९॥
 मन प्रसन्न लखके चित चंचल, मधुरी बाणी मुखसे निकरें ॥१०॥
 को आपहो किसकी कन्याहो, किसकारण बनमें रहती हो ॥११॥
 नहिं अधर्म लाते पुरु बंशी, हो नृप कन्या पति चहती हो ॥१२॥

दो० शकुन्तलोवाच-पैदा विश्वामित्र से, अहै मेनका मात ।

करणमुनी पालन किया, छोड़ि हमै वह जात ॥१३॥

छं०—आवो बैठो पूजन लीजै, भोजन कीजै चह रात बसो ।
 मैं तो क्षत्री की कन्या हूं, रहती मुनि ढिग नहिं बृथा हंसो ॥१४॥
 दुष्यंत उ०—तुम कुशिक वंशकी कन्याहो, उस कुलमें स्वयं कन्या बरले ।
 क्या इच्छा तुम्हरी हां कीनी, गंधर्व व्याह नृप कर धरले ॥१५॥
 रानी की अमोघ वीर्य धर के, बस रात सबरे घर आयै ।

वह समय पायकै शकुन्तला, है भरत नाम शुभ सुत जायै ॥१७॥
करि कर्म करणव पालन कीना, हो गया बड़ा सिंहहु बांधै ॥१८॥
लखि प्रताप माता सहित उसे, मुनि भेजी निजपति आराधै ॥१९॥

दो०—निंदा योग्य न मातु सुत, राजा ग्रहण न कीन ।

गगन गिरा सब सुन रहे, भै अति जोर नवीन ॥२०॥

छं०—माता है धौकनी सुत पितु का, जिससे जो पैदा उसका है ।
मत शकुन्तला को तजौ भूप, सुत तुम्हार नहिं किसपिसका है ॥२१॥
उत्पन्न वीर्य से पुत्र बचावै यमसे, श्रुति यों कहती है ।
तुम पितु शकुन्तला सत्य कहै, पालौ वह पालन चहती है ॥२२॥
दुष्कृत मान ली गगन गिरा, सुत माता का पालन कीना ।
इसमें भी कारण शाप अहै, संसार कर्म के आधीना ॥
थी शकुन्तला जब गर्भवती, दुर्वासा मुनि जी आयै थे ।
यह राजा का स्मरण करै, लखि मुनिको शिर न झुकायै थे ॥

दो०—मुनी क्रोध से शाप दें, राजा लेहिं न तोहिं ।

मुनि मुनि से बिनती करै, मुनी उबारै मोहिं ॥

छं०—मैं अबला उमर नवीन नाथ अपने पतिही के ध्यानमें थी ।
यह कारण शिर न झुकाने का, नहिं स्वामी और गुमान में थी ॥
बिनती करने से मुनि प्रसन्न, कह पहले भूप न ग्रहण करै ।
दुख तेरा लखि हो गगन गिरा, पालन करि हैं सब दुःख हरै ॥
पितु मरने पर भे भरत भूप, है चक्रवर्ति यश भारी है ॥२३॥
करमे है चक्र पावों में पद्म, सम्राट सुपद अधिकारी है ॥२४॥
शत पांच पांच मुख गंगा तट, कोई यमुना तट में कीनी है ॥२५॥

सत्तर औ आठ करि अश्वमेध, सैकड़ों बद्ध गौ दीनी हैं ॥२६॥

दो०—तेरह सहस चौरासी, एक बद्ध परमान ।

बद्ध एक देते गऊ, विप्रन को नित दान ॥

छं०—शत तीन अश्व बांधे, मखहित राजों को विस्मय आया है ।

दुष्यंत पुत्र शुभ भरत भूप, करि यज्ञ तरे सुरमाया है ॥२७॥

सोने के कृष्ण मृग दान किये, मण्यार^१ कर्म में चौदहलाख ॥२८॥

नहिं भरततुल्य कोइ करै कर्म, नहिं करि हैं जगमें फैली शाख ॥२९॥

यवनांघ्र किरात खशौशक को, दिग्विजय में म्लेच्छसंहारे हैं ।

नहिं धर्म ब्राह्मण मानै जे, बिन बिन के सबही मारे हैं ॥३०॥

देवों को जीत कै असुर वृन्द, देवियों को ले पाताल गये ।

भट भरत प्रतापी जीत उन्हें, देवी लाये आनन्द भये ॥३१॥

दो०—पूरै महि सब कामना, प्रजा सुखी सब काल ।

वर्ष सत्ताइश सहस लौं, कीनों राज भुवाल ॥३२॥

छं०—सुरपति समान श्रीचक्र फिरै, सब भुंठा लखिविराग लाये ॥३३॥

थी रानी तीन सुत मार देहिं, नृप तजै हमें मन समझाये ॥३४॥

था भरत भूप का वितथ वंश, सुतवितथ नाम सिद्धान्त लिया ।

नहिं वंश चला सुत यज्ञ करी, सुत भरद्वाज वायू ने दिया ॥३५॥

सुर गुरु से उत्पति है जिसकी, देवों की लीला न्यारी है ॥३६॥

हैं भोग भूमि सुरपुर में सुर, नर कर्मों का अधिकारी है ॥३७॥

भर भरद्वाज सुर नाम करै, वह भरद्वाज कहलाये हैं ॥३८॥

सुत देवों के बायू लाये, दीना यह वंश चलाये हैं ॥३९॥

दो०—माया भगवत की कठिन, समुझ माहिं नहिं आव ।
ईश्वर पद सुमिरन करो, जगत पार है जाव ॥

भजन—करो नरनार हिये में ख्याल,
बड़े २ राजा पृथ्वी पर, भये अधिक विकराल ।
यज्ञदान दिग्विजयकीन सब, अंत खागयो कोल ॥
सुरनर कीट पतंग योनि हैं कर्म भोग बहु जाल ।
नरकी योनिकर्म करने को, चलै कुचाल सुचाल ॥
फल भोगैं मरिकैं चौरासी, नर्क स्वर्ग सुख हाल ।
माधवराम प्रपंच त्याग कर, भजौ सदा नंदलाल ॥

इति श्री० भा० भा० नवम स्कंधे विंशोऽध्यायः समाप्तः ।

श्रीमद्भागवते भाषा सरस काव्यनिधौ नवम
स्कंधे एक विंशोऽध्यायः ॥



श्लो०—एक विंशे तु दौष्यन्तेः सुतस्यान्वय उच्यते ।
रन्ति देवाजमीढादे र्यत्र कीर्तिः प्रतन्यते ॥१॥

दो०—भरत वंश दुष्यंत सुत, इकइश माहिं बखान ।
रन्तिदेव अजमीढ बहु, भूपति जहां प्रधान ॥

छं०शुक उ०—नृप भरतके सुत है वितथ तहां सुतमन्यु तहां वृहच्चत्रभये
तहां जय नरं गर्ग तहां संकृत तहां रन्तिदेव यश विमल किये ॥२॥

[२१०] * श्रीमद्भागवते भाषासरसकाव्यनिधौ *

भा अकाल कुछ नहिं पास रहा, आकाश १ जीविका कुटुंबसंग ॥३॥
 अड़तालिश दिनयों बीतगये, नहिंलिया अन्न जलविगड़ादंग ॥४॥
 भूखे प्यासे हो कंपगात, कुछ अन्न धरा बिन द्विज आया ॥५॥
 श्रद्धा से उसको अन्न दिया, जगमें हरि देखैं सुख पाया ॥६॥
 फिर शूद्र मांगता मुझको दो, उसको भी श्रद्धा से दीना ॥७॥
 वा गया श्वान ले आय और, कहता नृप तुम्हरे आधीना ॥८॥

दो०—दिया अन्न जल सबहि को, भूपति कीनो मान ।

श्वा श्वा पति हरिमय नमो, समझिहिये भगवान ॥६॥

छं०—पानी पीने को ले बैठे, चंडाल तुरत आया तैसे ।
 हों अशुभ मुझे जल ही दीजै, हूँ दीन बचन बोला ऐसे ॥१०॥
 सुनि दीन बचन उसके राजा, हियधारि दयामृदु बचन कहैं ॥११॥
 नहिं ईश्वर से सुख मुक्ति चहौं, दुखिया हों सुखी हम दुःखलहैं ॥१२॥
 श्रम भूख प्यास दीनता शोक, मोहादि से छूटै जीव सभी ।
 ममजल अर्पणसे यह फलहो, सब सुखी हों नहिं दुःखकभी ॥१३॥
 यों कहिं प्यासों से मरै भूप, चंडाल कौ जल अर्पण कीना ॥१४॥
 यह सब परमेश्वर माया थी, फिर ब्रह्मादिक दर्शन दीना ॥१५॥

दो०—सबहिं प्रणाम नृपतिकिया, मनमें कुछ नहिं चाह ।

वासुदेव भगवान में, ली भक्ती उत्साह ॥१६॥

छं०—हरि अर्पण मनकीना राजा, सब स्वप्न तुल्य माया छूटी ॥१७॥
 भे रंतिदेव योगी तरिगे, कुलवालों की फांसी टूटी ॥१७॥

तहं गर्ग शिनी तहं गार्ग्य भये, क्षत्री से ब्राह्मण तप करिके ।
 तहं कहा वीर्य से दुरित क्षय, त्रय्यारुणि कबिहरिचितधरिके ॥१६॥
 पुष्करारुणी ब्राह्मण गतिली, सुत बृहत्क्षत्र के हस्ती है ।
 नृप अधिक प्रताप बसाई है, हस्तिनापूर शुभ वस्ती है ॥२०॥
 अजमीढ द्विमीढ औ पुरुमीढहु, हस्ती ने तीन सुत पाये हैं ।
 प्रियमेधादिक इनके कुलमें, बृहदिषु अजमीढ के जाये हैं ॥
 दो०—बृहदिषु के हैं बृहद्धनु, बृहत्काय सुत तासु ।

पुत्र जयद्रथ तहं विशद अहैं, सेन जित जासु ॥२२॥

छं०—दृढ. हनु रुचिराश्व काश्य बत्सहु, सब सेन जितहुके हैं जाये ।
 रुचिराश्व के पार पृथुसेनहु, नृप नीप एक सौ सुत पाये ॥२४॥
 वह शुक की कन्या कृत्वी में, सुत ब्रह्मदत्त जन्माये हैं ।
 शुक परमहंस कन्या कैसे, पैदा हो बनहिं सिधाये हैं ॥
 कहि पुत्र २ है विकल व्यास, शुक आया शुक दिखलाये हैं ।
 निज पुत्र समुभि शुक देव वही, तब व्यासदेव गृह लाये हैं ॥
 आया शुकका मुनि किया व्याह, तिसके कन्या कृत्वी जाई ।
 वह ब्रह्मदत्त की माता है, सम्पूर्ण कथा यह बतलाई ॥
 दो०—ब्रह्मदत्त योगी भये, व्याही है गवि नारि ।

विष्वक् सेन सुपुत्र भे, निजपितु के अनुहारि ॥२५॥

छं०—जैगी षव्यसे जाय योग सीखा, सुत उदक्स्वनहु पैदा कीना ।
 तिनसे भस्माद पुत्र पैदा, बृहदिषू बंश सब कह दीना ॥२६॥
 सुत द्विमीढ के हैं यवीनरहु, तिनके कृतिमान कहाये हैं ।
 तहं सत्य धृती दृढनेमि तहां, तिन सुपार्श्वकृत सुत पाये हैं ॥२७॥
 सुत सुपार्श्व के है सुमति तहां है सन्नतिमानहु जन्म लिये ।

तहं हिरेण्य नाभ कृती तिनसे, छै साम संहिता गान किये । २८।
तहं क्षेम सुवीर तहां सुपुत्र, रिपुजय सुनामदू जन्म लिया । २९।
तहं बहुरथ तहं पुरुमीढ पुत्र, तहं नलिनी में सुतनील भया । ३०।
दो०—भया नील के शांति सुत, सो सुशांति सुत पाव ।

तहां पुरुज तहं अर्क है, तहं भर्भ्याश्व गिनाव ॥३१॥
छं०—तिनके सुत पांच मुद्गलादिक, पंचाल देश कहलायै हैं ।
मुद्गल वृहदिषु औ यवीनरहु, संजय कांपिल्य गिनायै हैं ॥३२॥
मोद्गल संज्ञा भयो, विप्र गोत्र, मुद्गल कन्या सुत पायै हैं ॥३३॥
है सुता अहल्या दिवोदास, सुत ये दो नाम गिनायै हैं ।
रूपवती ज्यादा इससे, कहते ब्रह्मा ने रचन किया ॥
व्याही थी अहल्या गौतम को, तहं सतानंदजी जन्म लिया । ३४।
पुनि सत्यधृती तहं शरद्धान, उर्वशी देखि तृण वीर्यपरा ॥३५॥
कृप—कृपी पुत्र कन्या जन्मे, शंतनु शिकार मिस लाय धरा ।
दो०—बनसे शंतनु लाय दोउ, पालत हिये उद्धाह ।
बड़ी भई कन्या कृपिहि, द्रोणहिं कीन विवाह ॥

भजन—बहुत है चंद्रवंश विस्तार ।

थोड़े महं गिनती कर दीनी, मुख्य मुख्य निरधार ।
एक से एक प्रताप युक्त नृप, धनबल राज अपार ॥
करनी करी संग लै चलि भयै, आखिर हाथ पसार ।
इनसे सीख मिलति हैं हमको, करलो हिये विचार ।
माधवराम श्यामभजि सतगहि, भव से बेड़ा पार ॥

इति श्री भा० भा० सरसकाव्यनिधौ नवमस्कंधे एकविंशोऽध्यायः

श्रीमद्भागवते भाषा सरसकाव्यानिधौ नवम स्कंधे द्वाविंशोऽध्यायः

श्लो०—द्वाविंशे तु दिवादास वंशमुक्त्वाऽथवर्णिताः ।
ऋक्षवंशे जरासंधपार्थदुर्योधनादयः ॥ १ ॥

दो०—दिवोदास का वंश कहि, ऋक्षवंश विस्तार ।
जरासंध दुर्योधनहु, बाइस माहि विचार ॥

छं० शुक उ०—हैं दिवोदासके मित्रेयू, तहं च्यवन सुदासभयेतिसके ।
तिसके सहदेव तहाँ सोमक, सौ पुत्र बृंद जन्मे इसके ॥१॥
तहं ज्येष्ठ पृषत तहं द्रुपद भये, द्रौपदी धृष्ट द्युम्नादि भये ॥२॥
सुत धृष्ट द्युम्न के धृष्ट केतु, पंचाल भूप ये कहे गये ॥
अजमीढ के हैं संवर्ण ऋक्ष, इसको ही रवि कन्या व्याही ॥३॥
तपती में कुरु भे कुरु क्षेत्र, रच दिया भूप बड़ उत्साही ।
सुत सुधनु जन्हु निषधाश्व लहे, सुत सुहोत्र सुधनु भूप पाये ॥४॥
सुत सुहोत्र के हैं च्यवन और, तहं कृती तहां वसु नृप आये ।

दो०—बसु सुत बृहद्रथहु के, उपरि चरहु बसु नाम ॥५॥
कुशांबमतस्य प्रत्यग्र हैं, चेदिप पुत्र ललाम् ॥

छं०—सुत बृहद्रथहु के कुशाग्र इक, तहं ऋषभनामके सुत जाये ॥६॥
तहं सत्य हितौ तहं पुष्पवान, तहं जहु सुपुत्र नृप जन्माये ।
दूसरी रानी में दो टुकड़े, नृप बृहद्रथहु के जन्म लिये ॥७॥
माता फेकै दिये जरा जोड़, तब जरासंध सुतनाम किये ॥८॥
सहदेव जरासंधहु के सुत, तहं सोमापी तहं श्रुतश्रवा ।

सुत नहीं परीक्षित के जनमे, जन्हू के जान्हव सुरथ हुवा ॥६॥
तहं बिदूरथहु तहं सार्व भौम, तहं जयसेनहु तहं सुतराधिक ।
तहं प्रत्युततहं क्रोधन सुतहैं, तहं देवातिथि सब सिधिसाधक १०

दो०—देवातिथि के ऋष्य तहं, दिलीप तहां प्रतीप ॥११॥

देवापी बाल्हीक अरु, शंतनु तहं कुल दीप ॥

छं०—देवापी बनगे राजि त्यागि, तब शंतनु गही पाई है ।१२।
छूते हैं जीर्ण बस्तू कर से, भट से नवीन ह्वै जाई है ।१३।
शांती दिल में शंतनु है नाम, जब वारा वर्ष न जल बर्शा ।१४।
बिप्रां से पृंछै बिप्र कहैं, ली राज जैष्ठ की दुख पर्शा ॥१५॥
दी राज बड़े को वह नहिं ले, श्रुति निंदा की नालायक है ॥१६॥
बर्षाते तब सुरपति जल को, यह तो सत धर्म सहायक है ।
उत्तर में कलाप ग्राम तहां, देवापी बसि तप करते हैं ॥१७॥
कलि अंत में चंद्रवंश नाशै, शतयुग में सृष्टी धरते हैं ।

दो०—सोमदत्त बाल्हीक के, भूरिश्रवा शत जासु ॥१८॥

शंतनु के सुत भीष्मजी, गंगा माता तासु ।

छं०—सब धर्मज्ञानियों में हैं श्रेष्ठ, हरि भक्त बीर कवि धनुधारी ।१९।
जिन परशुराम को तोष किया, करि के पूरी बाणावारी ॥२०॥
शंतनु से सत्यवती में फिरि, चित्रांगद बिचित्र वीर्य भये ।
मुनि व्यास पराशर से जन्मे, उसही से प्रथम वतार लिये ।२१।
वेदों के रत्नक कृष्ण नाम, जिनसे ये भागवत हम पाये ।
पैलादि शिष्यको बेद दिये, हमै भक्ति ग्रंथ यह सिखलाये ॥२२॥
यह गुप्त संहिता मुझे दर्ई, उन दो भाई का हाल सुनो ।

* नवम स्कंधे द्वाविंशोऽध्यायः *

[२१५]

काशी नरेश की दो कन्या, अम्बा अम्बालिका नाम मुनो ॥२३॥

दो०—भीष्म स्वयम्बर से हरी, विचित्र वीर्य विवाह ।

करवायो अपना मदा, ब्रह्मचर्य निर्वाह ॥

छं०—इक मरा यक्षमा रोग ग्रसित, दूसरा युद्ध करि प्राण दिया ॥२४॥
माता आज्ञा धरि व्यास मुनी, युक्ती से कुल निर्वाह किया ।
धृतराष्ट्र पांडु इक इकसे भये, दासी में बिदुर देह पाई ॥२५॥
सौ पुत्र ज्येष्ठ दुर्योधन जहँ, दुशला नाम कन्या जाई ॥२६॥
धृतराष्ट्र के ये सब, शाप भया, पांडु के पुत्र नहिं जन्म लिये ।
तब धर्मराज वायू औ इन्द्र, से भीम युधिष्ठिर पार्थ भये ॥२७॥
कुंती सुर आवाहन का मंत्र, दुर्वासा मुनि से पाया था ।
नृपने आज्ञा दी पुत्र हेत, सुर बोलाय सुत जन्माया था ॥
नृप कहा मंत्रमादी को दिया, अश्विनि कुमार आवाहित कर
सहदेव नकुल दो पुत्र भये, द्रौपदी पांच सुत लहे सुघर ॥२८॥

दो०—सुत प्रतिविंश युधिष्ठिर, भीम के भे श्रुत सेन ।

अर्जुन से श्रुत कीर्ति है, शतानीक नकुलैन ॥२९॥

छं०—श्रुत कर्मा है सहदेव पुत्र, सुत धर्म से पौरविदेव कहै ।
सुत भीमसेन से घरोत्कचहु, इक नारि हिडंगा पुत्र लहै ॥३०॥
थी भीम नारि दूसरि काली, तहं सर्व गतहु सुत जन्म लये ।
सहदेव के बिजया रानी में, सुत सुहोत्र ही उत्पन्न भये ॥३१॥
निर मित्र पुत्र नकुलहु के भये, दूसरि करेणुमति रानी है ।
अर्जुन के उलूपी में जन्मे, सुत वभ्रु वाहनौ ज्ञानी है ॥

[२१६] * श्रीमद्भागवते भाषासरसकाव्यनिधौ *

पुत्रिका धर्म सेमा व्याही, नाना ने अपना राज दिया ।३२।
श्रीकृष्ण की बहिन सुभद्रा में, अभिमन्यु वीर सुत जन्म लिया ।

दो०—वीर अति रथी बिजय कर, रणमें सेना पाल ।
तासु उत्तरा नारि में, प्रगटे तुम भूपाल ॥३३॥

छं०—कुरु वंशि क्षीण लखि द्रोण पुत्र, तुम पर ब्रह्मास्त्र चलाया है ।
श्रीकृष्ण काल से बचाय कर, करि दाया तुम्हें जिलाया है ॥३४॥
जन्मेजय औ श्रुत सेन, भीम सेनहु औ उग्रसेन सुत चार ।३५।
तक्षक से मृत सुनि तुम्है भूप, जन्मेजय अहि मख करें बिचार ३६।
तुरे विप्र आचार्य बनाय भूप, महि जीति अश्वमेधहू करें ॥३७॥
जन्मेजय के सुत शतानीक, याज्ञवल्क से वेदत्रयी धरै ।
पुनि अस्त्रशास्त्र दें कृपा चार्य, शौनक से क्रिया ज्ञान पाये ॥३८॥
तहं सहसनीक तहं अशमेधज, तहं असीम कृष्ण विरथ आये ॥३९॥

दो०—नदी बहावै हस्तिपुर, अश कौशांबी मांहि ।
तिनके होवै चित्र रथ, कबिरथ होय तहांहि ॥४०॥

छं०—तहं बृष्टिमान तहं सुपेणहैं, तहं सुनीथ तहं नृचक्षु सुखिनल ।४१।
परिप्लवतहं सुनयके मेधावी, नृपजयतहं दूर्वस्थि मिहैं अचल ।४२।
तिमिके बृहद्रथमुदास तिसके, तहं शतानीक दुर्दमन तहां ।४३।
दुर्दमन के पुत्र वही नर है, तहं निमि तहं क्षेमक बली महा ।४४।
यह ब्रह्म क्षत्र का वंश कहा, अंतिम क्षेमक सुनौ मगधभूय ।४५।
सहदेव के मार्जारि श्रुत श्रव, तहं युतायु तहं निरमित्र अनूप ।४६।
तहं सुनक्षत्र के हैं बृहत्सेन, तहं कर्म जीत तहं सृतं जयहु ॥४७॥
तहं क्षेम के सुव्रत धर्म क्षेत्र, तहं सम के धुमत्सेन जयहु ।४८।

दो०—तहाँ सुमति के सुवल है, तहं सुनीय सत जीत ।

विश्वजीत तहं रिपुंजय, वंश वृहद्रथ गीत ॥४६॥

भजन—है चंद्रवंश नृप अति विशाल, आये यशसुरपुरुष पताल ।

इक इकसे धन बल चंड तेज, जाहिर भे जगमें प्रजापाल ॥

मित्रनकोशशिसम अमृतसींच, शत्रु नाशैरणमनहुकाल ।

लै जन्म किये बहु यज्ञदान, याचक धनदै कीने निहाल ॥

नर नारि निहारौ चले गये, गलधारे अपने जगत जाल ।

माधोराम पारजोचहौं मोह, दिनराति भजौ हियनंदलाल ॥

इति श्री भा० भा० सरसकाव्यनिधौ नवम स्कंधे द्वाविंशोऽध्यायः

श्रीमद्भागवते भाषा सरस काव्य निधौ नवम
स्कंधे त्रयो विंशोऽध्यायः

श्लो०—त्रयोविंशे त्वनो द्रह्मोस्तुर्वसोश्चान्वयः क्रमात् ।

यदोश्च वंशोऽनुक्रान्तो, यावज्यामघ सम्भवः ॥१॥

दो०—तेइस में अनु द्रुह्युओ तुवसुंयदु को वंश ।

ज्यामघ नृप के जन्म लौ, बरणौ मुनि अवतंश ॥

छं० श्री-शुक्ल०—अनु नृपके सभा नर चतु पुत्र, अरु परोक्ष तीनहु भूपभये

भेस भानरहुके काल नरौ, तिसके सृंजय सुत शील नये ॥१॥

तिसके जन्मे जय तिसके दो, उशिनरति तिछु सुत जाये हैं ।

है महाशील औ उदार चित, भूमंडल में यश आये हैं ॥२॥

शिवि बन शमि दक्षि चारि सुतये, सुंतउसीशी नरहु नृप पाये हैं ।

वृषदर्भ सुबीरभद्र सबही, केकय नृप पुत्र कहाये हैं ॥३॥

शिविके सुत चार तितुच तहां, रुशद्रथहु हेमके सुतप बली ।४।
 अंगहू बंग कालिंग सुह, पुंडीधू पुत्र बलिके असली ॥५॥
 निज नाम के देशबसाये हैं, पूरब में अंग पुत्र खन पान ॥६॥
 तहुं दिविरथ पुत्र धर्मरथ हैं, सुत चित्ररथ रोम पाद सोइ जान ।७।

दो०—दशरथ सखा सुताहु निज, शांता गुण की खानि ।

भयो अवर्षण शृंगरिषि, व्याही वर्षा ठानि ॥८॥

छं०—हरणीसुत शृंगी ऋषि बन में, रहते नारी बश कर लाई ।
 ये महिमा नारी मायाकी, नृप दशरथ मख मुनि करवाई ॥९॥
 रामादिकपुत्र पाये हैं चार, चतुरंग है रोमपाद के सुत ॥१०॥
 तिसके पृथुलाच तहां बृहद्रथ, बृहद्भानु बृहत्कर्मा अद्भुत ।
 बृहद्रथ के बृहन्मना जाये, इसके सुत जयद्रथहु कहते ॥११॥
 तहं विजय के धृत के धृत ब्रत भे, तहं सत्कर्मा अधिस्तलहते ॥१२॥
 पाई मंजूषा गंगातट, तहं कर्ण बंश नहिं पुत्र किया ।
 बृषसेन कर्ण के द्रुह्यु बंश, कहने कों मुनी बिचार लिया ॥१३॥

दो०—पुत्र द्रुह्यु का वभु है, पुत्र सेतु है जासु ॥१४॥

गांधार आरब्ध के, धर्म पुत्र है तासु ।

छं०—तहं धृतके दुर्मन प्रचेत सुत, तहं प्राचेतससौ सुत जाये ॥१५॥
 उत्तर दिशि म्लेच्छों के राजा, यह द्रुह्यवंश लघु में गाये ॥१६॥
 तुर्वसु के बन्हि तहं भर्ग भये, तहं भानुमान के त्रिभानु है ।
 तहं पुत्र करंधम तहं मरुत्त, सुतरहित पूरुबंशी मान है ॥१७॥
 दुष्यंत पुत्र भरतहिसे वंश, अब ज्येष्ठ पुत्र यदुवंश सुनो ॥१८॥

* मवम कधे त्रयोविंशोऽध्यायः *

[२१६]

यदुवंश सुने छुट जाय पाप, सब पाप हरण हरि जन्म गुनो॥१६॥
 जहं परमात्मा हरि प्रगट भये, यदु के सहस्रजित कोष्टा नला॥२०॥
 रिपु चार पुत्र फिर प्रथमके सुत, शतजित तिनके सुत तीन प्रबल॥२१॥

दो०—महाहयौ अरु बेणुहय, हैहय के सुत धर्म ।
 तहां नेत्र कुंती तहां, सुतमोहं जी शर्म ॥२२॥

छं०—तहं महिष्मानके भद्रसेन, तहं दुर्मद के सुत धन क अहैं ॥
 कृत वीर्य कृताग्नी कृतवर्मा, कृत औजा धन के पुत्र कहैं॥२३॥
 कृत वीर्य के अर्जुन दीपेश्वर, दत्तात्रेयी से सिद्धि लही॥२४॥
 मत्स्य योग दान तप बल जप से, अर्जुनसे न भूपति कीर्ति गही॥२५॥
 पचाशी सहस राजकीना, नहिं बल धन कम सब भोग लहे ।
 सुत सहस में केवल पांच वचे, सब परशुराम के कोप दहे॥२६॥
 जयध्वज बल शूरसेन वृषमहु, मधुर्जित पांचयही गायो॥२७॥
 जयध्वज के ताल जंघ तहं सौ, सब तेज और्व मुनि से पाये॥२८॥

दो०—वीति होत्र तहं जैष्ठ है मधु के वृष्णी जान ।
 तिस के सौ सुत जन्मले, वृष्णि जैष्ठ पहिचान॥२९॥

बं०—माधव वृष्णी यादव संज्ञा, यदु पुत्र क्रोष्ट के वृजिनिधान॥३०॥
 तहं श्वाहिके पुत्र रुशेकु तहां, शशविंदु चित्ररथके सुत माना॥३१॥
 तहं महा भोज योगी सुत भे, जो चक्रवर्ति अपराजित है॥३२॥
 हैं चौदह रत्न पास जिसके, गज वाजि रथ स्त्री शरमित है ।
 निधिमाल्य वस्त्र तरुशक्तिपाश, मणिछत्र विमान ये चौदह रत्न॥३३॥
 दश सहस नारि में लक्ष लक्ष, इक इकमें सुत भये बिना यत्न ।

छ प्रधान तहं है पृथु श्रवस, के पुत्र धर्म हयं मेध करें ॥३३॥
करवाई शुक्राचार्य तासु सुत, रुचक तहां सुत पांच धरें ॥३४॥

दो०—पुरु जित रुक्म रुक्मइषु, पृथु औ ज्या मघ नाम ।

ज्यामघ के सुतमहिं भया, नृप कीन्हा यह काम ॥३५॥

छं० इक जगह स्वयंवर से कन्या, ज्यामघ राजा हर लाये हैं ।
पहली रानी निज सौत देखि, नृपको रिस बचन सुनाये हैं ॥३६॥
हे कामी रथमें लाया किसे, नृप डरके कहै सुत बधू तेरी ।
वह कहै मैं बंध्या सौत नहीं, सुत नहीं है कैसे बहू मेरी ॥३७॥
कहते राजा जो होय पुत्र, उसके संग इसका व्याह करें ।
पितृ विश्वेदेव मनाये नृप, तब शौव्या रानी गर्भ धरै ३८ ॥३८॥

दो०—समय पाय कै पुत्र भा, विदर्भ जाको नाम ।

बड़ा भया व्याही गई, रानी सीम्हा काम ॥३९॥

भजन—जगत में बहुत वंश विस्तार ।

एक एक से पैदा होवें, वढै बहुत परिवार ॥

औषधि वृक्ष समान पीछले वृद्ध होय पुनि छार ।

करनी संग बांधि सब चलिभे आखिर हाथ पसार ॥

पड़ा रहा सब यहीं साथ में, नहिं लैगे शिरधार ।

माधवराम श्याम पद भजिले, यही जगत में सार ॥

॥ इति श्रीमद्भागवते भाषा सरस काव्यनिधौ त्रयोविंशोऽध्यायः ॥





ॐ श्री कृष्णचन्द्राय नमः ॐ

कानपुर निवासी लाला देवकीनंदन जी के पुत्र
श्यामलाल जी खत्री (मेहरे ढाईघर)
की धर्म पत्नी, लाला जगतनारायण जी की कन्या

श्रीमती मुन्नी बाई जी

*** ने ***

नवम स्कंध की छपाई में यथा शक्ति धन व्यय से
सहायता की ।

* नवमस्कंधे चतुर्विंशोऽध्यायः *

[२२१]

श्रीमद्भागवते भाषा सरस काव्यनिधौ नवम स्कंधे चतुर्विंशोऽध्यायः ॥

श्लो०—चतुर्विंशे विदर्भस्य पुत्रत्रयसमुद्भवाः ।

वंशा नाना मुखाः प्रोक्ता रामकृष्णोद्भवावधि ॥१॥

दो०—विदर्भ कुल चौबीस में, तीन पुत्र हैं जासु ।

रामकृष्ण के जन्मलों, नाना बंश विकास ॥

छं० श्रीशुक उ०—कुश क्रथ विदर्भ के पुत्र भये तीसरे रोमपादहुराजा ।
सुत रोमपाद के वभ्रु तहां कृति तहां उशिक भे महाराजा ॥२॥
तहं चैद्यादिक सुत जन्म लिये, क्रथ के कुंती तहं धृष्टि भये ।
तहं निवृत्ति तहां दशार्ह व्योम, तिसके जीमूतहु पुत्र नये ॥३॥
तहं विकृति के भीमरथौ सुतये, तिसके नवरथ तहं दशरथ है ॥४॥
तहं करंभ शकुनी के है पुत्र, तहं देवरात सुंदर गथ है ।
तहं देवक्षत्र के मधु सुत हैं, कुरु बंशों में अनु जाये हैं ॥५॥
अनु के पुर होत्र तहां आयू, तहं सात्वत पुत्र कहाये हैं ।

दो०—भजि भज मान दिव्य औ, बृष्णि देववृध नाम ।

अंधक सुत सात्वत अहैं, महाभोज परिणाम ॥६॥

छं०—भजमान के निल्मोची सुत हैं, किंकिण धृष्टी भी पाये हैं ।
सात्वत के सात पुत्र सबमिलि जिनसे बहु बंश गिनाये है ॥७॥
इक में यह दूसरि में हैं तीन, शतजित सहस्रजित अयुताजित ॥८॥
देवावृध पुत्र भये बभ्रू, कीरति आई है जासु अमित ॥९॥
देवो के तुल्य बभ्रू है श्रेष्ठ, पैसठ हजार को मुक्त किया ॥१०॥

[२२२] * श्रीमद्भागवते भाषासरसकाव्यनिधौ *

उपदेश पाय मुक्ती पाई, तहं महाभोज सुत जन्म लिया ॥११॥
 वृष्णी के पुत्र सुमित्र युधाजित तहांशिनी दूसर अनमित्र ॥१२॥
 अनमित्रके निम्न तहां दो सुत, सत्राजित और प्रसेन विचित्र ।

दो०—दूसर सुत अनमित्र के, शिनि है लीजै मान ।

तहं सत्यक के सात्य की, तहं जयतहं कुणि जान ॥१३॥

छं०—अनमित्रके वृष्णि और सुतहै, सुतकुणिकके नामयुगंधर है १४
 तिसके श्वफक्ल औ चित्ररथहु, गांदिनी नारि श्वफक्ल घर है ।
 अक्रूर सहित बारा लड़के, आसंग सारमेयहु मृदुर ॥१५॥
 मृदुवितगिर धर्मवृद्ध क्षेत्रहु, सुत अहै सुकर्मा उपेक्षफुर ॥१६॥
 अरिमर्दन औ शत्रुघ्न गंधमादहु, प्रतिबाहु गिनाये हैं ।
 है वहिन सुचीरा इन सब की, अक्रूर के दो सुत जाये हैं ॥१७॥
 हैं देव वान उपदेव चित्र रथ के, पृथु विदूरथहु जानौ ॥१८॥
 है वृष्णि पुत्र कंवल वहीं, कुकुर भजमान शुची मानौ ।

दो०—कुकुर के सुत बन्धि है, पुत्र विलोमा तासु ।

कयोतरोमा तासु अनु. तुंबरु साथी जासु ॥१९॥

छं०—अनु के अंधक दुंदुभी तहां, दरिद्रोत के पुनर्वसू सुतहै ॥२०॥
 तिसके आहुक आहुकी सुता, देवक उग्रसेनहु अद्भुत है ॥२१॥
 उपदेव सुदेव औ देवान, देवहु वर्धन औ भगनी सात ।
 धृत देवा देवरक्षिता श्री, देवा उपदेवा है बिख्यात ॥२२॥
 सह देवा देवरक्षिता औ, देवकी सवै बसुदेव लही ॥२३॥
 भे उग्रसेन के कंस कंक, न्यग्रोध सुनाम औ शंकु सही ।

* नवम स्कंधे तुर्चविंशोऽध्यायः *

[२२३]

सुहू राष्ट्रपाल औ तुष्टिमान, सुत सृष्टि शूरभू सुता भई ॥२४॥
 कंसा कंका औ कंसवती, औ राष्ट्रपालिका नाम लई ॥२५॥

दो०—सब व्याही बसुदेव के, भाई की है नारि।

शूर विदूरथ के भये, कुल भजमान बिचारि ॥२६॥

छं०—शिनि तहां पुत्र हैं स्वयंभोज, तहां हृदीक तीन पुत्र इसके।
 शतधनु कृतवर्मा देव वाहु, नृप शूर मारिषा तिय जिसके ॥२७॥
 तिसमें दश पुत्र पवित्र भये, बसुदेव देव भागहू गुनो ॥२८॥
 देव श्रव आनक सृजय हैं, श्यामक शमीक बृक बत्ससुना ॥
 सुत कंक, दंडुभी बजी स्वर्ग, आनक दंडुभि बसुदेव कहे ॥२९॥
 श्रुतदेवा पृथा औ श्रुतिकीर्ती, राजाधिदेवि श्रुतश्रवालहे ॥३०॥
 ये पांच बहिन नृप शूर मित्र, नृप कुंत पुत्र नहीं शोक बड़ा।
 नृप शूर को सुता पृथा दीनी, इससे कुंती भी नाम पड़ा ॥३१॥

दो०—दुर्वासा मुनि सेइ कै, प्रसन्न भे हरषाय।

विद्या सुर आवाहनी, दीनी ताहि बताय ॥३२॥

छं०—वह मंत्र परीक्षा लेने को, आवाहन सूरज का लीना।
 आयै लखि विस्मित जाहु देव, अपराध क्षमहु यह कह दीना ॥३३॥
 नहीं निःफल दर्शन है मेरा, रवि कहैं पुत्रदो दोष न हो ॥३४॥
 लै गर्भ शीघ्र ही पुत्र भया, तज दिया नदी में जात बहो ॥३५॥
 पांडू ने बिवाहा कुंती को, श्रुत देवा कारुणहि व्याही ॥३६॥
 ऋषि शापसे विजय हिरण्याक्षहु, अब दंत वक्रभा उत्साही ॥३७॥
 श्रुति कीर्ति धृष्टकेतू व्याही, संतर्दन आदि पुत्र पाये।
 राजाधि देवि जय सेन लई, विद्वानुविद दो सुत जाये ॥३८॥

[२२४] * श्रीमद्भागवते भाषासरसकाव्यनिधौ *

दो०—श्रुतीश्रवा दम द्योषली, तहां भया शिशुपाल ॥३६॥
कंसा देव भागली, चित्र केतु (वृहत) बल बाल ॥४०॥

छं०—देव श्रव कंसवती व्याही, इषुमान सुवीर पुत्र इनके ।
कंका आनक से पुरु जितभे, औ सत्य जितहु भाई तिनके ॥४१॥
भै राष्ट्रपालि सृजय रानी, वृषदुर्मर्षण बहु सुत पाये ।
हरि केश हिरण्याक्षहु सुत दो, श्यामकहु शूर भूमी जाये ॥४२॥
तिय मिश्रकेशि बत्सक पाई, वृक आदिक सुत उपजाये हैं ।
दुर्वाक्षी में वृक भूपतक्ष, पुष्कर शालादिक पाये हैं ॥४३॥

दो०—शमीक भूप सुदामिनी, सुमित्र अर्जुनपाल ।
कंक कर्णिका मांहि ऋत, धाम जयहु दो बाल ॥४४॥

छं०—आनक दुंदुभि बसुदेव नारि, पौरवी रोहिणी भद्रा हैं ।
मदिरा रोचना इला सतवीं, देवकी है सुता सुभद्रा है ॥४५॥
वलगद सारण ध्रुव विपुल द्रुमद, बसुदेव रोहिणी उपजाये ॥४६॥
द्रुमद सुभद्र औ भद्रबाह, सुत भद्र पौरवी कहलाये ॥४७॥
उप नंद नंद औ कृतक शूर, मदिरा रानी के सुत गाये ।
भद्रा ने केशी एक पुत्र, बसुदेव प्राण पतिसे पाये ॥४८॥
रोचना में हस्तहेमांगदादि, अरु इला में यदु उर बल्कादि ॥४९॥
धृत देवा में विपृष्ठ सुतहै, शांतीदेवा श्रम प्रतिश्रुतादि ॥५०॥

दो०—उपदेवा में पुत्र दश, कल्प वर्षादि प्रमान ।
श्री देवा षट सुतलहे, बसु हंसादि कमान ॥५१॥

छं०—सुतदेव रक्षिता गदादि नव, सहदेवा में सुत आठ भये ॥५२॥

* नवम स्कंधे चतुर्विंशोऽध्यायः *

[२२५]

पुर विश्रुतादि जिमि धर्म वसू, देवकी में आठ पुत्र सुनिये । ५३।
 सुत कीर्तिमान सुषेण भद्रहु भद्रहूसेन ऋजु संमर्दन ।
 बलदेव शेष संकर्षण हैं, आठवें कृष्ण हरि कुलनंदन ॥५४॥
 भै वहिन सुभद्रा तव दादी, रोहिणी में यह जन्माई है ।
 हरिवंश में कथा साफ गाई, इस कारण यहां जनाई है ॥५५॥
 जब अधर्म वृद्धी धर्म हानि, पापी महि पर बढ़ जाते हैं ।
 भगवान स्वयं अवतार धारि, भक्तों रक्षाहित आते हैं ॥५६॥

दो०-जन्म कर्म का हेतु नहीं, ईश्वर रहित बिकार ।

माया से लीला करें, महिमा अपरंपार ॥५७॥

छं०-हरि माया से जग बनै पलै, नाशै हरि दया जो गति चाहै । ५८।
 चोहिनी पाल नृप रूप असुर, भूभार नाश हित उत्साहैं । ५९।
 नहीं कर्म गिन सकैं लोकपाल, बलदेव सहित हरि जो कीन्हे । ६०।
 कलि युगियों के हरैं पाप दोष, भक्तोंकी पुण्य बढ़ यश लीन्हे । ६१।
 यशविमल तीर्थजल श्रुतिअंजुलि, करिपियै कर्मवासनानशैं । ६२।
 मधुभोज वृष्णि अंधक दशार्ह, कुरुसंजय गावहिंजासुयशैं । ६३।
 मोहिनी दृष्टि, बाणी उदार माधुरी मूर्ति, जग मोहन कर । ६४।
 शिरक्रीट मकरकुंडलकपोल, लखि पलकलगै विधिपैरिसभर । ६५।
 पितृगृह प्रगटे ब्रजमांहि बढ़े, हनि शत्रु सबै लीला कारी ।
 निज बेद मार्ग से मख कराय, सब जनों में बेद प्रथा धारी । ६६।

दो०-कण्य भारत भार हरि, जग जय यश फैलाय ।

उद्धव जीको ज्ञान दै, स्वधाम पहुंचे जाय ॥६७॥

[२२६] * श्रीमद्भागवते भाषासरसकाव्यनिधौ *

भजन—कह्यो रवि शशि कुलको विस्तार ।

राम प्रगट भे सूर्य बंशमें, कीन्हे चरित अपार ॥

चंद्र वंशमें कृष्ण प्रगट भे, हरि लीना महिभार ।

एक से एक भूप दुइ कुलमें, बड़ा जासु परिवार ॥

काल कठिन बलवान जगत में, करि दीने सब द्वार ।

पढ़ि सुनिकै यश विमल सबहिंके, शिखा लीजै धार ॥

माधवराम स्वप्न सी दुनियां, हरिभजु बेड़ा पार ।

इतिश्री भा० भा० सरसकाव्यनिधौ नवमस्कंधेचतुर्विंशोऽध्यायः
समाप्तोऽयं नवम स्कन्धः ।



